

**JACOBI LOBBETII  
LEODIENSIS GLORIA  
SANCTORUM SIVE  
QUAESTIONES  
MORALES IN FESTA...**

---

Jacques Lobbet de Lanthin





M<sup>n</sup>



LEODIENSIS  
SOCIETAS THEOLOGICA  
GLORIA SANCTORUM  
QUESTIONES MORALES  
IN FESTA  
SANCTORUM TOTIUS ANNI.

Opus auctoritate et studio Leonardi Leodii presbiteri.

Opera Leonardi Leodii presbiteri.

1744.




LEODII.

SEMPER TYPOGRAPHICA JO. MATHEI.

AD PRAESIDIUM UNIVERSITATIS.

OPUSCULUM.

1744.





*Affertia Germania S. S.*

JACOBI LOBBETII  
LEODIENSIS  
SOCIETATIS IESU THEOLOGI  
GLORIA SANCTORUM  
SIVE  
QVÆSTIONES MORALES  
IN FESTA  
SANCTORUM TOTIUS ANNI,

Eorum maximè qui ab Ecclesia coluntur sub præcepto.

*Opus omnino novum, & Concionatoribus  
perutile.*



LEODII,  
EX OFFICINA TYPOGRAPHICA JO. MATHIÆ HOVII,  
Ad insigne Paradisi Terrestris. M. DC. LIX.

SVPERIORVM PERMISSV.

*Dom. Prof. Rom.*



JACOBI L. OBERLIN  
 SOCIETATIS RESE THEOLOGICAE  
 GLORIA SANCTORUM  
 QVAESTIONES MORALES  
 IN TESTA  
 SANCTORUM TOTUS ANNI



LEODII  
 EX OFFICINA TYPOGRAPHICA JO. MATTHEI MOYER  
 Ad indicem Parisiensi Translatum. M. DC. LXX.  
 IN PAPERIUM PERMISIT



GLORIA  
LEODIENSIS ECCLESIAE

PETITA

A SACRATIORE  
SVMMORVM PONTIFICVM  
MAJESTATE

A PURPURA,  
PILEOQUE CARDINALITIO,

A SERENISSIMIS, AUGUSTIS

IMPERATORVM,

REGVM,

DUCVM, COMITVM, BARONVM  
FILIIIS,

A SANCTITATE

EPISCOPORVM

PER SEPTEM PRIMA SÆCULA  
CONTINUATA SERIE.



CLORIA  
LEODINIS BOCCESSE

PETIT A  
A SACRATOR  
SVMMORVM TONTIFICVM  
MAJESTATE

A. P. R. E. N. A.  
P. I. E. T. O. N. E. C. A. R. D. I. N. A. L. I. T. I. O.  
S. E. T. I. M. I. S. S. I. M. I. S. A. U. G. U. S. T. I. N. I. S.  
I. M. P. E. R. A. T. O. R. U. M.

R. E. G. U. M.  
D. U. C. U. M. C. O. M. I. T. U. M. B. A. R. O. N. I. U. M.  
P. I. E. T. I. S.  
A. S. A. N. C. I. T. A. T. E.  
E. P. I. S. C. O. P. O. R. U. M.  
P. E. R. S. E. P. T. I. M. P. R. I. M. A. S. E. Q. U. A.  
C. O. N. T. I. N. U. A. T. A. S. E. R. I. E.



ILLUSTRISSIMIS  
REVERENDISSIMIS  
AC GENEROSIS  
DOMINIS

PAULO JOANNI BARONI A GROESBEECK,  
Præposito Ecclesiæ Cathedralis Leodiensis, Abbati Sæculari  
Dionantensis, Domino de Francwaret, &c.

FERDINANDO BARONI DE BOCHOLTZ,  
Decano Leodiensi, Vice-Domino Monasteriensi,  
Præposito S. Petri Leodiens.

PETRO ROSEN,  
Archidiacono Campinæ, Præposito S. Joannis, & Concilii Ordinarii  
Consiliario, Serenissimi Principis Cancellario.

ÆGIDIO FRANCISCO DE SURLLET,  
Archidiacono Ardennæ, & S. Bartholomæi Præposito.

FRANCISCO GUILHELMO BARONI A BOCHOLTZ,  
Archidiacono Brabantæ, & Thesaurario Hildesienfis  
Cathedralis.

HERMANNO DE STOCKHEM,  
Archidiacono Condrosii, & S. Martini Præposito.

LAURENTIO DE MEAN,  
Archidiacono Hannoniæ, Scholastico Leodiensi, Præposito  
Tungrensi.

CLAUDIO



CLAUDIO DE POICTIERS,  
Archidiacono Famennæ, Custodi Leodiensî. Serenis. Principis  
Confiliario.

NICOLAO BARONI DE LA PIERRE,  
Abbati Sæculari Cynacensî, & Vice-Præposito.

FRANCISCO A LOTHARINGIA,  
Episcopo Verdunensî, Præposito majori Colonienfî.

ARNOLDO DE MERODE DE WAROUX,  
cui nuper suffectus

EUGENIUS ALBERTUS DALLAMONT  
DE MALANDRY, BARO DE BUSY,  
nunc Episcopus Ruremundanus.

THEODORO PUYTLINCK,  
Præposito Masecensî.

ÆMILIO AB OULTREMONT, BARONI DE HAN,  
ET CHEVE' TOGN,  
Huenfî Præposito.

GASPARI DE MILLEN.

HENRICO DE BERLAYMONT.

ARNOLDO DE RAITZ A FRENTZ,  
Cathedralis Spirensis Thesaurario.

ARNOLDO HUNN AB HOENSBROUCK,  
Præposito Hildesemensi.

JOANNI LUDOVICO AB ELDEREN.

GUILBERTO DE WISSOCQ DE BOMY,  
Cantori Leodiensî.

JOANNI

JOANNI EDMUNDO AB OULTREMONT.

JOANNI AMANDO A LAPIDE,  
Abbati Sæculari Amanienſi.

ÆGIDIO SIMONIS,  
Præpoſito Sanctæ Crucis, & Officiali Leodienſi.

LAMBERTO EDMUNDO TABOLET.

FRANCISCO TABOLET.

JOANNI ERNESTO DE SURLET,  
Vicario Generali Leodienſi, Abbati Sæculari Viſetenſi.

DIONYSIO POTEſTAT,  
S. Dionyſii Præpoſito.

JOANNI ARNOLDO BARONI DE LERARDT,  
Concilii Ordinarii Conſiliario.

JOANNI DE STOCKHEM,  
Præpoſito S. Pauli.

LAMBERTO DE LIVERLO,  
Foffenſi Præpoſito, Sereniſſimi Principis Conſiliario.

RASONI DE SURLET.

GERARDO BARONI A GROESBEECK.

ARNOLDO PHILIPPO SELIS,  
Officiali Capituli.

RENATO FRANCISCO DE SLUZ,  
Sereniſſimi Principis Conſiliario.

FRANCISCO EGONI COMITI DE FURSTEMBERGH,  
Decano majori Colonienſi.

WALTHERO



WALTHERO LIVERLO.

JACOBO DE SCLESSIN,  
Vice-Decano.

GUILLIELMO A GUTSCHOVEN.

HENRICO DU MONT,  
Theologo.

FRIDERICO PRINCIPI CARDINALI HASSIÆ.

NICOLAO DE STOCKHEM.

GUILHIELMO HERMANNO AB ELDEREN.

ANTONIO HIERONYMO DOYEMBRUGGE  
DE DURAS.

JOANNI GERARDO COMITI DE MANDERSCHIEDT,  
BLANCKENHEIM, &c.

PETRO WOOT.

GUILHIELMO THEOBALDO MOTMANS,  
Præposito Inticensi.

THOMÆ FRANCISCO WOOT DETRIXHE.

ANDRÆ DE GERIN.

Nomina aliorum Canonicorum usque ad sexagesimum hic non  
recensentur, quia etsi illis de Canonicatu sit provisum,  
necdum tamen recepti sunt.

*E TENEBRIS*



TENEBRIS, altaq<sup>ue</sup> nocte,  
hoc est, è diurnâ lucubratione,  
serisq<sup>ue</sup> lucernis, in lucem solemq<sup>ue</sup>  
prodit Opusculum de GLORIA  
SANCTORUM: Vosq<sup>ue</sup> exo-  
riens aspicit Illustrissimi, Re-

verendissimi, ac Generosi Domini. Quos  
enim potius? Si Leodiensis Ecclesia cælum est, Vos in  
eo estis velut adnata illi sidera, veluti motrices Intel-  
ligentia. Sidera quidem, quæ lumen quaquaversum  
effundant, seu illud esse voles *Avita Nobilitatis*, seu  
*Doctrina clarioris*: nec enim isti cælo inseritur quis-  
quam, nisi qui ab hujus, illiusve luce sibi nomen fa-  
mamq<sup>ue</sup> fecerit. Intelligentia verò, quæ Legiacum  
orbem, & movent & rapiunt, quo scilicet movere &  
rapere docet vel ipsum è cæli regia Numen, felici sanè,  
& fortunato motu, raptuq<sup>ue</sup>, à quo Legia Roma-  
næ Ecclesiæ filia; hætenus constanter obtinuit,  
ut cum Matre sua quam optima, quam sanctissima,  
semper in fide ac Religione consentiret: Matre dico,  
Apostolica, Catholica, ac Romana Ecclesia, quæ à  
Leodiensi accepit non dico *Alumnos*, non *Filios*, non  
*Defensores* ( quod in magnis reponi debuit ) sed  
b Infultos



Pontifices  
VI è Divi  
Lamberti  
Collegio.

*Infultos Praefules ; sed Purpuratos Patres, sed Summos in Ecclesia Pontifices ( quod in primis recenserivolunt ) qui ex rationis placito , ex dignitatis ordine, ex Sacra Majestatis legibus omnia ( uti decet ) metiuntur.*

Anno 1077.  
Stephanus  
X.

*Certè in sanctiore illa , supremaq; in terris post Deum Majestate eminere visus est Stephanus, hujus nominis X. qui vitâ sanctus Beati nomen, decusq; obtinuit. Iuvat illius paulò fufius meminisse.*

M. Alfonsus  
Ciacconius  
in Vit. Pont.

*Fuit is Gothelonis Ducis Bulloniensis filius, ac deinde Archidiaconus Leodiensis , à Leone Nono Pontif. Max. ascitus in Bibliothecarium , & Cancellarium , tum etiam Constantinopolim emissus, ut eam Ecclesiam , qua à Romanâ jam defecerat , sibiq; principatum arroganter , & temerariè vindicaret , ad officium , debitamq; Romana Sedi obedientiam revocaret. Sed ô grande malum invidia , atque amulatio ! nec ad illum venire Patriarcha , nec Imperator ipse dignatus est. Quid hic Stephanus ? & sui & Pontificis, cujus vices agebat, non immemor, urbe excessit & Apostolico more, sacraq; licentiâ, sandalia, pulveremq; de pedibus in eos exussit. Quid deinde ? Illud sanè quod suspiciat, quod*



## DEDICATORIA.

*quod amet, quod commendet omnis atas. Et Patriarcha, & Imperator, & Clerus universus sacro involuti, & cinere tecti, ad eum perrexerunt, atque ad genua supplices advolui, Apostolicam in eo auctoritatem, ac majestatem sunt venerati. Tantum apud illos valuit vel Pontificii Legati invicta in adversis fortitudo, atque constantia, vel sacra officii, quod gerebat, veneratio, ac reverentia: quæ etiam vacua non abiit: sed plena, divesq; Imperatoris ipsius munificentia, donisq; sacratioribus quæ Sanctorum Petri, Pauliq; aris appenderet.*

*Ea Legatione perfunctus, aulâ Pontificiâ, mundiâq; pompis valere jussis, Cassini Monachi habitum induit; tum in ejusdem loci Abbatem ascitus, tum etiam in Collegium Cardinalitium adlectus à Victore Leonis in eadem Cathedrâ successore. Denique per vim ex hospitio, in quo benè latebat, in D. Petri Basilicam extractus, ipsâ D. Stephani sacrâ luce, quâ etiam Pontifex renuntiatus, Stephani X. nomen assumpsit, multaq; ac præclara ad commune Ecclesiæ bonum ordinavit, gessitque; admirandâ semper in malis fortitudine, atque constantiâ, quâ etiam Henricum Regem, Clerumque*

# EPISTOLA

*Mediolanensem Ecclesiam Romana rebellem fregit, victq̃, ad hoc usus opera, ac studio Petri Damiani, viri à doctrina, & sanctitate eò loci, ac temporis nominatissimi; & quem deinde ob insignia in Romanam sedem merita, Ostiensi Ecclesiam praeficiendum esse duxit.*

*Et hac Vrbi ab illo Pontifice beneficia, post qua, etiam Leodiensi Ecclesia sua quoque accessere, è quibus primum fuit Pars sanctissima Crucis, inusitatae magnitudinis: donum illustre, pretiosum, caelis amabile, verendum terris, tremendum inferis. Alterum fuit super humerale unionibus, ac gemmis à summo ad imum grave, contextumq̃, quo etiamnum inter sacra Missarum solemnities utuntur Episcopi Leodienses, vel ad decus, ornatumq̃, divini Sacrificii, vel ad memoriam, monumentumque tanti Pontificis, & quo, etiam (hoc ipso, quo hac scribimus anno) usus est Serenissimus Princeps MAXIMILIANVS HENRICVS, ipso Paschatis solempni die, non sine totius populi, Cleriq̃, approbatione, festivaque gratulatione, à quâ dum abeo, descendendo ad alios è D. Lamberti Collegio Pontifices, quos inter occurrit*  
*Nicolaus Secundus. Is in Pontificatu, quem*  
*tenuit*

Molanus in  
Natalib.  
SS. Belgii  
29. Martii.

Nicolaus II.  
Anno 1059.



# DEDICATORIA.

tenuit annos dumtaxat duos , menses sex ; multā  
 præclarè & ordinavit & gessit . Primum enim  
 Benedictum X. Antipapam tumultuariè in  
 Petri Cathedram evectum , & Vrbe , & Pontifi-  
 ciâ Sede extrusit . Deinde Laterni Concilium  
 Generale coëgit , in quo sancivit ut si quis aut pe-  
 cuniâ , aut gratiâ populari , aut armis , ac tumultu  
 Pontifex renuntiatus esset , is ab omnibus non  
 pro Apostolico , sed Apostatiko haberetur : Tum  
 etiam Berengarium hæresiarcham secundò erro-  
 ris damnatum palinodiam canere coëgit , & Viros  
 à pietate , doctisq; ingenii monumentis toto orbe  
 claros convocavit , qui calamum in Berengarii hæ-  
 resim refutandam expedirent , quod & factum  
 quam optimè . Denique Normandicum bellum ,  
 quo diu vexabatur Ecclesia , sedavit , atque ad  
 Urbem redux , Prænестinos , Tusculanos , Tiburti-  
 nos , & Nomentanos Ecclesia Romana rebelles in  
 deditionem accepit , & ditiones suas tutissimas  
 & pacatas reddidit , ac tandem in altâ pace  
 Florentia quievit , de Petri Sede & universali  
 Ecclesiâ benè meritus . hujus lemma fuit.

Fisen in  
 flor. Eccl.  
 Leod.  
 P.1. Paralip.

Aurea Roma.

b 3

Vrbanus

## EPISTOLA

Urbanus  
IV.

Anno 1261.

M. Alfonsus  
Ciaconius  
in Vit. Pont.

Urbanus IV. *Trecis in Campania Gallicâ*  
*natus, patre Sutore veteramentario, & dictus Iaco-*  
*bus Pantaleon, suo experimento docuit, quid ad*  
*ardua quaq; possit doctrina eximia virtuti conjuncta,*  
*& hac & illâ probè instructus, primo Curionis mu-*  
*nus, & Canonicatum in patriâ consecutus est: Dein-*  
*de ad Leodiensem Archidiaconatum emerfit, tum*  
*etiam Apostolicâ Legatione ritè functus Viridunensis*  
*Episcopus, & Patriarcha Ierosolymitanus declaratus,*  
*denique & Pontifex Max. dictusque est Urba-*  
*nus IV. Is festum venerabilis Sacramenti, quod*  
*in Diœcesi Leodiensi primò probarat, & quod dein-*  
*de duo Apostolici Legati, Hugo de S. Claro,*  
*& Petrus Cappocius Imperarant, & Colle-*  
*gium Martinianum, magnâ bonorum omnium ap-*  
*probatione ac voluptate, jam annis quatuordecim*  
*celebrarat, Episcopi Leodiensis, Henrici Gueldri*  
*rogatu, per totam Ecclesiam institui voluit. Et*  
*hac rerum ab Urbano gestarum, ut gloriosissima;*  
*ita & ultima, vix enim mense toto post datas ad*  
*Evam in D. Martini clausam, litteras, vitâ de-*  
*functus est Perusii, & in Principe S. Laurentii ba-*  
*silicâ sepultus, eò dignior tanto fastigio, quò ad illud*  
*humiliore*



# DEDICATORIA.

*humiliore prodierat loco : nulla quippe nisi egregia  
virtus eò pertingere potuisset. Generis humilitatem  
exprobranti , fertur aliquando respondisse. Non  
nasci magnos Viros : sed virtute fieri. di-  
gnum tanto Pontifice oraculum : cuius lemma hoc fuit  
Fac mecum Domine signum in bonum.*

*Gregorius X. dictus olim Theobaldus ,* Gregorius  
X.  
Anno 1271.  
*Placentia illustri Vice-comitum genere natus, Cano-  
nicus, & Archidiaconus Leodiensis , in Petri Cathe-  
dram hac viâ ascendit.*

*Diem obierat Clemens hujus nominis IV. cum  
de successore actum est , distracto in varias sententias  
Cardinalium Collegio , D. Bonaventura Minorum* Fisen in  
flor. Eccl.  
Leod.  
10. Jan.  
*tunc Generali Ministro , potestas facta est renun-  
tianti quem vellet Pontificem.*

*Sanctissimum Virum in omnem Ecclesiam oculos  
circumducentem detinuit eximia Theobaldi vir-  
tus, clarissimam sui spargens ex ipsâ Palestinâ lucem,  
quâ captus ipsum supremum Ecclesia Pontificem de-  
signavit , non sine Numine, cœlestique consilio, quod  
probarunt res ab illo præclarè gestæ.*

*Primum enim acre bellum Venetos inter & Ge-  
nuenses sopivit.*

*Deinde*

# EPISTOLA

*Deinde Concilium Lugdunense II. coëgit, & in eo salutaria Posteris monita reliquit.*

*Tum etiam Græcos ad Ecclesiæ unitatem adduxit.*

*Denique Aretii vivere terris desiit, & cælo cæpit miraculis à morte clarus, ut testatur in Aretinâ ade brevis commentarius miraculorum, quæ edidit. Ejus lemma hoc fuit.*

*Perfice gressus meos in semitis tuis.*

Clemens  
VI.

*Clemens VI. Is Parentem habuit Guilielmum Monstrium Rosæi Vici Dominum, & receptus ad societatem Monasticam S. Benedicti, Lutetiam ad studia missus, in quibus ( ut erat ingenio perspicaci ) in Philosophicis, Theologicis, ac Iurisprudentiâ ita profecit, ut nemo magis : ut non sine causâ eum literatissimum Pontificem appellarit Petrarcha. Inde illi honores obvenere amplissimi, qui ferè doctrinam, ac virtutem sequuntur, ut umbra corpus. Primum enim donatus est opulentissimo Basilii Prioratu apud Nemausum urbem.*

*Deinde in Abbatem Fiscanensem in Normandiâ electus.*

*Tum ad Insulam Arelatensem promotus, moxq; ad Senonensem, & Rothomagensem Archiepiscopatum evectus.*



# DEDICATORIA.

*erecſus. Tum etiam à Benedicſto XII. Cardinalis creatus titulo Faſciola.*

*Denique Pontificis Maximi culmen adeptus, Leo-*  
*dienſi Eccleſia, cujus fuerat alumnus, lumen quoque*  
*ſuum allaturus.*

Anno 1342.  
 Fiſen ſupra.

*Hadrianus VI. Vltimjeſti natus humili genere:*  
*Patrem habuit Florentium aulaorum textorem, pro-*  
*bum tamen, & frugi hominem, cui tam anguſta fuit*  
*res familiaris, ut filium (cateroquin ad litteras ſuoptè*  
*genio propendentem) alere non poſſet. Miſſus itaque*  
*Lovanium in hac Diœceſi futura magnitudinis fun-*  
*damentum jecit. Obtinuit primum ut gratuito ale-*  
*retur in Porci Padagogio; tum incredibili vita inte-*  
*gritate ac continentia, ſe totum liberalibus diſciplinis*  
*ita deditit, ut brevi tempore inter Dialecſticos, Phi-*  
*loſophos, Mathematicos, ac Theologos facile Prin-*  
*ceps haberetur, & eſſet. & hic primus ad ardua*  
*gradus doctrinâ comite; alter, iſq, faciliior à virtute*  
*duce, cui patent, & aperiuntur maxima, & altiſſi-*  
*ma quævis, ad quæ his gradibus evaſit Hadrianus.*

Hadrianus  
 VI.

*Primum enim à Margaretâ Caſaris Maximi-*  
*liani I. filiâ (qua tum Belgis imperabat) opimo Sa-*  
*cerdotio in Hollandiâ donatus; videlicet Præpoſitura*

# EPISTOLA

*S. Salvatoris Ultrajecti. Deinde Lovanii in summo templo Decanus omnium Collegarum suffragiis renuntiatus. Tum etiam Academia illius celeberrima Vicecancellarius. Tum Carolo V. adhuc septenni Praceptor datus. Tum in Hispaniam ad Ferdinandum Regem missus, cum amplissimo Legationis munere, apud quem eâ valuit gratiâ, ut Derthusensi mox Episcopatu ditatus sit. Tum commendante Maximiliano Casare à Leone hujus nominis X. in Cardinalium Collegium cooptatus sit, & à Carolo V. ex Hispaniâ ad capefcendum Imperium abeunte, totius Hispania Prorex declaratus.*

*Denique Leone X. vitâ functo, à quadraginta Cardinalibus, qui Conclavi intererant, ipse, etiam absens, triginta novem suffragiis in Pontificem electus est, summumq; quod inter mortales est, attigit uti dixi, doctrinâ comite, virtute duce, & hac*

*Anno 1521. & illâ Romanam Ecclesiam Pontifex illustravit; Vti prius Leodiensem, Canonicus, ac Famenna Archidiaconus, ut scitè annotavit Perillustis, ac Generosus Dominus, D. Guibertus de VVissocq de Bomy Canonicus & Cantor Leodiensis in opere sanè nobili quod meditatur, & posteris parat ad commune bonum,*



# DEDICATORIA.

*bonum, & Ecclesia sua decus, atque ornamentum. Conditus est Hadrianus temporario primum monumento in S. Petri, inter duos Pios. II. III. inscripto hoc elogio.*

Hadrianus VI. hic situs est. qui nihil sibi infelicius in vitâ, quam quod imperasset, duxit. *Qua profectò magna virtutis commendatio est. In templum deinde S. Mariae Germanorum ad arcum flaminium translatus est, & depositus in sepulchro marmoreo, figuris & imaginibus bellè ornato Hadriani virtutes exprimentibus. Et hoc quidem sumptu Guilielmi Enkevortii Archidiaconi Leodiensis, quem unicum creavit Cardinalem anno secundo, & ultimo sui Pontificatus. dignus profectò longiore vitâ, regnoq; propter eximia virtutum decora; inter quæ enituit illud quod suis aut omninò nulla, aut exigua beneficia contulerit, in externos propensior, quam in domesticos, quod crederet, diceresq; sanguini aut parum, aut nihil dandum: virtuti plurimum, imò & totum, cujus continentia argumentum sit illud. Adhuc Cardinalis nepoti suo beneficium dederat aureorum septuaginta: rogatus ut aliud pinguius concederet, induci nunquam potuit,*

M. Alfonso  
Ciaconius  
in Vit. Pont.

## EPISTOLA

*adjiciens illud dignum cedro. Cupere se homines beneficiis dare ; non beneficia hominibus. Quod oraculum magni Pontificis si audirent Antistites omnes , non ea foret in consanguineos , & immeritos beneficiorum profusio , sub quâ sapè sapius gemit Ecclesia. Sed ne longius : ad te redeo mea Legia ; imo ad Vos Illustrissimi Domini : spectastis è sinu , gremioq, Vestro datos Vrbi, imo & Orbi tot Pontifices ( quod summum in terris videri potuit ) spectate modo quod majus, quod altius etiam cœli calculo.*

*Erit is S. Conradus frater Comitis de Sena, Comes Friburgensis, & Furstembergensis, de quo pluribus infra. Is è Leodiensi Canonico factus est primò Villariensis Monachus, tum etiam Abbas, ac postea Clarevallensis, tum Cisterciensis, denique etiam Cardinalis, qui summum Pontificatum sibi jam deferendum egregiâ animi magnitudine declinavit, hoc major, hoc dignior quam si adivisset, majus enim est Tiam Pontificiam abjecisse, quam aliquando induisse.*

*Et hac fuit animi celsitudo, ad quam sese extulit educata in Sancti Lamberti Collegio virtus : Hac*  
( ut



# DEDICATORIA.

(ut jam ostendi) eluxit in Petri Sede, etiam solis in-  
star; attendamus qui etiam in purpurâ, pileoq; Car-  
dinalitio: hoc è Collegio Vestro ornati quampturimi,  
in Ecclesia cælo, ceu minora quadam sidera, præluxerunt:  
inter quos primus Fredericus Bullionius  
Godefridi Gibbosi, Lothariensis Ducis Patruus, qui  
ex Archidiacono Leodiensi primum Cassinensis Ab-  
bas, tum etiam Romana Ecclesiæ Cardinalis, titulo  
S. Chrysogoni, creatus à Victore II. Pontif.  
Max.

Cardinales  
41. è Divi  
Lamberti  
Collegio.

Anno 1057.  
Fiten in  
Hor. Eccl.  
Leod.  
Paralip. P.1.

Hunc toto fermè saculo secutus est Gerardus  
Lobienſis primò Scholasticus, Canonicusq; : tum  
etiam Leodiensis, & ipso in supremum hunc Ecclesiæ  
Senatum adlectus, & Sedis Apostolicæ Leodii Lega-  
tus, ubi & Synodum habuit.

Anno 1139.

Hunc proximè secutus est S. Albertus, ex Illu-  
strissimâ Lovaniensium Principum stirpe, in S. Lam-  
berti Collegium ascitus, & Kempinia Archidiaconus,  
tum etiam Leodiensis Episcopus, denique S. Ro-  
mana Ecclesiæ Cardinalis à Cœlestino III. Pont.  
Max. cujus etiam manu inauguratus est Diaconus,  
& Pontificiis Diplomatis instructus, tum Rhemis  
Sacerdos, & Episcopus consecratus, inibi primum ad

Ex M. S. P.  
Fiten rom. 2  
Hist. Leod.

Anno 1192.

# EPISTOLA

*aras fecit, & à sicariis ibidem in causâ Ecclesiastica libertatis occisus, vitâ & miraculis clarus.*

*Eandem cum illo dignitatem consecutus est Simon Limburgius ipsi Alberto cognatione propinquus.*

*S. Conradus Comes Friburgensis, & Furstembergensis, Episcopus de Loffana, Sedis Apostolica Legatus, primò Coloniam missus tempore S. Engelberti, Archiepiscopi, & Electoris Coloniensis, deinde gloriosi Martyris: secundò ad duos Reges potentissimos, Philippum Francia, & Henricum Anglia, bellis inter se dissidentes. Fuit & Canonicus Leodiensis: denique ab Honorio III. creatus Episcopus, & Cardinalis Portuensis, titulo S. Rufina.*

Anno 1209.

*Futuram illius magnitudinem, cum adhuc Villarii in tyrocinio versaretur, ostendit Deus B. Simoni Alnensi, qui aurâ redimitum coronâ videre visus est. Quâ enim potius? Est aurum symbolum amoris, accensaq; in Deum caritatis: est corona symbolum eternitatis, cujus erat candidatus; & cujus gratiâ contemptis mundi pompis in monastica vita latebras olim abdiderat sese; & hoc quidem (ut verbulo insinuari) cæli unius, Deiq; amore, qui etiam foras erupit:*

Visen in  
eius Vit.  
30 Sept.



# DEDICATORIA.

erupit : quis enim celaverit ignem ? Quis & amorem, qui & ipse ignis est ? certè nec illum celare potuit Vir sanctus, de quo illustre istud, & à saculis inauditum, quod illi digiti, quibus sacrosanctam hostiam sub Sacrificium attrectari fas est, & lucere, & ardere visi & legenti etiam intempestâ nocte facem præferre. Nec mirum cum etiam illi à cœlesti luce, atque ardore, & luceret, & arderet animus. Quod Illustrissima familia Furstembergica summo est honori, & gloria, ut qua terris, & Romana Curia dederit Purpuratum Patrem ; & cœlis etiam sanctum, suorum in illis Tutelarem, ac Patronum.

Bertrandus Leodiensis Præpositus, & Anno 1325.  
S. Agatha Cardinalis, creatus sub annum millesimum trecentiesimum vigesimum quintum.

Alius ignoto nobis nomine etiam Præpositus Leod. Anno 1335.  
eandem purpuram adeptus est anno ejusdem sæculi trigesimo quinto.

Bertrandus Leodiensis Decanus eidem Emi- Anno 1337.  
nētissimo Collegio adscriptus: titulo S. Mariæ de Aquiro, anno ejusdem sæculi trigesimo septimo. Ejusdem sa- Anno 1344.  
culi anno quadregesimo quarto, Præpositi Leodiensis munus adiit Bertrandus de Docio Cardinalis.  
Ioannes

1364.

Ioannes Blancartius *Decanus Leodiensis*,  
 & ipse purpurâ donatus.

1375.

Simon, SS. Ioannis & Pauli *Cardinalis*,  
*Archiepiscopus Mediolanensis* & *Præpositus Leo-*  
*diensis*, qui *Roma* diem suum obiit.

1375.

Guilielmus Agrifolius, *Brabantia Archi-*  
*diaconus*, *S. Stephani in Cælio Monte Cardinalis*  
 eodem ipso anno.

1387.

Ioannes Ægidius, titulo SS. *Cosma & Da-*  
*miani*, vulgo dictus *Cardinalis Leodiensis*, quod  
 huius *Ecclesiæ Præpositus* esset. *Sepulchrum* ejus etiam  
 hodie visitur propter aram SS. *Cosma & Damiani*  
 in *S. Lamberti Basilicâ*, eo loco, quem olim suo san-  
 guine imbuït, & sacravit invictus *Christi Martyr*.

In eadem dignitate Collegas illo ipso tempore qua-  
 ternos habuit ex eodem Clero *Archidiaconos*, *Bra-*  
*bantiæ*, *Campiniæ*, *Condrusii*, & *Fa-*  
*mennæ*, quorum nomina nobis invidit antiquitas,  
 & fortè illorum temporum injuria, aut scriptorum  
 incuria.

Anno 1424.

Julianus de Cæsarinis, gente *Romanus*,  
*Leodiensis Ecclesiæ Canonicus*, & *Hasbania Archi-*  
*diaconus* à Martino huius nominis quinto in  
*Cardinalium*



# DEDICATORIA.

*Cardinalium Collegium adlectus titulo S. Angeli. Is ad reprimendam effrenem Hussitarum in Bohemiâ licentiam, & Martini V. & Sigismundi imperio, primum Basileæ æcumenicam Synodum convocare jussus, tum etiam, cum ex Pontificis voto ea non successisset, sacrum bellum in Hussitas Christiano populo denuntiare, quod & fecit eo successu, ut florentissimas è tota Germania copias collegerit, in quibus equitum ad quinquaginta millia; peditum tamen minor numerus.*

*Ejusdem honoris paulò post particeps fuit ejus Collega, & Archidiaconus, Nicolaus Cusanus, creatus S. Petri ad vincula Cardinalis.*

*Fridericus Cluniacensis, Canonicus Leo-* Anno 1470.  
*diensis, Doctor utriusq; Juris, nobili genere procrea-* Ex Opere  
*tus, Præpositus S. Bartholomæi Bethuniæ, Caroli* Perill.  
*Burgundiæ Ducis Consiliarius, tum Episcopus Tor-* D. Wisocq.  
*nacensis, ac deinde Præbyter Cardinalis titulo*  
*S. Vitalis.*

*Ioannes Iacobus, titulo S. Stephani in Cælio* Anno 1485.  
*Monte, Præbyter Cardinalis, Leodiensis Præpositus*  
*nominatus.*

*Eodem anno alius Ioannes nomine, & ipse*  
*d Cardinalis*

# EPISTOLA

*Cardinalis titulo S. Prisca, & Canonicus Leodiensis.*

Anno 1503.

*Iulianus de Cælarinis, alterius Casarini ex fratre nepos, & Baro Romanus, ex vetusta, ac prapotentia Casarinorum familia, S. Romana Ecclesia Cardinalis, titulo SS. Sergii & Bacchii, Brabantia Archidiaconus.*

Anno 1504.

*Bernardus, Prasbyter Cardinalis, titulo S. Crucis in Ierusalem; & Leodiensis Ecclesia Præpositus nominatus.*

Anno 1508.

*Reverendissimus in Christo Pater, ac Dominus, D. Fatius, & ipse Prasbyter Cardinalis, titulo S. Sabina, Leodiensis Ecclesia Canonicus.*

Anno 1509.

*Ioannes Antonius, quem Alphonfus Ciacinius cognomine vult esse de S. Georgio, Placentinus, Episcopus Mediolanensis, Patriarcha Hierosolymitanus, dein Episcopus Albanus, Pranestinus & Sabinus, tum etiam Cardinalis, titulo SS. Nerei & Achillei, & ipse Canonicus Leodiensis, quod beneficium ab Alexandro VI. Pont. Max. obtinuerat.*

Anno 1521.

*Antonius de Monte S. Sabini, Clementis VII. Patruus, Archiepiscopus Sipontinus, Episcopus Portuensis, Albanus, Tusculanus, Pranestinus,*

*&*



## D E D I C A T O R I A.

*Et Camera Apostolica Generalis Auditor, ob eximiam in rebus gerendis fidem, Et linguarum peritiam, ac facundiam, creatus Cardinalis, titulo S. Vitalis, prius Canonicus Leodiensis, Et Brabantie Archidiaconus.*

*Erardus à Marka nominatus à Leone X.* Anno 1521.  
*Cardinalis, titulo S. Chrysogoni, Et suo sanè merito, Et publico bono, quod etiamnum loquuntur, ac probant erecta ab illo posteris monumenta; à quibus aurea propè Leodii secula. Fuit Archiepiscopus Valentinus, Episcopus Et Princeps Leodiensis, Et Legatus à latere Papæ Clementis VII.*

*Guilielmus Enkevortius, Patriâ Traje-* Anno 1525.  
*ctensis, Famenna Archidiaconus, primum Episcopus Dortusensis, dein etiam Archiepiscopus Ultrajectensis, denique ab Hadriano VI. factus Cardinalis, titulo SS. Ioannis Et Pauli.*

*Hieronymus Alexander de Lamoto, Cenetensis Diœcesis, Foroliviensis Archiepiscopus, Brundusinus, Et Prasbyter Cardinalis, titulo S. Chrysogoni, quo prius etiam audiit Cardinalis à Marka, cujus hic aliquando Leodii Consiliarius. Vir omnino magnus, Et Purpurâ dignus, qui primum missus in*

# EPISTOLA

*Germaniam à Leone X. Pont. Max. tum etiam ad  
Carolus V. Imperatorem ut quâ linguâ, quâ ferro  
exurgentem Lutheri hæresim aut reprimeret, aut ex-  
scinderet. Receptus hic Leodii Canonicus anno 1515.  
Romæ obiit Kalendis Februarii anno 1542. sepul-  
tusq; est in suo titulo.*

Anno 1524.

*Petrus Cardinalis titulo S. Eusebie, Canonica-  
tum Leodiensem, quo gaudebat, resignavit.*

*Mathæus, Prasbyter Cardinalis, titulo S. An-  
geli, & ipse donatus Canonatu Leodiensi, quem &  
dimisit: Vti & alius item Cardinalis titulo S. Cle-  
mentis.*

Anno 1559.

*Vitellius, vel, ut alii, Vitellotius, S. Roma-  
na Ecclesia Diaconus Cardinalis, Leodiensis Cano-  
nicus, factus per obitum Illustrissimi & Reveren-  
dissimi Antonii Archiepiscopi Coloniensis, & Leo-  
diensis Canonici.*

Anno 1560.

*Alexander Farnesius, S. Romana Ecclesia  
Cardinalis, & Canonicus Leodiensis.*

Anno 1561.

*Antonius Perenottus Granuellanus,  
natione Burgundus, Canonicus Leodiensis, deinde  
Episcopus Atrebatensis, tum Archiepiscopus Me-  
chliniensis, denique S. Romana Ecclesia Cardinalis,  
titulo*



# DEDICATORIA:

*titulo S. Mariae trans Tiberim creatus à Pio IV. Pont. Max. cujus hoc fuit lemma, & solemne effatum. Si mei non fuerint dominati, tunc immaculatus ero.*

Gerardus Groesbeckanus, natus in ditione Leodiensi, ex Illustrissima Baronum Groesbeckanorum familia, vir singulari morum humanitate, perspicaciâ ingenii, judicii gravitate, magnitudinēq; animi spectabilis: Primò Canonicus, deinde Decanus, tum etiam Episcopus & Princeps Leodensis, denique creatus S. Romanae Ecclesiae Cardinalis à Anno 1578. Gregorio XIII. ne tantis ejus in Ecclesiam universam meritis præcipuus illi deesset honos, quem tamen pro ingentia modestiâ, non tam sibi, quàm Ecclesiae Leodiensi delatum, affirmare solitus. Plurimum illi debet minima IESV Societas, hanc enim & Leodium evocavit ipse, & pluribus annis aluit è suo; ac tandem assignatâ domo, etiam amplis redditibus auxit, quod beneficium & ipsi, & Illustrissimae ejus familia debebit posteritas omnis.

Philippus Serenissimi Ducis Bavariae filius, Anno 1597. Episcopus Ratisbonensis, S. Romanae Ecclesiae Cardinalis, & Canonicus Leodiensis, per cujus obitum de  
d 3 Prabenda

*Prabendâ S. Lamberti primò provisum est Sere-  
nissimo Ferdinando, tum temporis Coadjutori  
Coloniensi & Stabulensi.*

*Eugenius Mauritius, Princeps Sabaudia,  
Leodiensis Canonicus, & S. Romana Ecclesiæ Car-  
dinalis.*

*Franciscus à Lotharingia, Ducis Lotha-  
ringiæ frater, & ipse Canonicus Leodiensis, & Car-  
dinalis.*

*Fridericus Princeps, & Cardinalis Hassia,  
Leodiensis Canonicus, quem Deus Ecclesiæ diu sospi-  
tem velit.*

*His annumerare possem Guidonem Hanno-  
nium Archidiaconum Leodiensem, & Thesaur-  
arium, postea Episcopum Vlmajectensem, qui oblatam  
Cardinalis dignitatem constanter recusavit, illi se  
imparem esse professus.*

*Theodoricum Hesium, qui cum Ha-  
driano VI. fuisset à confessionibus, Leodii vitam  
privatam ad S. Lamberti, Purpura prætulit, etiam  
hoc uno, uti & ille, omni purpurâ ornator.*

*Ab eminenti illâ dignitate Cardinalitiâ longius  
abire posset oratio, atque in Insulâ, Padoq; spectare,*



## DEDICATORIA.

*ac venenari Episcopos, Archiepiscopos, Patriarchas, aliosq; Illustrum Ecclesiarum Prasules, qui è Divi Lamberti Collegio, velut è communi quodam Prælatorum Seminario, sunt evocati. Verum illos præterire cogor, ne longior sim quam patiantur Epistola Dicatoria leges. Verum, ut eos in præsentia taceam: at Vos præterire nec debeo, nec etiam possum Serenissimi Principes Erneste, Ferdinande, Maximiliane Henrice, quos Serenissima, Augustaq; Domus Bavarica Legæ dedit, ceu Augustam in terra Principum Triadem, sub cujus auspiciis uno propè sæculo viximus, & porrò vivemus in altâ pace, vivemus, inquam, Deo, ac Religioni, vivemus & cælo, ac beata (uti confidimus) æternitati. Vbi in Avitâ fide, id est Bavaricâ, constanter vixerimus. Hac spe, & expectatione dum nos ipsos lætamus, recreamusq; ad Vos revertimur Illustrissimi Domini, ut attendamus qui de Vobis à suorum Majorum fumosis imaginibus, nobiliq; stemmate conspicui magis: in quibus tamen (ne in immensum excurrat oratio) etiam erit quibusdam limitibus coarctanda; & quidem ad unicum annum, ex quo de aliis facilior conjectura.*

# EPISTOLA

Ex Tabula-  
rio S. Lam-  
berti.

*Is porro erit à Christo nato millesimus, centesimus, trigessimus primus, in quo sub Alexandro I. Leodiensi Episcopo, in unâ D. Lamberti Ecclesiâ recensiti tam Imperatorum, quàm Regum filii novem; Ducum autem quatuordecim: Comitum verò triginta; Baronum denique septem.*

Uno, & eo-  
dem Anno  
è D. Lam-  
berti Colle-  
gio Impera-  
toris filii 2.

*Iuvat singulorum meminisse, & stylo notare illustria terris nomina, in quibus cateris eminent*

*Lotharii Imperatoris filii duo. Anselmus, Canonicus & Condrusiorum Archidiaconus, & Lotharius, Canonicus & Prapositus Leodiensis.*

Regum filii  
3.

*Hos proximè sequuntur Regum filii septem.*

*Theobaldus, Canonicus, & Archidiaconus Ardenna, Regis Hungaria filius.*

*Ogerus, Canonicus, & Famenna Archidiaconus, Regis Dania filius, ac deinde ejusdem in amplissimo regno successor.*

*Godefridus, Canonicus & Archidiaconus Brabantia, & ipse Regis Dania filius.*

*Guido, Canonicus & Archidiaconus Hasbania, Regis Bohemia filius.*

*Philippus, Canonicus & Archidiaconus Hannonia, Regis Francie filius.*

*Ioannes,*



## DEDICATORIA:

Ioannes, & ipse *Canonicus & Archidiaconus*  
*Campiniæ*, & Guido illius frater etiam *Canonicus*,  
*Regis Navarræ filii*: & hæc *Ecclesiæ Leodiensis ab*  
*Imperatorum, Regumq; filiis, regia, augustaq; Maje-*  
*stas, cui supp̄ar ea, quæ fuit à Ducum filiis*: è quibus

Dux *Bavariæ* duos habuit, *Bertrandum*  
*Canonicum, & Abbatem Thudinensem, & Hai-*  
*monem Canonicum, & Abbatem Messensem.*

Dux *Saxonie* unum, *Guilielmum, Cano-*  
*nicum, & Cantorem.*

Dux *Sueviæ* etiam unum, *Conrardum* Filii Du-  
cum 14.  
*nomine, Canonicum & Præpositum Huensem.*

Dux *Ardennæ*, *Guidonem, Decanum*  
*Leodiensem, & S. Theol. Doctorem.*

Dux *Lotharingiæ* duos, *Carolus &*  
*Guidonem, illum Custodem: hunc verò Schola-*  
*sticum.*

Dux *Austriæ* unum, *Franconem nomine,*  
*Canonicum & Abbatem Sæcularem Mechliniensem.*

Dux *Normandiæ*, *Collardum, Canoni-*  
*cum & Abbatem Eyckensem.*

Dux *Burgundiæ*, tres *Canonicos, & simul*  
*legum Doctores ( ut ad sanguinem, Ducumq; illustre*  
*e stemma,*

*stemma, accederet etiam doctrina lux aurea*) Carolum quidem Prapositum S. Dionysii. Petrum, Prapositum S. Petri, & Hugonem Prapositum S. Bartholomai.

Denique Dux Vituriæ duos, eidem Ecclesie dedit filios. Ludovicum, Abbatem Amaniensem, & Baretum Abbatem Cellensem. Et hac à Ducibus gloria, atque commendatio, cui deinde secunda à filiis Comitum, quos inter

Comitum  
filii 30.

Comes Lovaniensis unum habuit, Godofridum, Canonicum.

Comes de Monhault, Seguivum, etiam Canonicum.

Comes Hannoniæ duos omnino filios, Simonem, Abbatem Cinacensem, & Balduinum, Canonicum.

Comes Loffensis, Raynaldum, Canonicum & Prapositum Fossensem.

Comes Sabaudia, Guidonem, Abbatem B. Mariae Namurcensis.

Comes Geldria, Alberonem, S. Martini Prapositum, ac deinde etiam Leodiensem Episcopum.

Comes



DEDICATORIA.

Comes Flandriæ, Notgerum, *S. Ioannis Evangelistæ Præpositum.*

Comes de Heyna *filios duos*, Petrum, *Præpositum S. Pauli, & Ogerum, S. Crucis.*

Comes Vianæ *in Ardennâ*, Rogerum, *Canonicum.*

Comes de Claro Monte, Arnoldum, *Abbatem Nostræ Domine, Dionanti.*

Comes Namurcensis *filios etiam duos*, Henricum & Albertum, *Canonicos.*

Comes de Monte Acuto, *etiam filios duos*, Wilhelmum & Falcarium, *illum Abbatem Nostræ Domine Tungrensis, & hunc B. Mariæ Trajectensis.*

Comes Luxemburgensis, Henricum, *primò Leodii Præpositum, dein Episcopum.*

Comes Rupefortensis, *tres omnino filios*, Ogerum, Fredericum, & Rolandum, *Canonicos.*

Comes Bononiensis, Petrum, *Canonicum.*

Comes de Tresche, *tres pariter filios*,  
e 2 Paulum,

# EPISTOLA

Paulum, Laurentium, & Rolandum,  
*Canonicos.*

Comes Provinciæ, duos, Ludovicum  
& Guidonem, *Canonicos.*

Comes Montensis, tres etiam filios, Ioan-  
nem, Arnoldum, & Erardum, *Canonicos.*

Comes Iuliacensis, filium unum, cui nomen  
Wilhelmus.

*Et hac longior Comitum series. à quâ D. Lam-  
berti Capitulo sua laus, suumq; decus, cui etiam suum  
accessit à filiis Baronum numero septem. quos inter*

Baronum  
filii 7.

Boynus de Wahania, *Canonicus.*

Sebastianus de Harstallio, *Decretorum  
Doctor.*

Rodolphus & Godefridus de Pratis,  
*S. T. Doctores.*

Theodoricus de Morialme, *S. T. Doctor.*

Ingherandus de Fleron, *Legum Doctor.*

Butbacijs de Acutia, *Canonicus*, & ipse  
*probata Nobilitatis.*

*Et hi sunt quos unus, idemq; tulit annus, deditq;  
Ecclesiæ Leodiensi, seu alumnos, seu etiam filios, à  
quibus accepit decus æviternum. Hic stylum è  
membranâ*



# DEDICATORIA.

membranâ subducere parabam, cum tacitè moneri me  
 sensi, ut à Sanctis Præsulibus ( sive tuis, ô Legia, sive  
 tuis, ô Tungri, ut antiqua; sic & nobilissima quon-  
 dam Civitas ) præcipuum à vita laudis peterem argu-  
 mentum. Præcipuum, inquam, & omnino Princeps, Episcopi se-  
ptem primis  
sæculis  
Sancti  
omnes.  
 utpote à virtute, insigniq; vita sanctimoniâ, à quâ  
 vera & ferè unica nobilitas, unica certè cælo iudice,  
 licet enim terra hæc quam terimus, pusilliq; in eâ mor-  
 tales, à sanguine & natalibus sibi nomen decusq; pa-  
 riant : at non sic cælum, non sic superi, veraq; nobili-  
 tatis Iudex atque arbiter Deus : ducit ille hanc à vir-  
 tute, quæ illi sola nobilitas : ducamus ergo & ipsi ; &  
 Ecclesia Leodiensi immortale apud Superos nomen  
 vel ex hoc etiam astruamus.

Dicam profectò, & ex vero quidem, datum  
 Ecclesiæ Leodiensi, quod nulli fortè hætenus, annuen-  
 te cælo concessum est ; videlicet septem primis sæcu-  
 lis Episcopos ad unum omnes, & vitæ, morumq; san-  
 ctitate florentes, & simul etiam Divorum catalogo  
 adscriptos, probante Romanâ atque universali Ec-  
 clesia, quæ Legia, seu primogenita filia, decus illud  
 addidit, atque ornamentum, de quo certò constat  
 tam ex antiquorum scriptorum quàm recentiorum

# EPISTOLA

*fide. Ex his Bartholomæus Fisen in Floribus Ecclesiæ Leodiensis Paralipomenon parte prima, capite primo. Ioannes Erardus Fullonius in Compendio Historiæ Leodiensis. Quibus hic addere visum est, quæ collegi ex Episcoporum Tungrensium antiquiore Manuscripto, quod mihi in manus dedit Adm. R. ac Peril. D. Laurentius de Mean, Archidiaconus Hannoniæ, Scholasticus Leodiensis, & Tungrensis Præpositus. Chronologiæ studiosi fortè inde lucem aliquam haurient, fortè etiam contentions argumentum, cui tamen implicari me nolim: reddo enim eadem fide, quâ accipio.*

*Igitur ut ad rem propius accedamus. Tungrensis, sive Leodiensis Ecclesiæ.*

I.

*Sæculo  
Christiano.*

*P. Canisius  
in Martyro-  
logio.*

*Primo sæculo D. Maternum Præsulem habuit. At qualem, & quantum Virum? si genus & sanguinem spectes, est qui credat fuisse filium viduæ Naim, quem Christus, Servator Optimus in ipsa Civitatis porta (è qua scilicet efferebatur ad tumulum) & vitæ reddidit, & matri quam mæstissima. Sit penes authorem fides, ego in re obscura, nihil astruo: hoc affirmo quod extra litem est.*

*Harigerus  
in S. Materno.*

*Cum rei Christianæ arcem Roma constituisset  
B. Petrus,*



# DEDICATORIA.

B. Petrus, quaquaversum ex ea dimittebat selectos sacri belli duces, quos inter tergeminos heroes, Eucharium Episcopum, Valerium Diaconum, & Maternum Hypodiaconum ad Treviros, & omnem Germaniam inferiorem emisit, sub annum à Virginis partu quinquagesimum secundum. Consecerant jam iter non modicum, cum Maternum, magna spei adolescentem, Elegiæ ( oppidulum est in Vangionibus ) corripuit febris ardens, & vivis eripuit. Mortuum Socii terra mandarunt, & sive illius morte consternati, sive aliâ de causâ, Romam ad Petrum redierunt. Hic eos benigne solatus, ad prius propositum redire iussit, erexitq; cœlestis auxilii fiduciâ, scipionemq; illis tradidit, quem ubi de mortui corpori superposuissent, sperarent illius oraculo fidem futuram, qui cum quatrIduanum Lazarum ad vitam revocaverit, dixit. Qui credit in me, Joan. c. 14.  
v. 12. opera, quæ ego facio & ipse faciet, & majora horum faciet.

Hac spe recreati Eucharium & Valerium, totam rursus viam emensi, Elegiam redeunt, & certi de promissionis fide, quadagesimo à Materni obitu die corpus effodi jubent, Petriq; imposito baculo,

## EPISTOLA

*baculo, ad vitam, atque adeo ad susceptam Evangelii propagationem, IESU Christi nomine revocant, prodigio à saeculis inaudito.*

*Exinde Trevirensē Ecclesiam instituit, rexitq; Eucharis annos viginti tres, tum eo vitā functo, Valerius. Denique & hoc sublato, Maternus, sub annum à nato Christo nonagesimum, qui pro eo, quo erat animarum zelo, etiam excurrit ad Vbios, quorum nobilissima Civitas erat Agrippina, hodie Colonia frequentius appellata: inde etiam Tungros exeunte propemodum primo saeculo. Ibi Ecclesiam fundavit, gubernavitq; quam sanctissimè per annos triginta. Episcopalem Sedem constituit; & D. Mari sacram adem posuit, primam fortè cis alpes.*

*Hoc prodigium, excitati à mortuis Materni, primum in omnibus mirabilitatem magnam fecit, deinde Christianos excitavit, ut eò loci templum erigerent, eiq; Resurrectionis nomen inderent: ne scilicet aliquando efflueret tam mirabilis facti memoria, cui subjicio & alterum non multum ab simile. Treviros, Coloniam, & simul etiam Tungros regēbāt pius Praesul: ne cui deesset, uno, eodemq; Paschatis die, Treviris, Colonia, & Tungris visus est Missarum solemnias*



## D E D I C A T O R I A.

*Solemnia celebrare : ad illa cœlesti manu, triplicatâ quodammodo vitâ : cui etiam adjicio aliud à morte miraculum.*

*Lis erat, & controversia de sacris illius exuviis, quis eas sibi tolleret. Certabant Agrippini, apud quos decesserat, certabant & Treviri, Tungriq̃, cumq̃ ne hi, nec illi cederent, in medium se conventum dedit veneranda specie senex ( Angelus postea creditus est ) qui ad concordiam hortatus controversiam omnem huic eventui suavit permitti. S. Pontificis corpus imponent cymba, qua à littore repulsa, si adverso rheno ferretur, Treviris cederet victoria: Tungris, si secundo: at si substitisset immota, sacrum depositum Agrippina sibi retineret. Quibus dictis è conspectu abiit. Placuit omnibus posita lex, quam non perinde omnibus aqua. Mirum sanè dictu, visuq̃: statim ac permissa est anni cymba, nemine mortalium impellente, in adversos fluctus eniti cœpit, sicq̃, uno omnium judicio causa Treviris addicta est, unâq̃, etiam sacrum D. Materni corpus. Vivere inter mortales desiit centenarius major. Anno Domini 130. 18. Kalend. Octob.*

*Secundo saculo; D. Materno è vivis sublato,*

f

in

Il.  
Szculo.

# EPISTOLA

*in Trevirensē simul & Tungrensē Ecclesiā  
 Anno Do- successit S. Auspicius, aliq̄, deinde quatuordecim  
 mini 190. Martyres; Trevirenses simul, & Tungrensēs  
 Episcopi, quorum nomina cælis jam ascripta, etiam  
 hic recensere placuit.*

*S. Celsus, S. Felix, S. Mansuetus,  
 S. Clemens, S. Moses, S. Martinus,  
 S. Anastasius, S. Andreas, S. Rusticus,  
 S. Auctor, S. Mauritius, S. Fortunatus,  
 S. Bassianus, S. Marcus. Quibus illicò ad-  
 ditus*

*180. S. Navitus natione Tungrensis S. Materni  
 Discipulus, non inferiora Magistro secutus. Hic  
 Tungrensē Ecclesiā primò rexit Sacerdos, ut  
 Vicarius; dein ut Episcopus; & terris vivere desuit,  
 & cælo cæpit Anno Domini 190. Tungrensis sepul-  
 tus: cui successus est*

*190. S. Marcellus, & ipse gente Tungrensis;  
 S. Naviti Discipulus, & tertius Tungrensis Epi-  
 scopus. Is conversioni Lutii Britannorum Regis  
 plurimum allaboravit; & Tungris quatuor erexit  
 Ecclesias, videlicet SS. Materni, Ioannis, Ia-  
 cobi, & Andreæ. Tungris mortuus, & sepultus.*

*Tertio*



# DEDICATORIA.

*Tertio saculo S. Metropolis, Patre, Principe Metropolo genitus, & quartus Tungrorum Episcopus, Tungris sepultus; cui in eadem Sede successor fuit*

III.  
Sæculo.  
217.

*S. Severinus, quintus Tungrensis Episcopus. Duas ibidem extruxit Ecclesias, excessitq; è vivis, Tungris & ipse sepultus: post quem electus est*

216.

*S. Florentius, ex nobili Tungrorum prosapia, sextus ibidem Episcopus. Duas adificavit Ecclesias, sepultusq; in eadem Tungrensi Ecclesia, cui substitutus*

231.

*S. Martinus, septimus Tungrorum Episcopus. Audiit Hasbania Apostolus, & meritò; eam enim cælo, Deoq; genuit; & miraculis multis inclaruit, inter quæ etiam illud. In villâ Horion dictâ, à popello petulantiore repulsam fortè passus, in rupe villa proximâ noctu decubuit; ita nimirum Viro Dei rupes dura pro lecto fuit, & molli ansere; molli dico, visa est enim duritiem ponere, mollescere, & ad instar cera quasi cedere, & lectulum, sedemque dare, in quâ mollius quiesceret, non sine miraculo, cui fidem astruit ipsa loci appellatio, quæ etiamnum durat. Vocatur enim passus S. Martini. In ipsa*

264.

EX M. S.

# EPISTOLA

*Tungrensi Civitate Ecclesiam fundavit, dicavitq;  
SS. Apostolis Simoni & Iudæ. Tungris sepultus.*

276.

*S. Maximinus, filius Maximini pagani ex  
Helena Christiana, octavus Tungrorum Episcopus.  
SS. Apostolis Andrea, ac Bartholomæo Basilicam  
posuit, sicq; regere desiit, & vivere. Tungris &  
ipse sepultus.*

219.

*S. Valentinus nonus Tungrorum Episcopus.  
Is cum esset in extrema vita linea, supremoque spi-  
ritu, baculum suum pastoralem in ara principe de-  
poni iussit, obtestatus, ne quis eum sumeret nisi au-  
thore Deo, à quo scilicet uno successor dandus esset.  
Dixit, fecit, & terris spirare desiit. Tungris se-  
pultus.*

IV.  
Sæculo.

309.

*S. Servatius. Hic post excitatam à Diocletia-  
no immanem in Christianos persecutionem, cum va-  
casset Tungrensis Sedes annis septem, ad illam as-  
sumptus est etiam miraculo; à quo & Tungrensis  
Episcopus numero decimus.*

Ex M. S.  
supra.

*Est qui velit illum Christi fuisse consanguineum,  
fortassis ut à sanguine, sanctisq; natalibus tanti Pre-  
sulis laus peteretur, & commendatio: ego in re anci-  
piti, & obscura, istis fidem nec detraho, nec addo,  
sua*



# DEDICATORIA.

*sua maneat auctori. Verum ut ut sit de illius profapia ; sit illa sub lite, sit etiam sub iudice ; at qua sub jicio extra controversiam sunt , & quidem*

*Primum illud, cœlesti prodigio designatum istius loci Episcopum ; Pro illo deligendo indicta erant populi, Clerique comitia, utq<sub>3</sub> (in ejusmodi pierumque fieri solet) in alios, atque alios distrahebantur suffragia, cum ecce litem illico diremit Iuvenis aspectu, spectique amabilis, qui se in conventum illum medium intulit, & comprehensum manus Servatium ad anam deducens, Pedum in eâ depositum, sustulit, & Servatio tradidit, moxq<sub>3</sub> videri desiit : cœlo scilicet, & Superis redditus, utpote cœlestis genius, qui peractâ scenâ, cujus ergo venerat, recessit, atque ad suos abiit.*

Fisen in  
Flor. Eccl.  
Leod.  
13. Maji.

*Alterum est, quod cum nativâ sibi linguâ ad frequentem populum diceret, ab omnibus intelligeretur : Deo scilicet sacro illi oratori donum linguarum impertiente ; subtrahente verò cum de suis rebus, ac negotiis ageret ; tum enim, nonnisi per interpretem & loqui, & audiri poterat.*

Ex M. S.  
supra.

*Tertium est, quod ad Constantinum Imperatorem Legatus unâ cum Maximino Trevirensi*

# E P I S T O L A

*Episcopo contra Arianos fortissimè depugnavit. Romanam etiam profectus pro avertenda à suis eâ, quæ imminebat barbarorum eluvie, quam tamen non potuit, Deo scilicet vindice in hominum peccata quasi proriente,*

*Quartum, quod ad suos redux, cum fortè de viâ & totus astuaret, & aresceret præsiti, crucem super arentem terram effinxit, moxq; ex eâ fontem eduxit: unde & sitim sedavit ipse, & accola deinde morbos propè omnes eluere.*

*Quintum fuit, qui illi sacris operanti ad dextrum ara latus adsuit Angelus, mortemq; proximam nuntiavit; quam & admisit ipse, & subiit etiam alacer, ac latus. Anno Domini 384.*

*Sextum denique, cum ad sepulchrum deferretur Sancti Prasulis corpus, & sub Iove frigido inhumaretur, adfuere frequentes de cœlis Angeli, quorum pars magna audita sacros hymnos concinere, pars sericum quoddam velum visa ab omnibus è sublimi deferre, & super Sancti Prasulis corpus deponere. Ita nimirum cum suis in Episcopum officiis deessent ingrati mortales; non defuerunt immortales genii.*

*D. Servatio cœlis addito ob frequentia, &  
gravia*



# DEDICATORIA.

*Invidia in Christianos edicta, bellaq; à barbarorum incurſu ſapius illata, cum vacaſſet Episcopalis Sedes annis undecim, electus eſt*

*S. Agricolaus fuitq; undecimus Tungrenſis Episcopus.*

395.

*Hic D. Servatii oratorium jam vetuſtate col- lapſum reſtauravit, Hoyum reedificavit unà cum Eccleſia à D. Materno conſtructa, diruta deinde ab Hunnis; quibus ritè peractis obiit & Trajecti ſepulchrum invenit. ſuffectus illi*

*S. Vrficinus, filius Patritii Romani, ex Burgundionum Principis filia, Episcopus Tungrenſis duodecimus. Vita exceſſit, & Trajecti ſepul- tus eſt.*

V.  
ſæculo.  
414.

*S. Designatus ex Dacia claris ortus natalibus, decimus-tertius Tungrenſis Episcopus. Trajecti & ipſe ſepultus.*

440.

*S. Renatus ex Neuſtria oriundus, & Episco- pus Tungrenſis decimus-quartus, & ipſe Trajecti ſepultus.*

457.

*S. Sulpitius, filius Caroli Naſonis, ex filia Principis Gallia, decimus-quintus Episcopus, Tra- jecti ſepultus.*

483.

*S. Quiril-*

VI.  
Sæculo.  
501.

S. Quirillus, Tungrensis Episcopus decimus-sextus, ob eximias animi dotes, & doctrinam virtuti bellè sociatam inter ævi sui Præsules clarissimus: Vbi inter nos esse desit, Trajecti sepultus est.

519.

S. Eucharis primus, Tungrensis Episcopus decimus-septimus; Verbi Dei disseminando totus incubuit, nec ab illo prædicando destitit, nisi cum simul & vivere. Trajecti sepultus.

523.

S. Falco, frater Eucharis primi, Tungrensis Episcopus decimus-octavus, de quo illud in antiquioribus tabulis, simplici, & nativo stylo. Hic nobis Falco volatu contemplationis, ac voce sonoræ prædicationis, multam Domino suo lucri fecit animarum prædam: quod ad sacrum illius encomium plus satis; quid enim ea contemplatione altius? quid prædicatione clarius? quid ditius prædâ animarum? quibus & aurum, & gemma, & uniones, & ipse orbis quantus est, cedit. Sic cælo, Deoq; accinere desit Falco. Trajecti & ipse sepultus.

529.

S. Eucharis secundus, Britonum Regis filius, & Tungrensis Episcopus decimus-nonus, cujus etiam apud Majores nostros ex eo est commendatio; quod



# DEDICATORIA.

quod secundum nomen ejus: ita & laus,  
*E' uxæis enim bonam gratiam sonat, & totus è bonâ*  
*Gratiâ S. Eucharius. Obiit Trajecti, & ibidem*  
*sepultus est.*

S. Domitianus, ut genere; sic & virtute longè 535.  
 clarissimus, è Serenissimâ Bavarorum prosapiâ  
 oriundus, Tungrensis Episcopus vigesimus. Is sacre  
 Synodo Aurelianensi, & Alvernensi interfuit, & à  
 prudentia, ac virtute laudem tulit: à Childeberto  
 Rege prædia, & castella, & quæ, Tungrensis Ecclesia  
 erant, beneficia recuperavit, miraculis & in vitâ &  
 à morte clarus: in illâ quidem arida, & exsicca terra  
 imbrem opportunum precibus impetravit, cælo illius  
 precibus ac votis propitio. Ad Humum, draconem  
 interfecit, fontem veneno infectum obstruxit; aliūq;  
 & copiosum, & salubrem, defixo in terram, quo ni-  
 tebatur baculo, elicit, aliāq; prodigia edidit, à quibus  
 & cælo, & terris inclaruit: in his ubi videri desit  
 in Ecclesia Huensi sepultus est. E cujus tumbâ non  
 semel suavis odor emanavit; & quidni emana-  
 ret è sacro corpore, qui ex animo prius emanarat vir-  
 tutis odor, & sanctitatis?

S. Monulphus, Dionantensis Toparchæ filius 536.

## EPISTOLA

ex filia Comitissæ Lossensis, Tungrensis Episcopus vigesimus primus, quem multis cæli donis illustrem Deus reddidit, atque imprimis Prophetia spiritu. Lustrabat aliquando Diocesim suam vigilantissimus Prasul, cum animi causâ quinto ferme à Trajecto lapide substitit captus amœnitate loci, ubi scilicet Vrta Mosa confunditur, cuius aspectu dum fruitur, ecce multa luce coruscantem è cælo crucem conspiciatur loco imminentem, simulq; menti radium infundi sentit, quo futura longè prospiciens, exclamat. Et hic locus est, quem ad multorum salutem elegit aterna Numinis providentia; & quem aliquando suo sanguine imbuet, fecundabitq; invictus Christi martyr, & magnis Vrbi- bus aquabit. Cumq; è proxima villa didicisset præterlabentem Legiam rivum, loco nomen dedisse, aream designavit extruendo sacrario, quod ipse SS. Martyribus, Cosma & Damiano dicavit. Vaticinio respondit eventus, eo quippe loco coronatum martyrio D. Lambertum infra docebimus. Ecce ut suæ amplitudinis fundamenta; imo & nobilissimi principatus initia Monulpho debet Civitas Leodiensis, cui Episcopium, etiam Dionantum, Urbem amplissimam debere se fatetur, eam quippe de suo illi attribuit.



# DEDICATORIA.

attribuit. Cum Ecclesiam suam felicissimè gubernasset, ad beata immortalitatis premia evola vit, sepultus in media ade Servatiana, à se condita, & dicata.

S. Gondulphus, Ducis Lotharingia filius, ex filia Lotharii Francia Regis, Tungrensis Episcopus vigesimus secundus. Tungrorum Urbem è ruinis excitare voluisse quidam prodidère, divinitusq; impeditum, detonante videlicet cælo, & fulmina, flammarumq; globos emittente; imo & lupum è cavernis terra in latomos, aliosq; operis illius præfectos: verùmne illud; hic non disputo: hoc sanè verissimum, ruinas illius Urbis alias meliore modo instaurasse, ruinas, dico, à vitis, qua longè turpiores sunt iis, qua vel à ferro, vel à flammis, vel à vetustate inferri solent. Sancta ejus consilia abruptit prapropera mors. Post Ecclesiam illam religiosissimè administratam abiit ad braviu m cælestè, & Trajecti proximè S. Monulphum terra conditus est.

S. Perpetuus, Comitiss Loffensis filius, & Tungrorum Episcopus vigesimus-tertius, in Deum, in Divam Matrem, in Apostolorum Principes, in Superos omnes pius: maximè verò in D. Vincen-  
tium Martyrem, in cujus sacra ade frequens erat;

197.

Ex M. S.

VII.  
Sæculo.  
604.

Et in quâ sibi deinde tumultum elegit, ut ibi esset emortuum corpus, ubi totus fuerat viventis animus. Verum neque eò loci diu esse cælum voluit, cum enim è sacro corpore suavisissimi odoris oleum manare cœpisset, Et ab inunctis omne morborum genus pellere; crescente multitudinis concursu, ac religione, famâque miraculorum, in ampliorem Divæ Matris basilicam transferri: Et in Urbis illius Tutelarem, ac Patronum eligi placuit.

619.

S. Ebregifus, è nobilissimâ Tungrorum stirpe oriundus, Et Tungrorum Episcopus vigesimus-quartus, authoritate apud mortales valuit; gratiâ, Et sanctitate apud immortales. Trunonia sepultus, Et post annos fermè trecentos Coloniam advectus.

621.

S. Ioannes, cognomento Agnus, id nominis ei fecit insignis animi mansuetudo, Et simplicitas. Tihonii Dominus fuit, Et deinde Tungrorum Episcopus vigesimus-quintus.

Cum ruri vitam ageret innocentem, Et fortè per agros inambulare cœlestium meditationi intentus, adfuit illi Angelus, specie, habituq; peregrini, nuntiavitq; divinæ mentis consilio designatum esse Tungrorum Episcopum. Obstupuit tam insolenti nuntio  
Ioannes,



# D E D I C A T O R I A.

Ioannes, ut qui se doctrina, virtutisq; prasidio destitutum crederet, imò & conjugio profanum; negavitq; se prius Episcopum futurum, quàm scipio, quem fortè tenebat manu, frondesceret in arborem, fructusq; proferret. Dixit, & simul terra baculum infixit. Et ecce subito radices agit exsuccum aridumq; lignum, ramos effundit, frondes aperit, flores explicat, fructusq; profert. Ferunt id pomorum genus fuisse, quæ hodieq; S. Ioannis poma nuncupamus. Vaticinio, & miraculo respondit eventus, cùm enim pro eligendo Episcopo haberentur comitia, in suffragia itum ultra non est. Quid enim in deliberationem vocarent mortales, quod tam illustri omnibusq; jam noto prodigio, cœlesti sancitum scirent esse decreto? Huic sibi dum cedendum esse videt Ioannes, sacram auspicaturus dignitatem, Romam contendit, & à Pontifice pallium obtinet, proprium quidem Archiepiscopis insigne; an sibi, an etiam successoribus, non liquet. Hoc certum, quod perpetuum illud decus Richario debeat posteritas. Caterum Româ redux Ioannes, totus in Diœcesis suæ bonum incubuit; multisq; perfunctus laboribus, non tam annis, quàm meritis gravis, ad aternas celestis Agni nuptias

evolarvit, & in arce Huensi conditus est in Sacello  
SS. Cosma & Damiano sacro.

Agrorum, quos Tihonii habebat amplissimos,  
heredem scripsit Clerum suum: at decimarum ex iis  
colligendarum, eosdem SS. Martyres.

637.

S. Amandus, nomine, & re etiam ipsa aman-  
dus. Filius Sereni Aquitania Principis ex matre  
Amancia. Tungrorum Episcopus vigesimus-sexthus.  
Huic Roma ad Apostolorum limina oranti S. Petrus  
Apostoli munus demandavit. Eidem Dagobertus  
Episcopale onus imposuit, quod deinde solitudinis, vi-  
taq; privata amantior, annuente summo Pontifice de-  
posuit; Barvонem ad Christum convertit, S. Gertru-  
dem Nivellis invisit, atque ad sanctiora consilia acre  
calcar addidit, Elnonem, hodie Sanctamundum, con-  
didit; & primam Belgarum nobilitatem ad eximiam  
quandam vita sanctimoniam induxit: Rictrudem  
& sanctas ejus filias, Cloisendim, Eusebiam, &  
Adalsendim Martianis: Duaci earum fratrem,  
Maurontium: Sonegiis Vincentium, ejusq; conju-  
gem Waldetrudem Castriloci, Malbodii Aldegon-  
dem, Merbeca Berlindim, pluresq; alias Virgines  
genere quidem inferiores: at nequaquam sanctitate.  
Elnone



# DEDICATORIA.

*Elnone verò Andream : Martianis Ionatum : Blandinii Florebertum, & Ioannem, Abbates longè sanctissimos & instituit ipse, & constituit : tantum interest in Christi, ac sanctitatis schola, quo Magistro utaris. Rexit Tungrensem Ecclesiam usque ad annum 650. ac deinde, ( ut diximus ) dimisit : ei successus est*

*S. Remaclus, Tungrensis Episcopus vigesimus-septimus. In Aquitania natus Parentibus, Albutio & Matrino, opibus, & generis nobilitate pollentibus. SS. Praesules, Lambertum & Trudonem edocuit in ipso Iuventutis flore, Malmundarium condidit, & Stabuletum ; tandemq; & ipse amans religiosa solitudinis, missionem à Sigeberto Rege petiit, & impetravit, ac Stabuletum, seu fidam stationem, se recepit, ei subrogatus*

*S. Theodardus, ex Abbate Stabulensi, Tungrensis Episcopus vigesimus octavus, natione Gallus, Domo Nobilis ; sed virtute nobilior. Institutionibus S. Ioannis Agni ad omnem recti formam uti sese effinxerat ; sic deinde S. Lambertum effinxit, qui seu Magistri peritiâ, seu etiam indolis felicitate, eam fecit ad omne honestum progressionem, ut omnium*

*in se converteret oculos, & animos. Ereptas Ecclesie sue possessiones, recuperare dum nititur, pugnatq; pro Ecclesiastica libertate ac iustitiâ causa, ab adversariis, sicariis illis, ac sacrilegis, non procul ab Urbe Nemetensi in saltu biuvaltio ferrum toto pectore admisit, & per immania vulnera grandem animam in cœlos emisit. Datus illi successor*

436.

*S. Lambertus & ipse gloriosus Athleta Christi, Ecclesie lumen, Præfulum norma, Sacerdotii gemma, Virginum corona, Martyrum decus, cœli favor, mundi amor ac delicia; Tungrensis Episcopus vigesimus-nonus, à Clodoveo vocatus Pater, & Vir Apostolicus. Pater quidem amore in suos, Vir autem animi constantia, ac fortitudine. Apostolicus, insigni animarum zelo. Parentes habuit è prima nobilitate: Pater enim, ( ut ait Ægidius ) Regum lateralis fuit: ei nomen erat Aper, Mater Herisplendis, fœmina viro non inferior. De Lamberto etiam infante dici potuit, quod de Ioanne Bapt. Quis putas puer iste erit? etenim manus Domini erat cum illo: Manus, quæ miracula funderet; in quibus hæc è multis; quod à Virgine lactatus eidem oculos aperuerit;*



## DEDICATORIA.

aperuerit; quod è term fontem limpidum elicuerit; quod ignem, ardentessq; prunas illasa gestarit togâ: & hæc quidam infans, & puer, à manu Domini, quæ erat cum illo. Quid amabo te, mi Lector, quid adolescens? quid Vir? quid senex ingravescente jam atate? Ad Pedum & Insulas evocatur, & renuit, & totis viribus contrà enititur illustri humilitatis miraculo. Ab Ebroino per summum nefas Episcopatu depellitur, & Stabuletum se recipit, ut sibi ac Deo vivat in latebris amica solitudinis, & hoc patientiæ miraculum. Pipinum ab infami pudendoq; adulterio revocare conatur, & à Dodone impetitur quâ injuriis, quâ minis, quâ etiam armata manu, ferroq;: & hoc a quo fert animo, quod constantia ac fortitudinis miraculum. Illudentem sibi Alpaidem, Pipini scortum, graviter arguit, & præter scommata, mortisq; minas nihil refert; & tamen patitur, quod invicti roboris miraculum. Denique pro conjugii castitate fortiter pugnat, & morte vincit, quod consummate virtutis miraculum. Ecce ut manus Domini fuit cum illo, à prima infantia ad ultimam usque vitæ metam: Manus, dico, miraculis, prodigiisq; plenissima, in quibus illud pro

h coronide,

coronide, mors pro castitate fortiter obita, & ab illâ etiam martyrii laurea, partaq; apud mortales victoria, apud immortales verò cœlestis, aternaq; gloria, quam adeptus Anno Domini 696. Ita dum in terris cadit dicata tuenda castitati victima: in cœlis assurgit altius. Ei sufficitur

697.

S. Hubertus, Arduenna Apostolus, ex vero Taumaturgus, Bertrandi Aquitania Ducis, ex sorore S. Oda, filius, regio Francorum sanguine oriundus, Dei jussu consecratus Tungrensis Episcopus trigesimus à Sergio Pont. Max. Ornatum omnem Pontificium, & clavem auream è cœlo accepit, divinitusq; sacrâ Stola donatus. Sedem Episcopalem Tungris Leodium transtulit. S. Lamberti Collegium condidit. Item & S. Petri. D. Lamberti corpus Trajecto Leodium advexit. Urbem condidit, eiq; pro gentilitio insigni voluit esse rectam columnam auream, in sanguineo scuto adjecta hac epigraphe. Sancta Legia Romanæ Ecclesiæ filia. Quibus monitam voluit Urbem suam, ut purpure hujus aspectu meminisset in perpetuum sacri sanguinis à S. Lamberto fusi Dei causâ, meminisset & fidei, quam Romana Ecclesia debet, ut filia Matri quàm



# DEDICATORIA.

quàm optima, quàm sanctissima. Emenso longioris  
 ævi curriculo commissum sibi gregem cum felicissimè  
 rexisset, in Brabantia febris corripitur, & Fura in  
 domo sua defungitur. Corpus Leodium revehitur,  
 & in D. Petri ade. (ubi sepulchrum sibi ipse pararat)  
 deponitur; ac deinde post solidos nonaginta annos  
 planè incorruptum Leodio Andainum transfertur à  
 Reverendissimo Walcando, Leodiensi Episcopo  
 trigesimo-quinto, annuente Ludovico Pio, Ex M. S.  
Tung.  
Episcop.  
 Imperatore, presentibus, (ut fama est) Regibus  
 tribus, Ostiensi Episcopo, Archiepiscopis, Episco-  
 pis, & Abbatibus quamplurimis. D. Huberto  
 substitutus

S. Florebertus è Monacho Stabulensi primò  
 Leodiensis Ecclesia Decanus, & S. Petri Præpositus,  
 hac & illa dignitate à S. Huberto donatus:  
 deinde etiam Leodiensis Episcopus secundus: Addi-  
 dit hic Leodiensi Ecclesia Canonicos decem. Corpus  
 S. Odæ Vidua è longa sepulchri nocte in lucem, &  
 aras sacratiores extulit. Item & S. Londoaldi,  
 ac Sociorum, quem honorem & ipse postmodum ac-  
 cepit à Fulcario, suo in Episcopatu successore, qui  
 cum videret S. Florebertum, miraculorum

VIII.  
 Szcula.  
 727.

# EPISTOLA

gratiâ, gloriâque florere, & ipsum è sepulchri tenebris extrahendum esse censuit.

Hic finire erat animus, cum ecce Tungrensium Episcoporum Annales accuratiùs evolventi objicitur illustre Leodiensis Ecclesie decus, & lumen augmentum, & me ad se rapit: illud Vobis etiam sisto, etsi non in sua statione.

Est Gerebaldus, Bavarorum Ducis, ex amita victoriosi Principis Ogeri Dani, filius, & Leodiensis Episcopus trigesimus-quartus.

Ciaconius  
in Vit. Pont.

Vertebatur à Christo nato annus septingentesimus nonagesimus sextus, cum LEO hujus nominis III. in Petri Sedem elatus ab adversa factione, hoc est, à Paschali, & Campulo, Romana Civitatis principibus, primò calumniis impetitus, dein etiam armata manu, in publica, quam instituerat, supplicatione, in qua & captus, & in terram dejectus, & sacris vestibus exutus, & exoculatus, abscissa etiam, ut plerique scribunt, lingua: quod etsi (qui mitiùs de immanti illo facinore loqui volunt) negare videantur: fatentur tamen eò loci, ac temporis, ita malè habitum à sicariis illis Christi Vicarium, ut & oculorum, & lingua usuram amiserit, nec recuperarit nisi miraculo,



# DEDICATORIA.

*miraculo, omnibus ad id prodigii, stupore attonitis.*

*Ita nimirum divina mentis oculus, qui humanis rebus semper invigilat, qui Ecclesia sua semper excubat, ut dejecta erigat; etiam Leonem Pontificem erexit, nec pristina sanitati tantum reddidit: sed & honori, & Pontificia Majestati, quam explicuit in Caroli Magni inauguratione, in qua illi in Vaticana Basilica, & Chlamydem Augustalem, & Coronam Imperialem imposuit, acclamante universo populo. Carolo, Augusto, à Deo coronato, Magno, & Piissimo Romanorum Imperatori, vita, & victoria.*

*Sed, inquiet, unus aliquis: Quorsum hic ista? ut magna, ut stupenda videantur, & sint: quid faciunt ad laudem Ecclesie Leodiensis, cui scribitur hac pagella? & cui pralum insudat? Enimverò quàm maximè: ab hoc quippe Pontifice magna illi laudis facta est accessio, magna & honoris. Primum enim in Germaniam adveniens; etiam Leodium venit, & Aquensem primò, dein etiam Tungrensem, ac Visetensem Ecclesiam solemni, ac Pontificio ritu dicavit. Tum etiam Gerebaldum,*

*Ex M. S.  
Episc.  
Tung.*

# EPISTOLA

Pullonius  
in Comp.  
Histor.  
Leod.

Anno 803.

*Leodiensis Ecclesia Prasulem, purpurâ donavit, & pileo Cardinalitio; tum in D. Lamberti Basilica, (utpote hujus Diœcesis principe) octo Archidiaconos constituit, datumq; etiam tum temporis Lambertianum vexillum à Carolo magno, quod etiam facit ad Ecclesia Vestra gloriam, atque ornamentum, cui in prasens explicando, laboramus. Denique ille ipse Pontifex Opt. Max. Suitbertum, Episcopum Vverdensem, Saxonum, Frisiaq; Apostolum, adeoq; totius Germania lumen augustum; Sanctorum albo ascripsit: astantibus Carolo Magno Imperatore, totaq; ejus Imperiali Curia. Et hac prima fuit solemnis Canonizatio à Summo Pontifice facta, uti annotavit Baronius. Sed ne longius. Ad Vos recurrit oratio, unde paululum abiit.*

*Vidistis Illustrissimi, Reverendissimi, ac Generosi Domini, potiora Ecclesia Vestra lumina, longo Sanctorum Episcoporum catalogo per tot secula ad Vos derivata, non sine insigni divina munificentia argumento; propè dixi miraculo, utpote quæ Vobis dederit tot, ac tantos in Insula, Peditq; Prasules, à quibus lucem hauriretis, & antiquæ nobilitatis, & simul etiam Christiana*



DEDICATORIA.

*Christiana sanctitatis, quam Vobis omnibus dum  
opto, voveoq̃, longam; imò & aternam apprecor  
felicitatem.*

DOMINATIONVM VESTRARVM

Humillimus in Christo Servus

JACOBUS LOBBETIUS

è Societate Iesu.

Leodio 4. Sept.  
Anno 1659.

# CENSORI BENEVOLO

Observanda hæc pauca.

I. **A**uthores in Chronologia texenda vix inter se convenire, cujus vitii ( si tamen vitium est ) occasionem dedit ipsa Antiquitas, & longævitæ, quæ nescio quid obscuritatis, quid tenebrarum, & noctis affundere solet veritati, quæ lucem amat; imò quæ & ipsa lux est. Quid facias? vitium est senectutis, quæ etiam in sæculis est, & ævo longiore.

II. Accessit etiam aliqua vel scriptorum antiquorum incuria, vel temporum injuria, atque infœlicitas, à qua periere multa venerandæ Antiquitatis monumenta, è quibus candida veritas erui potuisset. Hæc cò à me dicta sunt, ut si quid hîc in Chronologia Episcoporum Tungrensium culpæ esse videatur: vel dopes Antiquitati, vel mihi condones: dedi ego quod verosimilius esse duxi: si quid tibi melius occurrat, ex te discam non invitus.

III. Tertium, cujus etiam te monitum velim, est illud: non potuisse me, nec etiam posse sæcula sic inter se præcisè distinguere, ac partiti, quin aliquando ex præcedenti, & sequenti aliquid decerpatur.

APPRO-



# APPROBATIO ORDINARIJ.

**G**LORIA SANCTORUM Reverendi Admodum  
Patris IACOBI LOBBETII Societatis IESU Theologi,  
ad Sanctorum gloriam imprimatur. Leodii 4. Septembris  
1659.

IO. ERNEST. DE SURLET,  
*Canonicus & Vicarius generalis*  
*Leodien.*

---

## FACULTAS R.P. PROVINCIALIS.

**E**Go infra-scriptus Societatis IESU in Gallo-Belgica  
Provincialis juxta privilegium eidem Societati con-  
cessum quo Typographis omnibus prohibetur ne libros  
ab ejusdem Societatis hominibus compositos absque Su-  
periorum permissione imprimant, facultatem do IOANNI  
MATHIAE HOVIO ut ad sex annos proximos imprimere  
possit librum cui titulus : *Gloria Sanctorum*, auctore  
R. P. Iacobo Lobbetio Societatis IESU Theologo. Datum  
Leodii 5. Augusti 1659.

HUBERTUS WILTHEIM.

## PROTESTATIO AVTHORIS.

**C**V M SS. D. N. *Vrbanus VIII.* die 13. Martii 1625. inhibuerit imprimi gesta, miracula, revelationes, &c. sine approbatione Ordinarii: Insuper nec admitti Elogia Sancti, vel Beati absolute, & quæ cadunt super personam, benè tamen, quæ cadunt super mores: Ego huic decreto, ea quâ par est observantiâ insistendo, profiteor me ea quæ scripsi non alio sensu accipere, aut accipi ab ullo velle, quàm eo quo solent, quæ humana dumtaxat fide nituntur; donec aut divina, aut sanctæ Romanæ Ecclesiæ auctoritas accesserit, me, mea que omnia scripta, S. Sedis Apostolicæ iudicio, & censuræ cum omni submissione debita subjiciendo.



# INDEX IN FESTA SANCTORVM

Quorum elogia in hoc Opere continentur.

<b>I</b> n Feflo S. Catharina	nif fponfi.	213
Virginis & Marty-	In Feflo SS. Apoftolo-	
ris.	rum Philippi & Ia-	
pag. 1	cobi.	235
In Feflo S. Andrea Apo-		
ftoli.	In Feflo S. Ioannis Ba-	
33	ptifta.	254
In Feflo S. Francifci Xa-	In Feflo SS. Apoftolorum	
verii, Indiarum &	Petri & Pauli.	280
Iaponia Apoftoli.	In Feflo S. Maria Ma-	
46	gdalena.	324
In Feflo S. Nicolai Pon-		
tificis.	In Feflo S. Iacobi Apo-	
73	ftoli.	355
In Feflo S. Thoma Apo-	In Feflo S. Laurentii	
ftoli.	Martyris.	383
96	In Feflo S. Bartholomaei	
In Feflo S. Stephani Pro-	Apoftoli.	400
tomartyris.	In Feflo S. Matthai	
119	Apoftoli & Evange-	
In Feflo S. Ioannis Evan-	lifta.	416
gelifta.	In Feflo SS. Apoftolorum	
146	Simonis & Iuda.	433
In Feflo Conversionis S.		
Pauli Apoftoli.		
181		
In Feflo S. Matbia Apo-		
ftoli.		
197		
In Feflo S. Iofepbi Virgi-		

LECTORI

# LECTORI BENEVOLO.

**I**AM edidi Quæstiones similes in Festa Sanctorum; sed argumento petito ex Evangelio ea die inter sacra Missarum sollemnia legi solito: sed quia sæpiùs Evangelicæ Historiæ series vix aptari potest Vitæ & gestis Sanctorum; visum est iis, qui primum Opus legerunt opportunius esse, si uterer argumento liberiore, & quod magis conveniret & dici Festivæ, & Vitæ illius Sancti: quod & fecisse adverto SS. Patres, maximè verò D. Thomam, & D. Bonaventuram; quorum exempla dum sequor, oculis, & animo fave.

JACOBI



JACOBI LOBBETII  
LEODIENSIS,  
SOCIETATIS JESU THEOLOGI,  
GLORIA SANCTORUM  
SIVE  
QVÆSTIONES MORALES  
IN FESTA  
SANCTORUM  
TOTIUS ANNI.

Eorum maximè, qui ab Ecclesia coluntur  
sub præcepto.

---

IN FESTO  
SANCTÆ CATHARINÆ  
VIRGINIS ET MARTYRIS.



IVUS IOANNES Christi amor &  
deliciæ, in excessu mentis Cœlitum  
gaudia, festivamque gratulationem  
auribus excepit, & hanc quidem duplici  
ex causa.

Una fuit purpuratæ meretricis, id est  
Babylonis excidium, atque damnatio; altera, dies ipsa  
A nuptiarum

Apoc. c. 9.  
v. 7. nuptiarum Agni, & cælestis sponsæ ad eas præparatio. Ex quibus illæ Cœlitum voces. *Gaudeamus, & exultemus, & demus gloriam ei, quia Venerunt nuptia Agni, & uxor ejus præparavit se.*

Hic moveri possunt varii generis, ordinisque dubia. Quis scilicet Agnus? quæ nuptiæ? quæ uxor? & quæ hujus præparatio? quæ omnia unica quæstione evolvemus.

## QUÆSTIO UNICA MORALIS.

Apoc. c. 9.  
v. 7. Ad illa verba: *Venerunt nuptia Agni, & uxor ejus præparavit se.*

### ECQUIS AGNUS?

Joan. c. 1.  
v. 29. **D**IVUS IOANNES BAPT. præco veritatis, & vox Incarnati Verbi, huic quæstioni faciet satis. *Vidit ille altera die IESVM. Venientem ad se, & ait: Ecce Agnus Dei.*

Clement.  
Alexand. l. 1.  
pegad. c. 5.  
Cap. 11. v. 19. *Agnum* appellat & quidem *Dei*, tum quia à Deo fuit, imò divinus, imò Deus fuit; tum quia ipsi Deo pro communi generis humani salute oblatum, atque immolatum; tum quia pro nobis Infans factus, & Infantes Scriptura *Agnos* vocat, ab Agni genio, innocentia, ac mansuetudine; à quâ etiam Ieremiæ voce, atque oraculo, seipse *Agnum* dixit. Et Ego, inquit, *quasi Agnus, qui portatur ad victimam.*

Sic



Sic *Agnus* audit in terris ; sic & in Cœlis audiet *Agnus*,  
 testem appello , testem amo *S. Agnetem* Virginem , &  
 Martyrem. Testes & illi superstites parentes. Vigilabant  
 hi ad illius tumulum , cùm ecce apertis Cœli valvis , in-  
 tempestæ noctis silentio quasi Virginum exercitum suspi-  
 ciunt ; erant omnes auro textis cycladibus indutæ , cœle-  
 stique lumine conspicuæ ; quas inter eminebat *Agnes*, ad  
 cujus dexteram stabat *Agnus* nive candidior.

Boiland. in  
 ejus vita 21.  
 Jan. c. 3.

Hoc spectaculo , dum oculos , animosque pascunt pii  
*Agnetis* parentes ; simul ab illâ audiunt hæc verba , sed  
 gaudii, sed felicitatis plena.

*Videte ne me quasi mortuam lugeatis, sed congaudetem mihi,  
 & congratulamini, quia cum his omnibus lucidas sedes ac-  
 cepi, & illi sum juncta in Cœlis, quem in terris posita totâ  
 animi intentione dilexi.*

Hæc ubi dixit, tum exercitus ille virgineus qui ad  
*B. Agnetis* vocem constitèrat, levioze gressu pertransiit,  
 pertransiit & *Agnes* Agno Cœlesti, id est Christo, comite ;  
 imò & Duce. Ex quo habes *Agnum*, cujus nuptiæ hîc  
 venerunt, & fuisse, & esse Christum ; qui & in terris audire  
 voluit *Agnus*, & in Cœlis etiam *Agnus* amat videri. Sed  
 hinc injicitur altera quæstio.

## ECQUÆ NUPTIÆ?

**N**ON amo nuptias, quæ carni consecrantur & san-  
 guini ; quæ libidini extinguendæ, verius accenden-  
 dæ, serviunt. Nec porro illas amarunt excelsæ mentes, &

A 2

Cœlo,

Cœlo ; cœlestibusque nuptiis destinata ; sed illas & oderunt , & quâ licuit , etiam fugerunt.

Bolland in  
in ejus vita  
10. Jan. c. 1.

Ita fugit aliquando *B. Christiana* Virgo longè nobilissima , quæ cum à fratribus importunè , quâ verbis , quâ etiam verberibus ad nuptias , terrestremque sponsum , impelleretur , læpiùs effugit , atque in rapidum amnem insiliit , ac transit semper , ex eo egressa etiam sicco pede , siccisque vestibus , aquâ scilicet ipsius castitatem , ac virginitatem reverente.

Bolland in  
ejus vita 30.  
Jan. l. 2.

Ita fugit *B. Aldegundis* , Virginum gemma , Belgii gloria , & Malbodiensium patrona , quæ dum amasii manus declinat , effugitque ; in Sambram , obvium utique flumen , & minimè vadosum sese immisit , Deo freta , & Angelo comite , quocum & super aquas ambulavit , & alteram ripam attigit , ab undis intacta . Ita quæ ab aquis abibat , turbinibusque babylonicis , etiam elementares risit aquas , superavitque ; sic intacta , ut ne fimbria quidem vestimenti immaduerit.

Ita denique ( ne omnes consecræ ) cum mortali nuptias exhorruit , fugitque *S. Brigida* , Virgo ; à frequentibus prodigiis , vulgo dicta *Thaumaturga*.

In ejus vita  
1. Februar.  
c. 3.

Hæc cum à Parentibus , & nobili viro , ad nuptias urgeretur , à Deo petiit insignem aliquam in corpore maculam , tabemque , quâ deformis amari non posset , quæ non noverat amare . Votis annuit Deus , & illico oculorum unus illi crepuit . Ita ne puriorem animæ oculum perderet ; corporis oculo est orbata . Sed mox ( quæ Dei miserationis indulgentia fuit ) accepto Virginitatis velo , oculum recepit.

Diceres



Diceres unâ cum Virginitatis voto redire lumen oculorum, adeo superis grata fuit ea terrenarum nuptiarum fuga, adeo acceptus cælestium amor, ac desiderium. Ut hoc in tempore accendam, *Amice Lector*, paucis docebo, quæ sint ex nuptiâ, de quibus in præsens est quæstio.

Sunt illæ cum Christo, Cælesti utique Sponso, & cum Anima, Dei sponsa, exque triplices.

Primæ iniri solent, atque inchoari ad aquas, & baptismi fontes, è quibus anima fidem haurit, & primam gratiam; De his sic apud Oream Deus. *Desponsabo te mihi in fide.*

Cap. 2.

Secundæ perficiuntur in alio, atque alio gratiæ habituali appulsu, atque incremento, eo maximè quod à martyrio effluit, in quo Anima ceu Christi Sponsa, dicere potest antiquum illud. *Sponsus sanguinum tu mihi es.*

Tertiæ celebrantur in cæli regiâ, sedeq̃ beatitatis, in his anima Deo ad extremum jungitur, jungeturque in omnem retrò æternitatem, De istis ipsum Numen ore, calamoque Prophetæ, ait. *Sponsabo te mihi in sempiternum.* Ecce quæ, qualèsvē nuptiæ.

## QUÆ UXOR?

**I**AM verbulo insinuavi, est Anima sancta: eò nimirum sese inclinat cælestis sponsus, id est Agnus, id est Christus, ut illam sibi desponset.

Testem habeo *B. Ivettam Reclusam*. hæc in excessu mentis, vidit de cælis elabi è singulis Beatorum spirituum ordinibus, binos. & binos; & hinc à dextris sibi adesse novem, totidemque à sinistris. Ubi sic steterē cælestes illi

Bolland. in  
ejus vita.

genii, tum *Ivettam* ornare visi sunt. Primò veste auro textâ, deinde monilibus, denique & gemmis pretiosissimis, non iis, quas maria gignunt, aut terra videt: sed quales virtus parit, & gratia, quales & cœli gazæ ferunt, hoc est virtutes.

His pulchrè ornata *Ivetta*, ab iisdem cœli civibus, & accolis deducta ad thronum Dei, & Agni; ut sponsa terrestris ad cœlestem sponsum. Ecce quæ supremæ illius bonitatis inclinatio, quis excessus amoris in sanctam animam, ingens omninò & cœlestibus etiam invidendus: sed audeo dicere major, & ardentior in eandem si etiam virgo sit, hanc quippe sibi ipsemet desponsat *Agnus*, desponsat Christus, nec ad hoc officii genus paranymp hos adhibet, aut procuratores Angelos; sed uni sibi, id quale, quale est obsequium, reservat.

Testem adduco *B. Angelam* de Fulginio, nomine, & re etiam Angelam, hoc est, Angelicam. Juvat illius meminisse temporis, quo in Christi sponsam assumpta. Dies erat sanctis Angelis festivus, quo sacro epulo refici gestiebat *Angela*, sed ô malum! ô dolor! obstabat corpusculi infirmitas, & sacerdotis absentia, qui ægrotae, & mirum quantum à cœlesti illo cibo famelicæ eum deferret. Hinc *B. Angela* mœror & gemitus; hinc & mixtæ illis querelæ; sed amoris, & divini quidem.

Huic dum fræna laxat, & animum, illicò abit à seipsa, & in cœlos abit, & ecce illi numerosus Angelorum chorus, à quibus primùm ducitur ad Altare, quod dicebatur & erat Angelorum; tum etiam ad Christum, ceu sponsum, qui eò descendit



descendit indulgentiæ ut illam sibi desponsarit inserto etiam in digitum annulo, symbolo utique cœlestis cum *Agno* conjugii.

Maneat ergo statum, fixumque illud, animam gratiâ illustrem, esse cœlestis *Agni* sponsam, jam videndum ad sacrationes illius nuptias

### QUÆ PRÆPARATIO:

**D**IVUS BONAVENTURA in illud Apocalypsis (de quo in præsens est quæstio) alias, atque alias vias aperit, quibus anima, ceu Christi sponsa, ad altiores illas *Agni* nuptias venit.

Primò, inquit, per *veram cordis munditiam*, cordis ait, Serm. 2. de S Agnet. quod scilicet in homine membrum est princeps, vitæ fons, & origo. Hujus munditia quaritur, & candor quidam niveus; veluti prima radix, primumque virtutum principium, ut albedo colorum omnium est principium.

De hac ita Ecclesiasticus, *Qui Dominum timent, præparabunt corda sua, & in conspectu illius sanctificabunt animas suas.* Cap. 21.

Secundò, paratur via cœlesti Sponso per *exteriores pœnitentiam, carnem, jejuniis & vigiliis edomando*. Ita paravit *Cecilia*, quæ innoxium corpus cilicio macerabat, domabat, frangebatque: Ita & tenellulæ virgines, & innocentes animulæ. Non sic hodie, non sic peccatores, qui ut immania scelera committant, de pœnitentiâ tamen minimè laborant, quorum stuporem dum attendit, deploratque Seraphicus Doctor; sic æstu quodam scudoloris, seu amoris, exclamat.

*Vbi*

Serm. 2. de  
S. Agnette.

*Vbi est pœnitentia ? Quis hodie dolet si Deum offendit ? Verè plus dolet, si asinum perdidit ; quia asino perduto mox eum querit, sed Deo perduto, per tempora longissima non requirit. Et hic peccatorum stupor est, hæc insania delirantium, & à viâ virtutis aberrantium, à quâ ut revocet ille ipse S. Doctor, hoc votum emittit in faventes auras.*

*O utinam attenderent quàm utilis sit pœnitentia licet modò videatur, amara ; ut autem ea amarities ab ea degustandâ non avocet, à simili allicit, ac provocat.*

*Poma omnia prius amara quàm dulcia. Aqua in fonte suo, hoc est, in mari, & ipsa est amara ; sed dulcescit in vena. Sic & pœnitentia adinstat spiritalis medicinæ, amaritiem habet, & gustum malè afficit : at animo proficua est. Pomum est & amarum quidem in primo quasi ortu : at dulce, ubi maturuerit. Aqua est, & falsedinem habet in prima sui origine ; at dulcedinem in rivulo. Appello Ezechielis fidem, atque experientiam. Datus est ei liber ad devorandum, qui erat scriptus intus, & foris ; & scriptæ erant in eo lamentationes ( utique pœnitentiæ ) & vae damnationis æternæ. Ecce amaritiem, attende quæ deinde ex eâ dulcedo. Et comedi, inquit, volumen, & factum est in ore meo tanquam mel dulce. Ecce pœnitentiæ dulcedinem, quam dum libat, gustatque mens sancta, per illam sibi viam facit ad Agni nuptias.*

*Sed & tertiò, per veram patientiam & malorum tolerantiam iis minimè cedendò. Hanc inierunt Sponsæ Christi. Hanc Agnes corpore juvencula ; sed animo cana, inquit Ambrosius, Hanc Cæcilia, hanc alix propè innumerabiles, imprimisque*

Lib. 4. Epi-  
sol. Ep. 34.



imprimisque CATHARINA, virgo castissima, & martyr invicta, ad quam descendo, & primum specto ecquænam illa? & cui juncta tum in terris, tum etiam in cœlis? & quâ demum via, ac ratione.

D. CATHARINA AGNI SPONSA,  
SPONSA CHRISTI.

**D**UO suprà statuimus. Primum, animam à fide illustrem, & à gratiâ decoram dici, & esse, Christi Sponsam. Secundum, virgines Deo sacras, Deo dicatas Agni esse Sponsas. Quod si verum illud, & probatum cœli calculo, Dei que indulgentis beneficio; simul etiam indubitatum istud, CATHARINAM Christi esse Sponsam. Appello fidem magni Præsulis *Equilini*, & simul oblatam aliquando eidem Divæ speciem. Quiescebat hæc à somno placidè sopita, cùm ei sese objecit augusta Dei mater, puellulum IESUM ulnis gestans, quæ etiam CATHARINAM (quod amoris fuit, ac cœlestis indulgentiæ) filio offerebat: sed hic averso ab eâ vultu, & dedignari visus, & rejicere, addereque etiam illud. *Non placet, quia nec decora, nec castè amabilis, & hoc quia baptismi aquis necdum lota.* Ribadineira  
in ejus vita.

Hæc inter, CATHARINA sibi à somno redditur, advertensque quid sibi deesset ad puros illos cœlestis Sponsi amores, & in fide Christiana instrui voluit, & sacro lavacro probè tingi, purgarique: quod ubi ex Ecclesiæ ritu perfectum; exhibuit se illi rursus Christus, eamque blandè intuitus, inusitato divini amoris prodigio, in sponsam adlegit, inserto etiam in digitum sponsali annulo: & hoc

B

quidem

quidem astante Diva Matre, Angelis quamplurimis aliisque cœlestis aulae principibus, qui & testes forent, & summi illius in CATHARINAM amoris præcones. Ubi peracta illa divinæ caritatis scena, à somno excitatur illa, ac ne vana crederetur ac ludicra sopitæ mentis imago, annulum digito immissum, atque etiamnum hærentem videt, amatque Virgo: adeo verum etiam in illa, quod mens Deo devota, sit Agni sponsa, & hoc quidem tam sponsi conniventis amore, quam suo voto: hoc enim Virginibus à baptismo solet esse in primis curis atque amoribus.

Bollandus  
in vita  
S. Porphyrii  
26. Febr.

*Salaphta* Virgo D. Porphyrium, Gazensem Episcopum hospitio exceperat: & ab illo etiam uberem hospitii gratiam receperat; fidem scilicet, ac baptismum; à quo hæc illi S. Præsul. *Vis, ô filia, jungi matrimonio?* erat enim nubilus. Cui mox illa: *Minimè*, inquit, *ô Domine*. Alteri enim jam à te juncta sum, alteri sum sponsa, & alter à mortali sponsus est mihi. Cui ille? ecquis enim vero? tum illa. Christus, inquit, *IESVS*, quem mihi in baptismo jam despondi. Audiit Episcopus, & illacrymans stupensque in castos irruit amplexus. Ecce ut anima Christo per fidem, gratiamque sacrata etiam illius est sponsa. At quæ, inquires, hujus, illiusque nuptiæ? hoc erit ulterioris indaginis, pro qua sit illud.



## PRIMÆ NUPTIÆ

*D. Catharina cum Christo per fidem & gratiam.*

**E**Æ contractæ ad sacratiores baptismatis aquas, quibuscum & fidem accepit, & primam gratiam; & hanc, & illam publico dedit & huic luci, non sine spectantium stupore, ac miraculo.

Lubet illius meminisse temporis. Romanum Imperium tenebat *Maximinus*, idolorum cultor, & fautor malè sanus: nec sibi tantum malus, sed & aliis pessimus. Sancivit enim edicto publico, ut omnes omnino ditiorum suarum subditi Deos agnoscerent, Diis immolarent solemni cultu, cui primus indulgebat ipse, designatis ad victimam octoginta tauris, qui ad impias aras caderent, & ritu impio immolarentur; aliisque minores, & pauciores relictæ erant victimæ, omnibus tamen una aliqua, quam scilicet suppeditarent facultates domesticæ, his majores, minores illis.

Quid hæc inter *CATHARINA* Christi sponsa, Sponsa, inquam, à firmâ fixaque in Deum fide? Degebat hæc *Alexandriæ*, urbe nobili, à sanguine regio prognata, pulchra corpore, pulchrior animo: quem dum cœlesti sponso retinet excolitque: domi etiam se continebat; & verò Sur. in ejus vita 25. Dec. continuisset, nisi foras etiam reluctantem evocasset Dei sui cultus, & animarum periclitantium amor, quas dum perire non patitur, erumpit, evaditque è tenebris in lucem, è cellulâ suâ, domesticisque parietibus in aulam, venitque in *Maximini* conspectum, quem & liberè arguit impietatis;

& simul in subditos immanitatis, quos scilicet perderet, dum ad profana sacrificia eogeret.

Quid ad hæc *Maximinus*? primùm stupori, iræ dein; furoriquæ fræna laxat; tum ad alias artes vertitur, & philosophos, atque oratores è toto imperio evocat, qui cum CATHARINÆ descendant in certamen, & de religione, Diisque (ut aiebant immortalibus) disputent. CATHARINÆ interim in arctam custodiam ire iussa.

Ivit porrò Christi Sponsa, hoc uno læta: imò & beata, quodd *vinctæ Christi IESV*. Hæc nempe gaudii, ac lætitiæ sedes, hic campus certaminis, hoc gloriæ theatrum, hic titulus honoris, imò & in sponsum amoris.

Cap. I. v. 1. Quæsiuit aliquando Paulus quomodo Philemonem caperet, raperetque; & hoc illi in epistolæ fronte. *Paulus vinctus Christi IESV*. hoc ad Pauli fidem, ad amorem, ad honorem fuit satis, quod *vinctus Christi IESV*, & hoc ad vincula, ad carcerem martyri est satis, quod illa admittat, hunc intret Christi causa.

Lib. ad Martyr. cap. 2. Et hoc ipsum est quod olim ad martyres Tertullianus, qui sic de illorum carcere. *Habet tenebras, sed lumen estis ipsi; habet vincula, sed vos soluti Deo estis. Triste illic expirat; sed vos odor estis suavitatis.*

Et tale CATHARINÆ suus carcer, lumen illi fuit, libertas fuit, odor fuit; sed suavitatis, & celestis quidem: vel potius ipsa carceri lumen, ipsa illi odor: & uni Deo, sibi que libera quamvis à Tyranno vincta.

Interea dum vincta manet ad dies multos, è toto Imperio quærentur Oratores, adsuntque tandem numero quinquaginta



quingenta, quibuscum in arenam descendit virgo, unica par omnibus ; imò superior : vicit enim illos, & sui erroris arguit, docuitque quæ tandem vera fides, quis verus Deus quis mundi reparator, salvatorque generis nostri : & ita probè edoctos Religioni Christianæ, Christoque, ceu sponso, peperit. Adeo in spiritales liberos fœcunda virgo, fœcundaque virginitas, quam dum in CATHARINA attendit D. Bonaventura, non sine stupore amabili, eam componit cum columba, quæ ut ait, *fertilis est in effectu : frequenter enim in anno pullificat*. Et hinc pulchrè indicatur, *fœcunditas conscientie quæ major est fœcunditate natura*. Major, inquam, est & fortunatior ; quia ut eleganter D. Ambrosius, *Illi non incumbit matrimonii onus, non dolor partus, & inde numerosior soboles pie mentis, quæ omnes pro liberis habet, fœcunda successionibus, sterilis orbitatibus, nescit funera, novit heredes, fidei scilicet suæ, atque religionis*.

Serm. de  
S. Cathari-  
na.

Et hos sibi novit, viditque CATHARINA, fœcunda liberis, fœcunda successionibus, sed spiritualibus.

Nosce vis, quæ sint illæ ? primò *Oratores* omninò quingenta. Dein ipsa etiam Imperatrix, Denique *Porphyrius*, Dux exercitus, & unà cum eo milites ducenti, quos omnes Christo, ceu sponso, genuit CATHARINA.

Ecce ut fœcunda virginitas, fœcundaque sponsa Christi, quæ etiam ab eodem privilegio divini amoris, ad alias nuptias est evocata, de quibus etiam hîc paucis.

## SECUNDÆ NUPTIÆ

*D. Catharina cum Christo per martyrium.*

**E**Xcelsis mentibus triplex est quasi martyrium. Unum est à timore, ne scilicet Sponsum, id est Christum, perdant.

Bolland.  
Febr. tom. 3.  
in ejus vita  
c. 9.

Ita B. Margarita de Cortona, ipso Christi oraculo dicta est martyr: sic enim aliquando ad illam. *Quid à me petis Margarita martyr mea?* Cui cum dixisset illa. *Quid me martyrem dicis, ô Domine.* Statim audiit. *Martyrium tuum, timor est ne me perdas.* Nimirum illoangebatur, imò cruciabatur, & quasi lenta morte conficiebatur pia Virgo.

Quod si bonæ menti magnum à timore martyrium est: majus certè ab amore.

Serm. 2. q.  
23. art. 5.

Quæsit aliquando Doctor Angelicus. *An amor esset passio læsiva amantis?* Et respondit esse, amantem quippe lædit, & quandoque ad languorem, quandoque etiam ad mortem, atque interitum.

Gant. c. 2.

Ita læsit sponsam, quæ sic ad suas in amoris cantico. *Fulcite me floribus, stipate me malis; quia amore langueo.*

29. April.

Ita læsit D. Catharinam Senensem, de quâ sic in ejus vita Surius.

*Amoris Christi in eâ tanta vis fuit, ut cor Virginis à summo usque deorsum crepuerit, ruptisque vitalibus Venis, sola vi divini amoris spiritum reddiderit: ac deinde cœli gratiâ, ac beneficio post quatuor horas ad vitam redierit.*

Tale scilicet ab amore martyrium est; cui accedit etiam  
tertium,



tertium, à fuso scilicet sponsi causâ sanguine, à quo verè martyres colit, ac veneratur Ecclesia. Dicere hîc possem S. CATHARINAM à simili timore martyrem, dicere possem & à consimili amore martyrem, sed quia tam hic quàm ille in occulto est: timor enim & amor in animâ, & voluntatis quasi sinu resident, latentque, & mortales oculos fugiunt, solisque patent immortalibus: adeoque in præsentia latis erit ostendere. ab effuso Christi causâ sanguine martyrem esse: uti in Ecclesia martyres alii omnes, in quorum laudes & sacratiora encomia cum torus abiret D. Ambrosius, sic aliquando ad Auditores suos è pulpitò.

*Honoremus beatos Martyres, principes fidei, intercessores mundi, præcones regni, cohæredes Dei*, addam ego augustius illud, atque amantius *Christi Sponsas*, & quidem sanguinum Sponsas; nec enim ad eas *Agni* nuptias venire datum est, nisi sudore multo; imò & multo sanguine; cujus assertionis ac veritatis testes appello, testes amo extremas illas D. *Dorothea* voces; quæ audita ab impio præside mortis sententia, Christo, ceu sponso, gratias egit, quod eâ viâ ad nuptias Agni vocaretur, & ad thalamum cœlestem invitaretur; uti infra fusiùs explicabitur. Quod si illa sic vocatâ, sic invitata; sic & D. Catharina, Virgo integerrima, & martyr invicta.

Serm. 95.

Hæc primò custodiæ arctiori, obscuroque carceri tradita, atque ad dies omninò duodecim sine cibo, potuque, inediâ utique conficienda, nisi eam pavisset cœlestis Sponsus, Christus Iesus, qui quotidie columbam submisit, quæ ei annonam deferret, annonam utique è cœli gremio, providen-

Sur. in ejus  
vita.

providentiâque amabili petitam, quam dum accipit CATHARINA simul etiam Christum, ceu sponsum, ad se adventantem sæpius aspicit, cælestium spirituum coronâ septum: crederes CATHARINÆ carcerem pro cælo esse, ac paradiso.

Et certè illi cælum erat, ac paradysus, quia in eo cæli, ac paradisi Dominus qui sponsam ornare voluit purpura nobili, purpura dico, fusi ejus amore sanguinis. Juvat illum è virgineo corpore, undique fluentem, & spectare, & amare, & demirari: Cùm enim virginis constantiam blanditiis emolliri, flecti que minimè posse advertisset *Maximinus*, ad iras truces, ad feroces minas, ad crudelem corpusculi laniationem est delapsus: nudari quippe voluit, & nervis boum crudeliter tundi, cædi que, non sine spectantium horrore, & lacrymis, quas dum copiosè fundunt propè omnes, ad tam invisum, immanè que spectaculum, sola CATHARINA animo semper invicta, invicta & corpore, nec lacrymas sanguini affundit suo, nec gemitus dolori. Crederes illi è duro marmore, saxove corpus esse, adeo ad verbera, plagas que durum, quia scilicet dura mens, durus, id est, obfirmatus ad tormenta erat animus.

De Oat-  
vio.

*Quàm pulchrum spectaculum Deo*, inquit Minutius Felix, *cùm Christianus* (dicam ego cùm CATHARINA) *cum dolore concreditur, cum adversum minas & supplicia & tormenta componitur, cum strepitum mortis & horrorem carnificis irridens inculcat, cum libertatem suam adversus Reges & Prefides erigit, soli Deo cujus est, cedit, cum triumphator & victor, ipsi, qui adversum se sententiam dixit, insultat.*

Sic



Sic insultavit CATHARINA, ubique libera, ubique sua, quia ubique Dei, & sponsi.

Adest interim decretoria dies, & Maximino seu Iudici, seu Tyranno quasi reâ sistitur, & primùm tentatur blanditiis, ac pollicitationibus, etiam purpurâ, sceptroque donanda, etiam Imperio, si modò Diis immolaret.

Et hæc fuere retia, quibus illaqueari, capique potuit anima CATHARINA inferior; at non ipsa; *Frustrâ enim jacitur rete ante oculos pennatorum*, evolant hi altius à terra, & libero redduntur aëri: evolat & Sponsa Christi, retiaque fallit, ac ridet.

Hinc ad extrema supplicia ventum est, & ea quidem, quæ nulla hæcenus vidit ætas; suggessit enim unus aliquis id tormenti genus, ut unica fibula necerentur rotæ quatuor, ferris & clavis acutis horridæ, tum media distenderetur CATHARINA, & volutatis hinc, & hinc rotis, tota discinderetur, & hæc immanis machina priùs sub Virginis oculos posita, si fortè terreret, ac flecteret: at nec terruit, nec flexit. Igitur in ferali illa machina distenta Virgo, subitura, si cælum pateretur, immane supplicium. At non est passum, adfuit enim è Superum Regia bonus Angelus, qui Dei sponsam & vinculis exemit, & rotis, immanemque illam machinam sic in frustra concidit, ut & rotarum fragmentis & ferris, & clavis concisa, confractaque fuerit ingens omninò infidelium multitudo, quæ dum hinc & inde cadit quasi mortis, vindicisque cæli victima; auditæ illæ morientium ac superstitum voces, *Magnus Deus Christianorum.*

Minutius  
supra.

laetetur antiquitas Mutium Scaevolam, qui cum errasset in Regem, periisset in hostibus nisi dexteram perdidisset. laetetur Attilium Regulum, aliosque illius ævi viros fortes. Ecce pueri, & muliercule nostræ, cruces & tormenta, & omnes suppliciorum terriculus insperatâ patientiâ doloris illudunt.

Sic profectò illudit CATHARINA, quæ deinde ad novum supplicii locum educta, caput impio ferro amputandum objecit, eadem omninò constantiâ, quâ prius corpus omne discerpendum.

Sic cecidit illustris illa cœli victima, non sine doloris; imò amoris prodigio: visa enim pro sanguine lac effundere, lac dico virginiei candoris, virginieque pudoris.

Sic è corpore seu hospitio excessit magna illa mens, & cœli novi, id est Ecclesiæ, Intelligentia, & ad ultimas, cælestesque sponsi nuptias venit, dum interim corpus, animæ quondam comes, & custos ab Angelis in montem Sinai asportatur, ibi quietem sepulchrumque habiturum. A quo dum discedo, in oculos, animumque veniunt

### TERTIÆ NUPTIÆ

*D. Catharina cum Cælesti Sponso in Superum  
Regia ac beatitate.*

Bollandus  
ex M. S.  
græco Re-  
gis Galliæ.  
2. Febr.

SANCTUS CHARALAMPIUS, Martyr inclytus, rogatus aliquando ab Imperatore Severo, an nuptias contraxisset in terris? respondit, neque nuptias in terris contraxi, neque uxorem in terris unquam novi: mihi cum regno Christi, regno cælesti feliciores sunt nuptiæ, feliciores omnino,



omnino, quia in illis nonnisi miseria: in his autem nonnisi felicitas. Testem habeo D. Ioannem, qui Deo homini, id est Christo, fuit à secretis.

Ille in altiore mentis excessu beatitudinem, ad quam à morte fortiter obita invitatur Christi sponsa, oculis, animoque præsentiens exclamat. *Beati qui ad Cœnam nuptiarum Agni vocati sunt.* Apoc. c. 19.  
v. 9.

Beatitatem Cœnam appellat; quia datur ad vitæ mortalis occasum, & vesperam infelicis ævi, quo exacto animæ ceu Agni sponsæ, nuptiæ celebrantur, & quidem cælestes, ac propè divinæ duraturæ in omnem retro æternitatem.

Has porro nuptias cogitatione, speque certa præcipiens *Alexander Oliva*, primùm Generalis Ordinis D. Augustini: tum S. Romanæ Ecclesiæ Cardinalis, creatus à Pio Secundo Pontifice Maximo. Iosephus  
Pamphylus. Has, inquam, præsentiens, Religioso qui morienti aderat, fortè dicenti, ne quid timeret, adjecit: *Quid ego timerem qui ad nuptias eo.* Nuptias dico cælestes, imo & divinas, quas animo, votisque omnibus jam prensans S. *Dorothea*, post atrocia tormenta mortis sententiam à Præsidente excipiens, adjecit illicò gestientis illud.

*Benedico te Domine, caste amator animæ meæ quod me immeritam ad nuptias Agni immaculati vocare, & ad thalamum tuum cælestem invitare dignatus sis.*

Ita nimirum ad Agni nuptias vocantur illæ grandes animæ, ita ad illius thalamum invitantur.

Ita vocata; ita invitata B. CATHARINA, ita & *Dorothea*, quæ immeritam se dicit, quod humilitatis fuit; verè autem ex virtutis, ac sanctitatis consummata merito; uti &

Apo. c. 19.  
v. 8.

in præsens D. CATHARINA, cui datum est ut cooperiret se byssino splendenti, & candido. Quod illud si quæris, audies Iustificaciones esse Sanctorum, hoc est opera iusta, & sancta; quæ byssino, seu symbolo quodam, designantur. quo enim potius?

Erat byssus antiquis lini genus præstantissimum, quod melius, purius, candidius; splendidius evadit injuriæ sui, hoc est maceratione, tunsione, carminatione. & ita evadunt Sancti; ita Virgines, ita Martyres, ita (ut alios in præsentia taceam) D. CATHARINA, quæ ad illas celestis Agni nuptias sedula se præparavit.

At quomodo, quibusve magnarum virtutum præsidiiis atque ornamentis, disce in simili ex D. Bonaventura, qui hæc aliquando de S. Agnete, quæ ego hodie de D. CATHARINA.

### PRIMA PRÆPARATIO

*D. Catharina ad caelestes nuptias per veram  
cordis munditiam.*

**E**ST cor in homine membrum princeps, vitæ sedes, & officina affectionum omnium, quæ si mundæ sint, & mundum cor erit; ut porro sit, opportunum illud monitum sapientis.

Prover. c. 3.  
v. 26.

*Omni custodia serva cor tuum.* Est à naturâ cor custoditum probè, firmo scilicet opertum membranæ involuero, munitum costarum, & pectoris muro.

Quod illi natura; hoc diligens animi custodia, quæ non  
una



una sit oportet: sed omnis, & præ omni. hinc *Aben-Esra* vertit, *præ omni custodia serva cor tuum*, hoc est diligentius, & fortius, quàm domum, agros, thesauros, uxorem, filios, arces tuas, & urbes. Hinc *Chaldeus* reddit. *Omni munitione. Syrus omni cautione. Varablus omni cura. Symmachus omni custodia.* Ita cor suum custodiendum esse duxit B. CATHARINA, cui prima custodia fuit domus, & cellæ in qua sese sic continebat, ut nonnisi rarissimè prodiret in publicum, nec videre volebat, nec videri, quia nec volebat amari.

I.  
Custodia in  
amica soli-  
tudine.

Contrà quam faciunt Virgines pleræque, in quas sic olim aculenta oratione D. Cyprianus.

*Si per publicum notabiliter incedas, oculos in te juventutis illicias, suspiria adolescentium post te trahas, concupiscendi libidinem nutrias, suspirandi fomenta succendas, ut etsi ipsa non pereas, alios tamen perdas, & velut gladium te, & venenum videntibus prabeas, excusari non potes quasi mente casta sis, & pudica. Qui enim excusareris, quæ alios castos, & pudicos esse non pateris?*

De discipli-  
plina &  
hab. Virg.

Secunda custodia puri cordis, & virginei nitore in D. CATHARINA, fuit modestia cultus, & habitus: Etsi enim regiâ de stirpe esset, nihil tamen regium; hoc est nihil insolens in veste præferebat, parca, & modesta erant illi omnia.

II.  
In modestia  
cultus.

Secus hoc ævo puellæ, in quas aliquando sic D. Cyprianus. *Redarguit te cultus improbus, & impudicus ornatus, nec computari jam potes inter puellas, & virgines, quæ sic vivis ut possis adamari: Non sic certè vixit CATHARINA, quæ ita vixit, ut ab uno dumtaxat cœlesti sponso posset adamari.*

Suprà

Ut & sic possitis, ô virgines, ô puellæ. D. Cyprianum audite: sic ille in terris ad suas olim; sic modò è cœlis ad vos:

*Estote tales quales vos Deus artifex fecit, estote tales, quales vos Patris manus instituit, maneat in vobis facies incorrupta, cervix pura, forma sincera. Non inferantur auribus vulnere, nec brachia includat aut colla de armillis & monilibus catena pretiosa, sint à compedibus aureis pedes liberi, crines nullo colore fucati, oculi conspiciendo Deo digni.*

Hæc ubi dixit facundus Orator, tum illud ad extremum adjicit, *vince vestem, quæ Virgo es, quæ Deo servis; vince aurum, quæ carnem vincis & sæculum.* Et hoc, & illam si viceris, viam tibi parabis ad cælestes Agni nuptias, uti & paravit D. CATHARINA, cui

III  
In cavenda  
nuditate.

Tertia custodia fuit ab omni invereconda nuditate, quam cavit vel maximè, ut pote quæ plurimum faceret ad illecebras impuri amoris, quem incendunt vel maximè, quæ, ut advertit D. Cyprianus, *promiscuas balneas adeunt, quæ oculis ad libidinem curiosis, pudori, ac pudicitie corpora dicata prostituunt, quæ cum viros, atque à viris nude vident turpiter, ac videntur.*

Hæc libidinis incitamenta ubi aperuit S. Præsul, tum quæ ad eam sequantur mala exponit: *Nonne, inquit, ipse illecebram vitii præstant? nonne ad corruptelam & injuriam suam desideria præsentium sollicitant, & invitant? Viderit, inquis, qua illuc mente quis veniat; mihi tantum reficiendi corpusculi cura est, & lavandi. Ubi hunc qualem qualem excusationem audit, tum sic refutat, & arguit.*

*Non te purgat ista defensio nec lascivie & perulantie crimen*



*crimen excusat. Sordidat lavatio ista non abluir; nec emundat membra; sed maculat: Et causam hanc adjicit.*

*Impudicè tu neminem conspicias; sed ipsa conspiceris impudicè, oculos tuos turpi oblectatione non polluis; sed dum oblectas alios, ipsa pollueris. & rationem reddit è loci natura petitam.*

*Spectaculum de lavacro facis, theatro sunt fœdiora quo convenis, verecundia illic omnis exuitur. Simul cum amictu vestis, honor corporis ac pudor ponitur, denotanda & contrectanda Virginitas revelatur.*

*Hæc Carthaginensis Antistes de infami illa nuditate, & enascentibus inde malis, quæ ut declinet mens casta, in arctiore sui custodia esse debet, & quidem etiam*

*In quartâ unâ cum Virgine CATHARINA, quæ ut* IV.  
*illibatum servaret virginei pudoris florem, abstinebat à* Vitandis  
*conviviis, epuloque nuptiali etiam consanguineorum, cer-* conviviis.  
*ta in illis tantum decedero pudori, quantum accedit vo-*  
*luptati; quod ut altius virginum animis imprimat D. Cy-*  
*prianus, sic arguit nonnullas sui sæculi Virgines.*

*Quasdam, inquit, non pudet nubentibus interesse, & in illa*  
*lascivientium libertate sermonum, colloquia incesta miscere,* Supra  
*audire quod non decet, quod non licet dicere; observare, &*  
*esse præsentès inter verba turpia, & temulenta convivia,*  
*quibus libidinum fomes accenditur, sponsa ad patientiam stu-*  
*pri, ad audaciam sponsus animatur.*

*Ubi hæc malorum semina, quæ & oculis, & ori, & auribus injiciuntur, exposuit, tum ad Virgines stylum convertit, & sic ad illas.*

*Quis illi in nuptiis locus est, cui animus ad nuptias non est,*  
aus

*Supra.* aut voluptuaria illis, & leta esse que possunt, ubi & studia, & vota diversa sunt? quid illic discitur, quid videtur? quantum à proposito suo virgo deficit, quando pudica que venerat, impudica discedit? corpore licet Virgo ac mente permaneat; oculis, auribus, lingua minuit illa, que habebat.

Pudoris scilicet & intactæ castimonix flosculos, quos eò loci, ac temporis inarescere, ac flaccescere est necesse: uti & in comediis, ludisque theatralibus, in quibus dum oculis illuditur, illuditur & animo, tantumque detrahitur virgineo nitore, quantum oculis, auribusque additur voluptatis.

*V.* Hinc ut dilertè D. Cyprianus quo auctore hîc, utor. Sic *Ludis thea- tealibus.* frequenter Ecclesia Virgines suas plangit, sic ad infames earum ac detestabiles fabulas ingemiscit, quia scilicet in istis & flos Virginum extinguitur, & honor continentie, ac pudor caditur, & gloria omnis ac dignitas profanatur, sic nimirum, se expugnator inimicus per artes suas inserit, sic insidiis per occulta fallentibus diabolus obrepit, sic dum liberius evagari Virgines volunt, esse Virgines desinunt, furtivo dedecore corruptæ, viduæ antequam nuptæ; non mariti, sed Christi adulteræ: quàm fuerant præmiis ingentibus Virgines destinate, tam magna supplicia pro amissâ virginitate sensuræ. Ne porro sentias & ipsa aliquando, & seriùs ingemiscas, in hac quinta virginæ mentis carnisque custodia, cum D. CATHARINA consiste, & sic ad cælestes Agni nuptias tibi viam appara. apparabis porro etiã

*D. Cyprian. supra.*

Sextâ custodiâ, in qua vigili oculo, animoque discas, quod opus Dei & factura ejus ac plastica (qualis es ô Virgo) adulterari nullo modo debeat, adhibito flavo colore, vel nigro



nigro pulvere, vel rubore, aut quolibet denique lineamenta  
 nativa corrumpente medicamine. Ab hac mentis, carnisque  
 custodia longè discedunt virgines illæ, quæ oculos circum-  
 ducto nigrore fucare, & genas mendacio ruboris inficere, &  
 mutare adulterinis coloribus crinem, & expugnare omnem  
 oris & capitis veritatem, exemplo suo docuerunt: non  
 docerent certè, si in virginea D. CATHARINÆ schola, &  
 animas, & corpora excoluissent, si audissent & illud Dei  
 factoris sui ore D. Cypriani expressum.

Non metuis oro quæ talis es, ne cum resurrectionis dies  
 venerit, artifex tuus te non recognoscat, & ad sua præmia  
 & promissa venientem removeat, & excludat, increpansque <sup>Supra.</sup>  
 vigore censoris & iudicis dicat. Opus hoc meum non est,  
 cutem falso medicamine polluisti, crinem adultero colore mu-  
 tasti: expugnata est mendacio facies, figura corrupta est,  
 vultus alienus est, Deum videre non poteris, quando oculi  
 tibi non sunt quos Deus fecit, sed quos diabolus infecit; Illum  
 tu sectata es, rutilos, atque depictos oculos serpentis imitata  
 es, de inimico tuo compta cum illo pariter & arsuræ.

Hæc in illa die decretoria justus & severus Iudex, quem  
 etiamnum tibi loquentem, si audias perstabis in vigili cu-  
 stodia cordis, & ejus quæ tibi ab illo debet esse corporis,  
 animique munditia, quæ facilem semitam aperiet ad cæ-  
 lestes Agni nuptias, uti & D. CATHARINÆ aperuit,  
 cui etiam fuit

## SECUNDA PRÆPARATIO

*D. Catharina ad Celestes nuptias per exteriorem  
pœnitentiam.*D. Bonav.  
supra.

**H**ÆC est interioris veluti fructus, ad quem olim auditores suos hortatus D. *Ioannes Baptista*; magnus in eremo, major in ipsa exteriori pœnitentia.

Matth. c.  
3.

*Facite*, inquit, *fructum dignum pœnitentie*, ii porro sunt, flagellationes, cilicia, jejunia, vigiliæ, eleëmofynæ, orationes, lacrymæ, & his affinia, in quæ ultrò concedit mens sancta, quæ in se iudex est, & simul etiam vindex, quia ad Deum verè conversa.

*Qui convertitur, irascitur sibi*, inquit Augustinus, *se habeat iratum, ut Deum habeat placatum, se habeat iudicem ut Deum habeat defensorem.*

Et ita sibi quondam iratæ etiam virgines tenellulæ, licet innoxæ; ita seipsas iudices habuere, & leviros quidem: amplius dico, (verbo absit injuria) tortores, & propè carnifices: sic enim in se, & carnem suam sævierunt, ut aut hostem dixisses, & quidem juratum, aut vile jumentum, ad flagra & labores natum.

Bolland. in  
ejus vita 28.  
Jan. c. 2.

Et ita corpus suum habuit B. *Margarita* Hungarica, virgo ut animo, sic & sanguine regio, ut pote Regis Hungariæ filia, quæ ut ea esset, annis omninò sex ante obitum, cilicium quod induerat, non exuit.

26. Jan. in  
ejus vita c.  
6.

Ita S. *Paula* vidua, licet affecto, ægroque corpore, licet tentata febri vehementiore, in nuda tamen humo etiam ciliciis



ciliciis instrata quiescebat, nec adduci poterat ut in pluma dormiret, & molli anserere: mollia nimirum oderat, & duriora amabat.

Ita (ne abeam ab argumento mihi proposito) B. CATHARINA corpusculum suum tractandum esse duxit, & durioribus exercendum, & hoc ut viam sibi faceret ad cælestes Agni nuptias, ad quas admittitur nemo nisi pœnitentiâ probè excultus atque edomitus; nec enim mollis est ad astra, & superos via, quod fusiùs probare non est hujus loci ac temporis; satis erit digito monstrasse. Alia superest, eaque

## TERTIA PRÆPARATIO

*D. Catharina ad cælestes nuptias per veram patientiam, & malorum tolerantiam.*

**P**ropheta Regius in Psalmum, qui inscribitur *pro occultis*, hoc extulit, quod hominum oculis ex vero occultum est; extulit, inquam, illud. *Qui exaltas me de portis mortis*, exaltas videlicet unde abjici, unde mergi, unde obrui posse, ac debere mortalibus oculis videbar, ubi enim ista potiùs, quàm in portis mortis? & tamen in illis, & ab illis exaltas, quod scitè expendit D. Chrysostomus & ait.

D. Bonav.  
supra.

Ps. 9. v. 18.

*Non dixit qui liberat: sed qui exaltas; non enim tantum in solvendis malis justorum; subsistit Dei beneficium; sed facit eos admirabiles, insignes & clariores.*

Clariores dico, primò generatim in omni virtutum genere, quia ut disertè Seneca. *Calamitas virtutis occasio est.*

Lib. de pro-  
vid. c. 4.

Deinde speciatim, in constanti erga Deum, ac superos fide; cùm exurimur persecutionis ardore, tunc probamur de fidei tenore, inquit Tertullianus.

Lib. de fug. c. 3.

Tum etiam in notitia sui: *Opus enim ad notitiam sui experimento; quod quisque possit nisi tentando non discit,* Suprà. ut pulchrè Seneca.

Tum probatur animi fortitudo, & constantia, *Gaudent enim magni viri rebus adversis, non aliter quàm fortes milites triumphis. Avida quippe est periculi virtus, & quo tendat, non quid passura sit, cogitat, quoniam quæ passura est, gloria pars est,* ut ille ipse Seneca.

Tum etiam Dei, seu Patris, seu Domini in nos amor, & pietas ostenditur; Deus enim quos amat, probat, indurat, recognoscit, exercet.

Denique per adversa digni visi sumus Deo, in quibus experiretur quantum natura humana posset pati, & ita expertus est in Sancta CATHARINA, quam exaltavit in ipsis inferi, mortisquæ portis, primò ipsius fidem ad tormenta, ceu ad lapidem lydium probando, tum invictam ipsius fortitudinem, atque constantiam, quam dum amat, probatquæ, duris recognoscit exercetquæ, carcere scilicet ac vinculis, tum etiam flagris ac fustibus; tum rotis aculeatis; tum denique ferro, à quo dum capite minuta, in cœlos est exaltata, admissa quæ ad cœlestes Agni nuptias. Ecce ut illa cum Davide ad Deum dicere potuit

Pf. 9. v. 15.  
16.

*Qui exaltas me de portis mortis, ut annuntiem omnes laudationes tuas in portis filia Sion; exultabo proinde in salutari tuo, quia infixæ sunt gentes in interitu, quem fecerunt.*

Et



Et hæc tua gratia, favor tuus, amorque, ô sponsæ, qui sponsam exaltas ad vitam, ad beatitatem etiam de portis mortis; hoc est de tribulationibus, de tormentis, ipsaque morte.

Quod sponsæ Christi, hoc & D. CATHARINÆ datum est; hoc & nobis, hoc & omnibus, quibus exaltatio non erit nisi à patientia, & insigni quadam malorum tolerantia.

Quæri solet ab Interpretibus Scripturæ sacræ cur collocavit Dominus ante paradysum voluptatis Cherubim, & flammæum gladium ad custodiendam viam ligni vitæ? Gen. 3.

Quæ enim necessitas, aut quæ ratio Deum coëgit ad illam Paradisi custodiam? poterat enim aut lignum vitæ tollere, aut sola sua voluntate viam paradisi claudere. Cur igitur ab illa arcet gladio, & quidem flammæo? Respondet Rupertus in hæc verba: *Fide tenemus, & confitemur, quod per ignem transeuntes intraturi sumus Paradysum.*

Ea nimirum ad Paradysum via, eaque Cœli Lex, quæ & naturæ. *Nisi hyems, nec æstas; nisi certamina, nec bravia,* inquit ore aureo D. Chrysostomus, indeque factum autumat, ut D. Ioannes in mentis excessu viderit beatos omnes Homil. 4.  
ad popul. palmas in manibus gestantes: sed cur, inquires, palmas? cur non potius sceptræ, aut coronas? & hæc, & illa Sanctos decebant quàm maximè, ut pote in Cœlo Reges. Ratio in oculis est, & in manibus quia palma insigne est vincen-  
tium: at non sine sudore, sine sanguine vincitur. Certum ergo nobis sit ita vincere; ita & æternum triumphare.

Sic nimirum in terris vicerunt sancti, sic & modo triumphant in cœlis.

Sap. c. 10.

*Iustum deduxit Dominus per vias rectas, ostendit illi regnum Dei, honestavit illum in laboribus, inquit Sapiens. Græca lectio habet. Locupletavit eum in ærumhis. His nimirum parantur cælestes divitiæ, his fabricantur & coronæ. indeque benè monet Guericus Abbas, ut animo non cadamus, non succumbamus in laboribus, in ærumnis, in tormentis, ipsaque morte quam inferre potest Tyrannus.*

Serm. 3. de  
S. Bened.

*Poterit, inquit, tentator ille servire, sed hoc erit servire, poterit urere, tundere, defricare: sed hoc erit coronas fabricare. Has oculis, has animo si spectemus; nunquam deficiemus, nunquam succumbemus, etsi fractus in nos illabatur orbis.*

Nimirum in hac orbis, quasi in nos illabentis ruina, casuque, aderit supremum è cælis Numen, aderit & CATHARINA Virgo & Martyr longè clementissima, opportunoque erit ejus operi imploranti præsidio. Et hoc spondet ea, quæ in ejus beata mente in cælis est charitas, hoc & spondet, quæ ei in terris erecta Ecclesia, de qua illud extat inusitatum alias miserationis, indulgentiæque miraculum.

Silvestr. Pe-  
tra sancta  
Taumasie  
tom. 1. c. 2.

In quadam Carinthiæ Præpositura, cui nomen est *Vero*, visitur Sacellum D. CATHARINÆ Virgini, & Martyri sacrum; quod si fortè claudatur, semper tamen sponte nihilominus aperitur, & patet. Et hoc quia semper aperiiri, semper patere vult adyta sua Diva Virgo CATHARINA, ut ea adeat, ea subintret quovis tempore, quavis hora, quovis momento, quisquis à malis urgetur, & premitur.

Dicata sanctis aliis templa statutis horis interdiu recluduntur, clauduntur aliis: hinc illis constituti janitores, obducta



obducta claustra, seræque. At unicum Divæ CATHARINÆ templum semper aperitur, & patet : quia ad misellorum auxilia semper aperitur & patet illius divæ Caritas & miseratio.

Cùm S. *Æmilianus* Martyr esset in extrema cum carnifice lucta, hæc illi de cœlo vox appulit.

*Euge serve bone, & fidelis, exaudi vi te in omnibus, quæ me rogasti. Ecce orante te aperti sunt cœli, Chori Angelorum te expectant, parata tibi est corona; intra igitur benedicte in æternam requiem. Deinceps misericors appellaberis, ac plurimos liberabis, eris spes navigantibus, refugium oppressis, advocatus egentibus, aegris medicus, demonibus acerrimus persecutor.*

Bollandus  
tom. 2.  
8. Febrar.

Hæc ut audiit S. Martyr, exultavit totus simulque enixè Deum rogavit, ut qui tormentis aliis non cesserat, ense vitam hanc mortalem finire posset annuente tandem ipso Numine.

Annuit votis Deus, & ferro caput simul, & vitam amisit; quodque prodigio fuit, insignique miraculo, pro sanguine lac effudit, uti prius D. CATHARINA.

Sed cur, inquires, lac? non naturæ dandum est illud: sed cœli beneficio, quæ candidas illas, & simul misericordes animas, lac è præcisâ cervicè vult effundere in symbolū & virginei candoris, & simul effusæ in afflictos miserationis, cujus sanè testes illæ ad S. *Æmilianum* voces, quas ego D. CATHARINÆ tacitus in aurem, animumque jactas autumo.

Euge ancilla Christi, bona, & fidelis, exaudi vi te in omnibus, quæ me rogasti, ecce orante te aperti sunt cœli,  
chori

chori Angelorum te expectant, parata tibi est corona. Intra igitur benedicta in æternam requiem. Deinceps misericors appellaberis, ac plurimos liberabis, eris spes navigantibus, refugium oppressis, advocata egentibus agris pro medico ; & dæmonum acerrima persecutrix.

Ribadin. in  
ejus vita.

Has, inquam, aut similes à cœlesti sponso voces excepit D. CATHARINA, in ea oratione, quæ illi fuit ultima, & in qua lacteam cervicem ad ferrum excipiendum inflexit, simulque Deum rogavit, ut quisquis ejus auxilium, subsidiumque in malis efflagitasset, voti compos omnino fieret ; quid enim aliud à cœlo peteret CATHARINA, quæ deinceps Deo Iudice *misericors* & esse, & audire debuit, aramque misericordiæ ponere etiam in ipso monte *Sinai*, quo & delatum corpus, magnæ mentis exuvix : futurum miseris pro asylo, proque refugio.





# IN FESTO SANCTI ANDREÆ APOSTOLI.



IVUS CHRYSOLOGUS, stylo ut solet  
aureo, S. ANDREAM componit cum  
D. Petro. Primùm ex eo quòd illum  
*natura similem*. Secundò quòd *vocatio* Serm. 133.  
*socium*. Tertiò quòd *parem gratia ipsa*  
*perfecerit*. Quì autem perfecerit, ex hoc  
ostendit, quòd *Petrus crucem, arborem*

*conscendit Andreas* : quæ porro sit illa, paucis ore præfago  
explicabit sapiens, qui sic etiam de illa.

## QUÆSTIO UNICA MORALIS.

*Dixi : Ascendam in palmam, & apprehendam  
fructus ejus. Cant. c. 7. v. 8.*

Ecquis ille qui dixit ? quæ palma ?  
& qui illius fructus ?

**D** Ivi Patres, & Scripturæ sacre Interpretes in tres  
discedunt opiniones.

Prima, illam voculam *Dixi*, excipi vult à choro ado- Quis ille  
qui dixit ?  
**E** lescentularum,

lescentularum, hoc est adhuc imperfectarum in fide, quæ Synagogæ jam ad meliora conversæ dicit. *Ascendam in palmam*, hoc est ascendam per virtutis imitationem ad perfectionem doctrinæ tuæ, & per contemplationem apprehendam ejus sublimitatem; ita tres Anonymi apud Theodoretum.

Secunda, vocem *dixi*, credit emanare à Christo, jam in Crucem ascensuro; dixit enim verò ille Patri Æterno, dixit immortalibus; dixit & mortalibus; *Ascendam in palmam*, id est crucem, & apprehendam fructus ejus, id est animas, quæ victricis palmæ, ceu Crucis, fructus sunt; sed generosi, sed suaves, sed amabiles; & quas Christus apprehendit, seu fructus, seu exuvias relatæ de inferis victoriæ. Ita S. Gregorius, Beda, Rupertus, aliique.

Huic opinioni favet imprimis illud quod D. Gregorio Nazianzeno, D. Bernardo, D. Bonaventuræ visum est, Christum affixum fuisse Cruci jam erectæ, atque in terrâ probè firmatæ, atque in eam per scalas ascendisse, quod certè ad majus supplicium, graviolem ignominiam, & ad horrorem, terroremque aliis incutiendum magis faciebat. & sic in cruenta illa Christi patientis tragœdia ætîtaturn existimavit, etiam D. Birgitta, cui in Calvariæ monte oranti idipsum dicitur Christus revelasse.

Lib. 7. Revelat. c. 12.

Quæ palma?

At cur, inquires, Crux palma? sunt qui velint, quia Crux, magna sui parte palma fuit, ex quo triturn illud carmen, quod citat glossa in Clementina de summa Trinitate.

*Ligna Crucis palma, Cedrus, Cupressus, Oliva.*

*De Cedro est truncus, corpus tenet alta cupressus,*

*Palma*



*Palma manus retinet, titulo letatur oliva.*

Et quia palma manus affixas retinet, ideo jure meritissimo dicit, *apprehendam* manibus fructus ejus.

Placet aliis Crucem cum palmâ componi: quod hæc symbolum sit regni, victoriæ, ac triumphi; & ea Cruz Christo fuit; primum enim *Regnavit à ligno Deus*, infer- Psal. 91. v. 9.  
nasque potestates subegit, ac suo adjecit imperio etiam orbem universum, inferni victor & domitor gloriosus: deinde etiam de mundo, de morte, de inferis triumphavit.

*Ascendisti Domine in palmam, quia illud Crucis tue lignum portendebat triumphum*, inquit olim D. Cyprianus. Tractat. de Passione.

Et hæc de Christi in Crucem ascensu, deque secundâ authorum, atque interpretum opinione, cui accedit tertia.

Ea verbulum illud *Dixi* refert ad animam amantem virtutis, ac perfectionis. Hæc cum Davide *Ascensiones in corde suo disposuit*, ut eat de virtute in virtutem, ait Theodoretus.

Hæc cum Paulo sanctitatis avida; avida & Crucis, ac mortificationis, exclamat. *Ego me non arbitror comprehendisse, sequor autem si quo modo comprehendam.* Ad Philipp. c. 3.

Hæc cum Ambrosio liberè pronuntiat illud, & ait. *Dixi, ascendam in palmam, ut omnia inferiora relinquam, & ad superiora contendam, ad braviū Christi, ut suaves ejus fructus & carnam, & gustem.* Lib. 3. Hexam. c. 13.

Hæc denique cum Chrysostomo & vocem, & animum explicat in illud *Dixi. Ascendam in palmam ad tenendum sublimitates ejus, rectitudinem amantem, & mundum habentem cor, & ad cælestia bona currentem.* Hom. 22. ad pop.

Huic opinioni in præsentia inhærebo, quia & instituto

meo magis accommodata, omnino consona vocibus, quas olim in faventes auras emisit ANDREAS Apostolus, qui animo, votisque omnibus extulit illud

*Dixi, ascendam in palmam, & apprehendam fructus ejus.*

*Ascendam*, & hoc primum. *In palmam*, en alterum. Et *apprehendam fructus ejus*; ecce postremum. De hoc, & illis pauca.

Quis in  
eam ascen-  
sus?

Dixit enim verò ANDREAS *Ascendam*: hoc est, interprete D. Ambrosio, *omnia inferiora relinquam*, seu ea esse voles, qui datus in terris parens, seu quæ nautico operi aptata navis, seu quæ capiendis piscibus opportuna retia, seu alia quævis, quæ huic vitæ, mundoque inferiori serviunt, ea relinquam omnia, & æternum quidem, & hoc ut advertit D. Chrysologus, *ad unam vocem Domini*, eam videlicet, *Matth. c. 4. Venite post me*: ad hanc quippe; *patrem, patriam, censum reliquit*; & hoc primum: mox daturus alterum; mox, inquam, ad superiora exemplo Christi facturus gradum; *laboribus, opprobriis, itineribus, contumeliis, vigiliis Christo indefesse se socians*: Denique moriendo ad Dominum æstuans & anhelans, ac toto virtutis gradu Dominicis incumbens herere vestigiis: *Crucem ardentem invadit, ut inde conscenderet cælum*; inde *præmium sumeret, & coronam*. Sic de illo aureè D. Chrysologus, ex quo discis, quæ ascenderit in palmam: videamus quæ apprehenderit fructus ejus? & quinam illi? sunt alii, atque alii. In opusculo, cui titulum feci, *De vita ac mortis*, duodecim luci dedi, & benevolo Lectori; eos si placet, consular, ego, quod ibi fusiùs; hîc parcius.

D. Chryso-  
log. serm.  
133.

Lib. c. 5.

Primus



Primus est æterna ac divina prædestinatio, atque electio. Qui illius fructus?  
 Testem appello Ezechielem, vidit ille in excessu mentis vindicem Angelum, qui electos à reprobis discerneret: vidit, inquam, & simul audiit à bono genio. *Transi per mediam civitatem in medio Hierusalem & signa Thau super frontes gementium & dolentium.* Transivit omninò, & signavit gementes ac dolentes, id est electos, *signo Thau,* I.  
*signo Crucis.* Transivit & ille Angelus, quem sic aliquando Prædestinatio.  
 loquentem audiit D. Ioannes. *Nolite nocere terræ & mari,* Apoc. c. 7.  
*neque arboribus, quoadusque signemus servos Dei nostri in frontibus eorum.* At quo signo? non alio quàm Crucis, quo signati servi Dei, hoc est electi, quibus deinde cælo propitio exurgit, atque enascitur fructus alter divinæ vocationis, quem collegit D. ANDREAS in tempore, & hoc quia electus ab æternitate: audivit enim cum fratre illud vocantis Christi, *Venite post me,* id est me sequimini ad vigilias, ad Math. c. 4.  
 labores, ad opprobria, ad cruces, hoc enim est Christum sequi: & porro sic secutus ANDREAS qui hos hausit, primum à palma, ceu cruce, fructus æternæ suæ ac divinæ II.  
 prædestinationis, atque electionis; alterum vocationis ad Vocatio.  
 Apostolatum, in quo & alium à palma fructum decerpit: is fuit sapientia quædam cœlestis, quâ & Ecclesiæ, & Christo subjecit tumentes illos, & elati supercilii philosophos, verum enim de Petro, deque ANDREA istud D. Ambrosii pronuntiatum: *Scientia piscatorum, stultam fecit sapientiam philosophorum.* Quod ut probet Augustinus, hanc injicit quæstionem cur virga Aaronis versa sit in colubrum? cur Exod. c. 7.  
 non potius in elephantem, in leonem, in tigridem, à quibus

discerpi posset adversum, rebelleque superis caput? Respondet *virgam illam Aaronis typum fuisse Crucis, colubrum autem sapientiae symbolum.*

III.  
Sapientia  
caelestis.

Ita nimirum Christi Crux, quæ virga fuit, & gentibus stultitia, versa est in sapientiam; & sicuti devoravit virga Aaronis virgas omnes maleficorum: sic & sapientia Crucis omnem mundi sapientiam absumpsit. Ut videre fuit in ANDREA, cujus prædicatio omnem mundi, omnemque gentilium sapientiam confudit, ut testis erit Scythia, Epirus, Thracia, Achaia, aliarque regiones, quas amœna illa sapientiae suæ luce illustravit Apostolus, dissipatis idololatriæ, errorumque tenebris, & hoc beneficio Crucis, à quâ illi caelestis ille divinioris sapientiae fructus, cui accessit & alius, ex eo quodammodo ductus, videlicet insignis de putida carne, de mundo fallaci, de obstrepentibus inferis victoria.

III.  
Victoria  
mundo &  
inferis.

Contra Maxentium armata manu ibat Constantinus, cum Romam appropinquant, & de belli eventu plurimum sollicito, serena die, sacrae Crucis signum in cœlo monstratum est, cum hac epigraphe.

*In hoc signo vinces.*

Neque vana illi ostento fides ac religio; Crucis enim virtute ad pontem mylvium victus est Maxentius, flumineque haustus. Sic Roma, & gravissima tyrannide liberata, & Religio Christiana, quæ premebatur, erecta.

Ut hujus beneficii memoria iret in posteros, simulque ipsius Constantini in Crucem veneratio. Primò Crucem in galeam extulit, ut dici de illa posset *Galea salutis in capite ejus.* Deinde arcem crucem in foro supra columnam crexit,



erexit, quam ipse *νίκη*, id est victoriam, appellavit.

Senferat nimirum sibi datam à Cruce victoriam: verùm quanta quanta sit illa, at tantum est de homine, deque tyranno; sed victoria, quam sibi à Cruce fecit D. ANDREAS, est de carne, & potentibus ejus illecebris; est de mundo, qui etiam Regibus, etiam Cæsaribus, & coronatis verticibus illudit; est de malo dæmone, de inferis potestatibus, est de animabus, quas cælo Deoque vicit Apostolus, ac de immani inferorum captivitate reduxit triumphator semper Augustus. Et hoc quidem, non armis, non militum manu, ac robore, non fusâ in campum acie: sed unica dumtaxat Cruce. Hac nimirum (ut Chrysostomi verbis utar) *militem suum Rex cælorum armavit, non dedit scutum, non galeam, non arcum, non thoracem, nec aliud quid de genere armorum; sed quod his omnibus firmitus & valentius est, presidium à Cruce, & symbolum victoria.* At cujus, inquires? de immortalis animæ, à qua nobilissimum victoriæ genus, quod retulit D. ANDREAS, ut paucis ostendere est animus.

Orat. de  
ador. Cru-  
cis.

In veneris amoribus, lutoque, annis omnino sexaginta quatuor in sorduerat senex unus aliquis, *Nicolaus* nomine, qui cum forte in lupanar intrasset gestans in sinu Evangelii codicem, meretricula, in cujus amplexum ruere parabat, illicò territa, & quasi perculsa fulmine, abscessit, adjiciens etiam illud.

V.  
Victoria de  
animabus.

Mira se & prodigiosa vidisse, & cœlestibus mysteriis plena, quibus etiam permotus misellus senex, ad D. ANDREAM pedes accidit, rogavitque ut apud Deum pro se supplicem veniret: venit porro vir Dei, & post dies quinque vocem è cœlis

Ribad. in  
ejus vita.

è cœlis audiit: datum sibi, Deoque peccatorem illum. Ecce nobilem de animulâ peccatrice victoriam, imò & de ipsis inferis, quibus propè jam merſus erat.

Aliam accipe de peccato, quod pejus inferis. Adolescentem, nomine *Soſtratum*, ad ſtuprum ſollicitârat mater, cui dum conſtanter abnuir, en tibi aliud etiam à matre ſcelus, accuſatur filius apud Proconſulem, quaſi matrem vi oppreſſiſſet, & à iudice tanquam reus damnatur ad extremum, & infame ſupplicium. Quid hîc adoleſcens? matrem accuſet? at prohibet innatus in eam amor. Quid ergo? ſileat? at ex ſilentio, veluti tacito quodam conſenſu, mors ſecutura; parum eſt, inquit, ſatius eſt filio mori, quàm matrem culpando vivere. Quid deinde? Hæc inter ANDREAM rogat adoleſcens, ut pro ſe apud ſuperos orator accedat: accedit. Mirum dictu, viſuque. Terra tremere, mugire tonitrua, turbarique cœlum omne, emiſſoque inde fulmine & de ſua ſede depelli, dejicique injuſtus Iudex, & mater ipſa percuti, accendi, ac perire: Sic ſcleri infando data eſt pœna, & vita innocenti, mors autem nocenti. Et ecce D. ANDREÆ nobilem victoriam. Aliam habe de malo dæmone, de profanis fanis, de idolis, quorum cultus tota *Achaia* eliminatus nequicquam fremente *Egeo* Proconſule, à quo & ad crucem damnatus. Hæc ut primùm in oculos venit, ſimul in eas voces erupit vir ſanctus. *Salve crux, diu deſiderata, & concupiſcenti animo præparata. Suscipe diſcipulum ejus, qui pependit in te magiſter meus.* Dixit, & jam propior cruci factus, in ejus amplexus, & oſcula prout; in ea deinde ſuſpenſus, affixusque funiculis, vixit duobus



duobus diebus, dixitque ad frequentem populum ex ea, velut è suggestu nobili: Dixit, inquam, ad hominum viginti, & amplius millia, quos & in sui amorem rapuit, & simul etiam Christianæ Religionis, & ecce aliam de rot animabus victoriam. Denique cœlesti lumine circumdatus ad horam amplius mediam, terris vivere desiit, & cœlo cœpit: en illi ultimam de morte victoriam; ceu nobilem *palme* fructum, en cœlestem à Cruce gloriam, en triumphum.

Ne mireris, *Amice Lector*, quod in eo mortis genere, <sup>VI. Victoria de morte.</sup> quod mundo quondam infame, gloriam inveniri pronuntiem. Id longè antè pronuntiavit Isaias, qui de cruce, obitaque in illa morte, extulit magnificum, augustumque illud: *Ponam te in superbiam sæculorum*, est enim verò mors <sup>Cap. 60. V. 15.</sup> Crucis, superbia sæculorum.

Testem appello Prudentium, qui de morte D. *Petri* loquens exclamat: *Vidit superba morte laureatum*. Vidit, inquam, Roma, Orbis Domina. Videt etiam modò dum ad loca, in quo fixa olim Crux fuit, supplices videt, & Reges, & Cælares, & coronata capita.

Nunc enim (ut magnificè D. Augustinus) *ad memoriam* <sup>Serm. 28. de Sanctis.</sup> *piscatoris flectuntur genua Imperatoris, ibique radiant diademata, ubi fulgent beneficia piscatoris.*

Videt Constantinopolis, miraturque Imperatores, Regesque suos, *magnam* (ut cum D. Chrysostomo loquar) <sup>Hom. quod Christus sit Deut.</sup> *sibi gratiam putare, si non propè Apostolos; sed si vel extra eorum vestibula corpora eorum sepeliantur, fiantque piscatorum ostiarii Reges.*

F

Quod

Quod illi de *Petro* Apostolorum Principe : deque illius in cruce morte ; hæc ego de D. ANDREA, deque felici illius in ligno Crucis obitu : à quo ex vero dici potest etiam ipse, *superba morte laureatus*, cum etiam ad sacrum illius caput Quod Romæ in Ecclesia D. *Petri* religiosè asservatur, & supplices accidunt Reges, & venerabundi Cæsares genua ponant, suaque inclinent diademata.

Quod si corpori, vel ob id unum quòd aliquando domicilium fuerit magnæ mentis, quòd exuviæ principis animæ, is defertur honos, eaque in terris gloria, quanta in cælis ut sit, est necesse? tanta certè quantam non capit, nec capere potest mens humana, licet vel maximè esset oculata. & is honos & gloria, fructus est palmæ nostræ longè suavissimus, ac præstantissimus; ut proinde mirum videri non debeat si in eas illius amantis voces eruperit D. ANDREAS : *Ascendam in palmam, & apprehendam fructus ejus.*

VII.  
Victoria de  
cælo.

Quæ ad  
eos carpen-  
dos incita-  
menta?

Ut & tu aliquando tandem in eam ascendas, *mi Lector*, præter Apostoli vota, atque exempla tibi nonnulla sub oculos ponam ad illud incitamenta.

Primum est, quod in fronte geris Christiani nomen : hoc te invitat ad Crucem, hoc te in palmam evocat : sunt enim jam inde ab ipsis Ecclesiæ incunabulis Christiani, *Religiosi Crucis* appellati.

Tertull. in  
Apolog.

Quod si ad illam Christiani nominis appellationem addideris Religiosi nomen, gratiamque ac virtutem illi statui, velut adnatam, etiam ex hoc capite Crucem ames, Crucem quæras est necesse. Est enim uti advertit Climacus, ipse Religionis status *perpetua quedam naturæ violentia*, id est  
Cruz

I.  
A nomine  
Christiani  
& Religiosi.



Crux perennis, utque in te sit perennis, attende primò quæ Cruci vis indita : deinde quod illi cælo iudice pretium, quisve valor, auro utique, gemmisque omnibus potior.

Vim illi à Deo impressam ex hoc agnosce. Flumen cum puellis suis trajicere parabat *S. Brigida* virgo : sed neque navis erat, neque vector. Quid igitur sociæ Virgines ? sic illæ ad *Brigidam*. *Signa flumen sacratione Crucis signo, & innoxie transibimus.* Signavit illa, & cum sociis Virginibus flumen transiit. Crederes ipsum aquæ elementum vim Crucis per-  
 sensisse, & suæ quasi naturæ oblitum, fuisse illis pro semita  
 diutior, proque marmore.

II.  
A Crucis  
virtute.

Bollandus  
tom. 1.  
Feb. 1. c. 25.

Quod illis ; hoc tibi *benevole Lector*. si hæc vita fluminis instar ; imò & instar sit oceani ; per illam transibis innoxie, non navi, aut rate : sed vel sola Cruce vectus ; hæc quippe illi vis, & hoc ab illa tibi beneficium erit, erit & præsidium, ut tentationes, si forte incurrant, evites, erit ut pericula declines, & fallas.

Ut mundum fugeret, mundi que illecebras *S. Martinianus Anachoreta*, in rupem evaserat, & quidem sitam in maris medio. Sed, ô grande malum dæmonis invidia ! puellam è naufragio elapsam in eandem rupem, velut in portum, impulit. Quid hîc, Vir sanctus ? rejicere, videbatur immanitatis ; admittere periculose plenum opus alex : quod ut advertit homo Dei : sic ad illam : *Igni cum fano non bene convenit ; adeoque nec tecum mihi.* Dixit, & crucis signo munitus sese in mare præcipitem dedit, & ecce ! ô amabilem vim Crucis, ô prodigium, ô miraculum Crucis. Delphines duo ex imo maris in summum egressi cum dorso excipiunt,

tom. 2. Feb.  
dic 13.

atque per undas, ventosque tumultuantes in littus expor-  
tant, ac deponunt. Tanta vel in solo Crucis signo est vir-  
tus; tantaque vis, quanta vel in ipsa Cruce, si in eam ipse  
ascenderis, si ei in omni vita, imò & in morte fueris affixus.  
sed fortè longiùs abeo, quàm par sit, ab instituto: ad *Pal-  
mam*, hoc est ad Crucem, redeo, eò deVectus cogitatione, &  
amore; & illius tibi pretium, valoremque ostendo, ut in  
eam venias ipse.

III.  
A Crucis  
pretio.

Crucem (si fortè ullus mortalium) amavit in omni vita,  
quæsiuitque B. *Henricus Suso* Dominicanæ familiæ decus in-  
signe; utque amaret ardentius, quæreretque studiosius; hæc  
illi quondam objecta species, & Crucis imago.

Holland in  
eius vita  
c. 1. 25. Jan.

In mentis excessu vidit sibi aperiri patereque pectus, imò  
& cor ipsum, amoris sedem, officinamque caritatis; vidit,  
inquam, & in corde Crucem auream multis gemmis illu-  
strem: in quibus etiam miro decore visebatur augustum,  
cæleste, divinumque JE SU nomen. Ecce B. *Susonis*  
amores, ecce delicia. *Cruz, & IESVS*: At cur aurea Cruz?  
quia pretiosa, & auro pretiosior; cur & gemmea? quia gem-  
mis ditior & clarior. Quod si aurea, si gemmea Cruz etiam  
in hac aurâ mortali, etiam in corde carneo;

Quæ, amabo te, *mi Lector*, quæ erit in cæli regia, auraque  
immortali, quæ erit in anima, Dei templo, Dei throno?  
certè longè pretiosior, longè ditior, longè clarior.

Tua appello tempora, tuamque fidem, cælis addita  
D. *Eusebia*. Crucis in omni vita fueras amantior, & à Cruce,  
mortua quoque signaberis, docebisque mortales omnes,  
quæ reposita sit in cælis à cruce gloria, quæ lux beatitatis:

Vix.



Vix enim vivere desieras, vix spiritum Deo reddideras, cum in ipso meridie, sudoque aëre, in cœlo apparuit corona è stellis bellè contexta, in cuius medio crux erat. ea porro crux, ea corona ad sepulchrum usque comes etiam individua, nec videri desit, nisi cum terrâ jam tectum, & sepulchro conditum, virginis *Eusebia* corpus; tum enim quasi perfuncta officio, cuius causâ inclaruerat, & conspici desit, & esse.

III.  
A Crucis  
præmio.

24. Janu. in  
eius vita  
c. 3. 4.

At cur, inquires, ea crux in coronâ, & quidem stellarâ? certè non alio fine, quàm ut sua se luce signet, luce fiderum, luce beatitatis, quâ donavit *Eusebiam*, donabitque omnes amantes crucis. Erit illis in cœli tecto pro corona; imò corona ipsa immortalitatis, corona felicitatis æternæ, quam tibi dum opto, voveoque, simul apprecor amores crucis, & quidem eos, quos *Eusebia* virgo, quos *ANDREAS* Apostolus, quos Sancti omnes, & grandes in terris animæ.

Sed rursus, inquires, ut crux in cœlis sit corona; at in terris est jugum, & quidem grave: sed ne illud time, ne respue; quale, quale est, computrescere faciet Dominus à facie olei. Hoc spondet oleum illud, illeque liquor, qui etiamnum Amalphi effluit è sacro D. *ANDREÆ* corpore, eluitque corporum ægritudines, atque etiam animorum; molliet ille, lenietque omnem, quæ à cruce est durtiem, atque asperitatem.

Silvester  
Petra sancta  
Taumasie  
tom. 3. c. 12.

IN FESTO  
S. FRANCISCI XAVERII  
INDIARUM ET IAPONIÆ  
APOSTOLI.

QUÆSTIO UNICA.

Ad illa verba : *Dedi te in lucem Gentium.*

*Isay. c. 42. v. 6.*

Ecquis ille qui à Deo datus in lucē Gen-  
tium? & quæ etiam? qualisve lux?

Quis ille?

I.  
Jacob.

II.  
Isayas.



IC unica ferè incidit quæstio, Ecquis ille? Sunt qui velint Patriarcham *Iacob*, qui à Deo ter Opt. ter Max. datus est, ut sua ab illo Gentili populo lux esset.

Sunt alii qui ipsismet *Isayam*, qui à Deo donatus est altiore prophetiæ spiritu, veluti luce quadam diviniore, ut ex eâ, sua quoque Gentibus fidei ac religionis lux affulgeret.

III.  
Cyrus.

Sunt nonnulli qui *Cyrum Regem*: ita, in re aliquomodo controversâ dividuntur animi, sensusque variè opinantium; in quo tamen certius astringitur illud. Eum qui hîc cœlo propitio



propitio concessus terris est, esse *Christum*, qui datus Iudæis *in fœdus*; quia scilicet ex pacto quodam, & cœlesti promissione: Gentibus autem *in lucem*, non eam, quæ oculis patet; sed quæ ad animos evadit, eosque pervadit, perfunditque amœnâ quadam fidei, doctrinæque luce, ceu sole diviniore: Est enim ex vero *Christus*, lux Gentium, & sol Ecclesiæ, ceu cœli novi, à quo deinde Apostoli, virique Apostolici & ipsi lux sunt, ac veluti soles, qui Gentibus in profundâ errorum, ignorantixque nocte constitutis assurgant, diemque faciant amœniorem, diem, inquam, fidei, doctrinæque Evangelicæ, quos inter etiâ fuit S. FRANCISCUS XAVERIUS, qui Gentibus, hoc est, Indis, Iaponibus, barbarisque nationibus, hoc ævo datus est in lucem, & veluti solem alterum: quod paucis ostendent quæ subjiçientur pagellæ, in quibus aliquæ spargentur lucis qualitates, ac veluti nativæ dotes ex D. *Bonaventura* petitiæ, ut oculos, animosque magis feriant, sit itaque

III  
Christus.V.  
Apostoli.VI  
S. Xaverius.Serm. 1. de  
S. Ambro-  
sio.

## PRIMA DOS LUCIS,

*Lux semper, & ubique pura.*

**L**UCEM inter aliasque qualitates, hoc interest, quòd hæ aliarum veluti contagio infici possint, contaminari, & quodammodo sordescere; sic albedo si in nigrescentia corpora incurrat, nigrescit & ipsa, atque à seipsâ deficit: sic odor si in fœtentem cloacam incidat, etsi antè suavissimus, & gratissimus ad nares appelleret; accidit deinde & teterrimus, & ingrattissimus; & hoc, quia à cloaca, sœdoque odore:

odore vitium passus. At lux à nullo vitium pati potest, à nullo puritatis suæ defectionem: semper, & ubique pura; In rosas, in lilia, in violas veniat, aut putidam cloacam, nihil interest; nullā ab hac sui dispendia patitur. Sic & mens pura, mens candida, mens virginea, à nulla re, locove quantumvis impuro, infici potest; *Nec lupanaria infamant castitatem: sed castitas etiam loci abolet infamiam*, ut disertè D. Ambrosius: nec mirum, quia lux est, adeoque & lucis æmula; imò & quodammodo *candor lucis æternæ*, hoc est, Interprete D. Bonaventura, *Candida instar lucis illius æternæ, nihil habens immunditiæ, nihil à luto concupiscentiæ*.

Lib. 2. de  
Virg.

Supra.

S. Xaverius  
lux pura à  
castitate.

Imago 1.  
sec. I. s. c. 2.

Psal. 8.

Lib. 1. de  
Virginit.

Et ea fuit S. XAVERII anima, ea vel ipsa illius innoxia caro, quæ licet ut cæteræ è luto compacta esset, nihil tamen unquam habuit à concupiscentiæ luto. Angelum dixisses aut è cœlitibus unum aliquem. & certè is dictus vel ipso Summi Pontificis Gregorii XV. oraculo. *Cœlitibus*, inquam, *similis*, ut in eum caderet etiam illud Davidis: *Minuisti eum paulò minus ab Angelis*: hi enim ut mole corporis carent; sic & concupiscentiâ, quod naturæ est, ac felicitatis: at ille, licet ex carne: uti & alii malè coagmentatus esset, concupiscentiam tamen, si non extinctam; at planè domitam habuit, quod fuit virtutis, & puritatis; audeo dicere etiam Angelicæ; ut enim D. Ambrosius. *Castitas Angelos facit, qui eam servavit Angelus est*; Igitur & Angelus XAVERIUS, ut qui virgineum animæ, carnisque illibatæ florem ad extremum usque spiritum servavit. Nec mirum, quia in eo erat & insignis castimonie amor, & acerrimum libidinis odium, cujus indicio sit illud quod subjicio.

Olissipone



Olissipone profectionis indicæ diem operienti, fortè nocte intempesta, dormienti ac sopito injecta impura quædam species, & hoc per somnii unius imaginem, quam dum non patitur mens pudica, derepentè à somno excitatur, & quidem ita commota, ut in corpus ipsum evaserit ea commotio : nam & è naribus magnam vim sanguinis profudit, & totus cohorruit. Quis porro cohorruisset vigil si sopitus ita cohorruit? quis restitisset sibi præsens, ac suus; si alienus à sensibus ita restitit? & hoc primum in illo servati pudoris indicium.

Hujus argumenta.

I.

Ab horrore vitii contrarii.

Alterum in eâ, qua fuit nationum barbararum corruptelâ, vagaque libidine; in qua etsi multus esset, etsi ad eas religioni Deoque lucrandas assiduus, ab illis tamen nihil adhæsit contagionis, impuritatis omninò nihil: quis enim adhæreret, cum & ipse lux esset, ubique pura, ubique innoxia? & hoc secundum virginæ castitatis indicium.

II.

A conversationis puritate.

Tertium fuit extincti corporis integritas etiam miraculo prodita: nam anno plus integro in vivâ calce depositum, & formam tamen, & colorem non solum constantem; sed & vividum, & suavem servavit, atque etiamnum servat, evolutò licet à morte sæculo, ut testantur oculati testes, quos inter R. P. Martinius, Chinenſis procurator, quem Romæ audiavi de integritate sacri illius corporis, non sine voluptatis sensu differentem.

III.

Ab incorruptione corporis.

Quartum indicium illibatæ castitatis fuit ipse lilii candor, quem etiam cœlis additus extulit; utpote symbolum servatæ Virginitatis.

III.

A lilio castitatis simbolo.

In Calabria oppidum est Potamiense S. FRANCISCI

G

XAVERII,

In sacra mi-  
saculorum  
gratia mira-  
culo 3.

XAVERII, seu alterius ævi sui Thaumaturgi miraculis ce-  
lebre; censet enim quadraginta duo supra ducenta, inter  
quæ & illud, quod facit ad meum institutum.

*Ioannes Saglimbenius* ex eodem oppido civis, diuturno,  
atque incurabili morbo laborarat: stupore scilicet corporis  
dimidiâ parte; & alterâ acutissimis doloribus dirè excrucia-  
tus, quibus sopiendis cum frustra adhibita essent remedia,  
elusaque ars omnis medicorum, adfuit ipse XAVERIUS,  
eique sese videndum obrulit eo vultu, habituque, quo ibi-  
dem depictus in templo, videlicet in stola, superpellicio,  
& lilio in una manuum: adfuit, inquam, & ita infirmum  
est allocutus. *Inclama meum auxilium, invoca nomen meum,  
deinde signum crucis super collum afflictum efforma, unge te  
oleo mee lampadis, & sanus eris.* Dixit & simul loqui, simul  
& videri desuit. Paruit æger, & illico se sanum sensit. Et  
hoc à S. XAVERIO prodigium; sed prodigium effusæ cari-  
tatis, quæ etiam sese offert ultro, malisque mederi gaudet,  
simulque ostentat miri candoris *Lilium*, symbolum utique  
candidæ mentis, & candidi à Virginitate corporis.

Et hæc è multis pauca de illustri S. XAVERII castimonia,  
quam ut imiteris *Amice Lector* tibi sub oculos pone illud  
Eucherii ad Valerianum. *In secretis tuis, quod velis homines  
nescire, ne feceris; quod Deum, ne cogitaveris.* In publico  
nemo facile minus castus: at in secreto sua nimium quàm  
læpe peccandi licentia, ubi peccare licet sine teste, sine  
censore oculo: ideoque etiam hîc opus illo Eucherii seu  
monito, seu præcepto: quo primùm actiones jubentur esse  
puræ, atque innoxia, deinde & cogitationes.

Actiones



Actiões quidem , ut nihil feceris , quod homines nescire velis.

Cogitationes autem ; quod Deum ipsum.

Certè nemo adeo impudoratus est , ut audeat ea facere in oculis hominum, quæ pudor vetat & fieri , & conspici : ita nimirum conspectus ipse & pro fræno , conspectus dico etiam mortalium : quantò magis ipsius Dei , qui non acta despicit solùm ; sed & cogitata : ut in his quoque tibi pro fræno sit cælestis ille , ac divinus oculus ; qui etiam secreta cordis pervadit , intimosque animi recessus , cogitationes omnes , desideria omnia , affectusque parum pudicos , quos profectò non admitteres , si sub oculis Dei esse te semper , & ubique meminisses.

Ita meminit XAVERIUS : ita & meminisse te oportet ut sis aliquando quod ille , à castitate lux pura , atque innocentia.

## SECUNDA DOS LUCIS

### *Lux impassiva.*

**R**ATIONEM hanc reddit Seraphicus Doctor , quia *nunquam corrumpitur actione extranea*, uti corrumpuntur aliæ qualitates, ut calor frigore, & frigus calore. Supra.

Et ea quoque fuit quæ in S. XAVERIO fuit lux animi ; impassiva fuit, & corrumpi nescia. Testes volo, testes appello illius labores , aditaque Religionis , Dei que causâ pericula.

Suscipiendum aliquando fuit iter Travancoriense etiam In ejus vita  
l. 6. c. 9.

Etiam im-  
passivus  
Xaverius.

per medios hostes : suscepit XAVERIUS & quidem illæsus, non alio clypeo rectus , quàm luce sua , virtute sua , atque imprimis singulari in Deum fiducia.

Excolendi fuerunt *Maurica incolæ* , & ipsi feritate insignes, atque timendi , excoluit XAVERIUS, & immanem illam barbarorum rabiem excepit etiam innoxie.

Eundum fuit in *Iaponiam*, extremam Orientis regionem : ivit porro XAVERIUS, & quidem piratico vectus lembo securus periculorum , quæ ab amicissimis , & plurima denuntiabantur, & maxima.

Adeunda etiam vitæ pericula in Iaponicorum fretorum trajectu, in quibus non semel barbarorum sagittis impetitus : & illa intrepidus adiit XAVERIUS, viditque suos ad pedes innoxia cecidisse tela, Deo omnia , à servo suo propulsante. In mari Molucico naufragium faciendum fuit, & tabulæ non semel incubandum biduo triduoque : & illud fecit XAVERIUS, & huic incubuit etiam impunè jactatus.

Penetrandus fuit Sinarum introitus : at non sine capitis, aut servitutis periculo ; & illum penetrasset XAVERIUS, etiam hoc contempto, adeo securus fui, quia de Dei auxilio securus, quia sua de luce, hoc est virtute & constantia, certus. Quàm porro certus ex eo disce : sic enim aliquando ad Præpositum Lusitanix Provincialem.

*Obstupeſcunt, inquit, ſtudioſi mei omnes, & amici, quod tam longinquum ac periculoſum iter ſuſcipere non verear, multa mihi tempeſtatum, Syrtium, piratarum pericula proponunt. Ego autem & hos terrores, & discrimina, & arumnas,*

*&*



*Et cruces nihil admodum pertimesco, nihilque metuo præter ipsum Deum.*

Ecce ut Impassiva ingens illa, ac cœlestis XAVERII lux & anima: ecce ut ab elementis, ipsoque irato mari, ut ab hostium sagittis, ut à servitute, ut ab ipsa, quæ in oculis erat mortis imagine, pati nescia.

Nos humiles animæ, abjectaque pectora: non ab illis modò (quod fortè venia dignum) sed etiam vel ab eorum umbris, solaque cogitatione ita patimur, ut animo concidamus, & spiritu; quod certè damnandum est quàm maximè, & damnat Propheta dum sic de nobis: *Sagittæ infantium factæ sunt plagæ eorum.* Psal. 67.

Ita nimirum ab infantium sagittis: hoc est levissima cujusvis mali incursione lædimur; non sic excellæ mentes, non sic lucida pectora. *Impassiva* sunt illa, & quibusvis vel fortunæ, vel malevolentia telis impervia. Et cùm ea sint, à D. Ambrosio modò componuntur cum forti & generoso milite, qui gravissimorum casuum sustinet incursus, conflictus Lib. 1. de Jacob. c. 8. *subit*: modò cum provido gubernatore, qui navem in tempestate regere, atque occurrendo insurgentibus fluctibus magis vitare naufragium novit sulcando undas, quàm declinando: modò cum Athleta forti, qui cum gravissimo licet dolore luctetur, nec se miserabilem præbeat, sed ostendat tanquam in laterna lumen, etiam inter asperas procellas & gravissimos fluctus suam lucere, nec extinguì posse animo virtutem: & ea nobis sit oportet, si modò esse velimus, qui debemus: hoc est, in hac vitæ militia, generosi milites.

In hoc mundo, ceu procelloso mari, gubernatores  
G 3. providi.

providi. In proposito nobis cum mundo, cum carne, damone certamine; fortes, invictique Athletæ.

Sed audio, reclamatione hæc, & obstreperit unus aliquis, nec sibi faxeum corpus, nec ferreum, quod sensus expers sit ac doloris. Non abnuo: sed hoc etiam ultro tibi concedo, & corpus esse quod pati possit, quod sentire vim doloris: certè nec pati quicquam nec sentire, esset inanitatis in animo, stuporis in corpore; nec hunc volo, nec illam amo: sed unum illud, ut ea sit in te virtus, ea fortitudo, ea vis animi, quæ etsi mala ista sentiat, non cedat tamen, non succumbat: cedere potest, & malis & vulnere & morti succumbere corpus hoc mortale: at animus, at virtus iis cedere, aut succumbere nec debet, nec potest, si ea sit quæ oportet. Testem volo, testem appello etiam è Paganis unum aliquem: Is erit *Anaxarchus* Philosophus, qui cum immanem in modum à Tyranno torqueretur, sic ad illum.

Plutarch.

*Tunde, tunde Anaxarchi vasculum; at Anaxarchi constantiam non teris;* nimirum tundi potuit illud, atque etiam teri: at constantia tundi non potuit, nedum teri. Quod si etiam in ethnico ea fuerit, quæ esse debet in Christiano: ea certè, quæ à nullo tundi possit ac teri; uti nec tundi potest, nec teri lux ipsa, de qua etiam illud D. Bonaventura.

### TERTIA DOS LUCIS,

*Lux est sui communicativa & diffusiva.*

**I**NTER lucem, aliasque qualitates, hoc est discrimen: quod hæc sensim & lentè diffundantur, nec nisi ad exiguum spatium, & quidem etiam ad hoc cum aliquo sui dispendio;



dispendio ; sic calor , sic frigus , sic etiam odor per aërem spargitur , & gliscit ; sed cum aliqua mora , successione , atque ad sphaeram non adeo magnam ; & quidem non sine quadam suæ virtutis , atque intensiōis diminutione . At non sic lux solet ; ea enim ferè in momento diffunditur ad longissimum spatium , nec per sui communicationem dispendium ullum patitur .

Vidisti solem , magnum illum aspectabilis orbis oculum , ut surgit , ut lucet , ut lumen effundit etiam in instanti ab ortu in occasum , ab orbe uno in orbem alterum . Sic & Apostoli , virique Apostolici : sic & S. FRANCISCUS XAVERIUS , quem ad instar lucis ac solis Orientis , primò vidit Gallia , amplissimaque Parisiensis civitas , tum etiam Roma , mundi caput : Tum Venetiæ , tum Bononia , tum Lusitania , tum denique India & Iaponia , aliæque Africæ , atque Asiæ regiones & Insulæ : in quibus obeundis , qui viarum longitudo , locorumque distantias metiri volet , atque ad calculos revocare , inveniet XAVERIUM decennio , intercisis tamen per commorationum intervalla temporibus , centies mille passuum millia devorasse , devorasset etiam plura in Sinarum Regno , aliisque Regionibus , nisi cursum æterna quies ejus desiderio præpropera rupisset ; tantus erat ardor animi , tantus alienæ salutis amor & cupiditas . Scytharum legati sic olim Alexandrum compellasse dicuntur . *Si Diis habitum corporis tui , aviditati animi tui parem esse voluissent , orbis te non caperet , altera manu Orientem , altera Occidentem contingeres .*

Ut sui etiam  
diffusivus  
Xaverius.

Francisc.  
Remondi  
orat. 18. de  
S. Xaverio.

Quæ illi Alexandro ex quadam adulatione & oratoris  
artis

artis licentiâ : hæc ego S. XAVERIO ex veritate dixeto : etsi enim illi moles corporis tanta non fuerit , quæ orbem impleret ; at animus illi tam ingens fuit , quem nec mundus expleret ; & verò non explevit , unâ certè manu Occidentem contigit , cùm in Francia , Italia , Lusitania Evangelicæ lucis , amorisque incendia excitavit . Alterâ Orientem complexus est , cùm in Indiam , Iaponiam , & primos Sinarum fines Evangelium , fideique lucem intulit .

Cap. 18.

Eò ille solem novum , id est Christum , invexit , ibi IESU nomen augustissimum illud coram gentibus & Regibus portavit , ea sanctitate ut Angelus , ea celeritate ut fulgur , eo fervore ac zelo divini spiritus , ut ignis urens non tam videretur , quàm esset . Dictum illi quod olim ab Isaia Apostolis , ceu Dei nuntiis : *Ite Angeli veloces ad gentem convulsam & dilaceratam , ad populum terribilem , post quem non est alius , ad gentem expectantem & conculcatam .*

Verè enim Gens Indica , gens convulsa , & dilacerata mutuis odiis , bellis intestinis , & dæmonum furore .

Verè populus terribilis , inhumanitate agrestis , infamis barbarie .

Quâ celeritate.

Verè populus post quem non alius , ultimi Iapones , extremique Sinæ , & ipsi cum aliis , hoc est Paravis , Malacis , Ianis , Acenis Mindanais , à mille quingentis , eoque amplius annis expectantes Evangelicæ prædicationis lucem , solemque , quem tandem induxit XAVERIUS , admiranda profectò celeritate .

Catech. 35.

Dixit aliquando Theodoretus Studita : homo ales , insolens Angelis & hominibus spectaculum in mundo , & supra mundum .



*mundum.* Ex vero insolens : imò & hætenus invisum. At nec insolens, nec invisus orbi nostro XAVERIUS, cujus in Evangelii prædicatione cursum omnem ac celeritatem si attendas, verè dixeris, quod licèt ex natura homo sit ; ex gratia ac virtute, *homo ales* : nec enim in regiones illas advenit, accurritque ; sed advolavit magnâ celeritate ut ales, imò majore, ut ventus ac spiritus ; imò maximâ ut fulgur, ut ei quoque conveniret istud Ezechielis de Geniis cælestibus Cap. 1. etiam alatis : *Ibant in similitudinem fulguris coruscantis.* & sic ivisse visus est XAVERIUS, ut volaret, ut micaret, ut etiam feriret. volaret celeritate, micaret Evangelica luce, feriret, etiam, percelleretque, divini Judicii terrore.

Et hoc quidem zelo planè insatiabili, & qui terminum nesciret nec locorum, nec etiam populorum. De hominis animo extat *Seneca* pronuntiatum sanè liberum, & audax.

*Magna & generosa res est humanus animus, nullos sibi* Epist. 101. *poni nisi communes cum Deo terminos, patitur.*

Romanè dictum, & à Philolopho Romano : sed magnificentius, quàm verius, dum de homine augustius, angustius de hominis authore decernit. Quam insatiabili zelo.

Verùm ut ut sit de illo *Seneca* pronuntiato, quod ple-risque mortalium convenit, non tam naturâ, quàm aliquo vitio, & insatiabili cupiditate ; at certè nonnullis etiam ex virtute aptari potest, dicique quod illis, ex insigni animarum zelo, studioque promovendæ divinæ gloriæ, nullus sit terminus, nisi cum Deo communis ; & is fuisse videtur S. XAVERIO, qui nullum unquam lucrandis cælo animis

H terminum

terminum sibi poni passus est; vix enim unam aliquam regionem Christo adjunxerat, cum ad aliam aspirabat, & cum hanc, rursus ad aliam, & sic propè in infinitum abibat illius animus, zelusque.

Lib. I.

De Româ Orbis capite, Urbium principe, extulit illud Dionysius Halicarnassæus: *Roma prima, & sola ab omni ævi memoria terminos sibi potentie fecit, Orientem & Occidentem.* Fecit, inquam, sed ex insita sibi regnandi libidine: at viri Apostolici; at XAVERIUS, si non primus, nec solus, quod ambitionis esset, at profecto cum Apostolis (quod virtutis fuit zeliq̃ue divinioris) terminos sibi potentie fecit Orientem & Occidentem, fecissetque & Meridiem & Septemtrionem, si vita diutius superstes; & si votis, animoque par corpori robur, par superiorum, à quibus totus pendebat, voluntas fuisset; rediisset enim ex Oriente, atque ad meridiem, gelidosque Aquilones excessisset; tātus illi erat animus, & cælestis gloriæ tantus zelus, nec mirum, quia lux erat, adeoque sui communicativa ac diffusiva, etiam per Orbem universum; imò & per orbés alios, si eos natura, Deusque condidisset. Et hinc oculis objicitur alia lucis proprietas, simulque alia in XAVERIO virtus, de qua ille ipse, quo auctore utor D. Bonaventura.

Supra.

## QUARTA DOS LUCIS.

*Lux est spiritualiter generativa & nutritiva.*

V IDEMUS appulsu solis, ceu lucis, & oculi Orbis universi, gigni plantas, ac nutriri: uti & ejusdem recessu deficere, atque emori. Quod soli, luci que: hoc & Apostolis Virisque



Virisque Apostolicis, si accedant illi ad animas, ceu molle, subactumque solum; gignuntur hæc in spiritu, & sic progenitæ etiam nutriuntur. Et hoc quidem eorum doctrinâ, sapientiâ, prædicatione, ceu cœlesti quodam lumine: cui aptari potest etiam illud Ecclesiastici: *Sol illuminans per* Cap. 42. *omnia respexit.* Et ita respexit, ita illuminavit Gentium Apostolus, ac respiciendo, illuminandoque eas cœlo; Deoque genuit. Cujus pronuntiati non alium testem volo, quàm ipsummet, qui sic olim ad Corinthios, qui & à se, & ab Apostolis, ceu Patribus abibant, atque ad alios Doctores gloriofos, ceu Pedagogos, deflectebant; sic, inquam, ad illos.

*Nam si decem millia Pedagogorum habeatis in Christo; sed* 1. Cor. c. 4. *non multos Patres: nam in Christo IESU per Evangelium* v. 15. 16. *ego vos genui.*

Et hæc prima, ac potissima Pauli gloria, Corinthios in spiritu genuisse, non terris, sed cœlo; non tempori, sed æternitati; non hominibus, sed immortalī Deo.

Et hoc est, quod paternè illis objicit, ceu summum annuente cœlo beneficium, & meritò. Si enim huic vitæ mortali genuisse magnum videtur pusillis mortalibus; at longè maximum immortalī ævo, ac beatitati, quod factum per illam in Christo generationem.

Quod aliquando Corinthiis Paulus, hoc Indis, hoc Iaponibus, hoc Orientalibus populis S. XAVERIUS, *in Christo IESU per Evangelium ego vos genui:* ita enim verò vos genui: sed Religioni ac Deo, quod generationis genus longè perfectissimum atque optatissimum. Et hoc est benefi-

ficiū quod S. XAVERIO ceu communi parenti, debere se fatentur toto ferè Oriente sparſæ nationes.

Comorinenſes, oræ piſcariæ, ac Travancoridis incolæ, Tutuchurini, Manarii, Iaphanapatanii, Maranarii, Ceilani, Amboïni, Molucenſes, Malabares, Baſaïni, Paravæ, Ternatini, Melindæi; aliiq̃ue populi, numero, propemodum infiniti, quos Chriſto per Evangelium genuit.

Imag. 1. ſer.  
Lib. 3. c. 12.

Hoc beneficium, quod altè prædicat, quanta quanta eſt Iaponia; continet hæc ſub uno ſummo Imperatore, Reges omninò ſexaginta, è quibus tres ille, Religioni Chriſtianæ, Deoq̃ue adjunxit, & populum ferè innumerabilem, præter alios è primâ nobilitate viros ac matronas, multosq̃ue impiorum ſacrorum Antiftites, quos cælo peperit, magnus ille Gentium Apoſtolus.

Hoc beneficium quod experti infantuli, & animulæ fari nesciæ, aliiq̃ue quos ſalutaribus aquis tinxit, & in Chriſto regeneravit ad decies centena millia.

Hoc rurfus beneficium eſt, quod agnoſcunt, extolluntq̃ue, vel ipſi mortui, vitæ ab illo redditi & huic luci; numero quinque ſupra viginti; quorum in Chriſto parens dici, & eſſe merito poteſt XAVERIUS; eos enim ſecundò genuiſſe viſus, cū à morte, ſepulchròve excitafſe, vitæq̃ue redonaſſe.

Hoc denique beneficium eſt, quod lapſo deinde ſæculo amavere ex India, Iaponiaq̃ue, cum uxoribus ac liberis optimates, Regesq̃ue quamplurimi à S. XAVERII filiis, Religioni noſtræ, Deoq̃ue additi, qui & ipſi S. XAVERIO debent, & debere volunt eam in Chriſto generationem,  
utpote



utpote protoparenti suo, atque apud superos, Deumque Patrono ac mercedati.

Hi porro sunt Rex Supanorum, Bazani, Soloris, Sionis, Labonamæ, Manibanes, Tambæ, è quibus postremus, quoties in hostem iret in ipsa Galeæ crista, conspicuum gestabat IESU nomen, litteris aureis expressum, ab eo uno & sibi, & suo exercitui animos, roburque pollicitus; imò & hostibus terrorem, ac stragem. Præter hos Reges accessere & alii veluti posthuma S. XAVERII soboles, videlicet Rex Bungi, Saxumæ, Omuræ, Tosæ, Arimæ, Gotto, Mino, è quibus Saxumanus simul atque à sacro baptismo elutus fuit, rectà perrexit in templum antiquæ impietatis, ibique sua manu idolum confregit, moxque etiam faces delubro subiecit. Rex autem Omuræ quadraginta idolorum templa demolitus est, ne quod prisce impietatis vestigium superesse videretur. Denique Rex Arimæ nomine *Protasius*, tres sanguinis regii juvenes, nepotes suos ex ultimo Oriente Legatos Romam misit ad summum Pontificem Gregorium XIII. inclytæ recordationis.

Et hi omnes S. XAVERII, seu communis omnium parentis, in Christo filii, ac veluti nepotes, ac pronepotes & haberi, & esse voluerunt; ut illis è cœli regia gloriabundus dicere posset, *In Christo IESU per Evangelium ego vos genui, per me, perque meos.*

Et hoc beneficium quantum, quantum fuit, fuit ab Evangelica luce, quæ ut dixi est spiritualiter generativa; nec generativa tantum: sed & nutritiva.

Philosophis nutritio est velut altera generatio, per

eam enim aggenerantur partes, ac toti adduntur, atque animantur.

Quod naturæ sensu, atque ordine; hoc & gratia dono conceditur; ubi enim quis alterum genuit in Christo per lavacrum regenerationis, nutrire eundem debet verbo prædicationis, ceu animæ cibo.

Dei Verbo.

Ne mireris, *Amice Lector*, si Dei verbum, cibum appellarim; revera enim est illud animæ, quod hic corpori; testem appello, imò & Iudicem Christum, Servatorem optimum, quod ille dæmoni importunè roganti, ut lapides in panem verteret ea qua poterat manu, vique miraculorum?

Math. c. 4.  
v. 4.

*Non in solo pane*, inquit, *vixit homo, sed in omni verbo quod procedit de ore Dei*. Satis insinuans & verbo cœlesti vivere hominem; sicut & pane: & quidem vita meliore, vita altiore, quæ scilicet est animæ, ac spiritus.

Orationi dum impensius vacaret *S. Efrem*, hæc derepentè ad aures ejus vox appulit, *Efrem manduca*. cui ille, ecquid manducabo? ecquis & cibum dabit? tum rursus audita vox alia: *Vade ad Basilium, & ille tibi ministrabit panem*; sed cœlestem, sed æternum.

Ceu spiritali  
cibo.

Ivit porro, *Basilium* quæsit, & de pulpito dicentem invenit, ab illoque Dei verbum, ceu animæ pabulum accepit.

Maneat ergo fixum, statutumque istud, Dei verbum animæ cibum esse, quo nutriatur, & crescat. At si cibum est, quomodo etiam lux, an luce nutrimur & crescimus? enimverò nutrimur & crescimus vel ipsa luce, veluti cibo.

D. Basi-



*D. Basilium* appello, & *S. Efreu* illius auditorem. Vidit hic sacri illius oratoris linguam & cælesti luce conspicuam; & igne luculento ardentiorē, vidit & radios evibrare, & quasdam veluti ignis scintillas ejicere. Lucem utique, & scintillas, quas in Auditorum animos immitteret, ut iis veluti cibo spiritali & nutrirētur, & crescerent. Cujus probè conscius *S. XAVERIUS* nihil magis solemne habuit, quàm ut Christianos, ceu parvulos, eo cibo palceret, ac foveret.

*Amphilochius in cō-  
parat. Basilii  
& Efreu.*

Hinc cū totum diem, seu concionibus habendis, seu visitandis agris, seu exomologesi purgandis animis impendisset, quamvis æstu, & laboribus illis fatigatus, sub vesperam tamen Catechismi partem aliquam pueris inculcabat, ut nulla atas, à cælesti illa luce, ceu cibo, vacua esset.

Quantus porro vel ab catechistica illa instructione, vel à sacris concionibus fructus ad animos emanarit, vel hinc collige, quod in unica *Travancoridis* Insula converterit, baptisavitque etiam die unica ad decem hominum millia. Quot annis decem, quibus in *Iaponia*, in *India* illi muneri incubuit? tot certè, ut non hominis unius labor; sed totius Ordinis, non decennii: sed sæculi opus fuisse videatur.

*Turfell. in  
eius vital. c.  
c. 11.*

Crederes illi à Deo ter opr. ter max. dictum illud quod olim *Ieremiæ* vati. *Ecce ego dedi verba mea in ore tuo in ignem: & populum istum, in ligna, & vorabis eos.*

*Cap. s. v. 14.*

Verè enim *XAVERII* verba data in lucem, & ignem; in lucem, quæ intellectum illustraret; In ignem autem, quæ voluntatem incenderet, & populus *Orientalis* quantus, quantus erat datus quasi in ligna, quæ mox incenderet, devoraretque.

84 DE S. FRANCISCO XAVERIO  
devoraretque XAVERIUS, fortunato sanè divini amoris  
igne, atque incendio.

Quo ita exarsit Orbis ut *Thomas Bozius* astruere audeat  
S. XAVERIUM, solis decem annis plures Christo, &  
Religioni Christianæ addidisse, quàm omnes hæretici annis  
mille quingentis eoque amplius suæ sectæ è Paganis ad-  
junxerint: sed ne longius. Vidimus quæ lux nostra genera-  
tiva fuerit, & nutritiva, attendamus quæ etiam confortativa.

## QUINTA DOS LUCIS.

*Lux est confortativa.*

D. Bona-  
vent. supra.

EST à natura vis quædam amabilis insita huic luci aspe-  
ctabili, quæ sese prodit, & in plantis, & in animalibus,  
atque etiam in ipso homine, maximè si corpore sit malè af-  
fecto, infirmaque valetudine: cui ut inimica nox; sic &  
amica lux, & lucis amœnitas, ac veluti suaves quædam in-  
fluentiæ, quæ etiam sese effundunt in animalia, quibus suum  
robur addit ipsa dies, & surgentis lucis aurora, quæ & plantis  
vigorem adfert, & agris viriditatem, & floribus gratiam  
conciliat, ac venustatem.

Quod huic luci datum est ab authore naturæ: hoc viris  
Apostolicis ab eodem concessum est gratiæ beneficio ac  
favore; nec mirum, cum & ipsi lux sint mundi, & quidem  
D. Bonaventura teste, *confortativa*; & is fuit olim  
XAVERIUS.

Supra.

Ut confor-  
tativus Xa-  
verius.

Primum agris, quorum corpora plagis ac vulneribus de-  
formata arctè vilus est non semel complecti, utque & se  
vinceret,



vinceret, amorisque quo æstuabat ingentem vim non dissimularet, ipsa vulnera, quamvis fœda, & putria, & osculari & lambere, atque ex eorum uno stillantem saniem ore excipere, atque exfugere; victoriæ genere, ut inusitato; sic & illustri.

Quod si in eo caritatis Apostolicæ officio subinde abalienati animi fastidium, stomachique nauseam perferiret; sic suam compellabat, castigabatque segnitiam.

*Tibi, ô esca vermium, ô scaturigo fœdissima stercorum, horrorem incutiet frater? nonne in paupere isto Christus est? nonne in plagis istis, Christi agnoscis vulnera?*

His ille sibi faciebat animos, omni corporis sensu, naturæque majores: & his etiam tibi facies, *Amice Lector*. His excitatus & lectulo ægrorum sedulus assidebis, & tractabis vulnera, & cum XAVERIO etiam sordidissima ministeria perages, & cum illo (uti scitè notat Urbanus VIII.) etiam aquam, qua horribilia & incurabilia ulcera laveris, ebibes. ebibit certè non semel XAVERIUS, & sic seipse vicit, vicitque reluctantes naturæ motus, impetusque: atque ubi viceris, eris ut ille ægris, ac moribundis *Lux confortativa*.

Hujus porrò lucis gratia, favorque, etiam sese explicuit erga naufragos, non sine prodigio.

In Oceano Indico, quod tempestatibus fœdum esse solet, passi erant naufragium, & quidem, sole jam infra horizontem deposito destituti, cum XAVERIUM implorant, qui & solem ipsum restituit, atque (ut manifestius, & stabilius esset beneficium) plurium horarum spatio in rapidissimo

I.  
Ægris.

Bulla canon.  
ni. 2.

II.  
Naufragis.

L. J. C. J.  
Bonanius in  
Ecclesiastic.

licet, & pronissimo in occasum lapsu, immobilem stetit; ut dum sua illis esset solis hujus aspectabilis usura, sua quoque eisdem esset XAVERII *Lux*, & quidem *confortativa*; atque à caritate ignea, cui scilicet Deus ( qui totus ignis est, totus & caritas ) id imperii dedit in solem, uti & aliis quoque sanctis ob simile quoddam animi votum decusque, quod hîc stylo notasse juvabit ut sua illi prodigio apud posteros sit fides, dum alio simili confirmatum viderint.

Nox erat assumptæ Virgini prævia, quam cum in orando templo ferè totam impendissent virgines Deo sacra, profundum deinde indormierunt ad auroram usque, & solis ortum.

Hinc rubor, pudorque; hinc & mixtæ lacrymis querelæ, quod scilicet ad officium seriùs quàm par erat, assurrexissent, non sine nota, & aliquo pigrity nævo, quem ut detergeret adfuit illicò *B Oringa Christiana*, & bono animo esse jussit, querelasque ponere, metumque dati à somno scandali; adpromisit enim futurum ut & aurora staret, staret & sol eodem quasi vestigio, usque dum officium decurrissent. Et ita factum est non sine amabili stupore: Datum enim æris campani signum, & matutinæ preces de more persolutæ, sole interim immoto, cursumque sistente. Ut & *B. Oringe* imperio pareret, & piis sororum votis, ac precibus.

Bolland. in  
eius vita  
x. Jan. c. 7.

Quod illi datum est etiam miraculo: hoc & *S. Fechini* Abbatis desiderio, sole & Deo, velut obediente, voto vel unius hominis.

In eius vita  
20. Janu.  
c. 41

Ad Monasterium cum suis redibat Vir sanctus, è quo abierat



abierat negotiorum causâ; sed, ô malum! & longa supererat via, & debilitatæ fractæque vires, & sol ad occasum properans. Quid plura? is cui obedit omnis creatura, ut servi sui voluntati, votisque pareret, solem in gradu suo fixit, nec occidere passus est, usque dum bono Angelo duce ad Cœnobium cum Monachis rediisset.

Magnum illud quidem, & rarum omnino cœlo annuente beneficium; sed audeo dicere majus aliquid, ad imploratum D. XAVERII auxilium: ad hoc enim Deus solem jam amissum restituit & in eodem gradu defixit nullo XAVERII commodo; sed soli naufragorum bono, atque incolumitari, cui scilicet deserviit Viri sancti *Lux confortativa*, uti & aliis, quorum hîc juvabit meminisse.

In Chinas tendebat XAVERIUS, cum scaphæ ab sua oneraria divulsæ, in altumque delatæ propitius adfuit, & periclitantes in eâ socios nauticos blandè cōsolans, nequicquam contra nitentibus ventis filiam, quam vocabat, rectè deduxit ad matrem, quod non potuit nisi ambulando super pennas ventorum, & præsens in scapha, & simul tamen in oneraria.

Quî porro factum sit illud, an divinâ vi reproductus XAVERIUS, an cœlesti manu eò deportatus, hîc non disputo: hoc tantum astruo, nec perturbatæ mentis ludibrium fuisse, nec adumbrati solum XAVERII simulacrum: sed ipsum XAVERIUM, qui sociis periclitantibus ubique fuit, quod lux Universo, quod etiam experienciâ suâ probavit institor.

Hic cum Malacam Meliapore cogitaret, suo in digressu,

III.  
Periclitantibus in mari.

Imago 1.  
sec. l. 5. c. 5.

In ejus vita  
l. 5. c. 2.

munusculum à XAVERIO petiit, dedit ille petenti detractam sibi precatonam corollam, addiditque servaret hanc, non memoriæ tantum suæ: sed defuturi nunquam auxilii pignus, æternum. Iam solverat, & prospera ulus navigatione Malacam propè attigerat, cum ecce tibi inopinata vis venti, pondusque procellæ validam quamvis navim, in frustra dissolvit. In hæc raptim, temereque compacta cum nonnullis se mercator immittit. Et en mirum illud, novumque propitii favore XAVERII, abductus à sensibus, non navigare jam sibi, non subire naufragium, non mergi; sed amicè cum XAVERIO colloqui videbatur.

In relat. ca.  
nonizat.

Nec otiosum, bonique vacuum fuisse colloquium eventus docuit; quinto enim post die quàm se jactarat in tabulas, sibi tandem mercator redditus, sanum se: sed solum, in ipso unde solverat, litoreprehendit, eò scilicet ab ipso XAVERIO deportatus, demersis aliis omnibus; ita nimirum clientes suos periculis eripit XAVERIUS, ita confortat in malis, ut divina lux solet, quod & sentire & probare etiam maria cum suas senserunt, probatuntque mutari in melius aquas.

III.  
Subundis.

Sinas versus enavigabat XAVERIUS, unaque cum eo plulquam quingenti, tam saraceni, quàm barbari, cum deficere cœpit aqua dulcis, ac potabilis, & omnes in præsens vitæ periculum adducere: pereundum scilicet erat omnibus; nisi eorum imploratione motus XAVERIUS occurrisset.

Fusa igitur ad Deum prece, hauriri jubet è mari, & vasa repleri, & haustum jam erat quantum illa caperent, &  
vala



vasa repleta: sed erat nimirum, & sentiebatur ab omnibus aqua salsa: ergo elevatis in cœlum oculis, impressoque Crucis signo, iussu iterum à XAVERIO gustare, & en mutatio dexteræ excelsi: dulcem illam, & humanis aptam usibus reperere, approbantibus omnibus, etiam Mahometanis, & nonnullis etiam suscepta Christi fide testantibus. Ecce ut etiam in aquas sese effundit lux nostra, & periclitantes confortat, quod & aliis argumentis probari posset, quæ omitto, memor propositæ mihi in scribendo brevitatis, transeoque ad aliam lucis nostræ veluti doctem, est illa, D. Bonaventuræ iudicio

## SEXTA DOS LUCIS.

*Lux est purgativa.*

**V**IDEMUS lucis beneficio sicari; purgarique vias D. Bonav. supra. & semitas quantumvis lutosas, & hoc æstu, caloreque, qui in luce est (ut Theologi loquuntur) virtualiter, atque eminenter. Cùm in Indias venit XAVERIUS prima Ut purgat Xaverius. illi cura, laborque fuit, perversos Christianorum mores mutare in melius, & detergere quidquid illis adhæserat luti. Hinc statim incubuit in Goam, irruit in Malacam, in Cocinum, in Ternatem, in Armusiam, aliasque urbes Christianorum incolarum frequentia nobiles; ac vitiis, ac sceleribus infames: in his quidquid non castum, non pium, I. Christianorum mores. non sanctum erat, proscripsit, effrenatam licentiam castigavit, avaritiam iniquissimis lucris inhiantem repressit, odia, inimicitias, & strictos in mutuas cervices gladios I 3. discussit,

discussit, ex ædibus plurimorum pellices exterminavit, in-  
tempeſtiva convivia ritu ſaracenorum celebrari ſolita, tur-  
pitudines Mahometricas, aliaque vitiorum monſtra impunè  
graffantia penitus abolevit. Contra verò collapsam piete-  
tem, juſtitiam, ſanctitatemque priſtino vigori reſtituit, &  
hoc lucis, ardorisque inde enati ( hoc eſt amoris in proxi-  
mum divini ) beneficio, cujus vim etiam beneficam exper-  
tus unus aliquis, in ſua improbitate, peccandique licentia  
pertinaciſſimus, qui apud ſe ſtatuerat nunquam reſipiſcere,  
nunquam XAVERIO manus dare.

II.  
Obſtinatos  
in malo.

Hunc hominem difficilem adeò, ac repugnantem, ni-  
hilominus aggreditur, extraque urbis pomeria deducit,  
quaſi otii fallendi cauſa, cumque perveniſſent ad ſaltum  
palmis conſitum, videns ſe locum & occaſionem eſſe  
naſtum rei præclare gerendæ, omnem animi vim, &  
contentionem adhibet, hortatur primùm, obſecratque;  
dein etiam minas intentat; ſed nil horum obſtinato pro-  
deſt: Quid igitur? corpus nudat, aculeatum flagellum ar-  
ripit, accenſoque vultu tam crudeliter in ſe deſævit, ut  
contumax ille eo ſpectaculo percuſus, ad genua *Franciſci*  
acciderit, erumpentibusque lacrymis,

Ah parce tibi XAVERI, inquit, ignoſce: Ego ſum qui  
ſcelus admiſi, ego pœnas commerui, ego plecti, cædi que  
debui. Deſiſte, tuus jam ſum, quidquid voles impera.  
Sic ex arenâ victor abiit XAVERIUS, & victus ille ſuo  
bono, atque exomologeſi ritè purgatus, & hoc lucis illius,  
quâ de agimus beneficium. Mitto alios propè innumera-  
biles quoſ à ſclerum ſuorum luto expurgavit: & ab illis  
ad



ad te venio, *Amice Lector*. Spectasti quomodo, dum in vivis esset, & adhuc sub hoc sole, cœloque: audisti, inquam, quâ lux fuerit XAVERIUS, vide ut & ipse lux sis.

Hæc semper, & ubique pura, vide ut & tu semper, & ubique sis. purus: & verò quidni sis? Certè *ubicumque Virgo* Lib. 2. de Virg. est, Dei templum est, nec lupanaria infamant castitatem; sed castitas etiam loci abolet infamiam, ut suprà ex D. Ambrosio dixisse me memini. Quod si ubicumque Virgo est, Dei templum est, profectò & ubique pura, ubique casta, ubique innoxia, uti & ipsa lux, quæ etiam est *impassiva*, nec mirum, quia ut disertè Amphilochius.

*Virginitas cum Angelis simul consista, supernarum virtutum particeps, incorporearum naturarum comes, utque mundum vincat, conculcet, appetitus refrenet, doloris sit expers, atque à gemitibus immunis.*

Ecce ut *impassiva* Virginitas; sed etiam est *communicativa*, sui que *diffusiva*; Duo sunt inquit Sapiens quæ latere non possunt, *Zelus & amor*, nec mirum, quia tam hic, quàm ille, ignis & lux est: quis autem celaverit ignem? quis & lucem?

*Nunquid potest homo abscondere ignem in sinu suo, & vestimenta non ardent?* inquit Sapiens: nemo certè, nemo Proverb. C. 6. V. 27. unus omnium abscondere ignem potest, nemo & lucem, hoc est Zelum, amoremque proximi: in hunc ut effundat se, est necesse, uti & lux assolet. Ubi autem sic sese effuderit, tum erit ut lux ipsa, etiam *generativa*, multos enim filios in Christo gignet, multos gratiæ pariet, & vitæ spiritali: ubi autem sic pepererit, tum erit eisdem quasi lux *confortativa*, confortabit,

72 DE S. FRANCISCO XAVERIO INDIAR. APOST.  
confortabit, solabitur, animabit in adversis, in ægritudine,  
in periculis, aliisque vitæ hujus afflictationibus, atque  
arumnis.

Quod si peccati cœno mergi contigerit, si ejusdem  
noxæ luto malè deformari; etiam purgabit, & pristino  
gratiæ nitori reddet, ubi porro ei reddiderit, reddet &  
cœlo, gloriæque sempiternæ, in quâ etiam & ipse cum  
XAVERIO lux eris, quæ lucet, lucebitque in omnem retrò  
æternitatem.





# IN FESTO SANCTI NICOLAI PONTIFICIS.



**C**ELUM triennio toto cū clausisset  
Elias, sic ut ne pluviae gutta in terram  
incidisset, fame jam iacrescente, illius  
tandem misertus: Primū ascendit in  
verticem Carmeli ad Deum supplex  
orator venturus, concidens enim *pronus* 1. Reg. c. 17.  
v. 43.  
*in terram posuit faciem suam inter genua*

*sua, tum dixit ad puerum suum: Aspice, & respice contra  
mare. Ascendit & curiosius contemplatus ait: Non est quic-  
quam. Cui rursum Elias: Revertere septem vicibus. Paruit  
ille, & in septimā vice. Ecce nubecula parva, quasi vestigium  
hominis ascendebat de mari. Fuit illa nubecula indicium  
aperti jam cœli, & imminētis pluviae, quæ mox defluxit  
toto æthere, terrasque imbuīt, ac fecundavit:*

*Ecce enim cœli contenebrati sunt, & nubes, & ventus, &* vers. 45.  
*facta est pluvia grandis. Et hæc ad litteram: ad mores pau-  
ca, pro quibus ritè formandis, sit*

**K**

**QUÆSTIO**

# QUÆSTIO UNICA MORALIS.

Ad illa verba: *Ecce nubecula parva quasi vestigium hominis ascendebat de mari.*

Lib. 3. Reg. c. 18. v. 44.

Quæ sit illa nubecula parva? quòdve vestigium hominis?

Serm. 1. de  
S. Nicolao  
sub finem.

**D**OCTOR SERAPHICUS hæc Scripturæ verba ad mores traducit, & illustria magnarum virtutum decora, quæ in S. NICOLAO magno Pontifice eluxerunt: per *nubeculam* enim, quæ aquam terris infundit, intelligi potest, inquit, insignis Divi NICOLAI in omnes beneficentia. Per *nubeculam parvam* ejus humilitas designari. Per hoc autem; quod *ascendit de mari*, ejus notari caritas, quæ sese vel maximè expandit, atque effundit in mari tribulationis. Denique per *vestigium hominis*, id est Christi, (qui antonomastice dicitur, & est homo) perfecta ejusdem imitatio exprimitur.

Et hæc sunt illustrium virtutum documenta, quæ colligit, & publico donat D. Bonaventura. haurita ex hoc Scripturæ loco, & aptata gestis D. NICOLAI Pontificis sanctissimi, quæ ego more meo fusiùs explicabo.

§. PRI-



## §. PRIMUS.

*Nubecula symbolum celestis in D. Nicolaum  
beneficentia.*

**F**UIT, eritque omne in ævum nubecula symbolum  
divinæ beneficentiæ; nam & solem arceat, & æstus  
ejus temperat, atque ardores, & terris arentibus aquas  
effundit, quæ & sterilitatem arceant, & fructus donent  
uberrimos.

Quod agris; hianti que solo nubecula: hoc D. NICOLAO  
caelestis beneficentia, ea sese explicuit in indole, & anima,  
quam sortitus est quàm optimam, & jam inde ab infantia  
monstratum voluit, non sine prodigio quod proderet quis,  
quantusve futurus esset adulta jam ætate, qui is erat ab ipsis  
propè cunis; à quibus sibi solemne quoddam, certumque  
jejunium indixit: cum enim diebus aliis matris ubera fre-  
quentius (ut infantes solent) exugeret, quartâ tamen, &  
sextâ feriâ ad vespèram usque abstinēbat, & tum, nonnisi  
semel ad ubera veniebat, contentus modico lacte, quod  
epotabat, & quo corpusculum sustentabat.

Surius in  
ejus vita  
6. Decemb.

Quæ sanè abstinentia, jejunii que in ea ætatula ratio non  
potest adscribi naturæ; sed gratiæ, & divinæ in eum Infan-  
tem beneficentiæ; quæ tum in illum illabebatur, ut in ter-  
ram solet effusa nubes. A quâ hic primus exivit ab illâ ani-  
mulâ fructus, jejunii scilicet, atque abstinentiæ salutaris,  
qui ruborem injicere debet adultis, & maturâ jam ætate  
viris, qui toti gulæ serviunt, & ventri, infanti profectò

servitute, & quæ à magnis mentibus & cœli, Dei quæ filius degenerat, ut enim aureè D. Chrysologus.

Serm. 163.

*Degener nimis animus, mens tota servilis est, quæ coquorum affatus, squallores coquina, hesterni horrore stentia perquirat obsonia, cui jugiter regius deservit, atque adjacet apparatus.*

Non sic præcellis mentibus & cælo natis; non sic NICOLAO, à quo etiam infante discant viri, discant adulti, discat omnis ætas quæ abstinentiæ habenda ratio maximè cum ad eam imponendam, Ecclesiæ, seu providæ matris, autoritas, ac præceptum accesserit.

Sed ne longiùs, abeamus è terrâ, & rursus imminentem D. NICOLAO nubeculam contemplemur; ea in infante, materni lactis sitim, atque ardorem, si non extinxit: at certè temperavit: spectemus quomodo in adulta ætate, ipsoque adolescentiæ æstu, etiam libidinis ignes, atque incendia restinxerit.

Serius supra

Ut porro restingueret, etiam minimas ab illa scintillas excussit, hæc subinde per oculos, ceu quosdam animi cuniculos, intrare solent, aliàs per verba, & familiaria colloquia; ab his, & illis, sibi quàm maximè cavit D. NICOLAUS, hinc oculis legem ponere, & cum Jobo fœdus inire, ut *ne cogitarent quidem de Virgine*; hinc omnia cum mulieribus colloquia declinare, ratus ab illis multas ad aures, imò & ad animam elabi imagines parum pudicas, quas ut declinaret, & formas oculorum illices declinavit, & mulierum colloquia; nec ea admisit unquam, nisi cum necessitas impulit: quod utinam hoc quo vivimus ævo usurparent omnes, audirentque præclarum illud D. Basilii monitum: censebat



censebat ille, primùm non adeundas mulieres nisi gravissimâ de causâ, aut necessitate: tum addebat & illud. *Vbi nos etiam ipsa necessitas ad id adegerit ab ipsis non secus ab igne cavere, adeo ut quùm ocissimè nullâ morâ ab istis nos extricemus.*

Constit.  
Monast. c. 4.

Et hoc magni Præsulis pro muliere visitandâ documentum, aliud accipe pro ejusdem aspectu vitando, & hoc ipso D. *Virginis Mariæ* ad clientem suum, oraculo; Erat hic *Alphonsus Rodriguez* è Societate nostrâ coadjutor. hic cùm patri per urbem eunti socius fuisset casu sublati in altum oculis fœminam viderat, & quidem invitus: hanc culpam qualem qualem dùm ad examen, & conscientiæ forum revocat, apparet illi Dei Mater, & hæc tria illi in aurem & animum immittit monita.

*Quando incedis per viam, non attollas magis oculos quàm sit necesse ad videndum ubi pedes figas: ad neutrum latus convertas oculos, nec caput attollas: sicut hodie fecisti, quando vidisti mulierem.*

Romæ in  
M. S. I. L.  
c. 18.

Hactenus Augusta cœli, terræque Domina; quâ duce, & magistra nec attolli debet oculus, nec ad latus converti, nec caput erigi, ne fortè sic temerè elatum in fœminæ vultum incidat, quod & periculosum est, & alienum ab eo, quem exigit animi corporisque nitore; quod & intelligi velim, traduci que etiam ad malculorum ora, vultusque liberaliores, quia ut disertè *Tertullianus*:

*Decor omnis naturâ suâ libidinis invitator est: ne porro sit, audiendus etiam hic D. Hieronymus, severus quidem: sed tamen æquus morum censor: sic ille, semel species formæ cordi per oculos alligata vix magni lætaminis manu solvitur.*

Lib. de  
Cult. fœm.  
c. 1.

In cap. 3.  
Thren.

*Intueri ergo non debet quod non debet concupisci: ut munda mens in cogitatione seruetur, deprimendi sunt oculi quasi quidam raptores ad culpam.*

Et ita depressit S. NICOLAUS, ad quem redeo, ut impendentem: imo & illum quasi cingentem divinæ beneficiæ nubeculam intuear: ea vel maximè sese effudit in ejus ad Episcopatum vocatione; quæ prodigio non caruit. Nimirum est ille ludus æternæ, ac cælestis providentiæ, ut quos elegerit etiam miraculo deligat.

Natus aliquando in Britannia Cadocus Gundlei Regis filius, quo cōcepto singulis noctibus in quatuor domûs angulis visæ quatuor lampades igneo fulgore conspicuæ; & quo deinde nato cellaria lacte & melle plena inventa sunt in symbolum piæ liberalitatis, & eleëmofynarum, in quas deinde effusus vir Dei. & hoc primum prodigium. aliud accipe de ejus ad Insulas vocatione.

Bolland. in  
ejus vit. c. 3.  
24. Jan.

Apparuit Angelus, & hæc illi de cœlo. E Britannia Beneventum eundum est tibi, ideoque cras ad locum concionibus tuis celebrem perges, ibi te subito circumcinger nubes lucida, atque operiet, tum ad instar ærei currus Beneventum transvehet; paruit ille, ad locum designatum venit & mox nube cinctus, cæque veluti cœlesti rhedâ Beneventum transportatus. Fortè tùm ibi sepeliebatur Abbas recens vitâ functus, cùm in Monachorum coronâ & nube descendens apparuit S. Cadocus, & in Abbatem mox electus, ac deinde in Beneventanum Episcopum ascitus, amabili divinæ Providentiæ ludo, & nubeculâ quasi cælestis beneficiæ symbolo, à qua scilicet effluunt Insulæ, ceu cœli dona, ceu Dei munera.



munera. Quibus etiam ornatus D. NICOLAUS eodem nubeculae, id est divinae Providentiae, beneficio.

Vacabat Myrensis Episcopatus, cui de Praesule subrogando dum habentur comitia; & Cleri suffragia, & populi vota non consentiebant. Inde ad superos itum, & solemnes ad Deum preces, quibus dum vacatur impensius; hæc eorum uni mens cœlitus injecta, ut is eligeretur in Episcopum, qui primus die insequenti ad templum venisset, NICOLAUS nomine. Placuit oraculum, placuit & objecta cœlo favente visio: cui dum patetur, adest statâ horâ NICOLAUS, templi adyta subit, & velut à Deo jam designatus Episcopus acclamatur. Is enim cui data divinitus ea revelatio, vigil cum statet in vestibulo, adventantem vidit peregrinum, ex quo quasivit ecquis esset? & quo nomine? Cui ille candidius. *Nicolaus peccator*. hoc verbulo indicasse fuit satis, extemplo ducitur ad Episcopos, ad Clerum universum; inde in mediam templi aream, & communibus suffragiis, festivaque populi acclamatione in Myrensis Ecclesiae Praesulem adsciscitur.

Crederes è nube lapsum esse Episcopum: & certè elapsus erat è nube cœlestis beneficentiae, quam aperuerat oratio, fusæque ad Deum preces. Ab his NICOLAUS, magnus Ecclesiae Praesul, & parva nubecula: nubecula quidem, à profusâ in egenos beneficentiâ (ut infra videbimus) parva autem ab humili de se sensu, voceque, ut qui suo calculo non audiat, nisi abjectum illud, ac vile. *Nicolaus peccator*. Ita nimirum sibi parvus est, qui Deo magnus.

## §. SECUNDUS.

*Nubecula symbolum effusa beneficentia D. Nicolai  
in egenos & afflictos.*

**V**T nubes symbolum fuit largioris beneficentia in alicujus opis indigos : sic & symbolum sanctarum mentium , quæ ea virtute claruerunt.

Ita fuit *B. Agatha* in omnes beneficia , ac liberalis , supra  
 Bollandus  
 v. Febr.  
 tom. 1. f. 11  
 cuius altare visa est incumbere nubes , adeo densa , ut illius  
 conspectum omnibus eriperet : futura utique signum illius  
 in afflictos miserationis , ac liberalitatis.

Ita etiam fuit *Ioanna Valesia* , Franciæ Regina dum vive-  
 4. Febr. in  
 ejus vita  
 c. 4.  
 ret in egenos profusa , à cuius obitu supra templum mo-  
 nialium , in quo jacebat corpus exanime , domicilium ma-  
 gnæ mentis , conspecta est nubecula candida , & mirè con-  
 spicua ; index illius in misellos mortales beneficentia.

Quod illis , aliisque cælo annuente datum est symbolum ,  
 hoc & D. NICOLAO dari potuit ; aptarique etiam illud ,  
 quod pro themate assumpsimus. *Eccè nubecula* , tota gravis  
 ab aquis insignis munificentia , tota candida à niveo men-  
 tis candore , tota conspicua à luce bonorum operum ; inter  
 quæ eminere visa est sacra in egenos liberalitas ; cuius  
 symbolum aliud propono , & quidem D. NICOLAO pro-  
 prium , ac singulare , de quo Ecclesiasticus , ceu monitor  
 opportunus , *Omni tempore sint vestimenta tua candida &  
 oleum de capite tuo non deficiat* ; vestimenta erunt candida ,  
 si animus à virtute , quæ illi vestis est , sit candidus totus ;  
 oleum



oleum de capite tuo non deficiet, si nunquam deficiat miseratio; cujus illud est symbolum.

Hoc Ecclesiastici seu oraculum; seu etiam præceptum audiit in omni vita D. NICOLAUS; imò & à morte audire visus, nihil enim illi solemne magis quàm in egenos afflictosque miseratio, quam ad instar olei effudit in pauperum capita, & vivus & mortuus; ut verè ex illis esset de quibus olim Propheta Regius; *ut exhilaret faciem ejus in Oleo*; Eccl. 103. v. 15. vidisses enim ei exhilarari faciem, explicari vultum: imò & animum in oleo miserationis, & profusæ in indigos liberalitatis.

Nimirum Iustis hæc una lætitiæ gaudiiq̃ue seges est, afflictis atque indigentibus subvenire, nec mirum, quia ut annotat D. Hieronymus, *Exhilaratur oleo misericordia* In illud Eccl. *facies coram Deo.*

Rectè *coram Deo*, non coram hominibus; quia justis id commendatum vel maximè, ut eleëmofynas suas faciant Deo uno teste, & sine arbitris: Audiunt enim & observant illud Ecclesiastici: *Conclude eleëmofynam in sinu pauperis.* Cap. 9. v. 15. vel ut habet alia versio; *In corde pauperis.*

Qui thesaurum suum vult esse in tuto, illum abscondit in parte ædium aliis incognita atque impervia, ut omnium manus, imò & oculos fugiat. Eleëmofyna thesaurus est, & quidem ingens, quem sapiens abscondi vult, non solùm in sinu pauperis; sed & in corde, quod nulli pervium. Et ita conclusit, ita abscondit D. NICOLAUS. juvat illius meminisse.

Nobilis unus aliquis, è pinguiore fortuna ad extremam  
L
propè

propè egestatem redactus, tres filias (quæ illi esse debuerant in amoribus, primisque curis) prostituere decreverat, ut infami illo, & meretricio quæstu, & sibi & patri consulerent, ac rei familiaris angustias explicarent. Id cælo indice subintellexit NICOLAUS, & nocte intempesta pro foribus transiens, per fenestram, quæ fortè patebat, tantum iniecit auri, quantum sufficeret primæ in matrimonium collocandæ, quod & illicò factum est quàm optimè. Id ubi advertit vir Dei, rursus in rem illam intentus, nocte concubia pertransiens per eandem fenestram, & alium auri cumulum iniecit, qui esset satis ut secundæ de opportuno connubio provideri posset; quod ubi factum, vir ille nobilis, inscius, quis & qualis esset insignis ille familiæ suæ benefactor, invigilare cœpit, ut eum etiam nolentem, etiam fugientem deprehenderet, quod & accidit.

Cùm enim nocte alia, eaque perobscura similem auri massam pro tertiâ filia nubili immisisset, erupit illicò è domo sua hospes, & fugitantem securus apprehendit, atque ad illius genua accidens, & adiutorem, & servatorem suum acclamare cœpit, nisi enim adfuisses, inquit, & filiabus suis perisset honos, suusque pudor; & mihi vita, salusque æterna, fortè concidisset, unoque casu tres virgines, miseræ animulæ, cum parente perissent.

Hæc ille abjectus ad pedes,isque adhærens vel maximè.

Spectasti, *Benevole Lector*, illustrem D. NICOLAI munificentiam, specta & insignem in illo animi demissionem; rogare enim cœpit, & per quidquid in terris, quidquid in cœlis sanctum erat, obtestari, ne cui dum viveret id aperiret.



aperiret. ne publico daret, eam qualem qualem in se, filiasque liberalitatem, adeò in animum altè admiserat illud Christi.

*Te faciente eleëmosynam nesciat sinistra tua quid faciat* Math. 6. v. 3.  
*dextera tua.* Adeo nimirum in occulto ea fieri debet, ut si sinistra manus esset oculata, ab ea sibi cavere deberet dextra; ne in sinistra oculos veniret eleëmosyna, quam dextra spargit, & fundit.

Et hæc cautela eleëmosynæ est pro coronide; imò & corona. *D. Ioanni Eleëmosynario* apparuit aliquando eleëmosyna, amabili Virginis specie, ramis olivarum probè coronata. Quâ enim potius? Eleëmosyna virgo, ut sit, oportet: erit autem virgo, si à vanâ gloriâ, atque ostentatione minimè fuerit deflorata, si minimè vitiata à pravâ intentione: verbo uno, si occulta, & quasi in abscondito; ut virgo solet, quæ amat abscondi, & fugit videri: & talis fuit *D. NICOLAI Eleëmosyna*: virgo fuit, talis & *D. Ioannis*, cui ab eleëmosyna, nomen *Eleëmosynarius*. Ut & tua talis sit, *Amice Lector*, paulò fusiùs oculis, animoque tuo subjiciam oblatam aliquando huic speciem, habitaque hinc & inde sacratiora colloquia.

Erat Ioannes in Cyprio Insula, annorum non amplius quindecim, cùm dormienti in amœnâ somni imagine apparuit puella, specie, luceque supra solem, quæ steterit ad lectuli caput & latus dormientis leviter pulsans, excitavit à somno; à quo sibi, vigiliæque redditus *Ioannes*, puellam ex vero existimans, primùm signo Crucis munivit frontē, tum petit ecquæ illa? quorsum? & unde? & cur ausa

dormientis arcanum subire ? propiorque fieri lectulo ? Cui illa, ne metue. Ego prima sum, & princeps Regis Æterni filia, ego cœli hæres sum, & Cœli hæredes meos alumnos facio ; si ex iis sis, securus venies in oculos, conspectumque supremi Iudicis, atque Imperatoris. Dixit & evanuit. Ego verò, inquiebat Ioannes, intellexi misericordiam esse, & in egenos liberalem eleëmofynam, cui proinde data corona ex virentis olivæ foliis, symbolo utique miserationis.

Et hæc sunt, quæ à proposita sibi virginis illius specie hausit D. Ioannes Eleëmofynarius & quæ ipse haurias velim in eleëmofynas, uti & ille pronus, ac profusus ; ut porrò sis, recurro ad D. NICOLAUM, cujus in afflicto amabilem providentiam, curamque loquetur omnis ætas : & certè quidni loquatur cum ea Dei imitatore fecerit. & alterum propè in terris Deum. *Revera enim imago Dei est benefaciens homo*, ut scitè Clemens Alexandrinus. Quid dico imago Dei ? Deum ipsum dicere debui, & verò ante me dixit D. Gregorius Nazianzenus, qui inde nobis facere voluit animos ad benefaciendum : illum audiamus. Sic inquit facer orator.

*Licet tibi nullo labore Deum fieri, noli Divinitatis consequenda abjicere occasionem.* Hæc ubi dixit, tum exponit quæ sit illa occasio ; & ait :

*Fac calamitoso sis Deus, Dei misericordiam imitando.* & ita imitatus est D. NICOLAUS calamitoso factus quasi Deus.

Lubet illius meminisse temporis, Ablavii Constantini Imperatoris à Prætorio Præfectus, tres militiæ tribunos in vincula.



vincula coniecerat : Imò & mortis in eos sententiam ab Imperatore extorserat per summam injuriam, summumque nefas. Verùm quid agas ? ubi malo dolo, ubi vi res agitur ; cessat ratio, cessant consilia ; humana quidem ; at non sic divina. Ad hæc recurrere visum est, cùm illa jam defecissent.

Ita recurrit è Tribunis illis unus aliquis, memor ille D. NICOLAI, Myrensis Episcopi, ejusque in afflictos beneficentiæ, quæ & insontes aliàs liberarat ; eum quæ precibus, quæ votis, absentem licèt compellare, atque in auxilium advocare contendit ; nec irrita vota, nec vanæ preces : Has enim, loco licèt quàm longissimè diffitus, audivit D. NICOLAUS, & mox Imperatori sese etiam in somnissistit, futurus Innocentibus patrociniò sanè opportuno, dùm sic pro illis. Surge Imperator, & quidem citò, & tres illos exercitus tui tribunos qui carcere iniquè tenentur, libera, libera & morte, ad quam per injuriam calumniamque damnasti ; nî feceris, grande tibi imminet malum, bellum imminet, atque excidium.

Excitari se sensit Imperator, & astupuit seu viri vultus, seu liberas illas voces, seu etiam atroces minas ; quas dum attendit, horretque. Ecquis, inquit, es tu, qui regiam intempestâ nocte ingrederis ? qui voces illas jadis, & minas ? Cui vir Dei. Ego NICOLAUS Myrensiùm Episcopus. His è somno stratoque excitus Imperator, assurgit, reos ad se evocat, audit, causam cognoscit, absolvit, & innocentes pronuntiat, jubetque adire NICOLAUM Myrensiùm Præfulem, Patronum ac liberatorem, cui renuntient fecisse :

se quod jusserat, abstinere proinde minis, & Ecclesie sue sacratiora munera admitteret, velut obstricti sibi Imperatoris anathemata. Ea autem fuere, Evangelium aureum, vas insuper aliud auro, gemmisque dives, atque illustre; & duo præterea cereoli aurei, sacris Altaribus oblata donaria; quibus acceptis, abeunt illi, tonsâ comâ, & animo supplici gratias acturi liberatori suo, atque defensori.

Vidisti NICOLAUM à carcere, à vinculis, à ferro, ipsaque morte vindicem, excipe etiam ventorum ac procellarum, iratique maris veluti dominum; excipe, inquam, ac demirare; dicque illi, quod aliquando Christo Servatori suo attonita turba. *Quis est hic quia venti & mare obediunt ei?*

Iactabantur fœdâ tempestate nautæ, & jam in oculis erat infame naufragium; tumultuantibus enim ventis, elatisque in immensum fluctibus, defecerat ars nautica; at non spes, & concepta in D. NICOLAUM fiducia; ad hanc, tanquam ad sacram anchoram confugiunt illi; opemque implorant jam Oceano undisque hauriendi. Nec verò defuit pius Præsul absens licet corpore, non tamen animo, atque auxilio: visus enim ab omnibus in navim insilire, tum auditus dicere: *Ecce me, vocastis me, ne metuite: adsum, quippe auxilio vobis futurus ac præsidio.* dixit & clavum mox tenuit rexitque fluctuantem navem; tum etiam mare increpans damnansque, fluctus sedavit, & ventos. *Quis est hic quia venti & mare obediunt ei?* Christus alter est, & servator alter; alter & Deus. non naturâ, sed imitatione, per quem scilicet divina ad miseros mortales beneficia derivantur. Et hæc sunt quæ & suspicit, & altè prædicat S. Leo Pont. maximus



maximus qui sic ad ejusmodi in afflictione liberatores, atque defensores.

*In aliorum indigentia materia vobis data est divina bonitatis imitando, ut per vos etiam in alios beneficia transfrent divina.* Serm. 6. de collectis.

Ita transferunt ad captivos, ad naufragos D. NICOLAI beneficia; imò quod mireris etiam ad mortuos; è multis unius meminit D. Bonaventura, quod ut novum, atque insolens: sic & stupendum magis, atque laudibus omnibus effeendum.

Athenas studiorum ergo tendebant adolescentes duo, iique nobiles, prædivites, ac benè nummati, qui D. NICOLAI famâ permoti, eum prius adire statuerant salutationis, & officii causâ; tum etiam precum, & orationum illius suffragia petitori: Myram igitur advenerant. sed, ô malum ingens, avaritia, aurique insana cupido! hac certè victus eorum hospes, ut auro potiretur & nummis, eos fœdè mactavit, & porcorum instar in frustra concisos, etiam eorum carnes in vase salierat. Serm. 1. de S. Nicolao.

Audax, & insolens facinus, & à sæculis inauditum, de quo à bono genio monitus pius Præsul, ad hospitis ædes advenit, eum admissi sceleris commonuit, arguit, damnavitque: tum ad vas, in quo malè salita jacebant fœdè truncata corpora, propius accessit, ac denique vitæ reddidit, & huic luci; non sine hospitis stupore & miraculo beneficentiæ, quam in reliquâ vitâ prædicarunt, laudaruntque illi adolescentes; prædicabit, laudabitque posteritas omnis, quæ in eo prodigio participatam quasi Dei potestatem in  
D. NICO.

D. NICOLAŌ suspiciet, & simul commendabit beneficentiam, quæ etiam post fata se proderet, atque explicabit.

Verum enimverò de D. NICOLAŌ illud Ecclesiastici: *Oleum de capite tuo non deficiat.* & sanè non deficit ne quidem à morte; à quâ tamen humana deficiunt omnia. deficit aurum, deficiunt gazæ opulentiores etiam Regum, etiam Cæsarum, qui etsi in vitâ fecissent subditis quàm optimè, à morte tamen desinunt benefacere. At non sic D. NICOLAUS, cujus beneficentiæ metam ponere non potuit ipsa mors, etsi aliorum omnium ipsa sit meta.

Surius  
su-  
gra.

Appello sepulchri fidem, piosque cineres, sacrasque corporis illius exuvias, è quibus manat oleum; quasi fons perennis beneficentiæ illius Divi in egenos afflictosque mortales, qui è prodigioso illo D. NICOLAI oleo, & corporibus & animis curandis remedia quærunt opportuna: non sine illustri tantæ miserationis prodigio, quod & in aliis proditum voluere superi.

Bollandus  
in ejus vita  
3. Jan.

Ad Sanctæ *Genovefæ* virginis sepulchrum visebatur olim lampas, quæ oleo salutifero adinstar fontis scaturiebat.

2. Jan.

Ad puteum in quem injecta corpora *Martyrum Placentinorum* exiliebat fons olei mirè salubris, qui tamen ob insolentem hominum avaritiam fluere tandem aliquando desuit.

7. Jan.

Ad sepulchrum S. *Tillonis* Monachi manabat etiam fons olei miseris mortalibus medicus & salubris.

20. Jan.

Denique (ne omnia ejusdem generis miracula confectet) è sepulchro S. *Euthymii* Abbatis effluebat etiam oleum, quo è corporibus depulsæ sæpius ægritudines. At

hoc



hoc oleum : uti & alia ejusdem beneficentiæ prodigia, quæ plerumque oleo notare Deus voluit, tandem exaruerunt, deseruntque vel hominum vitio, & ingratitude, vel divina sic ordinante providentia.

Verùm D. NICOLAI oleum duravit ad sæcula, duratque etiam hoc quo vivimus ævo, durabitque uti speramus in ævum omne; & hoc quia durat, durabitque pia D. NICOLAI in genus humanum beneficentia, quâ dum frueris, *Amice Lector*, simul etiam audire te velim, atque sequi illud Ecclesiastici : *Omni tempore sint vestimenta tua* Cap. 9.  
*candida, & oleum de capite tuo non deficiat.*

Ne crede sapienti curam esse de vestimentis illis, quæ corpus obtegunt, & molem carneam ornant; ea in oculis non habet : sed alia prorsus, quæ animo exornando deseruiunt, ut sunt virtutes, ex vero animæ vestes. has candidas esse vult, à niveo candore mentis, ab innocentia morum, ab insigni castimonia : his ubi animum vestieris, his ubi te ipse ornaris, tum ad proximum curandum elabere, in illum effunde oleum, oleum dico misericordiæ.

Hoc si in egenos effuderis, & ipse à Deo misericordiam consequeris. *Beati enim misericordes, quoniam ipsi misericordiam consequentur*, à Deo scilicet misericordiæ parente, ac remuneratore; de quo sic magnificè Emissenus, agēs de oratione & eleëmofyna; *Illa, inquit, audientiam Iudicis deprecatur, hæc gratiam promeretur : illa ostium pulsat, hæc aperit : illa supplicat, sed ista supplicantem commendat* : & ita quidem ut condemnari, ut damnari non sinat, Augustinum audi.

*Ante fores gehennæ stat misericordia, & nullum misericordem*

M

cordem

Matth.

Ser. 1. de  
init. Qua-  
drag.50. hom.  
hom. 39.

*cordem permittit in carcerem illum mitti. Ad ipsas terrestres Paradisi portas constituit olim vindex scelerum Deus Cherubim, qui illas custodiret, arceretque omnes etiam flammeo gladio. Et hoc ingens peccati supplicium. At modò è converso ad inferni Ianuam misericordiam constituit, quæ ingressum impediat misericordi, & quæ ( ut ita loquar ) ipsi divinæ Iustitiæ impedimento sit, ne in pauperes misericordem eò aliquando demittat.*

Serm. 14.

Et hoc tibi stimulo esse debet ad eam, de quâ agitur, in egenos misericordiam, quod illa pro te perorante, *in die mala liberabit te Dominus*, hoc est interprete D. Chrysologo, *In die mala illi liberator assistet, qui à malis pauperem liberarit, in angustiis illum Deus clamantem audiet, qui pauperem cum clamaret audivit, non Videbit diem malum, qui diem Iudicii sine advectione pauperis non intraverit: sine causa enim accusant peccata quem pauper excusat, excusari autem non potest, quem fames pauperis accusarit. Quomodo enim excusetur quem accusat ipsa miseria, quæ una excusare debuerat: ab hac excusari si voles in extremo, & decretorio illo die, iterum moneo, MI LECTOR, oleum de capite tuo non deficiat: sic nec deficiet divina in caput tuum miseria. Quis enim deficeret, quæ Christum Judicem quasi constrictum tenet atque obligatum?*

Hollandus  
tom. 2. Feb.  
die 13. in  
ejus vita  
c. 3.

B. Iordanus, Prædicatorum olim Magister Generalis, cingulum, quod unum ferè supererat, pauperi eleëmodynâ petenti dederat, moxque templum ingressus, atque ante Crucifixi simulacrum de more orans, advertit Crucifixum suomet cingulo cinctum esse: utique quia eleëmodynâ pauperi



pauperi factam, sibi etiam factam probabat Christus, atque eâ se quodammodo teneri atque constringi nos edocebat.

## §. TERTIUS.

*Vestigium hominis, est Dei hominis, sive Christi imitatio.*

**E** vestigio dignoscitur animal; sit leo, taurus, cervus, lupus, ovis; sic ex perfectâ Christi imitatione, tanquam è vestigio agnoscitur Christianus. Et ita agnitus D. NICOLAUS quasi vestigium Christi, quem sic ad hunc loquentem inducit Seraphicus Doctor.

Serm. 1.

*Præcedat Dominus meus ante servum, & ego sequar paulatim vestigia ejus.* Gen. c. 33.

Primum Christi vestigium, *humilitatis* fuit. *humiliavit enim se formam servi accipiens.* Huic insistendum sibi duxit<sup>2</sup> D. NICOLAUS, cum & sibi nomen fecit *peccatoris*, & Episcopatum quantum potuit, recusavit.

Ad Philip.

Secundum fuit *pietatis vestigium*. Induerat enim Christus viscera pientissimi & indulgentissimi patris, ea prodidit in muliere in adulterio deprehensâ, quam nec accusatam, nec damnatam voluit. Ea in filio prodigo, quem redeuntem paternè excepit. Ea in servo, cui condonavit debitum decem millium talentorum.

Hoc Christi vestigium secutus D. NICOLAUS cum & patrimonium amplissimum in egenos distribuit, & afflictis subvenit, & captivos, morti quæ jam adjudicatos liberavit.

liberavit. Non sic hodie ē Christianis plerique, in quos cadere potest illud Davidis :

Psalm. 9.

*Insidiantur quasi leo in spelunca sua ut rapiant pauperem.*  
In hoc certè uno etiam impii, atque immites.

Tertium Christi vestigium fuit *charitatis*. Huic dum se inclinavit Deus, *homo factus est*, captus, ligatus, cæsus, illusus, Cruci affixus, lancea transfixus, ut aperto jam ac patienti pectore, pateret peccatori cor Dei hominis, id est effusa in eum charitas; in corde ceu amoris officina, excusa atque excocta.

Act. 21.

Huic Salvatoris sui vestigio institit D. NICOLAUS, cujus scilicet amore, & mundum valere jussit, & opulento patrimonio se exuit, ut eo Christum in paupere induerer. Et insuper vincula, & carceres passus est sub immani Lyciana persecutione, paratus cum Apostolo *non solum alligari; sed & mori pro nomine Domini nostri IESU Christi*, quod eximie charitatis fuit, & culmen amoris, quo totus in Deum exardescibat.

Quartum vestigium Christi Servatoris fuit *potestatis* in opere signorum, ac miraculorum. Et per hoc D. NICOLAUS sibi viam fecit ad innumera, & stupenda quæ patravit miracula, quæ terra, quæ mari, quæ cælo, quæ etiam in ipsis inferis, unde & mortuos eruit, ut proinde jure meritisimo ei accinat Ecclesia. *Deus qui Beatum NICOLAUM innumeris decorasti miraculis.*

Ab his certè ita orbe toto celebris, ita nominatus, ut in illum quoque verti possit istud quod olim de Christo Isaias præfago spiritu.

*Venient*



*Venient ad te, qui detrahebant tibi, & adorabunt vestigia pedum tuorum.* Cap. 60.

Et ita Barrium ad S. NICOLAI cineres, magnæque mentis exuvias, ex omnibus propè mundi partibus adveniunt peregrini, & supplices ad illius sepulchrum accidunt, adorantque (ut ita cum Itaiâ loquar) vestigia pedum illius: tantus illi à miraculis honos, tantus amor à beneficiis, tanta à sanctitate veneratio: in hanc ut venias, *mi Lector*, D. NICOLAI vestigia lege, hoc est virtutes imitare, & quidem primò humilitatem, animique demissionem, qui ut hominibus, ut Angelis, ut ipsi Deo magnus sit, at in se parvus est; ideoque de se & humiliter sentit, & humiliùs loquitur.

Ita sensit, ita locutus est D. NICOLAUS, qui ut à vita, moribusque esset sanctissimus, nihilominus se dixit peccatorem.

Ita etiam S. Auxentius Presbyter Archimandrita; qui miracula quæ patrabat & multa, & magna, Christo uni attribuebat, hisce verbis: *Sanat vos Christus; ego enim sum homo peccator.*

Bollandus  
14. Febr.  
in ejus vita  
c. 2.

Ita denique (ne omnes persequar) B. *Franciscus Borgias*, In ejus vita  
è Duce Gandiæ, tertius Societatis IESU Generalis, qui literis suis solitus illud subscribere: *Franciscus peccator*. Et eum teipse dicas, *Amice Lector*, ex humilis animæ sensu, & sic D. NICOLAI humilitatem imitaberis. Deinde & pietatem in eos, qui aut calumniam patiuntur, aut aliquod vitæ discrimen adeunt, dum eos & hoc, & illâ liberabis.

Ita liberavit S. *Macarius* senior, Ægyptius. Is misellum hominem, qui ad se confugerat & à calumnia exemit, & à

In vitis Pa-  
trum.

mortē. Accusabatur hic velut homicidii reus, & eo nomine ad supplicium, ad furcam deposcebatur. Quid hic *Macarius*? eduxit ad defuncti, ad occisi hominis sepulchrum, sublatisque in cœlum manibus & oculis, mortuum, ac sepultum obtestatus est, ut eloqueretur, an ab illo occisus? Et ecce mirum dictu, audituque! E sepulchro respondit mortuus; & ab illo minimè occisum, se dixit.

Hic omnes invasit stupor, timorque, cui tibi aliquid datum est, tum rogatus *Macarius*, ut à mortuo exposceret, Ecquis ergo homicida? renuit *Macarius*, & ait sibi fuisse satis innocentem tueri, nocentem prodere nec velle, nec posse ex lege caritatis, ac pietatis. Hanc ubi fueris imitatus, tum ad eleëmoly nas, insignemque in egenos profusionem descendes; etiam, si opus sit vendito, etiam benè dissipato patrimonio.

7. Febr.  
in ejus vita  
c. 2.

Divitibus plerisque (& fortè tibi, *mi Lector*) auri pondus, argenti que massa idolum est: sed age *S. Theodorum*, Ducem, & Martyrem præeuntem sequere. Hic ab Imperatore Licinio Deos, & Deorum simulacra aurea & argentea suum in intimum conclave deferri petiit: & impetravit, ac deinde intempestæ noctis silentio confregit, atque in egenos distribuit: huic manus, illi pedes, alteri caput. Bonum omnino factum; quod in Diis tuis domesticis, hoc est in auro, argento que tuo, quod tibi pro idolo est, ô avare! imitari stude: neque inde tibi malè metue, neve crumenam illico nummis vacuandam autuma: est qui eam repleat Deus, si tu illam in pauperes alendos probè sciveris exhaurire.

Ita



Ita replevit B. Guilielmi Zucchii, qui oculos in crumena cum quotidie deferret, ut obviis daret quibusque pauperibus, nunquam tamen iis vacuari, nunquam exinaniri sensit, eam continuò replente Deo ter opt. ter max. Hinc Alexandria in *Liguria*, unde ortus vir Dei, in proverbium abiit, cum ab aliquo, qui pluries eleemosynam erogarat, rursus pecunia peteretur: pio, & liberali joco respondebatur illud. *Mene B. Guilielmi crumenam, quæ numquam exauriatur, habere putas?* Sed longiùs ab eo: redeo ad D. Præfulum, cujus memoria, & festiva dies hîc est in oculis, atque amoribus, & teipse, *mi Lector*, ad imitandam illius patientiam provoco, qui etsi in omnes esset beneficus, at maleficos in se habuit quamplurimos, unde & vincula, & carceres passus; ut & tu similia pati discas, memor Crucis & Christi, & Sanctorum, cui & ipse es affigendus.

Christum ardentius orabat B. *Margarita de Cortona*, cum ecce Crux super eam visa, & auditus sic ad illam Christus: cum enim ab eo petiisset. *Domine mi, crucifigar ego?* audit illico. *Filia mea; tu eris crucifixa tribulationibus, & non in cruce.* Quod illi ad aurem Christus, hoc tibi ad animum. Non dabitur tibi configi lignæ cruci, non ex illa pendere etiam Christi causa, & religionis, quod gloriosum esset: at dabitur crucifigi tribulationibus, persecutionibus, calumniis, aliisque id genus malis, quæ tibi erunt pro cruce, & in qua si vivas, si moriaris invictâ patientiâ, ac fortitudine; eris in terris quod B. *Margarita*, quod S. NICOLAUS, eris deinde ad extremum quod illi in cœlis, foelix, ac beatus.

IN FESTO  
SANCTI THOMÆ  
APOSTOLI.

*Surge, & veni Columba mea in foraminibus petra;  
in cavernâ maceria. Cant. 2. v. 13. 14.*

QUÆSTIO UNICA  
MORALIS.

Ecquis ille qui sic evocat: *Surge & veni?*  
quæ deinde Columba? quæ denique  
foramina petrae? quæ caverna  
maceriae?



HIC mihi variae injiciuntur quæstiones,  
scu potius quæstionis unius veluti par-  
tes quædam, & membra, è quibus  
hoc primum, ecquis ille qui his evocat;  
*Surge, & veni?*

*Christus est, anima sancta sponsus.*

ITA D. Gregorius Nyssenus, qui ait à cælesti Sponso ex-  
citari sponsam, id est animam, quæ fortè à peccato, seu  
somno



somno indormierat, excitari, inquam, hac vocula, *Surge*: ubi porro excitata sic fuerit; tum audit blandum illud *veni*; hoc est in viam virtutis elabere, & ulterius progredere. *Oportet enim*, inquit idem S. Præsul, *semper surgere, & excitari, & per cursum appropinquando nunquam cessare.*

At cur, inquires, iteratæ illæ voces, *Surge, & veni*. Respondet D. Bernardus, esse amantis voces, & nimium quantum amantis. *Commendat*, inquit, *sponsus multam dilectionem suam iterando amoris voces; Surge, & veni: Nam* Serm. 61.  
in Cant. *iteratio affectionis est expressio.* Discant hinc seduli animarum pastores, non deserere errabundas oves: discant pii animarum venatores, non abjicere fugaces cervos, & feras: discant boni animarum aucupes, etiam sequi evolantes ex Arca, ceu Ecclesia, columbas, hoc est à fide aberrantes animas, discant, inquam, exemplo cælestis sponsi, qui sic ad timidam, fugientemque columbam, hoc est animam, hoc est THOMAM: ad quem sic internâ voce: *Surge, & veni*; surge à somno infidelitatis, cui profundum indormisti, & ad me veni, ad me redi, ceu Noënum columba emissa quondam ex Arca; excipieris etiam à me, ut olim excepta est illa; excipieris amicâ manu, blandaque voce, & animo misereunte.

Hæc cælestis Sponsus ad sponsam, hæc ad THOMAM Christus, Servator optimus. Non dixit quod in mundi cunis ille infelix Cain, ad quem cum diceret Dominus: *Vbi* Gen. c. 4.  
v. 9. *est Abel frater tuus*, respondit insulse, dure, mendaciter, impie: *Num custos fratris mei sum ego?*

Non dixit quod deinde Principes Sacerdotum ad  
N miserabilem

Matth. c. 27. v. 4. miserabilem Domini proditorem Iudam : *Quid ad nos, tu videris.*

Redierat hic ad se, & pœnitentiâ ductus retulerat triginta argenteos, venditi Domini pretium : imò & sic ad illos ; *peccavi tradens sanguinem justum.*

Videri poterat illud esse pœnitentis animi, cui certè opitulari debuissent Sacerdotum Principes, ut potè animarum Pastores, ad quos harum salus etiam spectabât : at nihil eorum spectarunt, impii, atque immites ; quin etiam addiderunt durum illud, & à salute pœnitentiâve, ( de qua agebatur ) absolum. *Quid ad nos ? tu videris.*

Sic nempe loquuntur, sic agunt, non pastores ovium ; sed lupi ; non animarum curatores ; sed desertores, in quos Scrm. 84. sic aculeatâ oratione D. Chrysologus, *Vbi, ubi sunt, qui semel diabolica impulsione collapsos opprimunt, ne se erigant ? qui languoribus curam, vulneribus crudeli spiritu subtrahunt negantque medicinam ?*

Ubi illi, ubi sunt ? non abeundum è Synagogâ ; imò forè nec de Ecclesia, in quâ nonnulli, si non voce, at re certè ipsa jactant etiam Iudaicum illud ad peccatores pœnitentes ? *Quid ad nos, tu videris.* Iactant, inquam, dum ad se Deumque revertentes peccatores curare negligunt, quasi ad cos nihil attineret.

Non sic ad suos Christus Salvator optimus, non sic ad incredulum infidelemque discipulum Magister pienssimus, sed potius blandum illud ac suave ad omnes : *Pax vobis*, dein & medicum istud ad THOMAM.

Joan. c. 20. v. 27.

*Infer digitum tuum huc & vide manus meas, & affer manum*



*manum tuam, & mitte in latus meum, & noli esse incredulus; sed fidelis.*

Ecce inquit D. Gregorius, *miro modo atque inestimabili Redemptor noster, & incorruptibile post resurrectionem, & palpabile corpus exhibuit, ut monstrando incorruptibile invitaret ad premium, & præbendo palpabile firmaret ad fidem.*

Et ita discipulum licet incredulum invitavit, primum ad fidem, dein ad præmium; & ita peccatores & à fide, Deoque devios illius exemplo invitare nos decet, si modò ii simus re, qui nomine, Animarum Pastores; sed ne longius. Institutum prosequamur videamusque, quæ sit illa Columba?

*Columba sponsa Christi, id est anima  
à Deo electa.*

**N**E me levitatis arguas, *Amice Lector*, ut qui columbam pro symbolo sponsæ Christi, ceu electæ ad ardua virtutum animæ, statui velim. Voluit ipse Cælestis spiritus, qui ambulat, imò qui evolat super pennas ventorum, super ætheris cælique vastissimos orbes. voluit, inquam, & columbam, mitem illam, atque innoxiam pro eodem symbolo, sacrationeque hieroglyphico posuit. Imò viros à virtute, à dignitate, à rebus clarè gestis, aliquando futuros illustres, eo signo notavit.

Diem suum obierat. *Bucolus Smyrnæ Episcopus*, Præsul notæ virtutis, ac sanctitatis: dum ei successor quæritur, dubiaque vertitur alea: ecce tibi sortium arbiter ac moderator

Deus, cælesti prodigio dubium solvit, alcamque jaci in *Polycarpum* feliciter voluit, & hoc quidem à cælesti jam edoctos prodigio.

Boll. in ejus vita 26. Jan. 1. 5. Fuit autem illud ejusmodi. Dum in templo, frequenti populo confidet *Polycarpus*, visa circum illius caput columba cælesti lumine conspicua, indicium utique in Episcopum eligi debere *Polycarpum*, qui deinde & Præsul Smyrnenſis Ecclesiæ fuit, & Christi causâ martyr invictus.

Ecce ut in eo symbolo futuris eventibus præludit amabilis Dei providentia: vis etiam ut in eodem aliis præludat? accipe ut in S. *Fabiano* Pontifice, dein Martyre.

E Petri sede fato non immaturo sublatus erat *Anterotes*, summus in ea Pontifex, cum de alio ei subrogando agitantur consilia, habenturque comitia: in quibus, dubium omne diremit, discutitque cæleste prodigium, symbolumque objectum oculis.

Fuit illud *columba* subito è sublimi devolans, & capiti *Fabiani* mox etiam insidens, signum utique illabentis in eum Spiritus sancti, cujus etiam instinctu secretiore commotus populus omnis qui astabat, commoti & proceres, Ecclesiæque Principes, uno ore, una voce *Fabianum* Pontificem proclamarunt, quem scilicet ipse Deus, *Columba* indicio, ceu muta voce, jam antè proclamarat.

D. Thomas columba. Maneat ergò fixum illud, statumque etiam Cælo iudice; *columbam* symbolum esse electæ ad ardua mentis, adeoque & ipsius D. THOMÆ in Apostolum, in Martyrem à Christo delecti: quo enim symbolo melius? quo aptius?

Est *Columba* mitis ingenii, & felle carens, estque imprimis



primis foecunda: & is deinde esse debuit THOMAS, & inter  
malevolorum dicteria, petulantes jocos, insana ludibria  
mansuetus, ac mitis; & inter ipsa tormenta, crudelemque  
lanienam, etsi summa cum injuria conjunctam, felle ta-  
men irâque vindice carens, ac denique foecundus à spiritali  
ac numerosa sobole, quam per Evangelium Ecclesiae  
Deoque genuit fertilitate magna, felicitate pari; fertilitatem  
ex eo cognosces, quod emissus in Indiam, sterilem utique  
vineam; imò & aridam, atque emortuam, eam nihilomi-  
nus fertilem reddiderit, ceu sedulus cultor vineam solet.  
Cujus argumento (verius praesagio) fuit illud, quod  
subjicio.

Edessæ urbe Syriae, in quam S. Apostoli corpus est im-  
portatum Anno Domini ccxxxvi. uti refert Baronius, vi-  
situr illius sepulchrum ea frequentia populi, ac celebritate,  
quâ fere Romæ SS. Apostolorum Petri & Pauli, ut affirmat  
D. Chrysostomus; ad illud sicuti admiratione ac venera-  
tione digna sunt plurima; tum illud vel maximè, quod  
tum in pervigilio festi illius, aurâ hyemali, ac rigidâ, post  
exactum pensum vesperarum illius diei, Episcopus aperta  
urna sepulchrali, aridum vitis palmitem inter manus Apo-  
stoli collocasset, postridie summo diluculo eundem, non  
virentem modò cum pampinis: sed & turgentem cum bo-  
tris invenerit, ut assolet in ubere, maturaque vindemia. Ex  
his potro uvis tantum vini exprimi placuit, quantum sa-  
crificio illius diei satis esset.

Et hoc annuente cœlo eò loci ac temporis extitit mira-  
culum, ex quo ad propositum meum facit illud. Aridus

In Annal.  
236.

Hom. 26. in  
ep. ad He-  
braeos.

Silvester  
Petra sancta  
Taumasie  
tom. 3. c. 17.

ille palmes qui sacris D. THOMÆ manibus, ceu fertili, fœcundoque solo implantatus, mox & viruit, & pampinos, uvasque extulit, indicat eam ubertatem, quam Indiæ, & Indis omnibus, ceu arido palmiti, dedit: dum iis & primam Christianæ fidei radicem, & amœnam spei viriditatem, & amoris divini mustum, vinumque fudit; de quo priusquam (ut illi) Deo, cœloque litemus, redeamus ad D. THOMAM, ceu columbam longè meliorem illâ Noëmi: hæc enim olivam retulit pacis indicem; illa verò turgentes uvas, vinumque mundo affudit: sed vinum divini amoris, quod hauserat è foraminibus petrae, è caverna maceriae, de quâ etiam movebitur quæstio, ecquæ sit illa?

*Petra Christus: foramina petra, manuum pedumque  
hiantia vulnere: caverna maceria,  
apertum illi latus.*

**I**NTER columbas agrestes & domesticas hoc interest; quod hæc in columbariis nidum sibi, quietemque ponant; illæ verò in foraminibus rupium, & cavernis maceriarum, id est ruderum, lapidum aggestorum, & murorum dirutorum commorentur. Quod columbis: hoc & mortalium animabus: ex his aliæ urbes amant, & domestica recta, ibique sedem quietis suæ constituunt; molles & deliculæ animulæ: aliæ verò urbes fugiunt, averfantur populi frequentiam, & instar columbæ liberæ atque agrestis ruri habitant, in ruinis ædium, & rupium latebris: exeunt à cognatione sua, à patriis sedibus, à vita molliore, & solitudinem



solitudinem quærunt, amantque latere, durisque laboribus assuescere, atque immori.

Et ita amavit D. THOMAS, qui ad instar silvestris columbæ latere voluit, atque abdi in foraminibus petrae, in caverna maceriae. At quæ, inquires, illa? Iusto Orgelitano, caverna maceriae est Scriptura sacra, exempla meritaque Sanctorum, quæ sunt veluti foramina petrae, in quibus secuta conquiescit anima.

Aponio, foramina petrae sunt quatuor Evangelia, caverna maceriae est Apostolorum doctrina, in quâ & quiescit anima, & nidum, sibi statuit, cui placidè indormiscit.

D. Ambrosio, foramina petrae sunt Christi gesta, ac veluti propugnacula fidei nostræ. Caverna maceriae, ceu muri subsidia, verba sunt Domini.

D. Gregorio, petra Christus, vel ipso teste, indiceque Apostolo: *Petra autem erat Christus. Foramina petrae manuum pedumque vulnera, caverna maceria vulnus lateris, quod lanceâ factum.* 1. Cor. c. 10. v. 4.

Et huic sententiæ in præsentia insistam, dicamque D. THOMAM, ceu colombam agrestem, & quæsisse foramina sacratoris illius petrae, & cavernam maceriae. Hinc illæ ad condiscipulos, (qui se Dominum vidisse cum iugenti voluptatis sensu jactabant) liberae voces.

*Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus non credam.* Jo. c. 20.

Hic more suo, id est aureè D. Chrysologus. Cur THOMAS *Serm. 84.*  
Vestigia fidei sic requirit? cur tam piè patientem, tam durè  
discutit

*discutit resurgentem? cur ea vulnera quæ manus infixit impia, devota dextera sic resulcat? cur latus quod impii militis lancea patefecit, refodere manus nititur obsequentis? cur dolores persecutorum renovat immitis? cur tormentis Dominum, cur pœnis Deum, cur caelestem Medicum probaturus de vulnere discipulus sic requirit?*

Ubi hanc quæstionem iniecit, tum ad ipsum THOMAM propiùs accedit, & sic illum compellat.

*Cur tibi solus THOMA, sola vulnera præsentari ad indicium fidei nimis callidus explorator exposulas? quid si ista cum aliis abolita fuissent, quod periculum fidei tue curiositas ista peperisset? nulla pietatis monumenta, nulla Domini Resurrectionis inveniri æstimas potuisse documenta, nisi manibus tuis sulcares Iudaica crudelitate exarata sic viscera?*

Postquam sic ad THOMAM Orator aureus, tum sic ad suos olim auditores; sic etiam modò ad nos.

D. Thomas,  
Quomodo  
in foramini-  
bus Petre-  
in caverna  
maceria?

*Quæsit fratres pietas ista, exegit ista devotio, ut resurrexisse Dominum, nec ipsa in posterum dubitaret impietas. Et hæc prima ratio hujusce petitionis, voti quæ, quo exarsit Apostolus.*

Altera est quam subdit, Quod THOMAS non solum cordis sui, sed hominum omnium curabat incertum, & prædicaturus hæc in Gentibus quemadmodum tanta fidei astrueret Sacramentum executor strenuus perquirebat.

Has ubi pro D. THOMA rationes & invenit, & protulit, tum pro illo, omni infidelitatis, atque incredulitatis culpâ liberando hoc etiam effert.

*Certè prophetia magis quàm cunctatio fuit. & rationem adjicit:*



adjicit: *Nam cur talia peteret nisi à Domino ad indicium resurrectionis sue servata sola vulnera, prophetali spiritu cognovisset? ubi causam illam extulit tum ad extremum conficit illud: Spontè prestitit ceteris, quod sibi tardius implorat.*

Hæc pro Apostolo D. Chrysologus, quo judice, atque interprete hæc pauca deduco in sacratiora illius encomia.

Primum est cùm & videre voluit fixuram clavorum, & digitum immittere in locum clavorum, & manum in latus ejus, non dubitantis culpa fuit: sed quidam pietatis, & devotionis æstus.

Secundum etiam charitatis in proximum, ut omnium hominum curaret incertum, dubiumque tolleret.

Tertium fuit fidei Sacramentum, quod Gentibus propalaret, & eò quidem seu firmitatis, seu certitudinis, ut nec ipsa in posterum dubitaret impietas.

Quartum denique prophetia; non cunctatio, non dubium, aut incredulitas.

Et hæc mihi suggessit Præsul Ravennas, ut D. THOMAM omni culpa eximat, & verò exemptum velim ipse, & velint porro etiam omnes, si modò possint: utrùm autem possint, vide quæ dixi in Quæstione secunda in Evangelium hoc die sacro legi solitum, ego hîc non repeto, ne actum agere videar.

Unum addo, quod inconcussa deinceps fides D. THOMÆ Apostoli fuerit, nec impressa modò per Christi contactum in tota penitus ejus anima: sed, quod mireris, & ames, etiam in parietibus domicilii ejus.

Res mira; qui de admirandis Palestinæ scribunt, affirmant

Nierem-  
berg. de  
mirab. nat.  
c. 26.

ædes S. THOMÆ Apostoli etiamnum perstare; & hoc ingenio esse, ut habitatores non ferant nisi fideles, quod si qui inibi degere audeant alieni ritus, ii statim experiuntur atroci obitu facinus illud suum puniri. Ne verò audeant, jam exempla plurimorum exterrant, qui suo id periculo; imò & interitu pertentant.

Silvester  
Petra sancta  
Thaumasia  
tom. 3. c. 1.

Crederes Apostolum etiam in tecto, domoque animâ & sensu vacuâ, testari velle, quæ fuerit illi fides à contactu pretiosi corporis: crederes etiam in aliis reparari velle ea dispendia, quæ fortè ab illius quondam infidelitate passa fuit primæva in Christum fides: crederes denique etiam in posteros, serasque ætates protendere velle, & quidem miraculo, eam fidem quam à sacris Christi vulneribus aliquando hauserat.

Chrysol.  
supra.

Sed à sacris illis ædibus redeo ad D. THOMAM, video enim jam ut columba involat in foramina petræ, in cavernam maceræ, hoc est in Christi latus, & vulnera, jam in *fixuram clavorum* digitos immittit, & manum, in *latus*: eo scilicet consilio, *ut effundant toto orbe iterum hæc vulnera fidem, quæ aquam in lavacrum, sanguinem in omnium pretium jam fuderunt.*

Et hoc universo Orbi beneficium à D. THOMA, quo rursus *aperiente* vulnera Christi, & aperta magis Resurrectionis Dominicæ fides, & per omnes Ecclesias, ætatesque sparsa. Audierunt enim illæ, audiuntque modò, audientque in ævum omne illud Apostoli effatum & oraculum.

*Dominus meus, & Deus meus.*

Ecce, inquit D. Chrysológus, *non solum corpus humanum, sed*



*sed per pœnales corporis passionēs Deum & Dominum esse Christum vociferante THOMA, manifestant.*

*Et verè Deus qui vivit ex morte, resurgit ex vulnere, qui talia & tanta cùm suscepit, vivit & regnat Deus per omnia secula seculorum.*

*Bona foramina, inquit Bernardus, quæ fidem astruunt resurrectionis, & Christi divinitatem, ait enim, Dominus meus, & Deus meus.*

*Serm. 61. in Cant.*

*At unde hoc reportatum oraculum, nisi ex foraminibus petreæ? in his passer invenit sibi domum, & turtur nidum ubi reponat pullos suos, in his se columba tutatur & circumvolitantem intrepida intuetur accipitrem.*

*Et hoc alterum est beneficium, primum ipsi D. THOMÆ proprium; dein etiam aliis commune. Vagus quodammodo, atque errabundus erat THOMAS, sine domo, sine tecto, in foraminibus petreæ, in caverna macerie, hoc est in Christi vulnere, & domum invenit, & tectum.*

*Non erat ubi nidum, id est quietis locum poneret, non erat ubi pullos suos, puta bona desideria, affectus pios excluderet, reponeretque: in foraminibus petreæ, in caverna macerie reposuit.*

*Non erat refugii locus, asyli sedes, in quo se D. THOMÆ anima, ceu timida columba, ab infernali accipitre, tueretur ac defenderet; defendit, ac tutata est in foraminibus petreæ, in caverna macerie.*

*Non erat specula unde secura circumvolitantem è styge accipitrem intueretur, ac despiceret. in foraminibus petreæ, in caverna macerie sibi speculam erexit, unde sine metu,*

sine periculo, sine damno, & intueri posset, & despicere, & ridere.

Quod D. THOMÆ eò loci ac temporis singulare: hoc deinde & omnibus commune: nempe à foraminibus petræ & securitas, & quies, unde enim potius? ut enim & verè, & piè D. Bernardus.

Supra.

*Revera ubi tuta firmaque infirmis securitas & requies, nisi in vulneribus Salvatoris?*

Supra.

Tantò in illis securior habito, inquit Bernardus, quanto ille potentior ad salvandum. fremit mundus, premit corpus, diabolus infidiatur, non cado, firmatus enim supra firmam petram.

Sed, inquires, ista Bernardo; hoc est animæ sanctæ requies, & securitas: non ea erit peccatrici. falleris, enimverò falleris. Bernardum rursus audi, loquitur ille assumptâ quasi in eam scenam peccatoris formâ, & sic cum illo.

*Peccavi peccatum grande, turbatur conscientia: sed non perturbabitur, quoniam vulnere Domini recordabor.* Et hæc recordatio ad quietem, ac securitatem est satis, rationem adjicit, quia patet arcanum cordis per foramina corporis, patet magnum pietatis illius Sacramentum, patent viscera misericordie Dei nostri in quibus visitavit nos oriens ex alto.

Et ita patuerunt olim D. THOMÆ, qui ex iis non solatium modò, non quietem, non securitatem à malo dæmone animarum aucupe; sed & ingens meritum accepit, primum à Domino, quia, ut ait Bernardus. *Meum meritum miseratio Domini.*

Deinde



Deinde & magnum virtutum omnium proventum; in his enim Christi vulneribus & multitudo dulcedinis, & plenitudo gratiæ, perfectioque virtutum.

Testes volo, testes apello illas Apostoli voces, ingenuamque ac liberam Confessionem: *Dominus meus, & Deus meus.* Ecce fidem certam, ecce spem firmam, ecce accensam caritatem, qua inflammatus ex illis foraminibus petrae, ceu columba evolavit ad nobilem, & copiosam animarum prædam, instructus jam & insigni divinæ gloriæ zelo, & invicto animi robore, atque constantia.

Zelum porro illum explicuit primùm in condenda solemni fidei professione; in qua dum singuli Apostoli Symbolum conferunt, ille hunc articulum: *Surrexit à mortuis* inseruit, futurum & fidei suæ tesseram, & testem Dominicæ Resurrectionis apud omnes omninò nationes etiam remotissimas, quas doctrinæ suæ luce perfudit, postquam enim Jerosolymam, Iudæamque aliquamdiu excoluisset, transiit in Orientem, ubi *Reges Magos*, qui olim ad Christi cunas venerant de fide in Christum edocuit, baptismi lavacro tinxit, lociosque assumpsit & suæ peregrinationis, & prædicationis Evangelicæ.

Tum etiam *Thadæum* è septuaginta Discipulis unum ad *Abagarum* Edessæ Regem transmisit, ipse verò ad Parthos, Medos, Persas, Hircanos abiit; denique in Indias usque evolavit, Æthiopas sacris Baptismi aquis eluit, nec tam corporis, quàm animi nigredinem ponere docuit; tum ad Brasiliis usque penetravit, ut ex antiquis eò loci erectis adhuc monumentis, testatur *R. P. Nobrega* è

Quæ Dei dona è foraminibus Petrae, è caverna marceris?

Ita D. Augustinus alique.

Ita Dorotheus Sophronius, & alii.

Societate IESU in iis Regionibus Præpositus Provin-  
cialis.

Quomodo  
inde evola-  
rit?

Ecce quò è foraminibus petrae, è caverna maceriae evo-  
lavit innocens columba, & magna illa D. THOMÆ mens  
& intelligentia; quæ licet orbe propè toto abesset ab illis  
foraminibus petrae, hoc est Christi vulneribus, abesset, in-  
quam, corpore, animo tamen in illis erat, in illis habitabat,  
in illis conquiescebat, & ab illis sibi animos, viresque facie-  
bat ad audendum, ad patiendum quidlibet Domini sui  
causâ. Et certè quidni faceret ejusdem provocatus vel  
exemplo, vel etiam verbo: de hoc ita D. Bernardus.

Serm. 61. in  
Cant.

*Vult benignus dux devoti militis vultum, & oculos in sua su-  
stolli vulnera, ut illius ex hoc animum erigat, & exemplo sui  
reddat ad tolerandum fortiolem.*

Ad vincula,  
ad mortem

Et ita reddidit Discipulum suum Magister optimus.  
Hinc in vincula, in carceres, in plagas, in mortem audax &  
hilaris ivit, & lanceis, telisque confixus animam per imma-  
nia vulnera in cœlos emisit, rediturus ad meliorem, id est  
cœlestem arcam, ab hujus vitæ mortalis aquis, atque elu-  
vie; rediturus ad veriorem Noënum, id est Christum, à quo  
etiam exceptus, educusque in sinum æternæ quietis, &  
hoc quidem per vincula, per carceres, per immanem cor-  
poris laniemam, per vulnera, per acerbam mortem, quam  
non solum fortiter, sed & alacriter obiit. At undè ea vis,  
ea fortitudo; imò & alacritas in extrema illa vitæ, tormen-  
torumque scena? undè is propè in corpore stupor? undè &  
in animo suppliciorum omnium despicientia. Utique à  
*foraminibus petrae, à caverna maceriae, in qua & latuit, &*  
quievit



quievit anima martyris, ceu innocens columba. Bernardum audi, erit ille instar omnium. Sic inquit.

*Stat martyr tripudians, & triumphans toto licet lacero corpore, & rimante latera ferro, non modò fortiter, sed & alacriter sacrum è carne sua circumspicit ebullire cruorem.* Supra.

Hæc ubi dixit de invicta martyris constantia, de tripudio, ac triumphis etiam in ipla mortis imagine, tum quærit.

*Vbi ergo tunc anima martyris? & respondet. nempe in tuto, in petra, nempe in visceribus IESU, vulneribus nimirum patentibus ad introeundum. Si in suis esset visceribus scrutans ea, ferrum profectò sentiret, dolorem non ferret, succumberet, & negaret. Nunc autem in petra habitans, quid mirum si in modum petre duruerit.* Mira constantia, & fortitudine.

Hæc ubi extulit S. Doctor, tum longius elabitur, rationemque reddit illius vel duritiei, vel insensibilitatis, vel quod mavelim patientiæ, & quidem insensibilitatem sumit ex eo quod martyr exul quodammodo sit à corpore, ideoque dolores non sentit corporis. causam addit, & quidem amabilem ac mirandam. Neque, inquit, hoc facit stupor, sed amor: submittitur enim sensus, non amittitur: nec deest dolor, sed superatur, sed contemnitur. Et hoc quidem amoris beneficio, amoris vi, & suavi quadam violentia, à qua si non in membris & corpore sit stupor; at in animo vis est invicta, invicta fortitudo: sed unde tam hæc quàm illa? Concludit S. Præsul.

*Ergo ex petra martyris fortitudo. Quod si ex illa martyris; sic & tua erit Amice Lector; si modò cum martyre & cum Apostolo adinstar columbæ resideas in foraminibus petre,*

*in caverna macerie.* hoc est in suavissimis Christi vuln-  
bus, seu ea sint pedum manuumque, seu etiam aperti, ac  
perforati lateris.

Hollandus  
22. Febr. in  
ejus vita  
c. 10.

In eadem  
vita c. 6.  
num. 152.

Cap. 2. n. 19.

cap. 4. n. 105.

Ita reledit B. *Margarita de Cortona*, Ordinis S. Francisci Religiosa, Virgo miræ sanctitatis, residet, inquam, ex Christi voto; imò & præcepto. Audiit enim hæc à Domino: *Vade ad crucem, & scrutare plagas meas, intus, & extra.* Et hoc primum illi à Christo beneficium, & quidem magnum: at majus illud cum etiam ab eodem Salvatore quàm optimo jussu est ad vulnus lateris ejus exfugere; sic enim ad illam indulgens Christus. *Tibi mando quod sepe venias ad vulnus lateris, & sugas inde, & sentias, quid exivit pro salute totius humani generis.* Et hoc majus ab illo beneficium: at longè maximum quod subjicio. Cùm sese ei in cruce videndum objecisset Christus; sic etiam ad illam. *Pone palmas super locum clavorum manuum mearum,* cùmque ex reverentia subjecisset istud. *Non Domine mi. Tum subito patuit vulnus lateris amantis IESU, & in caverna illa cor sui est intuita Salvatoris;* cor, inquam, quod est officina divini amoris, à quo eos hausit amores, eos ardores; imò ab his, & illis etiam eos dolores, ut sæpiùs ex oculis sanguineas lacrymas effuderit, seu compassionis, seu amoris, seu etiam doloris, ob immania mortalium vitia atque ingrati-  
tudinem: quam dum odit ac detestatur simulque quàm potest compensare studet, audit etiam illud à Christo. *Nulli cor tuum filia, præbeas, nisi mihi dilecto tuo.*

Sed, inquires, paucorum est ea gratia, is à Christo favor, & fortè nulli ab Apostolo datum illud, ut & digitos in loca clavorum,



clavorum, & manum in latus immiserit. Non abnuo; paucorum enimvero est: imò forsitan & unius D. THOMÆ, nec illud ambire te velim: sed hoc dumtaxat unum, ut amore, ut affectu intimo, ut compassione, ut meditatione perenni habites in *foraminibus petrae*, in *caverna macerie*: clariùs eloquor, in sacris Christi vulneribus sis totus. Ita deinde reliqua vita fuit D. THOMAS.

Ita secundùm illum Sancti quamplurimi. Ita D. Bernardus qui hæc de seipso ingenuè.

*Ego confidenter quod ex me mihi deest, usurpo mihi ex* <sup>Vi-supra</sup> *scribis Domini, quoniam misericordiae effluunt, nec desunt foramina, per quae effluant.*

Ita S. Comes *Elzearius*, qui cùm in monte pessulano hæreret diutiùs, *Delphino* conjux famulum emisit, ut moræ illius causam cognosceret, cui sic ille.

Corpore quidem sanus sum, & sospes; quod si videre <sup>In ejus vita.</sup> me cupis, quære me in vulnere lateris Christi; ibi enim habito, ibi me invenies, frustra alibi quæsitura.

Hæc ille, quocum habitare te velim, *Amice Lector*, non in tectis eburneis, non in domibus laqueatis, hæc quippe vanitatem olent, & luxum ostentant; sed in sacrolanctis Christi vulneribus, in quibus cùm satis latuisset Apostolus, ex iis evolavit ad extrema supplicia, ipsamque mortem, ac denique in cœlum, sinumque beatitatis.

In India cis Gangem ad oram maritimam Orientalem Regni *Bisnagæ*, civitas est *Meliapor*, quam nos Europei S. THOMÆ appellamus, hîc perantiquus est lapis, qui sculptam præ se fert crucem, ante quam supplex erat Apostolus

ille palmes qui sacris D. THOMÆ manibus, ceu fertili;  
 fecundoque solo implantatus, mox & viruit, & pampinos,  
 uvasque extulit, indicat eam ubertatem, quam Indiæ, &  
 Indis omnibus, ceu arido palmiti, dedit: dum iis & pri-  
 mam Christianæ fidei radicem, & amœnam spei viridita-  
 tem, & amoris divini mustum, vinumque fudit; de quo  
 priusquam (ut illi) Deo, cœloque litemus, redeamus ad  
 D. THOMAM, ceu columbam longè meliorem illâ Noëmi:  
 hæc enim olivam retulit pacis indicem; illa verò turgen-  
 tes uvas, vinumque mundo affudit: sed vinum divini  
 amoris, quod hauserat è foraminibus petrae, è caverna ma-  
 ceriæ, de quâ etiam movebitur quæstio, ecquæ sit illa?

*Petra Christus: foramina petrae, manuum pedumque  
 hiantia vulnere: caverna maceria,  
 apertum illi latus.*

**I**NTER columbas agrestes & domesticas hoc interest;  
 quod hæc in columbariis nidum sibi, quietemque po-  
 nant; illæ verò in foraminibus rupium, & cavernis mace-  
 riarum, id est ruderum, lapidum aggestorum, & murorum  
 dirutorum commorentur. Quod columbis: hoc & mor-  
 talium animabus: ex his aliæ urbes amant, & domestica  
 tecta, ibique sedem quietis suæ constituant; molles & de-  
 licatulae animulae: aliæ verò urbes fugiunt, averfantur po-  
 puli frequentiam, & instar columbae liberae atque agrestis  
 ruri habitant, in ruinis ædium, & rupium latebris: exeunt  
 à cognatione sua, à patriis sedibus, à vita molliore, &  
 solitudinem



solitudinem quærunt, amantque latere, durisque laboribus assuescere, atque immori.

Et ita amavit D. THOMAS, qui ad instar silvestris columbæ latere voluit, atque abdi in foraminibus petra, in caverna macerie. At quæ, inquires, illa? In isto Orgelitano, caverna macerie est Scriptura sacra, exempla meritaque Sanctorum, quæ sunt veluti foramina petra, in quibus secunda conquiescit anima.

Aponio, foramina petra sunt quatuor Evangelia, caverna macerie est Apostolorum doctrina, in quâ & quiescit anima, & nidum, sibi statuit, cui placidè indormiscit.

D. Ambrosio, foramina petra sunt Christi gesta, ac veluti propugnacula fidei nostræ. Caverna macerie, ceu muri subsidia, verba sunt Domini.

D. Gregorio, petra Christus, vel ipso teste, indiceque Apostolo: *Petra autem erat Christus. Foramina petra manuum pedumque vulnera, caverna macerie vulnus lateris, quod lanceâ factum.* 1. Cor. c. 10. v. 4.

Et huic sententiæ in præsentia insistant, dicamque D. THOMAM, ceu colombam agrestem, & quæsisisse foramina sacratoris illius petra, & cavernam macerie. Hinc illæ ad condiscipulos, (qui se Dominum vidisse cum ingenti voluptatis sensu jactabant) libera voces.

*Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus non credam.* Joan. c. 20.

Hic more suo, id est aureè D. Chrysologus. *Cur THOMAS vestigia fidei sic requirit? cur tam piè patientem, tam durè discutit* Serm. 14.

*discutit resurgentem? cur ea vulnera quæ manus infixit impia, devota dextera sic resulcat? cur latus quod impii militis lancea patefecit, refodere manus nititur obsequentis? cur dolores persecutorum renovat immitis? cur tormentis Dominum, cur poenis Deum, cur caelestem Medicum probaturus de vulnere discipulus sic requirit?*

Ubi hanc quæstionem iniecit, tum ad ipsum THOMAM propius accedit, & sic illum compellat.

*Cur tibi solus THOMA, sola vulnera præsentari ad indicium fidei nimis callidus explorator exposulas? quid si ista cum aliis abolita fuissent, quod periculum fidei tue curiositas ista peperisset? nulla pietatis monumenta, nulla Dominicæ Resurrectionis inveniri æstimas potuisse documenta, nisi manibus tuis sulcares Iudaica crudelitate exarata sic viscera?*

Postquam sic ad THOMAM Orator aureus, tum sic ad suos olim auditores; sic etiam modò ad nos.

D. Thomas,  
Quomodo  
in foraminibus  
Petreæ,  
in caverna  
macetis?

*Quæsit fratres pietas ista, exegit ista devotio, ut resurrexisse Dominum, nec ipsa in posterum dubitaret impietas. Et hæc prima ratio hujusce petitionis, voti quæ, quo exarsit Apostolus.*

Alterâ est quam subdit, Quod THOMAS non solum cordis sui, sed hominum omnium curabat incertum, & prædicaturus hac in Gentibus quemadmodum tantæ fidei astrueret Sacramentum executor strenuus perquirebat.

Has ubi pro D. THOMA rationes & invenit, & protulit, tum pro illo, omni infidelitatis, atque incredulitatis culpâ liberando hoc etiam effert.

*Certè prophetia magis quàm cunctatio fuit. & rationem adjicit:*



adjicit: *Nam cur talia peteret nisi à Domino ad indicium resurrectionis sue servata sola vulnera, prophetali spiritu cognovisset? ubi causam illam extulit tum ad extremum conficit illud: Spontè præstitit cæteris, quod sibi tardiùs implorat.*

Hæc pro Apostolo D. Chrysologus, quo judice, atque interprete hæc pauca deduco in sacratiora illius encomia.

Primum est cùm & videre voluit fixuram clavorum, & digitum immittere in locum clavorum, & manum in latus ejus, non dubitantis culpa fuit: sed quidam pietatis, & devotionis æstus.

Secundum etiam charitatis in proximum, ut omnium hominum curaret incertum, dubiumque tolleret.

Tertium fuit *fidei Sacramentum*, quod Gentibus propagaret, & eò quidem seu firmitatis, seu certitudinis, ut nec ipsa in posterum dubitaret impietas.

Quartum denique *prophetia*; non cunctatio, non dubium, aut incredulitas.

Et hæc mihi suggessit Præsul Ravennas, ut D. THOMAM omni culpa eximat, & verò exemptum velim ipse, & velint porro etiam omnes, si modò possint: utrùm autem possint, vide quæ dixi in Quæstione secunda in Evangelium hoc die sacro legi solitum, ego hîc non repeto, ne actum agere videar.

Unum addo, quod inconcussa deinceps fides D. THOMÆ Apostoli fuerit, nec impressa modò per Christi contactum in tota penitus ejus anima: sed, quod mireris, & ames, etiam in parietibus domicilii ejus.

Blasius  
Buiza  
Franciscus

Res mira; qui de admirandis Palestinæ scribunt, affirmant

Nierem-  
berg. de  
mirab. nat.  
c. 26.

ædes S. THOMÆ Apostoli etiamnum perstare; & hoc ingenio esse, ut habitatores non ferant nisi fideles, quod si qui inibi degere audeant alieni ritus, ii statim experiuntur atroci obitu facinus illud suum puniri. Ne verò audeant, jam exempla plurimorum exterrant, qui suo id periculo; imò & interitu perterriti sunt.

Silvester  
Petra sancta  
Thaumasia  
tom. 3. c. 1.

Crederes Apostolum etiam in tecto, domoque animâ & sensu vacuâ, testari velle, quæ fuerit illi fides à contactu pretiosi corporis: crederes etiam in aliis reparari velle ea dispendia, quæ fortè ab illius quondam infidelitate passa fuit primæva in Christum fides: crederes denique etiam in posteros, serasque ætates protendere velle, & quidem miraculo, eam fidem quam à sacris Christi vulneribus aliquando hauserat.

Chrysol.  
supra.

Sed à sacris illis ædibus redeo ad D. THOMAM, video enim jam ut columba involat in foramina petræ, in cavernam maceræ, hoc est in Christi latus, & vulnera, jam in *fixuram clavorum* digitos immittit, & manum, in *latus*: eo scilicet consilio, *ut effundant toto orbe iterum hac vulnera fidem, quo aquam in lavacrum, sanguinem in omnium pretium jam fuderunt.*

Et hoc universo Orbi beneficium à D. THOMA, quo rursus *aperiente* vulnera Christi, & aperta magis Resurrectionis Dominicæ fides, & per omnes Ecclesias; ætatesque sparsa. Audierunt enim illæ, audiuntque modò, audientque in ævum omne illud Apostoli effatum & oraculum.

*Dominus meus, & Deus meus.*

Ecce, inquit D. Chrysologus, *non solum corpus humanum, sed*



*Sed per pœnales corporis passionēs Deum & Dominum esse Christum vociferante THOMA, manifestant.*

*Et verè Deus qui vivit ex morte, resurgit ex vulnere, qui talia & tanta cùm suscepit, vivit & regnat Deus per omnia secula seculorum.*

*Bona foramina, inquit Bernardus, quæ fidem astruunt resurrectionis, & Christi divinitatem, ait enim, Dominus meus, & Deus meus.*

*Serm. 61. in Cant.*

*At unde hoc reportatum oraculum, nisi ex foraminibus petrae? in his passer invenit sibi domum, & turtur nidum ubi reponat pullos suos, in his se columba tutatur & circumvolitantem intrepida intuetur accipitrem.*

*Et hoc alterum est beneficium, primum ipsi D. THOMÆ proprium; dein etiam aliis commune. Vagus quodammodo, atque errabundus erat THOMAS, sine domo, sine tecto, in foraminibus petrae, in caverna maceria, hoc est in Christi vulnere, & domum invenit, & tectum.*

*Non erat ubi nidum, id est quietis locum poneret, non erat ubi pullos suos, puta bona desideria, affectus pios excluderet, reponeretque: in foraminibus petrae, in caverna maceriae reposuit.*

*Non erat refugii locus, asyli sedes, in quo se D. THOMÆ anima, ceu timida columba, ab infernali accipitre, tueretur ac defenderet; defendit, ac tutata est in foraminibus petrae, in caverna maceriae.*

*Non erat specula unde secura circumvolitantem è styge accipitrem intueretur, ac despiceret. in foraminibus petrae, in caverna maceriae sibi speculam erexit, unde sine metu,*

sine periculo, sine damno, & intueri posset, & despiciere, & ridere.

Quod D. THOMÆ cò loci ac temporis singulare: hoc deinde & omnibus commune: nempe à foraminibus petrae & securitas, & quies, unde enim potius? ut enim & verè, & piè D. Bernardus.

Supra.

*Revera ubi tuta firmaque infirmis securitas & requies, nisi in vulneribus Salvatoris?*

Supra.

Tantò in illis securior habito, inquit Bernardus, quanto ille potentior ad salvandum. fremit mundus, premit corpus, diabolus infidiatur, non cado, firmatus enim supra firmam petram.

Sed, inquires, ista Bernardo; hoc est animæ sanctæ requies, & securitas: non ea erit peccatrici. falleris, enimverò falleris. Bernardum rursus audi, loquitur ille assumptâ quasi in eam scenam peccatoris formâ, & sic cum illo.

*Peccavi peccatum grande, turbatur conscientia: sed non perturbabitur, quoniam vulnerum Domini recordabor.* Et hæc recordatio ad quietem, ac securitatem est satis, rationem adjicit, quia patet arcanum cordis per foramina corporis, patet magnum pietatis illius Sacramentum, patent viscera misericordie Dei nostri in quibus visitavit nos oriens ex alto.

Ei ita patuerunt olim D. THOMÆ, qui ex iis non solatium modò, non quietem, non securitatem à malo dæmone animarum aucupe; sed & ingens meritum accepit, primum à Domino, quia, ut ait Bernardus. *Meum meritum miseratio Domini.*

Deinde



Deinde & magnum virtutum omnium proventum; in his enim Christi vulneribus & multitudo dulcedinis, & plenitudo gratiæ, perfectioque virtutum.

Testes volo, testes apello illas Apostoli voces, ingenuamque ac liberam Confessionem: *Dominus meus, & Deus meus.* Ecce fidem certam, ecce spem firmam, ecce accensam caritatem, qua inflammatus ex illis foraminibus petræ, ceu columba evolavit ad nobilem, & copiosam animarum prædā, instructus jam & insigni divinæ gloriæ zelo, & invicto animi robore, atque constantia.

Quæ Dei dona è foraminibus Petræ, è caverna marciæ?

Zelum porro illum explicuit primùm in condenda solemni fidei professione; in qua dum singuli Apostoli Symbolum conferunt, ille hunc articulum: *Surrexit à mortuis* inseruit, futurum & fidei suæ tesseram, & testem Dominicæ Resurrectionis apud omnes omninò nationes etiam remotissimas, quas doctrinæ suæ luce perfudit, postquam enim Jerosolymam, Iudæamque aliquamdiu excoluisset, transiit in Orientem, ubi *Reges Magos*, qui olim ad Christi cunas venerant de fide in Christum edocuit, baptismi lavacro tinxit, lociosque assumpsit & suæ peregrinationis, & prædicationis Evangelicæ.

Ita D. Augustinus alique.

Ita Dorotheus Sophronius, & alii.

Tum etiam *Thadeum* è septuaginta Discipulis unum ad *Abagarum* Edessæ Regem transmisit, ipse verò ad Parthos, Medos, Persas, Hircanos abiit; denique in Indias usque evolavit, Æthiopas sacris Baptismi aquis eluit, nec tam corporis, quàm animi nigredinem ponere docuit; tum ad Brasiliis usque penetravit, ut ex antiquis eò loci erectis adhuc monumentis, testatur *R. P. Nobrega* è

Societate IESU in iis Regionibus Præpositus Provin-  
cialis.

Quomodo  
inde evola-  
rit?

Ecce quò è foraminibus petrae, è caverna maceriae evo-  
lavit innocens columba, & magna illa D. THOMÆ mens  
& intelligentia; quæ licet orbe propè toto abesset ab illis  
foraminibus petrae, hoc est Christi vulneribus, abesset, in-  
quam, corpore, animo tamen in illis erat, in illis habitabat,  
in illis conquiescebat, & ab illis sibi animos, viresque facie-  
bat ad audendum, ad patiendum quidlibet Domini sui  
causâ. Et certè quidni faceret ejusdem provocatus vel  
exemplo, vel etiam verbo: de hoc ita D. Bernardus.

Serm. 61. in  
Cant.

*Vult benignus dux devoti militis vultum, & oculos in sua sus-  
stolli vulnera, ut illius ex hoc animum erigat, & exemplo sui  
reddat ad tolerandum fortiozem.*

Ad vincula,  
ad mortem

Et ita reddidit Discipulum suum Magister optimus.  
Hinc in vincula, in carceres, in plagas, in mortem audax &  
hilaris ivit, & lanceis, telisque confixus animam per imma-  
nia vulnera in coelos emisit, rediturus ad meliorem, id est  
cœlestem arcam, ab hujus vitæ mortalis aquis, atque elu-  
vie; rediturus ad veriorem Noënum, id est Christum, à quo  
etiam exceptus, eductusque in sinum æternæ quietis, &  
hoc quidem per vincula, per carceres, per immanem cor-  
poris laniemam, per vulnera, per acerbam mortem, quam  
non solùm fortiter, sed & alacriter obiit. At undè ea vis,  
ea fortitudo; imò & alacritas in extrema illa vitæ, tormen-  
torumque scena? unde is propè in corpore stupor? unde &  
in animo suppliciorum omnium despicientia. Utique à  
*foraminibus petrae, à caverna maceriae, in qua & latuit, &  
quievit*



quievit anima martyris, ceu innocens columba. Bernardum audi, erit ille instar omnium. Sic inquit.

*Stat martyr tripudians, & triumphans toto licet lacero* <sup>Supra.</sup>  
*corpore, & rimante latera ferro, non modò fortiter, sed &*  
*alacriter sacrum è carne sua circumspicit ebullire cruorem.*

Hæc ubi dixit de invicta martyris constantia, de tripudio, ac triumphis etiam in ipsa mortis imagine, tum quærit.

*Vbi ergo tunc anima martyris? & respondet. nempe in* <sup>Mira con-</sup>  
*tuto, in petra, nempe in visceribus IESU, vulneribus nimi-  
*rum patentibus ad introeundum. Si in suis esset visceribus  
*scrutans ea, ferrum profectò sentiret, dolorem non ferret, suc-*  
*cumberet, & negaret. Nunc autem in petra habitans, quid*  
*mirum si in modum petrae duruerit.* <sup>stantia, & fortitudine.</sup>**

Hæc ubi extulit S. Doctor, tum longius elabitur, rationemque reddit illius vel duritiei, vel insensibilitatis, vel quod mavelim patientiæ, & quidem insensibilitatem sumit ex eo quod martyr exul quodammodo sit à corpore, ideoque dolores non sentit corporis. causam addit, & quidem amabilem ac mirandam. Neque, inquit, hoc facit stupor, sed amor: submittitur enim sensus, non amittitur: nec deest dolor, sed superatur, sed contemnitur. Et hoc quidem amoris beneficio, amoris vi, & suavi quadam violentia, à qua si non in membris & corpore sit stupor; at in animo vis est invicta, invicta fortitudo: sed unde tam hæc quàm illa? Concludit S. Præsul.

*Ergo ex petra martyris fortitudo. Quod si ex illa martyris;*  
*sic & tua erit Amice Lector; si modò cum martyre & cum*  
*Apostolo adinstar columbæ resideas in foraminibus petrae,*

clavorum, & manum in latus immiserit. Non abnuo; paucorum enimvero est: imò forsitan & unius D. THOMÆ, nec illud ambire te velim: sed hoc dumtaxat unum, ut amore, ut affectu intimo, ut compassione, ut meditatione perenni habites in foraminibus *petra*, in *caverna macerie*: clariùs eloquor, in sacris Christi vulneribus sis totus. Ita deinde reliqua vita fuit D. THOMAS.

Ita secundùm illum Sancti quamplurimi. Ita D. Bernardus qui hæc de seipso ingenuè.

*Ego confidenter quod ex me mihi deest, usurpo mihi ex* <sup>Vi-supra</sup> *scribis Domini, quoniam misericordie effluunt, nec desunt foramina, per quæ effluant.*

Ita S. Comes *Elzearius*, qui cùm in monte pessulano hæreret diutiùs, *Delphino* conjux famulum emisit, ut moræ illius causam cognosceret, cui sic ille.

Corpore quidem sanus sum, & sospes; quod si videre <sup>In ejus vita.</sup> me cupis, quære me in vulnere lateris Christi; ibi enim habito, ibi me invenies, frustra alibi quæsitura.

Hæc ille, quocum habitare te velim, *Amice Lector*, non in tectis eburneis, non in domibus laqueatis, hæc quippe vanitatem olent, & luxum ostentant; sed in sacrosanctis Christi vulneribus, in quibus cùm satis latuisset Apostolus, ex iis evolavit ad extrema supplicia, ipsamque mortem, ac denique in cœlum, sinumque beatitatis.

In India cis Gangem ad oram maritimam Orientalem Regni *Bisnagæ*, civitas est *Meliapor*, quam nos Europei S. THOMÆ appellamus, hîc perantiquus est lapis, qui sculptam præ se fert crucem, ante quam supplex erat Apostolus



cum ab Indis martyrio est affectus; cujus indicio etiam illud, quod crux, & lapis adhuc appareant respersi ejus cruore: solebat autem ea crux anteaetis temporibus, ipso die anniversario ejus martyrii, quotannis primum colore nigro tingi, mox exhilarari colore cyaneo, & manabat interim ex ea liquor insolita & salubri perennitate.

Silvester  
Petra sancta  
Thaumasia  
tom. 3. c. 16.

Sed intermissa aliquo tempore ea prodigia, anno tandem millesimo quingentesimo sexagesimo secundo, cum jam è Societate nostra plurimi essent Catholicam Religionem postliminio in Indiam reducturi, redintegrata sunt, augustiore etiam successu: nam eo ipso die Sacerdote ad aras litante, dum Evangelium decantaretur, cœpta est videri nigris notis, iisque nitidissimis ea crux interstingui, deinde copioso liquore madere, postremo etiam purpurascere splendore quodam sanguineo; quo imbuta linteæ sunt dum iis humor ille extergitur.

Nierem-  
berg. in vita  
P. Mastrilli  
c. 15.

Cui prodigio addo etiam alterum quod recentioris est memoriæ. Anno Domini millesimo sexcentesimo trigesimo septimo, cum P. *Marcellus Franciscus Mastrilli* (inclytus deinde Martyr) Meliaporam venisset, pervenissetque ad Crucem, quam olim sibi crexerat D. THOMAS Apostolus: miro prodigio Crux illa visa compati Viro Dei: cum enim quotannis ipso die Apostoli festo, soleret sudore madere, ac diffuere, cessassetque ex quo in eas partes venissent Hollandi: visa est prodigium pristinum instaurasse; nam viginti quatuor horis totis sudore madescere, ac fluere: & quod insolens fuit, sudor ille ab ima Crucis parte cœpit, atque ad summam ascendit; quod prognosticum fuit

fuit felicis alicujus, ac fortunati successus: uti è contra infelicitis, & malè fortunati, cum à summo ad imum descenderet. Et hæc prodigia vidit, videtque etiamnum India: alterum spectavit Europa, spectavit etiam Italia.

*Ortona* oppidum est in Samnitum regione, in ea Religiosè asservatur caput S. THOMÆ in argentea theca statuarum, ceu sacrum illius pignus, quod suum esse probat, ac testatur Apostolus, apparens identidem instar luminis coruscantis, cujus grandius quoddam jubar promicat circa fastigium *Ædis* primariæ, atque inde progreditur ad alia templa non sine amabili spectantium stupore. Et hæc cœli annuentis prodigia, è quibus id haurias, *Amice Lector.*

Primum, ut postquam bene latueris in foraminibus petræ, in caverna maceræ, hoc est in sacrosanctis Christi vulneribus, jugi meditatione, amoreque ferventi, ex iis ad Crucem cum Apostolo evoles, ad illamque occidere gestias: ubi enim melius? ad illam nigresces primò, à luctu, pœnitentiaque scelerum tuorum: deinde madebis copioso lacrymarum imbre, tum si cœlum dederit, etiam purpurasces à fuso Christi causâ sanguine; denique & jubaris instar, ac solis lucebis, ardebisque in omnem retro æternitatem, ubi tamen prius luxeris, arderisque tum à luce bonorum operum, tum ab ardore divini amoris: quo ubi in terris satis arseris, evolabit è corpore, mens libera, ceu è nidulo columba.

Ita evolare visa est anima S. *Blasii Armentarii* gloriosissimi Bollandus tom. 1. Febr. die 3. *Cæsareæ* in Cappadocia Martyris, qui primò crudis nervis dirè cæsus, tum in aqua bulliente ad dies quinque scdè



toſtus, illæſus tamen, cum ſervante cuſtode Angelo: denique morientis ex ore viſa in cœlum exire columba, index utique puræ mentis ad ſuperos abeuntis, & ita (ut ibi finiam, unde cœpi) exivit magna illa D. THOMÆ anima; exivit, inquam, quaſi columba primùm è *caverna materiæ*, hoc eſt è Chriſti vulneribus, dein è corpore, ceu naturæ nidulo, atque in cœlos evolavit, ſomniq; divinæ beatitudinis quietem æternam ibi inventura.



IN FESTO  
SANCTI STEPHANI  
PROTOMARTYRIS.



IVUS CHRYSOLOGUS, eloquentiâ  
ut aslo'et aureâ, in hoc, & illo nomine  
feliciter ludit, & quidem primûm in eo  
seu pugnae, seu victoriæ epitheto *Proto-*  
*martyris*; deinde in ipsâ *Stephani* appel-  
latione. De illo sic habet. *Stephanus est* Serm. 154.  
*Martyrum primus, Stephanus purpura-*

*tum ducit exercitum, qui pro Domini sui adhuc calente san-*  
*guine, sanguinē suū avidus bellator effudit; & quia sic effudit,*  
*meritò in Ecclesiâ Protomartyr audiit; attende quomodo*  
*etiam & STEPHANUS. quia, inquit, cruore proprio tinctam*  
*sibi ipse purpuram conquistavit, meritò à Rege suo consecutus est*  
*post coronam, qui jam, cum nasceretur nomen sortitus est à*  
*corona. De hac sin præsentia mihi erit quæstio, in quam*  
*abeo libentius, quòd in eam me ducat ipsa ejusdem Divi*  
*appellatio, petita jam inde à cunis, non sine Numine, &*  
*felicissimo futurae virtutis, atque gloriæ prælagio. Iam* Serm. 2. de  
*coronæ nomen habebat, & ideo palmam martyrii suo nomine* S. Stephano.  
*præferebat, inquit Augustinus.*



# QUÆSTIO UNICA MORALIS.

*Phil. 2o. v. 4.* Ad illa verba: *Posuisti in capite ejus coronam  
de lapide pretioso.*

Ecquis ille? ecquæ etiâ corona?

**H**ÆC quæstio complectitur duo membra. Primum  
ecquis sit ille, cujus capiti Omnipotentis Dei manus  
coronam imposuit? Deinde, quæ sit illa corona? & unde  
petita?

*Ecquis ille?*

**A**D primum quod attinet; authores in alias, atque  
alias discedunt opiniones.

Una, de *Messia* agi censeret, cui Pater Æternus coronam  
gloriæ, regniqûe & terrestris, & cœlestis imposuit. Ita  
Athanasius, Eusebius, Origenes, Augustinus, & Latini pro-  
pè omnes.

Altera, de Rege *Ezechia* intelligi credit, de cujus regno,  
ac coronâ hic *Isaïas* Regius: Ita Theodoretus, Nicepho-  
rus, Basiliius, aliiqûe.

Postrema, de ipsomet  *Davide* hic sermonem esse existi-  
*Cap. 7. v. 59.* mat; ita Lorinus in Actâ Apostolorum, aliiqûe.

Et hæc opinionum varietas, atque dissensio, est de ipso  
litterali

litterali sensu; magis convenit inter omnes tropologicè applicari posse, ac debere *Martyribus* invictis Christi pugilibus, quibus etiam accommodat Ecclesia inter sacra Missarum solennia, divinaque officia. & huic interpretationi tropologicæ in præsens inhærebo, & S. STEPHANO coronam illam appendi indicabo, vel ut testem virtutis, paræque victoriæ, vel ut regis potestatis insigne, decus atque ornamentum, vel ut præmium symbolumque beatitudinis, quâ modo fruitur in cælis, fructurque in omnem retrò æternitatem. His ita ex veritate, authorumque sensu compositis, superest pars quæstionis altera.

*Ecquæ corona?*

**D**E hac quoque tres sunt sententiæ. Prima, coronam esse, vult idoli *Melchon*, quam tulit David: si hæc fuit, difficultas oritur non exigua, an eam capiti suo imposuerit David? an aliam inde sibi, Regibusque conflarit?

Secunda, credit esse coronam devicti Regis *Ammonitarum*; quæ nec capiti Davidis imposita, nec aliorum Regum verticibus, propter immane pondus, (erat enim in ea auri pondo talentum, & gemma pretiosissima) sed è funibus dependens, & quasi suspensa, atque imminens regis capitibus.

Tertia, opinatur fuisse coronam interfecti *Saulis*, quam Davidi retulit adolescens Amalecites.

Et hæc Authorum est inter se pugna; à qua discedo lubens, ut descendam ad mysticum; moralemque sensum, ex quo corona offerri solet *Martyribus*, vel ut insigne virtutis,



virtutis, vel ut partæ gloriæ decus, vel ut symbolum æternæ felicitatis.

Bollandus  
7. Febr. de  
SS. Moyse  
Abbate, &  
6. Mona-  
chis.

In avia Lybiæ solitudine degebat S. *Moyſes* Abbas cum fratribus omnino septem, cùm ecce in Cœnobium valido impete irruunt barbari. Fit strepitus, fit timor, horrorque, quo victus unus è fratribus fugâ sibi consulere visus est, intra sepes, ac dumeta abjectus. Abbas autem cum sex aliis fratribus imperterritus stetit, certus pro fide, proque Deo occumbere: & certè occubuit, ceciditque nobilis Ecclesiæ, Christi que victima; cui illico cœlo iudice decreta est, dataque corona. Nam meticulous ille, qui inter palmas sine palma malè latebat, vidit coronas septem è cœlo delabi, atque in septem Sanctorum Martyrum, capita illabi: adeo verum inclytos Martyres coronâ prodi, atque ornari. Sed cur, inquires, illa de lapide pretioso? Hic mihi quæstionis solvendus est nodus.

*Cur D. Stephano corona de lapide pretioso?*

**Q**uamdiu immortalis anima, hoc mortali corpore tegitur, quamdiu hoc luteo vase clauditur, eo que quasi vivente sepulchro circumducitur, immortalia, cœlestia, divinaque non cupit, nisi ea sub oculos posueris: hinc amabilis, suavisque Dei providentia, quæ sese nobis & maiestatem inclinat suam divitiasque gratiæ, gloriæque suæ aperit; eas nostris subjicit oculis, sensibusque, corporeis quibusdam, ac crassioribus symbolis, quæ tamen homini sunt in pretio, atque amoribus, ut sunt regna, coronæ, margaritæ, lapides pretiosi, aliaque ejusmodi, quæ sensus humanos

humanos feriunt, rapiuntque. Et ita hîc utitur symbolo Coronæ, & quidem è lapide pretioso; uti aliàs, aliis, atque aliis coronis, pro alio, atque alio appulsu, ornatuque gratiæ, ac gloriæ, quò excellere, nitereque debuerant animæ sanctæ, tum in terris, tum in cœlis in omnem æternitatem.

Dum in vivis esset D. *Ioannes Eleëmofynarius*, profusâ fuit in pauperes munificentia, ac liberalitate, profusus ac propè prodigus in eleëmofynas; inde ei in amœnâ noctis & somni imagine apparuit eleëmofyna, virginis specie, formæque, coronata ramis olivarum, quâ scilicet, ut symbolo misericordiæ, coronari debuit in terris, & in cœlis conspici coronatus.

Bollandus  
in ejus vita  
23. Jan.

Altiore in Deum spe erectus erat B. *Merulus*, professione Monachus; inde ei hæc oblata sub noctem visio; Corona è floribus pulchrè composita, in ejus caput è cœlo labi visa, futura illi & spei symbolo, & simul etiam ornamento.

Ad supplicium raptabatur S. *Iulianus, Martyr* invictus, tum ecce à *Celfo*, Præsidis filio, conspicitur, circumcinctus multitudine albatorum, cœlestium utique geniorum, qui ei divitem ex auro puriore coronam imponebant, vel ex eo tantum, quòd in suppliciis, ceu aurum in fornace, probaretur.

9. Jan.

Exerceri debuerat D. *Birgitta*, & aliis atque aliis afflictionibus, persecutionibus, injuriis, calumniis affici, atque in illis illustrem ostentare patientiam, indeque debitam virtuti suæ coronam adipisci. Et verò adepta est; At quæ,

Q

inquies,



21. Jan. de  
Reliquiis  
S. Agnetis.

inquires, fuit illa? Ea, quàm è cœlestibus gazis ei detulit S. Agnes, Virgo, & Martyr; septem lapidibus pretiosis eleganter exornata, & capiti illius superposita, futura vel argumento virtutis, & patientiæ: vel etiam ornamento.

Ecce ut cœlo iudice, Angelis, Beatisque præsidibus, aliæ, atque aliæ parantur coronæ, pro aliâ, atque aliâ magnarum virtutum gratiâ, atque præsidio; pro alio, atque alio piorum operum merito, proque paratâ his & illis in Paradisi Regiâ mercede.

Quod illis, aliisque: hoc & Beato Protomartyri STEPHANO, cui dari posset corona è ramis olivarum, uti deinde D. Ioanni Eleëmofynario, & hoc propter insignem illius ingenos beneficentiam, liberalesque eleëmofynas, quibus ab Apostolis vacare iussus est; cùm enim enata esset dissensio Hebræos inter, & Græcos, eò quòd horum viduæ negligi viderentur, electi ab Apostolis viri septem, qui ei miserationis officio præessent, quos inter primus STEPHANUS, qui è pecuniis, bonisque, quæ Christiani ad Apostolorum pedes abjecerant, viduis, egenisque largirentur, quod & providè, & liberaliter fecit STEPHANUS, ex vero magnus nascentis Ecclesiæ Eleëmofynarius, qui etiam redimiri posset coronâ è flosculis bellè contexta.

Sunt flosculi bonæ spei symbola; fructus enim portant, & quidem uberrimos: & qui D. STEPHANO, etiam vitâ functo dati flosculi, quæ sparsæ sacro illius corpori è floribus corollæ, fructus portenderunt; imò & tulerunt felicissimos.

Juvat illius meminisse temporis, quo sacræ illius Divi reliquæ

reliquiæ translata, non sine prodigiis, ac miraculis, quibus insignem servi sui sanctitatem illustrare Deus voluit; inter quæ illud, cujus meminit Divus Augustinus Libro de Civitate Dei.

Paganus erat, isque in paganismo adco obduratus, ut nec generi precibus, nec filia lacrymis cedere veller, & in Christianam fidem concedere. Rebus jam desperatis, desperata etiam illius salute, ad D. STEPHANI, ceu bonæ spei portum, ceu asylum confugere placuit, & corollas è floribus, quæ fortè illius corpori superinjectæ fuerant, colligere, atque ad caput hominis pagani adaptare. Dormiebat interim ille altè sopitus, cum subitò evigilans Episcopum inclamare cœpit (is erat Augustinus) Presbyterum evocari voluit, baptisari, & magno animi sensu, fuscisque ubertim lacrymis ad usque mortem ingeminare illud ipsum D. STEPHANI, spei plenum, *Domine IESU, accipe spiritum meum*: inscius licet, hæc ipsa à D. STEPHANO, eadem olim fide, speque prolata. Ecce bonæ spei coronam; quæ aptari posset Protomartyri STEPHANO, qui eam & in vita ipse tulit, & à morte etiam alius donare non destitit.

Addi posset & corona ex auro purissimo, uti deinde S. Iuliano, fortissimo Martyri. Est aurum symbolum amoris, symbolum caritatis, qua totus effulsit STEPHANUS, effusa in proximum caritate, quam testatur ardens in illo animarum zelus, & fusa illa concio, quam ad Iudæos habuit, in quâ liberæ illæ voces: sed ab amore: sed à caritate aureæ: *Durâ cervice, & incircumcisis cordibus, & auribus*, aa. c. 7. *vos semper Spiritui Sancto resistitis.* qui tamen totus est amor,



& nexus amoris ; & à quo totus in Dei sui, totus in proximi amore STEPHANUS, cui proinde conveniens corona ex auro purissimo, amoris symbolo. Verùm ut ea conveniens videri, & esse possit ; magis tamen illa, quæ est ex *lapide pretioso*. Primò, quia ea magis accommoda generi mortis, cui concessit STEPHANUS, à Iudæis per summum nefas, & immanitatem lapidatus. Ita nimirum, ut scitè D. Augustinus, *ad lapides currèbant, duri ad duros, & petrus lapidabatur, qui pro petrâ, qui Christus est, moriebatur. Lapidès undique conjicientium, quasi coronâ cinctus, ita accepit ut id quod agebatur, quasi coronâ, victoriæ præmium, in manibus adversariorum neceretur*, ut appositè ad STEPHANI nomen, genusque martyrii D. Gregorius Nyssenus, ex quo velim paucula stylo notes. Unum, quòd *lapides conjicientium*, essent illi quasi coronâ, quâ cingebatur. Alterum, quòd illud ipsum, quod eò loci, ac temporis agebatur, acciperet ipse *quasi coronam, & victoriæ præmium*, quod in ipsis *adversariorum manibus* neceretur. Ecce ut ex tunc illi coronâ de lapidibus pretiosis ; quidni enim pretiosos appellem lapides, quibus ea coronâ construebatur ? coronâ victoriæ, coronâ præmii cœlestis ? Et certè pretiosos fuisse lapides illos, etiam cœlum ipsum, Deusque testari voluit & multis, & insignibus prodigiis. Refert D. Augustinus lapidem, qui STEPHANI cubitum percusserat, à viro pio, qui lapidationi interfuerat, Anconam delatum, plurimis deinde inclaruisse miraculis, uti & sanguinem, qui lapides illos imbuerat, & qui deinde in ampullâ vitreâ collectus est, & in fugâ Wandalicæ persecutionis

à

I.  
Ratio.Serm. 92.  
de divers.Orat. de  
S. Stepha-  
no.Serm. 137.  
de divers.

à S. Gaudioſo Bithiniæ Epifcopo Neapolim delatus.

Latuerat porro ea ſanguinis phiala quàm diutiſſimè intra aram templi, cùm demum anno milleſimo, quingentefimo ſexageſimo primo Kalendis Septembris inventa rurfus eſt : ſed ſine ullo tamen indicio. Materia enim erat ſubnigra, dura, & craſſa, cùm eam phialam inter manus piè accipiens Canonicus Neapolitanus, *Lucianus* nomine, qui fortè tum aderat, ſenſit ſe divinitus percelli, ut Sanctum Protomartyrem STEPHANUM imploraret, quod ut faceret, nescio quo interiore impulſu, pronuntiavit illud. *Video cœlos apertos, & IESVM ſtantem à dextris virtutis Dei.*

Silveſter  
Petra ſancta  
Thaumafix  
Ver. Reliq.  
tom. 3. c. 12.

Res mira, cruor ille ſtatim vividus, & rubicundus miſceri cœpit, atque ebullire, coque tam evidenti miraculo patefacere, cujuſnam is cruor eſſet. Crederes adhuc perlendiſſe eas voces, eumque ardorem, qui olim in venis illius Divi ebullierat. Quod miraculo eo loci, ac temporis datum eſt : hoc & deinceps in S. STEPHANI anniverſario die pariter, arque in ejus inventione ſemper quotannis liquelcit. Deo teſtante quàm gratus, quàm acceptus ſanguis inter lapides, & ſaxa expreſſus : ut meritò ex illis, quali compoſita dicatur illi corona ; quæ etiamnum clamat quis, & quantus in cœlo ſit STEPHANUS, cujus laudes, & ſacratiora encomia, ſi homines tacuerint, *lapides clamabunt.* Et verò quidni clament ; tanto Chriſtianæ fortitudinis exemplo velut animati, & quaſi vocales facti ?

Luc. c. 19.

Et hinc mihi ducitur alia ratio, cur D. STEPHANO è lapide pretioſo ſit corona. Ea petitur ex ipſa lapidis naturâ, ac duritie, à quâ ſymbolum eſt invictæ fortitudinis. Ubi

II.  
Ratio

Q 3

Ezechielem



Cap. 3. v. 8. *Ezechielem ad populum rebellem, & duræ infractæque  
cervicis emittere voluit Numen; hæc illi: Ecce dedi faciem  
tuam valentiorē faciebus eorum, & frontem tuam duriorē  
frontibus eorum. Ut adamantem, & ut silicem dedi faciem  
tuam, ne timeas eos, neque metuas à facie eorum.*

Quod Ezechieli: hoc & STEPHANO Deus. si Iudæis  
dura facies, dura & frons; at durior STEPHANO, quia illi  
facies ut adamas, ut silex. Quod si ut adamas, ut silex, quid  
mirum, si ex adamante, & ex silice ei texatur corona; ut-  
pote consentanea, atque consentiens illius duritici, id est  
infractæque, invictæque in malis fortitudini, quæ vel maxi-  
mè proditur, atque eminet in adversis, in persecutionibus,  
in periculis, in suppliciis ipsa que morte per vim tormen-  
torum expressa; quæ ex eo etiam capite donatur coronâ è  
lapide pretioso. Hac donatus est STEPHANUS, hac deinde  
ex illo & post illum donati Martyres; quibus ipse fuit pro  
coronâ. Liberum, inquires, audaxque pronuntiatum: fateor  
equidem; sed ex *Augustino* dicam petutum. Illum audi.

III.  
Ratio.

Serm. 94.  
de divers.

Quando, inquit, B. STEPHANUS pro Christo primus san-  
guinem suum fudit, quasi corona processit è cælo, ut eam sume-  
rent sequentes in præmio, qui præcedentis pietatem imitarentur  
in prælio: impleverunt postmodum terram crebra martyria.  
Quicumque postea sanguinem pro Christi confessione fuderunt,  
imposuerunt coronam illam capiti suo, & eam secuturis inte-  
gram servaverunt.

Hæc D. *Augustinus* de S. STEPHANO, non minus ma-  
gnificè quàm verè, ex quo digito signanda pauca.

Primum illud, quod quasi corona processerit de cælo. quid  
augustius?

augustius? Secundò, ut *eam sumerent sequentes in premio.* quid utilius? Tertiò, *qui precedentis pietatem imitarentur in praelio.* Quid fortius? quid generosius? Quartò, *quicumque postea sanguinem pro Christi confessione fuderunt, imposuerunt coronam illam capiti suo.* Quid ad D. STEPHANI laudem & commendationem illustrius dici, aut excogitari potuit, quàm quod ipse aliis quodammodo sit corona, quam fuso Christi & religionis causâ sanguine, capitis suis imponunt.

Quod si D. STEPHANUS aliis corona, quidni & sibi? corona enimverò; sed de lapide pretioso. At quis, inquires, ille? Apostolis (quos veluti cœlestis hierosolymæ fundamenta vidit, amavitque D. *Ioannes Evangelista*) gemmas attribuit, & lapides pretiosos, & quidem singulos singulis.

D. *Petrus* est Iaspis. D. *Andreas* Sapphirus. D. *Iacobus* Ribera in Apoc. c. 21. *Zebedæi filius* Chalcedonius. D. *Ioannes* Smaragdus. D. *Philippus* Sardonix. D. *Bartholomæus* Sardius. D. *Mathæus* Chrysolithus. D. *Thomas* Beryllus. D. *Iacobus Alphaï* Topazius. D. *Iudas Thadæus* Chrysoprasus. D. *Simon* Hyacinthus. D. *Matthias* Amethystus. quod si fundamenta cœlestis Hierosolymæ sunt gemmæ, sunt lapides pretiosi; imò si ipsi Apostoli quodammodo gemmæ sint, & lapides pretiosi, quidni & D. STEPHANUS gemma sit, quidni & lapis pretiosus? quidni & corona de lapide pretioso? corona certè ex nomine, de lapide pretioso ex virtute: sed de quo lapide corona?

Dicere possem ex omni lapide pretioso, quia omnium

&



& colores, & nitorem, & pretium exhibet: sed vel maxime *Iaspidis, Sapphiri, & Smaragdi*. Ex his tribus (aliis in præsentia omissis) D. STEPHANO cœlesti manu fabricatum esse dixero coronam, & quidem primum

## EX IASPIDE.

Ex Iaspide.

**Q**UI ut viret, ac lucet, sic & D. STEPHANI in fide constantem viriditatem designat; atque insuper lucem divinioris sapientiæ quâ illi inclaruit animus.

De illius fide extat luculentum testimonium etiam ipso Scripturæ oraculo, & Apostolorum suffragio. *Elegerunt hi STEPHANUM plenum fide*, hoc est sapientiâ Christianâ; quæ est à fide, & altiore cœlestium arcanorum cognitione. Hanc nosce si voles, *Augustinum* audi. Sic enim inquit, STEPHANO Martyri & pulchritudo erat corporis, & flos ætatis, & eloquentia sermocinantis, & sapientia sanctissimæ mentis, & operatio Divinitatis.

Serm. 6.

Audi & *Nicetam* apud Metaphrastem; qui sic de STEPHANO. *Erat inter Apostolos Apostolus; Prophetas inter Prophetas, Doctor inter Doctores.*

Doctor, inquam, qui non verbo tantum doceret & linguâ (ut plerique solent) sed facto; sed opere.

Serm. 5. de  
sanctis.

Hinc istud D. *Augustini* de STEPHANO. *Discipulus erat ordine; sed factus est Magister exemplo.*

Spectavimus fidei lucem, spectemus & virorem, cumquæ sibi semper constantem.

Viruit aliquando *Petri* fides, cum sic ad Dominum. *Etiamsi oportuerit me mori tecum, non te negabo. Sed paulò post*

post ad ancillæ vocem, ad levioꝛem petulantis linguæ afflatum, emarcuit.

Viruit & *Thomæ* in Magistrum fides, cùm sic ad Con-discipulos, *Eamus & nos, & moriamur cum eo*: sed & illa, brevioꝛe Domini absentia, ceu solis aspectu, emarcuit; auditum enim illud incredulæ mentis. *Nisi videro non credam*, quasi verò oculis metienda fides, & fidei mysteria sensibus essent usurpanda.

Viruit & fides *Discipulorum*, cùm unà cum *Petro* similiter dixere omnes: si verba audisses, credidisses omnes pro Magistri fide mori paratos; at mox & illa quoque emarcuit, omnes enim relicto eo fugerunt. Ecce ut infidelitatem prodit, & testatur turpis fuga. Ecce ut ad Iudæ proditoris aspectum, ut ad primum militis occursum, & Domini captivitatem, deflorescit fides; & amœna illa, constansque ejus viriditas penitus concidit.

Sed non sic D. STEPHANI. in eum conspirat omnis propè Synagoga, *Libertinorum, Cyrenensium, & Alexandri.* Act. c. 6. *norum*, maximè *Libertini*, servi corruptionis, ut loquitur D. Petrus. *Omnes in quibus eruditionis, atque scientiæ nonni-* Ep. 2. v. *hil inerat, in sese convertibat, & ex iis, qui cæteris præstare eruditione videbantur, coitione, atque conspiratione factâ, veluti in phalangas quasdâ constipati, sic impetum STEPHANI sustinere nitebantur. At ille omnibus pariter invictus erat, sive cum multis solus, sive cum paucis congregederetur,* Nyssenæ orat. de S. Stephano. adeò firma, constansque illi in Christum fides: hanc ut labefactent, primò submittunt viros perditæ mentis, & profligatæ conscientiæ, qui dicerent se audivisse eum

Cap. 7. v. 18.

R dicentem



*dicentem verba blasphemie in Moſen, & Deum; quod calumniæ telum ut certius, & fortius feriat; commovent plebem, & ſeniores, & ſcribas; ſed neque his commovetur STEPHANI fides. ubi verba nihil prolunt, venit ad manus, concutientes rapuerunt eum, & adduxerunt in concilium. neque vinculis lingua, neque animus eo malignantium conſeſſu impeditur, aut terretur. Statuerunt falſos teſtes, qui dicerent: homo iſte non ceſſat loqui verba adverſus locum ſanctum, & legem. Ecce aliud, & quidem ingens, ac horrendum blaſphemie telum, quo per calumniam impetitur STEPHANI fides; ſed neque huic cedit: neque timet mens innoxia; ſuâ ſe conſcientiâ involvit, ac tuetur, quod invictæ fidei beneficium fuit.*

*Eccle. c. 26.  
v. 5.*

*Certè ſapiens id aliquando de ſeipſo. A tribus timuit cor meum, & in quarto facies mea metuit. Delaturam civitatis, & collectionem populi, calumniam mendacem: ſuper mortem omnia gravia. Verùm ut gravia ſapienti: at levia STEPHANO; quia ea omnia verborum jacula fidei clypeo excipit ac retundit: ſed ecce & alia adjiciuntur accusationum capita, ſic enim aiunt: Audivimus eum dicentem quoniam I E S V S Nazarenus deſtruet locum iſtum, & mutabit traditiones, quas tradidit nobis Moyses.*

*Verſ. 14.*

*Supra.*

*Hæc accuſatio Diaboli oratorum eſt, inquit D. Gregorius Nyſſenus, à quâ concuti, & labāſcere potuit alius quivis, quia illâ non impetebatur STEPHANUS tantum; ſed & Dei filius, ſed & verbum Patris, ſed & veritas æterna, & quidem per calumniam, & immane mendacium, neque enim eamquam dixerat Chriſtus, neque à Chriſto STEPHANUS.*  
*Verùm*

Verùm ut sic impeteretur , commoveri tamen nullo modo potuit, neque à fidei statione dejici; adeò illi firmus in eâ stabat animus, ab hoc, in ipsum corpus evasit augustum aliquid, ac cœleste. *Intuentes enim in eum omnes, qui* vers. 55. *sedebant in concilio, viderunt faciem ejus tanquam faciem Angeli, hoc est, interprete D. Gregorio Nysseno, angelicum decorem, & mutationem faciei in angelicam formam; Interprete Augustino, faciem illustratam ut solem, Interprete Hilario Arelatensi, in STEPHANI facie speciem resurgentis. Dixisses in ipso STEPHANO abundantiam cordis transisse in decus corporis, & in exteriori gloriâ candorem interioris exundasse, & per abscondita pectoris ornamenta, speculum frontis irradiasse, & cum haberet in se Spiritum Sanctum, os præ se gestasse angelicum. ut disertè Hilarius.*

At unde, inquires, illa faciei lux, unde fulgor solis æmulus; imò superior? utique à fide, cœlestique sapientia, quâ illi lucebat & radiabat animus; cui proinde corona *de lapide pretioso, de virente, & lucente Iaspide, cui alia lux accederet*

EX SAPHIRO.

**S**APPHIRUS gemma est cœrulei coloris, & aureis punctis collucens: symbolum cœlestis conversationis, & aureæ caritatis, quâ eminere visus est D. STEPHANUS. Illâ in cœlos, Deumque totus ascendebat, hac autem descendebat in terras, & blandâ caritatis inclinatione ad proximum, ejusque commoda, salutemque procurandam sese demittebat. testem volo, testem appello extremam, quæ illi fuit,

E Saphiro.



Verf. 33.

vitar periodum, de quâ illud Scripturæ oraculum. *Cum esset plenus Spiritu Sancto, intendens in cælum, vidit gloriam Dei, & IESVM stantem à dextris virtutis Dei.*

Pet. Damian.

Hic stylum fige, hic oculum, *mi Lector*, atque inter hostium cuncos, denique lapidantium agmina STEPHANUM aspice: intendit in cælum, quò enim potius? certè *qui Spiritu Divinitatis afflatur, conculcatis terrestribus, cælestibus inhiat, & æternis.*

In Cratylo

Ita inhiavit Divus STEPHANUS, hinc illi in cælum oculus, quia eor, & amor in cælo, non deorsum fertur, non declinat ad terrena subsidia, aut solatia: sed sursum tortis rapitur, atque ad cælestia aspirat, utpote totus in cælestibus. *Fortitudinis est malis obviis obniti, sursumque ferri*, inquiebat Plato.

Psal. 120.

Ita sursum elatus David, cujus ex voces. *Levavi oculos meos in cælum unde auxilium mihi.*

Daniel c. 13.

Ita & Sulanna, *flens suspexit in cælum*, à quo invocaret auxilium.

Ita & STEPHANUS *intendens in cælum vidit gloriam Dei: atque*, inquires, ea gloria?

Orat de S. Stephano.

Serm. 99.

D. Gregorio Nysseno est *ipsum lumen divinum in lumine Dei*. D. Augustino est Deus ipse, Deique essentia. Sic nimirum *videbat Deum, qui migrabat ad Deum*, imò & *Trinitatem ipsam, ac Divinitatem, ac revelatâ facie Patrem, Filium, & Spiritum Sanctum*. Hæc illi Patres, qui aperto mentis, atque intelligentiæ oculo, volunt D. STEPHANUM Dei essentiam vidisse; uti Paulus in suo ad tertium cælum raptu. Quæ opinio si vera, quid mirum si totus in cælo STEPHANUS,

STEPHANUS, qui jam totus in Deo, totus, inquam, mentis oculo; imò totus & oculis corporis; vidit enim præterea *IESUM stantem à dextris Dei*. Nimirum illi tunc, speciali quodam, & supra omnem naturæ vim concursu, elevati sunt oculi, ut ad cælum usque empyreum penetrarent, IESUMQUE stantem à dextris Dei attingerent.

At cur, inquires, stantem? an hic situs gloriosi corporis? enimverò is est. stat tamen quasi Dux cum STEPHANO milite pugnaturus: *cum stante stabat, cum bellante bellabat*, inquit B. Petrus Damianus. Et hæc tria miracula, quæ annuente cælo tunc edita suspicies, *Amice Lector*.

Primum, vidisse STEPHANUM ipsammet Dei essentiam. Secundum, ipsum Christum in empyrei cæli Regiâ, & quidem solum. *Soli enim apparebat, & alii non videbant*, Serm. 92. *sed invidebant*, dicit Augustinus, qui & illud innuit, quod tertium hic miraculum. vidisse Iudæos in STEPHANI fronte crucem miri splendoris, qui eâ jam signatus erat Crucis, & Crucifixi miles; qui ab ipso Duce Christo, donabitur coronâ è lapide pretioso, è lapide sapphirino, qui suâ se luce signabit; luce dico divinæ visionis; uti deinde & ardore caritatis, cujus indicio sunt puncta illa aurea sapphiro bellè à naturâ impressa.

Nosse vis, quæ illa caritas? attende quæ illi in extremâ vitæ metâ, quis habitus corporis, quæ vox, quæ oratio. Corporis situs, & compositio, ea est, quæ supplicis esse solet; orat enim *positus genibus*.

Pro se stans oraverat, pro lapidatoribus oraturus, genua ponit, quæ causa? quia *plus dolebat persequentium peccata*,



quam sua vulnera, inquit Augustinus, & quia plus illa dolebat, in genua sese abjiciebat, quod dolentis erat, quod misipientis, quod & amantis, & nimium quantum amantis. Et hoc primum in STEPHANO fuit caritatis indicium. Alterum fuit, eo in articulo validus clamor, *clamavit enim voce magnâ*, quod miraculo ascribi debet, morientis enim vox deficit, & certè defecisset STEPHANO, nisi eam servasset; imò dedisset vis altior, vis miraculosa, vis amoris & caritatis, quam aperit, explicatque ingens morientis clamor.

Serm. de  
S. stepha-  
no.

Eò loci, ac temporis alius atque alius erat clamor; alius, atque alius strepitus: *Clamor lapidantium furoris erat, strepitus lapidum crudelitatis. Clamor STEPHANI amoris, & pietatis, obruendus ille clamore isto clamor*, inquit Petrus Damianus. Et certè obrutus est & clamore illo, & voce magnâ, quæ oris fuit, & linguæ jam deficientis, cui accessit & alia vox, vox oculorum, vox lacrymarum, cui ingens apud Deum, superosque pondus, nam & *lacrymæ pondera vocis habent*, cui additum & pondus orationis in paucula verba: sed amoris plena, plena caritatis. *Domine ne statuas illis hoc peccatum. Putasne*, inquit Augustinus, *verba ista audivit Paulus? audivit subsannans; sed irrisit. At non irrisit cælum: sed audivit, & quidem quod mireris ad Sauli bonum, Sauli salutem; quem nec postea habuisset Ecclesia, nec haberet nunc cælum, nisi STEPHANUS orasset. verum enim illud D. Augustini.*

Aug. serm.  
99. de di-  
vers.

Serm. 94.  
de divers.

Serm. 1. de  
Sanctis.

*Si STEPHANUS non orasset, Ecclesia Paulum non haberet, sed ided erectus est Paulus, quia in terrâ inclinatus, exauditus est STEPHANUS. Sed unde clamor? unde lacrymæ? unde*

&

& oratio? utique ab amore, quo pugnavit, quo vicit, quo de hostibus triumphavit. Audi quid de illâ S. Fulgentius.

STEPHANUS *caritatem pro armis habebat, per caritatem Dei, sœvientibus Iudæis non cessit; per caritatem proximi, pro lapidantibus intercessit, per caritatem arguebat errantes, ut corrigerentur, per caritatem pro lapidantibus orabat, ne punirentur. Caritatis virtute subnixus vicit Sautum crudeliter sœvientem, & quem habebat in terrâ persecutorem, in cœlo meruit habere consortem.*

Serm. de  
S. Stepha-  
no.

Ita nimirum vicit, triumphavitque, ubi victrix STEPHANI caritas: cui Sautum dedit indulgens Deus, uti aliquando revelavit B. Maria Ogniacensi, cognovit hæc aliquando in mentis excessu D. STEPHANO oranti, Deum quasi pro munere dedisse Sautum, cui ut in reliquâ vitâ, sic & in Martyrio adfuit, ejus animam è corpore excedentem excepit, Deoque quasi depositum, quasi donum reddidit, adjiciens & illud. Domine, hoc ingenti, & singulari munere me donasti: ego verò multiplici auctum fructu tibi illud reddo.

Cardinalis  
Vittuaco in  
ejus vitâ  
l. 2. c. 11.

Ecce, ut etiam à morte de Paulo, & cum Paulo vincit, triumphatque STEPHANI caritas; triumphabitque in cœli Regiâ, in omnem retro æternitatem.

Vis nosse, quâ etiam cœlis additus de Iudæis rebellibus triumphet? Accipe, quæ de illo Cardinalis Baronius ex Severo Majoricæ Insulæ Episcopo. Narrat hic, illatis Majoriam (urbs est Majoricæ) D. STEPHANI reliquiis, Iudæos omnes numero quingentos quadraginta, ad Christi fidem derepentè conversos.

Anno Chris-  
ti 418.

Occasio tam subitæ, tamque inopinatæ conversionis hæc fuit.



fuit. Ut Divi Reliquias importari viderunt Iudæi, iisdem, quibus olim majores animis, eodem furore, impetuque ad saxa convolarunt, & quæ sacras STEPHANI exuvias, quæ etiam Christianos illis succollantes, aut venerationis ergo comitantes, impetere cœperunt: sed, ô Divi STEPHANI in suos caritas, ô caritatis umbraculum, ô clypeus, ô subsidium! innoxia in hos, & illos cecidère saxa: at non abiit innoxia Judæorum immanitas: subito enim cœlesti igne correpta, exarsit eorum Synagoga (quod STEPHANI vindicis videri potuit) at etiam derepente in alios mutati sunt Iudæi, quod STEPHANI amantis, & misericordis fuit. Ita (ut antè dixisse me probè memini:) ubique victrix est illius caritas; cui proinde cœlo iudice, data corona de lapide pretioso, de Sapphiro: sed &

## EX SMARAGDO.

*Ex Smaragdo.*

*Plin. lib. 7.  
c. 3.*

**S**MARAGDUS (ut alia de illius naturâ, colore, pretioque taceam) habet illud singulare, ut *eadem quâ speculâ, ratione supini imagines rerum reddat.* Hinc Nero princeps, gladiatorum pugnas spectabat smaragdo. Ex ea similitudine Smaragdi, & speculi factum, ut *Smaragdus* symbolum aliquod sit virginitatis; imò & Sanctissimæ Triadis, quæ prima fuit Virgo, genuit enim Æternus Pater Filium sine Matre, & Pater, ac Filius spiravit Spiritum Sanctum, etiam sine Matre.

Hinc Sanctissima Trinitas quanta quanta est, Virgo est, simulque creaturarum omnium speculum perfectissimum. Et STEPHANUS virgo fuit; à virginitate quasi Dei sui, & Sanctissimæ

Sanctissimæ Triadis speculum, in quo videretur ipsa quantum mortali oculo fas est.

Virginem fuisse testatur D. Augustinus, & D. Fulgen- Serm. 2. de Sanctus.  
tius; talis nimirum esse debuit, qui ei ministerio præset, qui viduis provideret, qui cum altero sexu instar Angeli versaretur. Et hunc virginei animi, corporisque nitorem indicavit conspecta in Concilio facies ejus ad instar Angeli, quia, ut disertè D. Chrysologus. *Semper est Angelis cognata* Serm. 143.  
*virginitas*, adeoque cognata facies, orisque decor, & gratia, cui proinde & suum ornatum, pretiumque asseret corona de lapide pretioso, de Iaspide, Sapphiro, Smaragdo, cui coronidem imponet alia

## EX ADAMANTE.

**A**DAMAS fortitudinis invictæ hieroglyphicum: maxi- Ex Adamante.  
mè verò Arabicus.

De hoc ita Plinius: *Arabici Adamantes incudibusprehenduntur, ita respuentes ictum, ut ferrum utrimque dissulcet, incudesque etiam ipse dissiliant. quippe duritiâ inenarrabilis est, simulque ignium victrix natura. Unde & nomen indomita vis Græcâ interpretatione accepit. Adamas enim græcè idem est quod indomitus, invicta quippe illi vis; ferri, ignisque contemptrix.*

Quod Adamanti naturâ dedit: hoc virtus, & gratia D. STEPHANO, cui aptari potest illud, quod aliquando de D. Basilio magnificè pronuntiavit D. Gregorius Nazianzenus. *Duorum lapidum naturam imitabatur: factus enim* In orat. sanct.  
*erat percutientibus Adamas, dissidentibus Magnes. Adamas*

S

quidem



quidem indomitæ fortitudinis exemplo, atque robore, quo nec minis cessit, nec tormentis: *magnes* autem insigni, ac generosâ mansuetudine, quâ etiam dissidentes à se, rapuit, attraxitque.

Nosce voles quæ illi vis animi, quàm invicta, quàm indomita, attende, quæ ille in extremâ vitæ scenâ cœlo, Deoque teste exhibuerit, etiam sub ipsis Jesu Christi oculis.

Act. c. 6.  
v. 9.

Primò in eum insurgit omnis *Synagoga, Libertinorum, Cyrenensium, & Alexandrinorum*, & uno quasi impete, petulantiore linguâ, & acriore disputatione percutit: & in hac invictus STEPHANUS, *& percutientibus adamas.*

Vers. 11.  
Jerem. c. 17.

Submittunt deinde viros, qui eum incusarent *blasphemie in Deum, & Moysem.* Venite, inquit, *& percutiamus eum linguâ*; & in hac quoque invictus STEPHANUS, *& percutientibus adamas.*

Vers. 12.

Tum etiam *commovent plebem, & seniores, & Scribas*, injectaque in eum violentâ manu rapiunt, & adducunt in Concilium. Et coram hoc invictus STEPHANUS, *& percutientibus adamas.*

Cap. 7.  
v. 34.

Tum dissecantur cordibus suis, & dentibus strident in eum. *Super Martyrem STEPHANUM dentibus colubrinis stridebant, qui quasi serpentem in corde habebant*, inquit Augustinus. Et tamen etiam in hoc dentium stridore, morsuque invictus STEPHANUS, *& percutientibus adamas.*

Hom. 16.  
de Sanctis.

Vers. 57.

Tum denique *impetum faciunt unanimiter in eum, & ejicientes eum extra civitatem* lapidibus impetunt, atque obruunt. Et in hac quoque lapidum, saxorumque grandine, quæ

quæ undique in sacrum illius corpus impluit, adhuc invictus STEPHANUS & percutientibus adamas, imo, quod in eo violentæ mortis articulo mireris, & ames, etiam dissidentibus magnes, allicie enim, attrahitque à se quàm longissimè dissidentes, dum pro illis flexo genu Deum orat, exoratque, emittitque in cœlestes auras hæc magnetica verba. Domine ne statuas illis hoc peccatum; quasi diceret interprete Vers. 60.  
D. Augustino.

*Certe ego patior, ego lapidor, in me sæviunt, in me fremunt: sed ne statuas illis hoc peccatum, quia ut hoc dicam tibi, à te primò audiui. Ego servus tuus patior. Sed multum interest inter te, & me. Tu Dominus, ego servus; Tu Verbum, ego auditor Verbi, tu Magister, ego discipulus, tu Creator, ego creatura: tu Deus, ego homo. Multum interest inter peccatum istorum, qui lapidant me, & illorum qui crucifixerunt te: quando ergo dixisti. Pater ignosce illis, quia nesciunt quid faciunt, pro magno peccato petisti, & me pro minimo petere docuisti. Ego patior in carne, isti non pereant in mente.*

Hæc S. STEPHANUS ex vero dissidentibus magnes, qui patientiâ suâ, mansuetudine, indulgentiâ, oratione vel maxime dissidentes ad se, Deumque attrahit. Ita attraxit Saulum; ita & alios quâ verbo, quâ exemplo invictæ, indomitæque fortitudinis, atque caritatis.

*Cognoscant, inquit Nyssenius, Iudei arma Christianorum, quibus injuriam ulciscendo magnus STEPHANUS usus, sui facti exemplo legem vitæ sanxit.* Orat de S. Stephano.

Cognoscant & Christiani, discantque cum STEPHANO percutientibus esse adamantes, & dissidentibus magnetes.



Lib 4 n.  
74

Adamantes quidem invictâ in adversis patientiâ, ac fortitudine; Magnetes autem caritate, atque in hostes indulgentiâ: Sic Adamas, sic Magnes fuit senex unus aliquis, de quo *Ruffinus* in *Vitis Patrum*: ab hujus cella Monachus panem etiam ad sustentandam vitam necessarium suffurari solitus erat, non sine optimi lenis injuria, graviqûe damno. Et verò etiam suffurantem viderat non semel, & tacuerat, cumqûe ad extrema vitæ devevisset intuitus fratrem illum, qui ei panem furtivè auferre solebat: sic ad illum. Accede huc ad me, frater; & apprehendit manum ejus, & osculatus est, adjiciens etiam illud dignum posteris.

*Gratias ago manibus istis, fratres, quia per eas arbitror me intrare in Regnum cælorum.*

Dixit, & animum pupugit sui illius latrunculi, eaqûe caritate in melius inflexit; ex eo quippe tempore & facti pœnitens fuit, & vitæ monachalis, ac sanctioris amantior.

Ecce ut Adamas, ut Magnes fuit pius ille senex; astende quî etiam *S. Meletius*, cognomento *Magnus*, Episcopus Antiochenus, vario jactatus persecutionum æstu, quas inter potissima fuit exiliûm, quod tertio pro fide, ac religione, proqûe zelo pastoralis sustinuit, invicta semper patientia, ac fortitudine: Primum sub *Constantio*, Alterum sub *Juliano*, Tertium sub *Valente* Imperatore; quo sic Antiochiâ eductus. Civitatis Præses, homo ut perfidi, sic & vafri ingenii, eum secum in suam rhedam extulerat, ut occultius, & tutius in exiliûm deportaret: Verum ut semper timidus, ut sagax est amor: ut ferè prælagus impendentis mali, subodorati cives quod erat, honoris specie (verius dolo, fraudeqûe Præsidis)

D. Chrysostomus orat  
in laudem  
S. Meletii.

Præsidis) in exilium rapi communem civitatis Patrem, ad obvia in compitis, & plateis arma, ad saxa, inquam, & lapides confugiunt, & facto impete, grandinis instar, & nymbi depluunt in noxium Præsidis caput. Quid hîc *Meletius*? an dissimulet? an prodat infandum caput? an saxis obruendum extrudat? minimè gentium. Non is Christiano genius est, non ea mens *S. Præfuli*, non id consilii in illis imminenti fati angustiiis. Alia meditatur, alia molitur omnia; de hoc uno sollicitus, ut hostem suum tegat, ac protegat: quod ut faciat probè, vestem explicat, inimicum caput amplectitur, & quod amabit, prædicabitque omnis ætas, propria chlamyde tegit, ac celat, sicque eripit & civium oculis, & popelli justè ruentis armis, & saxis impendentibus subducit: patientiæ, & mansuetudinis exemplo, quod terra suspiciet, cælum amabit, inferique perhorrescent.

Ecce ut Adamas, ut Magnes fuit *S. Meletius*, accipe quomodo *S. Fulgentius*.

Vapularat ille ab infami, rebellique presbytero, iterum, iterumque fustibus impetitus, & propè contusus, tum etiam ad ignominiam decalvatus ab eodem, atque denudatus, tum denique sic ad majus probrum ejectus.

Bollandus  
2. Jan. in ejus  
vitâ c. II.

Vulgatum id facinus Carthagine totâ, & summos, & infimos summo dolore affecit, & quod stupeas, etiam Arianos, quos inter Episcopus unus aliquis *S. Fulgentio* olim familiaris, atque amicus, de contumaci illo, immitique Presbytero vindictam sumere parabat: si modò injuriâ appetitus tantum vel leviter queri voluisset: sed noluit pius



Præsul : imò & amicis id suadentibus , respondit illud dignum cedro. *Non licet in hoc seculo vindictam querere Christiano.* O suaves, ô amicas, ô verè Christianas voces ! quas utinam & verbo usurparent omnes, & facto etiam probarent, non ea esset in malum, vindictamque proclivitas, non ea ultionis appetentia ; quæ & terras inficit, & cœlum ipsum malè afficit : sed è contrà vigeret, floreretque caritas, & fructus uberrimos etiam in ipsam æternitatem efferreret tam grata superis, Deoque injuriarum remissio.

At quos, inquires, fructus? eos certè quos D. STEPHANO. At quinam illi? primò mors, ad instar somni longè suavissima. Vix enim in cœlos extulerat illas voces: *Domine ne statuas illis hoc peccatum, cum obdormivit in Domino.* *Felix somnus cum requie, requies cum voluptate, voluptas cum æternitate,* inquit Damianus. Ecce fructus illius indulgentiæ, requies, voluptas, æternitas, & quidem beata: ad hanc aspiras, *Amice Lector,* D. STEPHANUM sedulus imitare; injurias tibi, tuoque nomini illatas ultrò condona: imò & pro inimicis ora, sicque & pro illis, & pro teipso Deum exorabis; & primò, etiam in hac aurâ mortali, requiem invenies bonæ mentis, ac conscientiæ: tum etiam ex illâ voluptatem, effusumque gestientis animæ gaudium: denique & beatam æternitatem; in quâ te decorabit coronâ de lapide pretioso; eaque composita. Primùm ex *Iaspide* in præmiùm fidei tuæ, & sapientiæ altioris. Tum etiam è *Sapphiro*, in decus æternum cœlestis tuæ in terrâ conversationis, & caritatis planè aureæ. Tum è *Smaragdo*, ad nitorem, & ornamentum illius, quæ in te fuit virginitatis. Denique ex  
*Adamante*

*Adamante* in laudem & gloriam invicti roboris, longævæ patientiæ, atque indomitæ fortitudinis.

Ab his certè magnarum virtutum ornamentis donatus est *STEHANUS* corona immortalitatis.

Ab his etiam donatus *S. Cornelius Centurio*, Cæsareæ Episcopus, qui in extrema vitæ meta hanc à cœlo, Deoque vocem audit: *Corneli veni ad me. Ecce enim est tibi parata corona justitiæ.*

Ab his denique donati Sancti omnes quotquot super astra vivunt ævo beatiore: atque ab hac quoque doneris oportet, quisquis cœli, & beatæ æternitatis es candidatus.





# IN FESTO SANCTI JOANNIS EVANGELISTÆ.

Cornelius  
Prolog. in  
Apocal.



UI D. IOANNIS elogia in unum  
veluti cumulum congeries, pronun-  
tiavit non minus liberè, quàm verè,  
quod esset *Cherubim Dei*, *Benjamin*  
*Christi*, *Deipara adoptivus*, *Evangelis-*  
*tarum aquila*, *sapientie abyssus*, *cha-*  
*ritatis incendium*, *integritatis Sma-*  
*ragdus*, *virgo sine labe*, *Martyr sine morte*, *amiantus in*  
*igne*, *sol Ecclesie*, *delicie fidelium*, *Theologorum vertex*,  
*Prophetarum apex*, *cœli fulmen*, *orbis tonitru*, *secretarius*  
*Æterni Verbi*. Quæ elogia, ut præclara: sic & illius digni-  
tati, virtuti, gratiæque quàm maximè consona. Ex illis ego  
unicum attingam, quo scilicet seipsum in cœli regiâ signa-  
tum vidit, ac deinde scriptis expressit; ut quæ tum in ex-  
cessu mentis, aperto veluti intelligentiæ oculo, suspexerat;  
haberet deinde, ac suspiceret orbis universus; quod, ut  
& ipsi habeamus, suspiciamusque, sit

QUÆSTIO

# QUÆSTIO UNICA

## MORALIS.

Ad illa verba: *In conspectu sedis tanquam mare vitreum simile cristallo, & in medio sedis, & in circuitu sedis quatuor animalia, plena oculis antè, & retrò. Et animal primum simile leoni, secundum animal simile vitulo, & tertium animal habens faciem quasi hominis, & quartum animal simile aquila volanti. Apoc. c. 4. v. 6. 7.*

Quæ sit illa sedes? quod mare vitreum?  
quæ animalia?

**S**edes illa, Dei sedes, Dei est thronus, Ita textus Syriacus, qui habet *ante thronum*, & Arabicus, *Ante sedem Dei*.

*Mare vitreum*, est cælum empyreum, in quo Dei sedes est, ac thronus. *Mare* dicitur ob amplitudinem, ac vastitatem; *vitreum* autem, quia cristallo non absimile, puriori tamen, ac cœlesti, quod scilicet & Angelos capiat, & Beatos.

*Quatuor animalia*, sunt quatuor Evangelistæ; vel potius quatuor Evangelistas exprimunt, referuntque.

T

Leo



*Leo* D. Marcum exhibet, & consonat ejus Evangelio, quod incipit à clamore, & rugitu S. IOANNIS in deserto.

*Vitulus* S. Lucam ostentat, cujus scilicet Evangelium initium ducit à Sacerdotio Zachariæ, oblataque cælo victima.

*Homo*, repræsentat S. Mathæum, cujus Evangelium ducitur ab humanâ Christi genealogiâ.

Denique *Aquila*, in auras, in æthera, in cælum ipsum effert D. IOANNEM, qui terris superior, & in ipsâ Divorum atria, & in ipsum quasi Divinitatis sinum evadit, orditurque Evangelium ab ipsâ Divinitate Verbi. Ita D. Hieronymus, Ambrosius, Gregorius, aliique Patres, & Scripturæ sacræ Interpretes, quorum opinioni in præsentia insistant; & paucis investigabo cur D. IOANNES *Aquila*?

Cap. I. v. 10. & cur etiam (uti vidit Ezechiel) *desuper ipsorum quatuor*?

Ad primum quod attinet, dicitur, & est IOANNES velut *Aquila*; quia ut hæc inter volucres omnibus eminet quasi princeps: sic & ille inter Evangelistas, quos transcendit, & longis intervallis post se relinquit; & hanc quoque rationem attigit D. Augustinus. Sic enim inquit.

Lib. I. de  
consensu  
Evang. c. 4.

*Longè à tribus istis superius fertur: ita ut si hos videas quodammodo in terris conversari: illum autem transcendisse nebulam, quâ tegitur omnis terra, & pervenisse ad liquidum cælum, unde acie mentis acutissimâ, atque firmissimâ, videret in principio Verbum apud Deum, per quem facta sunt omnia.*

Hactenus S. Doctor, ex quo videas alios Evangelistas terris quodammodo adrepere, atque in terris versari:

D. verò

D. verò IOANNEM transcendisse nebulam, quâ terrâ involvitur: nec illam tantum; sed & evasisse ad ipsum cœlum, ipsam Empyreï sedem: hoc est ipsiusmet Dei sedem, ac thronum, & instar cœlestis *Aquila*, acie mentis acutissimâ, in ipsam quoque Divinitatem, ipsam Divini Verbi generationem penetrasse, & quidem acie firmissimâ, atque irretorto mentis oculo solum illum Æternum, hoc est Divinitatem, aspexisse, & hinc D. IOANNES audit *Aquila*; sed cœlestis, indeque etiam illius supra omnes Evangelistas; imò & super omnes Sanctos excellentia, quam ex variis capitibus deducere mihi in præsentia est animus: sit itaque

## I. EXCELLENTIA D. IOANNIS.

*A sanguine, & natalibus.*

**C**ECINIT aliquando Vates. *Et genus, & proavos, & quæ non fecimus ipsi, vix ea nostra puto*: quod verum est quàm maximè, cum ab iis ducitur omnis laus & commendatio, hoc est de foris, & non potius domi; atque intrinsecus à virtute, cæterisque animi ornamentis; quæ ex verò nostra sunt.

Certè qui genus jactarit suum, qui Proavos longâ serie recensuerit, qui famosas majorum imagines ostentarit, & aliud nihil, nihil quod suum erat, ostentasse dixerit; sed aliena omnia jactitasse. Et hoc apud benè sensatos est extra controversiam. Uti & illud, à genere, à proavis; ab avito sanguine, & majorum gloriâ decus aliquod peti posse, non tamen omne: quia potissima hominis commendatio duci



debet ab iis, quæ verè nostra sunt, hoc est à præclaris seu naturæ, seu etiam gratiæ donis: licèt fateamur ab aliis etiam trahi posse. Et ita in præsens mihi deducendam existimavi primam D. IOANNIS excellentiam, à sanguine scilicet & natalibus.

At quæ, inquires illa? eadem propè, quæ Christi; certè illi proximè iuncta. Fuit enim *Zebedæi* filius, & *Salomes*, de quâ sua inter antiquos lis est, quæ fuerit illa?

Sunt quàm plurimi, iique non ignobiles, qui contendunt quod *Salomes* D. Annæ filia fuerit, adeoque D. Virginis *MARIÆ* germana soror. Ita S. Chrysostomus Act. 1. c. 5. Beda Præfatione in IOANNEM, S. Bernardus de lamentatione Virginis. Hugo de S. Victore, & Glossa in c. 1. ad Galatas. Albertus Magnus in cap. 19. IOANNIS. Abulensis in c. 20. Mathæi. Gerson, & alii, quibus accessit S. Birgitta l. 1. Revel. c. 10. in quo D. IOANNEM appellat fororium Christi, quòd natus sit ex sorore Matris Christi, & consequenter B. Virginis fuerit ex sorore nepos, & Christi consobrinus. Quod si verum est, verissimùm & istud insignem inde B. IOANNI laudem, decus, atque ornamentum accedere illustre. Quid enim illustrius, quàm sanguinem ex eodem propè fonte ducere, ex quo & ipsa Dei Mater?

Aliis tamen hæc opinio minus arridet, censent enim D. *Annam*, unicam habuisse prolem, videlicet eam virginem, quæ deinde fuit Dei Mater: & hoc, inquiunt, magis decuisse & S. *Anne* gravitatem, & dignitatem, seu ipsius Deiparæ Virginis, seu etiam Christi. Ita Euthymius, Theophi-

Theophilactus, S. Thomas, Iansenius, Canisius, Baronius, Suares, aliique, qui tamen fatentur etiam illud, D. IOANNEM & Virginis, & Christi consanguineum fuisse, quod facit ad illius decus æviternum.

Enimverò si in humanis illud inter illustria familiarum stemmata reponitur, originem duxisse è Principe, è Regio, è Cæsareo sanguine; quid erit ab eodem unde Dei Mater, unde & Dei filius? Erit certè istud, non dico Regium, non Cæsareum: sed hoc, & illo majus: imò quod in humanis esse potest, longè maximum: ab illo quippe non Regia, non Cæsarea ducetur majestas; sed altior aliqua, sed cœlestis, & propè divina, ut quæ accedat ad communionem, & consanguinitatem cum ipsâ Verbi Incarnati personâ, hoc est, cum divina; ipsoque Deo ter Opt. ter Max.

De S. Genovefa, virgine sanctissimâ, pronuntiavit illud Bollandus  
3. Jan. in  
ejus vita c. 7. D. Germanus, in ejus nativitate magni gaudii, & exultationis in cœlo ab Angelis celebratum fuisse mysterium; audeo dicere majoris & gaudii, & exultationis celebratum fuisse mysterium in nativitate S. IOANNIS, utpote futuri & Christo, & ipsi Deo consanguinei. Et hic primus excellentiæ illius fuit gradus; à quo nobis ad alios facilius erit ascensus.

## II. EXCELLENTIA D. IOANNIS.

*A singularis gratiæ prerogativa, data sanguini  
& natalibus.*

**I**N Ecclesiâ (quæ veluti cœlum novum) usuvenit, quod in cœlo illo aspectabili. In hoc, astra minora, seu illius



ocelluli, seu gemmæ; eò magis illustrantur à sole, veluti fonte omnis luminis, quò fuerint illi viciniore. Sic & in Ecclesiâ, in quâ Christus quasi sol, & origo prima, fonsque omnis lucis, hoc est omnis gratiæ, ii qui fuerunt illi à sanguine, & Natalibus viciniore, ab ipsius quoque lumine magis illustres.

Ita D. *Virgo*, quia Dei Mater futura, adeoque propinqua, ac vicina quàm maximè, majoribus, & clarioribus cœlestis gratiæ, id est lucis divinæ radiis illustrata, quam ullus umquam vel in terris homo, vel in cœlis Angelus. Ratio in oculis est, quia propius ad Christum, hoc est ad solem, accessit, quàm ullus vel hominum, vel Angelorum.

Ita S. *Ioseph* præ omnibus illius ævi sanctis, à gratiâ major, atque illustrior fuit, vel ex hoc uno, quod Christi, hoc est Dei, nutritius, & quasi pater electus, adeoque vicinus magis.

Ita D. *Anna*, augusta Virginis Mater, quia inde Christi avia, & D. *Ioachim*, quia ejusdem avus, à gratiâ quoque, & sanctitate cæteris illius sæculi majores, quia illi viciniore.

Ita D. *Ioannes Bapt.* quia & ipse illi cognatus, quia & Paranympus; major & ipse inter natos mulierum, quia & sanguine propinquior.

Quod illis: hoc & D. *Ioanni Evangelistæ*, utpote Christi consanguineo, adeoque & sanguine propinquo, datum est, ut à Christo, seu sole plus hauriret divinæ lucis, ac splendoris, qui est à gratiâ, ac sanctitate, quàm cæteri ab eodem remotiores. His certè data tantum aliqua lucis illius portio: at D. IOANNI quasi se totam infudit gratiæ plenitudo;

plenitudo; & quæ in aliis sparsit cœlestium donorum charismata, in hoc uno collegit; ut videre erit ex

### III. EXCELLENTIA D. IOANNIS,

*Ab omnibus Sanctorum titulis.*

**E** quibus primus erit à nomine illi à parentibus indito, qui boni criminis fuit: audit enim IOANNES, Hebraicè *Iochanan*, id est gratia Dei, aut Deo gratiofus; ut jam inde portenderet illud, quod de seipso deinde extulit; *Discipulus, quem diligebat IESVS.*

I.  
Joannes.

Et hoc illi quodammodo à naturâ nomen: aliud à Christi voce, gratiaque: ab hac dictus *Boanerges*, hoc est *filius tonitrui*. *Clangat tuba, filius tonitrui*, inquit D. Hieronymus. *Verè tonitrui filius per propriam suam grandiloquentiam, velut ex quibusdam nubibus à sapientiæ anigmatibus, per suam nobis de filio intelligentiam persuadens*, aiebat D. Epiphanius.

Ep. 85. ad  
Evagrium.  
II.  
Boanerges.  
Hæresi 73.

Verè tonitrui filius, ut qui Evangelium suum nonnisi præviis tonitruis, & fulguribus in auras eduxerit. Crederes alterum fuisse Moysen qui legem à Deo accipit, non sine tonitruo, & fulmine. Et verò si Legi antiquæ prænuntia quasi tonitrua, & fulgura: quidni & novæ? quam educit, eructatque *tonitrui filius*, vel ex ipso sinu Æterni Patris, à quo & illud. *In principio erat Verbum*: ab hoc Evangelio, quod scripsit Anno à Christi Nativitate nonagesimo-nono, audit

Silvester Petra sancta  
Thaumasia  
tom. 4. c. 39.

Evangelista, non quales alii: sed altior longè, ac superior,

III.  
Evangelista

ut



ut qui tantum ab aliis distet sua luce, quantum sol ab alio quovis minore fidere.

Ab illo certè excessu divinæ quodammodo lucis ; D. Dionysius Arcopagita in epistola, quam etiam illimet inscripsit; *solem Evangelii* appellat.

IV.  
Apostolus.

Fuit deinde & *Apostolus*, & quidem jure suo præcipuus, à Petro primus; imò & Petri socius, ac surgentis Ecclesiæ, ceu ædificii spiritualis, columna princeps.

Csp. 2. v. 9.

Et talem profectò suspexit, pronuntiavitque D. Paulus, dum sic de illo ad Galatas. *Iacobus, Cephas, & Ioannes, qui videbantur columna esse, dexteræ dederunt mihi, & Barnabæ.*

V.  
Theologus.

Hom. 2. in  
diversos.

Fuit etiam *Theologus*, ut liquet ex Apocalypsi, quæ Græcè inscribitur. *Apocalypsis S. Ioannis Theologi*, quem etiam, etsi cætera taceant, loquuntur, & proclamant, quæ terris reliquit scripta. quibus, ut ait Origenes, *quasi intima Theologiæ pennis, supervolat non solum, quæ intelligi, ac dici possunt; verum etiam, quæ superant omnem intellectum, ut qui scilicet extra, & supra omnia, ineffabili mentis volatu in arcana unius omnium principii, sit exaltatus.*

Ab hac porro exaltatione, ubi ad se, suosque rediit, summorum Theologorum fuit magister, atque imprimis S. Gregorii *Thaumaturgi*, de quo D. Gregorius Nyssenus hæc in ejus vitâ.

VI.  
Doctor ho-  
minum.

Fuerat ille magni Origenis primò discipulus; deinde & Neocæsareæ Episcopus, quo munere dum fungitur, nescio quæ ab Origenistis sparguntur errorum, & hæreseos semina, maximè verò Arianismi; quæ dum ex episcopali folio, veluti specula, despicit *Gregorius*, animi certè dubius, anxiusque, Deum

Deum orat, Deique Matrem, ut lucem afferat doctrinae sanctioris. Nec vana fuit oratio, bonique vacua: adfuit enim in amœnâ somni unius imagine *Diva Virgo*; adfuit & illi comes S. JOANNES, qui illico Gregorio datus est à Virgine magister, à quo & mox accepit fidei symbolum, quod deinde celebravit quinta Synodus œcumenica, & tota Orientalis Ecclesia: quo in symbolo ille ipse cœlestis Magister & pleraque Evangelii sui mysteria aperit, explicatque, & ea maximè, quæ de Verbo Patri Homousio aliquando protulerat.

Et hic primus è Theologis D. IOANNIS discipulus: alter ab illo fuit D. *Ioannes Chrysostomus*, cui in Monasterio ad- In ejus vita. huc degenti apparuit D. *Petrus*, Apostolorum princeps, & D. IOANNES Theologorum apex: ille clavem porrexit; hic autem Evangelii librum: itaque *Chrysostomus* à D. *Petro* Pontifex, & à D. IOANNE Doctor est creatus, longè alius ab illis, qui in Scholis, qui in Academiis & pileo donantur, & doctorali epomide.

Et hi quidem D. IOANNIS discipuli: sed in terris, & Et Angelorum. obscuro, ignaroque solo: meliores, altioresque illi, quia etiam è cœlo; cœlestes utpote genii, quorum etiam vivus, ac spirans Magister fuit IOANNES, de quo sic aureè *Chry-* P. refat. in Evang. Joan. *sostomus*. Tonitruum filius est, Christo dilectissimus, columna omnium, quæ in orbe sunt Ecclesiarum, qui cœli claves habet, qui Christi calicem bibit, qui suprapectus Domini multâ cum fiducia recubuit, non fabulas effingit, non personatus incedit, non orchestram supplodit, non aureo ornatur vestimento, sed stolâ purissimâ, veritatis decore intexta & distincta amictus progreditur,



progreditur, cui proscenium est universum cœlum, theatrum Orbis terra, spectatores, auditoresque omnes Angeli, & quicumque homines Angeli sunt, aut fieri desiderant. Hi dumtaxat ejus harmoniam audire possunt. Ipsi enim Angeli, Cherubim, & Seraphim nobiscum per IOANNIS vocem didicerunt, quæ cognovimus.

Ad Ephes.  
c. 3. v. 10.

Ac, ne ab illo hæc dicta crederes licentiâ quadam artis oratoriæ, ipsum è cœli regiâ testem Paulum evocat. Sic adhuc in terris, in scriptis loquentem. *Vt innotescat Principatibus, & Potestatibus in cœlestibus per Ecclesiam multiformis sapientia Dei.* Huic enim Apostolo supernæ adfuerunt virtutes.

Ecce, ut Apostolo teste, & Virtutes, & Principatus, & Potestates: imò & iudice Chrysostomo etiam Cherubin, & Seraphin, id est supremæ cœlorum Intelligentiæ magistrum habuere D. IOANNEM, utpote Theologorum & in terris, & in cœlis facilè principem; quem æstu quodam seu amoris, seu stuporis excitus, sic alloquitur B. Laurentius Iustinianus, simulque ante dictorum rationem reddit; dum ita ad IOANNEM.

Lib. de agone Christi  
c. 3.

*Sapientiæ arcana contemplando rimaris, curris per Angelos, discurras per Archangelos, ceterasque spirituum legiones considerationis pennâ percurrendo rimaris, tibi nunc panduntur indissibiles sapientiæ thesauri, tibi referantur revelationum sacra mysteria, Divinitatis altitudo, Æterna Verbi generatio, & cœlestis gloriæ triumphale regnum.*

Quod si & hoc, & illa ei referantur; quid adeò mirum si ab his, & illis fuisse dicatur etiam cœlestium Intelligentiarum Magister, & Doctor?

Fuit.

Fuit & *Propheta*. Prophetias loquitur, atque aperit Apocalypsis, in quâ, ut ait S. Hieronymus, *Medullata Ecclesie Sacramenta contextuntur, in quâ arcana, ac mystica visio dilecti discipuli*, ut annotat D. Dionysius Areopagita.

VII.  
Propheta.

Lib. 9. in  
Isai.

In hac D. IOANNES & terris, & seipso superior, modò sedet cum Agno, cum Angelis, & viginti quatuor senioribus ante thronum Dei, & Agni, modò versatur cum duodecim millibus, signatorum ex qualibet Israëlita Tribu, cum turbâ magnâ gentium, cum palmatis martyribus, & virginibus liliatis, modò cum muliere amictâ sole, ornatâ stellis duodecim, & lunam sub pedibus premente: modò cum Henoh, & Elia, cum sanctis stantibus supra mare vitreum, modò supra fulgura, & tonitrua, in cœlo novo, & terrâ novâ, in Hierusalem novâ de cœlo descendente, modò gustat melioris vitæ lignum, ducitque ad ipsos vitæ fontes, ut ex iis beatarum mentium delicias liceat prægustare, utque omnia paucis complectar, in cœlesti throno residentem Agnum videt, ejusque majestatem adorat, ac veneratur: Angelorum, ac Beatorum venerationem edocet, prædestinatorum signationem, Martyrum, & Virginum gloriam, futurasque Ecclesiæ persecutiones exponit, atque ab iis palmas, ac triumphos educit ad usque Antichristi tempora, totiusque Universi excidium. Ecce nobiles, ecce deductas per longa sæcula vaticinationes, à quibus jure meritissimo inter Prophetas reponitur; imò & Prophetarum omnium princeps, ac coryphæus nominatur: sed hæc, inquires, omnia & amoris sunt, & stupori. Demus alia, quæ imitationi serviant, & moribus ex virtute formandis,



hæc inter primum erit illud, quod etiam *Virgo* fuerit.

VIII.  
Virgo.

Virginem fuisse, etiam ad ultimam usque vitæ metam testantur antiquiores propè omnes.

Lib. 1. c. 4.

D. Augustinus contra Faustum de IOANNE loquens, *inexpertem veneris appellat.*

Lib. 1.

D. Hieronymus contra Iovinianum etiam virginem proclamat, ac tuctur.

Præfat. in  
Joan.

Tuctur & Tertullianus libro de Monogamiâ. Neque hîc objici potest illud D. Augustini. *Ioannem dominus de fluctinaga nuptiarum tempestate vocavit*, quasi is fuisset, qui sponsus in nuptiis Canæ Galileæ. Enimverò nec ibi sponsus fuit, nec unquam aliàs sponsus, nec cum Dominus evocavit de fluctinagâ tempestate nuptiarum jam initarum: sed potius incundarum: quod majoris beneficii fuit in Domino, & in IOANNE majoris puritatis: ut qui nuptiis nunquam fuerit illigatus, nedum contaminatus.

Joan. c. 21.  
v. 7.

Et hinc factum ut Christo fuerit in amoribus, primisque curis, utpote *Virgo*. Hinc factum ut cæteris Dominum non agnoscentibus, agnoverit ipse primus, extuleritque illud ad condiscipulos *Dominus est*. Nimirum ut rectè D. Hieronymus, *Prior virginitas virginale corpus agnoscit*; sive quòd virginis purior sit oculorum acies, ac defœcator, sive quòd Virgini Dominus amet pristinam speciem objicere, unde & agnosci possit à Virgine, ignotus cæteris. Hinc denique factum, ut etiam moriens, è cruce IOANNI Matrem commendaret, utpote Virginem Virgini: *Pura puro com-*

Ep. ad Pam.  
Machinum.

Lib. de in-  
sit. Virgini.  
c. 6.

*missa est*, inquit Theophylactus, *ne quis scilicet eam convitio temerata integritatis aspergeret*, ut annotat Ambrosius, *quasi*

quasi diceret, ( ut explicat paraphrasis ) *Mulier*, hoc est, *amans Virginitatis Mater*, ecce *Virginem filium*, & *vice versa discipulo Virginitatis studioso*, ecce *Virgo parens tua absque partu*. Et hæc, emorientis filii, postremæ ad Matrem voces, ut IOANNI deinceps cohabitaret.

Quo cum enim potius *Virgo habitare debebat, quam cum eo, quem filii heredem, integritatis sciret esse custodem?* ut advertit, explicatque D. Ambrosius.

Supra c. 7.

Et hæc D. IOANNEM, Virginem fuisse satis, superque probant; imo & virginitatis tuendæ patronum exhibent, atque ostendunt. Et ita exhibitus aliquando *S. Coleta*, virgini sanctissimæ; ut erat illa virginitatis amantior, D. IOANNEM pudoris sui, illibatæque castitatis tutorem, ac defensorem elegit, nec in cassum. Ei quippe sese visendum dedit, eamque annulo aureo quasi sponsam sibi despondit, Virgo scilicet virginem. Ut ei & ipse despondi possis, jungique nexu casti, virginei que amoris, paucis accipe, quæ aliquando *S. Eduardo* D. IOANNES; & quæ D. IOANNI *S. Eduardus*. Voverat hic nulli negare eleëmofynam, qui eam petiisset Divi IOANNIS nomine. Placuit superis votum, placuit & eleëmofyna ex voto concepta, dataque liberalius; quod liquidò ostendet illud, quod subijcio.

Surius in  
cujus virâ  
c. 20. die 6.  
Martii.

Aberat ab *Eduardo* Rege Camerarius, cum forte peregrinus, annis gravis, atque ab extremâ, ut videbatur, paupertate gravior, stipem petit, idque D. IOANNIS nomine. Quid hic Rex pius? negare, videbatur nefas; dare, importunum, atque intempestivum: nihil enim erat ad manum

Surius  
3. Jan.



quod daretur : at erat in manu Regius annulus , auro pretiosus, & gemmâ. Hunc illicò digito exerit, & pauperi donat ; abit ille dono latus, ac dives : sed etiam eleëmofynæ memor, & gratus probè ; nimirum in cœlis reponitur, quod in terris dederis. Et ita hic repositum. Labitur interea tempus non modicum, cum duo Angli peregrinationis ergo ad Domini sepulchrum Hierosolymam veniunt, & quia viarum ignari erant, declinant à viâ, aberrantque quàm longissimè.

Errantes nox occupat, & cum nocte timor, horrorque : & anxia sollicitudo, quam illico deterfit, qui se spectandum obtulit senex, vultu, & canitie venerandus, qui & in viam reduxit, ad urbem adduxit, & hospitio lautius excepit, & lectulo, in quo nox abiit in alta, secretaque quiete, placidoque somno, quem ut Oriente sole excussere peregrini, ecce iterum adfuit illico senex, & hæc illis.

Ite, redite læti, patriamque revisite, iter prosperum habituri me duce, me defensore, ac patrono. Quis porro sim si quæritis? paucis accipite. Ego sum IOANNES, Christi Apostolus, qui Regem vestrum ob virgineum animi, corporisque nitorem amo, redamoque. Hunc ergo annulum, quem mihi aliquando in habitu peregrino quasi mendico dedit, reportate, ei que reddite : & hæc ex me illi edicite. Instare ei mortis diem, lucemque non ingratham, quæ ubi post menses sex illuxerit, adero & ipsi, animamque è corpore abeuntem excipiam, ducamque in amœna Paradisi, ut mecum *Agnum* sequatur, virginem virgo. Dixit, atque ex oculis evauit, simulque nobis exemplum reliquit caritatis,

caritatis, atque castitatis, & tam hujus, quàm illius in cœli regiâ præmium.

Hoc si ambis, *Amice Lector*, illud imiteris est necesse, virgo sis, castus sis, & eris qui fuit IOANNES, Christo, Virginiq̃ue in amoribus.

Fuit & D. IOANNES Martyr. Etsi enim cervices ferro non dederit, ut *Paulus*, etsi sanguinem cum vitâ non effuderit; martyrium tamen subiit, & diuturnum, & permo-  
lestum: tum ad pedes, & ima crucis cum Virgine Dei Matre; tum in Insulâ Pathmos à Domitiano cò relegatus, non sine ingentibus exilii longioris molestiis; tum denique Romæ ante Portam Latinam ejusdem Domitiani jussu, in ferventis olei dolium immissus, è quo non tam evasit miraculo, quàm à morte quasi redivivus surrexit.

IX.  
Martyr.

Vidi Romæ ejus martyrii locum Sacello jam insignem, in cujus pariete eminet ipse in dolio olei bullientis, adjunctâ hac epigraphe.

*Ioannes Christi Apostolus, Evangelista, Propheta, & Martyr, è dolio ferventis olei vegetior exivit.*

In averso autem pariete leguntur hi versus, & suâ simplicitate, & antiquitate venerabiles.

*Martyrii calicem bibit hic Athleta IOANNES,*

*Principii Verbum cernere qui meruit.*

*Verberat hunc fuste Proconsul, forfice tondet,*

*Quem fervens oleum ledere non valuit.*

*Conditur hic oleum, dolium, cruor, atque capilli,*

*Quæ consecrantur inclyta Roma tibi.*

*Hæc vates antiquus, ex quo habes S. IOANNEM primò fuste.*



fuste percussum ad pœnam, deinde etiam attritum ad ignominiam; tum relegatum in Pathmos, exilii locum, denique in dolium ebullientis olei validâ carnificum manu injectum ad extremi supplicii horrorem, & pondus, quod dum æquâ lance expendit Tertullianus, sic Urbi gratulatur, & congaudet.

Lib. de Præ-  
script. c. 36.

*Felix Roma, cui totam doctrinam Apostoli cum sanguine suo profuderunt: ubi Petrus passioni Dominicæ adæquatur, ubi Paulus Ioannis Baptiste exitu coronatur, ubi Apostolus Ioannes postquam in oleum igneum demissus, nihil passus est, in Insulam relegatur. Et hæc de martyrio, ut ita dicam sanguinis; de martyrio seu amoris, seu doloris. Ita S. Bernardus in lamentatione B. Virginis, ubi de IOANNE, deque Deiparâ ad Christi crucem.*

*Tacebant ambo illi martyres, & præ nimio dolore loqui non poterant. Isti duo virgines audiebant Christum voce raucâ, & semivivâ loquentem, ipsum videbant paulatim morientem. Amabant flere, & flebant amarè. Amarè flebant, quia amarè dolebant. Nam gladius mortis Christi, animas utrorumque transibat. Transibat sævus, sævus perimebat utrumque: & peremisset omnino, nisi vis altior adhuc vitæ reservasset. Reservavit autem, ut is esset, qui à Christo audiit Boanerges, hoc est filius tonitruui. Tonitruui quidem à zelo, quem induit, & sacro horrore, quem malis incussit: fulguris autem, ab exemplo vitæ sanctioris, ut de eo jure potiori dici posset illud, quod deinde de S. Basilio extulit D. Gregorius Nazianzenus. Tonitruum erat oratio, quia*  
*Vita fulgur.*

Orat. de  
S. Basilio.

Vis

Vis audire tonitruum, quod aliquando contra Samaritanos in Christum injurios concepit? audi quod in illos expressit. *Domine vis dicimus, ut ignis descendat de cælo, & consumat illos?* Luc. c. 9.

Vis spectare fulgur, quod ex eodem tonitruo vibratur, & micat? specta vitam omnem, specta virtutes cælo dignas, imprimisque arduam in proximos caritatem. Specta parata ab illo auxilia etiam de superum domo.

In campum venite debuerat *Theodosius*, pius Imperator, signaque collaturus cum *Eugenio* Tyranno. Theodoretus l. 5. c. 24.

Res erat ardua, & periculosa: plenum opus aleæ, dum ea jacitur, ad D. IOANNIS, ceu Tutelaris opem, auxiliumque confugere visum, nec frustra: adfuit enim dimicanti D. IOANNES cum D. *Philippo*, veste nitenti, & candidâ, equoque portatus albo, per medias excurrentes acies atque etiam in hostes sua tela retorfit; eumque terrorem iniecit, ut terga verterit: verè *Tonitruum*, verè *fulgur*, qui & terreteret, & fugaret.

Ut is aliquando esse possis, *Amice Lector*, vide ut sis, qui IOANNES, sit vita tua fulgur ab exemplo vitæ sanctioris, quod oculos feriat, & *tonitruum* erit oratio tua.

#### IV. EXCELLENTIA D. IOANNIS.

*Hæc est, quod in cæna recubuit super pectus ejus.  
id est Christi Servatoris.*

CUM sibi nomen facere voluit IOANNES, non aliud extulit, quàm istud. *Discipulus quem diligebat IESVS,*  
X qui



*Joan. c. 21.* qui & in cœnâ recubuit super pectus ejus. Fuit nimirum iudicium illud eximii in eum amoris, ac propensionis: quæ IOANNI concessa privilegio prorsus singulari; quod quantum sit agnosces.

*Ad Coloss.  
c. 21.*

Primum in eo, quod ut Filius est in sinu Patris, sic & IOANNES sit in sinu Filii, in quo, ut sunt omnes thesauri sapientiæ, & scientiæ Dei: sic & illos inde hausit IOANNES, vel ut rivulos de fonte, vel ut radios de sole.

Antiquis illud habitum est in primis honoribus, in Regum, Cæsarumque throno considere potuisse: & eò quidem ut apud Persas, & Romanos crimen esset læsæ Majestatis, non expiandum nisi morte, si quis non acceptâ veniâ in eo resedisset. Nimirum hoc crimini datum est: ut illud honori, ac gratiæ, etiam singularis, si cui facta esset facultas in eo sedendi, ut refert Ioannes Saristerensis, Divi Thomæ Cantuariensis olim secretarius.

Quod si favoris, amorisque regii id fuit, quanti erit in ipso Servatoris, id est Dei hominis, sinu recubuisse? ecquid enim aut Regis, aut Cæsaris thronus ad Dei ter opt. ter max. sinum? sit ille è polito marmore, sit ex ebore indico, sit ex auro purissimo, sit è gemmis, ac margaritis si voles; ecquid illa? animâ certè vacua sunt, vacua & sensu, & ipso homine longè inferiora, nec ab illis ad animum aut ornamentum, aut gratiæ, aut dignitatis, aut sanctitatis quicquam accedere potest. At Dei hominis sinus, & animâ plenus est, & Divinitate, adeoque thesauris omnibus sapientiæ, & scientiæ Dei; imò & sanctitatis. Quid ergo erit, & quantum in eo recubuisse? erit certè summum quod esse potest divini  
scu

seu favoris, seu amoris, seu gratiæ.

Apud Hebræos Pontifici summo honori fuit in Sancta Sanctorum vel semel tantum in anno subingredi, pedibusque atterere sacratius solum.

Magno *Bapt. Ioanni* gratiæ fuit Domini caput vel leviter aquis intingendo, tangere.

*Magdalena* sacros Christi pedes eluere lacrymis, atque exolculari.

*Hemoroissa* vel solam vestimenti simbriam attingere.

At quid istæc omnia ad illud, in Christi sinu recubuisse? omnino aut nihil, aut perparum. Hæc nimirum IOANNI servata gratia, hic favor, amorque Salvatoris, à quo illi summum decus, & summum propè bonum accedere necesse fuit: certè omnino singulare & nulli vel mortalium, vel etiam immortalium concessum. Quid autem inde secutum boni? exponit D. Hieronymus in Ezechielem.

Cap. 2.

IOANNES recubuit in pectore ejus, ut hauriret fluentia sapientia, ut posset dicere. In principio erat Verbum, quia enim in pectore Christi sunt omnes thesauri sapientia, & scientia absconditi: merito super pectus ejus recumbit, quem majore ceteris sapientia, & scientia munere donat.

## V. EXCELLENTIA D. IOANNIS,

*Expressa his Christi morientis vocibus: Fili  
ecce Mater tua.*

Joan. c. 19  
v. 27.

**S**I quo umquam loco, aut tempore sese prodit, explicatque cujusquam amor, & propensa in aliquem inclinatio,

X 2



inclinatio, maximè in ultimâ vitæ periodo, cum mors imminet, & anima jam abituriena est in extremis labris.

Nimirum vita nostra non absimilis est faci, aut lucernæ, quæ dum propè extinguitur, flammam aperit, ejicitque vehementius, quasi in postremâ cum tenebris impendentibus, hoc est cum illius occasu, ceu morte, lucta. Quod vita: hoc & testatoris animus, ut proinde rectè dixerit Quintilianus: *Testamenta sunt, quibus omnem animi fate-*

In Declam.

*mur affectum*; crederes cor, amoris, affectusque sedem catenus clausam, tum primum aperiri, ac patescere.

Et certè aperitur, ac patescit per ultimas testamenti tabulas, quas Jurisconsulti appellant, *testationem mentis*, quasi tum per illam mens loquatur, & mutâ quadam voce affectum latentem pandat. Hinc Plinius appositâ sanè; atque eleganti similitudine *Testamentum* vocat *speculum animi*: in quo & luceat, & videatur animi facies, hoc est amor, & benevolentia ex eo nata.

In epist.

Quod si apud pusillos mortales, quibus tamen minus est animi, minus & affectus, id usu venit; multò magis apud Deum nostri causâ mortalem; imò & morientem Testamentum eò loci, ac temporis condidit; in quo bona omnia suis legavit. Militi quidem tunicam, peccatori veniam, latroni Paradisum, pœnitenti cruceem, Patri Æterno spiritum, sepulchro corpus, Ioanni matrem; Ecce nobilissima testamenti portio, Dei scilicet Mater illi relicta: nemini profectò (si Patrem Æternum exceperis) melius, aut dignius quicquam est concessum.

Gaudeat latro de Paradiso sibi dato ultimis Christi tabulis,

tabulis, voceque ultima, gratuletur sibi sepulchrum de sacro sancto illius corpore, & spiritum sibi redditum amet Æternus Pater. Tu IOANNES de relictâ tibi Dei Matre & gaudebis, & gratulaberis, & triumphabis. Habes enim in illâ quod terris sanctius, quod cœlis gratius, quod Christo carius, quod Deo pretiosius ab ipso Deo: habes & in hoc & arrham divini in te amoris, ex quâ emittas in sæcula, & in omnem retro æternitatem, hoc tibi ab illa partum nomen. *Discipulus quem diligebat IESVS.*

## VI. EXCELLENTIA D. IOANNIS.

*Hiscе verbis notata:* Mulier ecce filius tuus. Joan. c. 19  
v. 27.

**A**LIA, arque alia sunt appellationes, quibus notari, gaudereque solent excellæ in terris animæ.

Virginis Deiparæ servum se dixit B. *Walterus de Bierbeke*. Propugnatorem ejusdem Virginis appellari se voluit S. *Cyrillus*. Sacellatum S. *Ildefonsus*. Clientem B. *Albericus*, & totus Ordo Cisterciensis, qui ab illâ clientelâ etiam visus sub sacro MARIÆ paludamento. Procuratricem vocavit, atque sibi elegit pupillus apud S. *Ioannem Eleëmofynarium*. B. *Petrus Damianus* mancipium se esse voluit. Alii aliud, ex alio, atque alio virginei amoris impulsu. At quid isthæc omnia ad Virginis filium, quo nomine audiit D. IOANNES etiam ipso Primæ Veritatis oraculo, etiam ultimâ Christi morientis voce: dum hæc audiit ad Matrem dici: *Mulier ecce filius tuus*. Quid sanctius? quid augustius? quid divinius, quàm esse Deiparæ filium: & Dei hominis ex eo etiam



fratrem? Certè si filii dignitas petitur à Matre, cùm Deiparæ Matris dignitas ad infinitatem quodammodo accedat (ut censet D. Thomas) necesse est dignitatem ex illâ petitam esse quodammodo infinitam.

Verùm, inquiet, unus aliquis etiam MARIA fidelium omnium Mater est, & ipsi fideles etiam filii. Non abnuo. Et ita D. Birgitta revelavit ipsa Dei Mater, & se fidelium Matrem nominavit. Et ita filios se nominarunt devotæ Virginis animæ.

Lib. 4. Re-  
vel. c. 138.

Ita cæteros inter *Alfonsus Rodríguez* è Societate IESU Coadjutor, notæ sanctitatis, cui etiam cum Virgine certamen fuit; sed amoris: cùm enim ei sese visendam dedisset Dei Mater; sic ad illam *Alfonsus*: O bona Mater plus te amo, quàm tu me. Cui Virgo, falleris enimverò, *Alfonse*, falleris. Nemo umquam me superavit amando nisi IESUS, filius meus.

Sec. c. 24.

Maneat ergo quòd Virgo fidelium Mater sit, & Mater pulchræ dilectionis: at Mater est favore, & gratiâ. Non sic IOANNI: huic enim Mater est, etiam ipso adoptionis jure, etiam ipsis testamenti tabulis: imò & donatione inter vivos omninò irrevocabili, factâ à Christo moriente extremis vocibus, & ipso ejuldem sanguine signata, & deinde morte firmata. Cujus probè conscius D. IOANNES, ex illa hora accepit eam in sua. id est inter ea, quæ jure quodammodo possidebat ut sua. Quid dirius? quid illustrius? quid divinius à Deo dici potuit? quid & melius, ac firmitus à IOANNE possideri, quàm illud, quod omni jure suum?

Joan. c. 19.

Gaudo

Gaude ergo, & triumpha IOANNES, hac una donatione, terris dives, & cœlo beatus.

Sed & gaude, ac triumpha, ô fidelis anime, quod & tibi secundum IOANNEM MARIA sit Mater, & tu filius.

Et certè quidni sic gaudeas, sic & triumphes? cùm matrem habeas quam ex vero D. Bernardus appellat *Inven-* Epist. 174  
*tricem gratiæ, Mediatricem salutis, Restauratricem seculo-*  
*rum*, ad cuius pedes dum supplex accides simul & humili animo, humili voce dices illud: *Monstra te esse Matrem*, & illa monstrabit, & in hoc ævo mortali, & in altero etiam in omnem retro æternitatem: Vis clara ram hujus, quàm illius testimonia? paucis accipe.

In Gandiâ, urbe Hispaniæ nobili, vir impius Matronæ Philibertus  
in paucis castæ per summum nefas objecerat, quod omnes Monetus in  
proles ex adulterio suscepisset, & sibi, & conjugii injuria. litteris an-  
Iacta calumnia fortè ad mariti aures appulit, qui nimium nuis. 1612.  
credulus, uxori, licet cœlo teste, innoxia, extrema meditari Colleg. So-  
ciet. JESU  
cœpit: imò & ad illa venit. Uxorem enim dormientem Provincie  
è lectulo in subjectum hortum extraxit, injectoque in Aragonie  
collum laqueo ex arbore appendit. Sed adfuit opportu-  
nè Dei Mater, quam pridie ut Matrem invocarat illa, &  
quasi manu allevans, ac sustinens invocarat: *Monstra te*  
*esse Matrem*. Habes ab hac subsidium in mundo hoc aspe-  
ctabili, accipe etiam in altero mortalibus oculis invisibili.

Refert Petrus Cardinalis Damianus Burgundum civem, Lib. 1. ep. 14. p. 1.  
nomine Bassum letalis noxæ reum occubuisse dum fortè epist. 14.  
rediret è suscepta ad Virginis ædem peregrinatione. Vix è  
corpore excesserat anima, cùm eam susceperunt Angeli

quæ



quasi suam, peregrini titulo, jureque: sed & dæmiones re-  
petiere jure etiam suo, ex debito scilicet peccati mortalis.  
Sic lucta fuit bonos inter, malosque genios, quam illicò di-  
remittit Dei, & illius indulgens Mater, quæ animam in cor-  
pus redire jussit, peccataque sacrâ exomologesi expiare; ac  
deinde è corpore, ceu hospitio repetito, rursus egredi, ac  
mori, victuram in omnem æternitatem.

Ecce quanti interesset pusillo homini habere Dei Ma-  
trem etiam suam: ut illam ipse habeas, *Amice Lector*, age,  
esto primum illi filius amore, obsequioque uti IOANNES;  
esto deinde ut ille virgineus totus ab animæ, corporisque  
munditiâ atque candore; sic erit illa tibi, quæ IOANNI fuit  
nimium quàm bona Mater. Mater dico, quæ præstet omni-  
bus, & terræ gazis, & cœli etiam si voles: ideoque his, & illis  
omninò præferenda.

Contro-  
vers. lib. 6.  
Controv. 3.

*Seneca* teste, Lex olim fuit, ut major frater patrimonium  
divideret, minor eligeret. Quidam cum haberet legitimum  
filium, alium ex ancillâ sustulit, & decessit. Major frater  
sic divisit, ut totum patrimonium ex unâ parte poneret, ex al-  
terâ Nothi matrem. Minor elegit matrem. Orta hinc con-  
troversia an minor natu fratrem accusare posset circum-  
scriptionis, in quâ sic major ad minorem. Ego nihil aliud  
quàm divisi: circumscriptio non in divisione est, sed in electio-  
ne. Habes matrem, quam quidam totis redemerunt bonis, ha-  
bes gloriam, quam per ignes quidam, multi per arma quasie-  
runt. Hactenus ille, nec malè. Mater enim filio pro bo-  
nis omnibus, & pro gloriâ est: quærenda est illa filio etiam  
per ignem, etiam per arma. Quod si sic quærenda est  
mater,

mater, quæ filiolum terris genuit, & miseræ huic auræ mortali; quanto magis MARIE, quæ nos cælo gignit, vitæque immortalis, ac beatæ.

## VII. EXCELLENTIA D. IOANNIS.

*Singularis in proximum caritas.*

**D**iscipulum Christi se dixit IOANNES; sed discipulum, quem diligebat IESUS. At unde, inquires, discipulum, & quidem antonomasticè? utique abeffuso, & singulari in proximum amore, qui unica fuit Discipuli nota, character unicus, in quo id nominis videri, legique potuit; testes amo, appelloque Christi voces; verius oracula, quæ sic edidit.

*In hoc cognoscent omnes, quia Discipuli mei estis si dilectionem habueritis ad invicem.* Sed, ô Servator optime, an non erat alia disciplinæ tuæ tessera? quidni fides, quæ montes transferret imperio, quæ ventos sedaret, & maria? quidni donum miraculorum? quidni vaticinia, & de futuris rebus editæ prophetiæ? Et hæc profectò, & illa pro Discipuli notâ esse videbuntur illis, qui in extremo iudicii dicent: *Domine, nonne in nomine tuo prophetavimus, & in nomine tuo ejecimus dæmonia, & in nomine tuo virtutes multas fecimus?* Ita est enim vero, & prophetaſtis, & dæmonia è corporibus, velut ex usurpatis malè hospitiiis, ejecistis, & miracula multa patraſtis, & quidem in Christi nomine. Ecquid ergo? an inde Discipuli? minime gentium. Christum audiamus, quid ille ad hæc omnia? quid ad illos prophetas?

**Y**

quid



Chryfost.  
hic.

quid ad istos Taumatargos? hoc unum. *Nunquam novi vos.* Cur ita? quia defuit illis in proximum amor, & caritas, defuit *dilectio ad invicem*, quæ sola est Discipuli nota. Et hanc animo excepit, hanc operibus exhibuit D. IOANNES, & quidem primò in levandis proximi angustis, etiam iis, quæ corpus malè afficiunt, ut est egestas, & rerum omnium indigentia, quo in genere illustre est illud quod subjicio.

Metaphra-  
stes in ejus  
vitâ.

A D. IOANNE stipem petebat unus aliquis, cumque nihil esset ad manum, nihil in paupere vacuaque nummis crumenâ, herbam è vicino agro succrescentem prensare iussit, quantum ambæ manus caperent, Paruit ille, herbam excidit, collegitque inscius quid deinde ex illa: tum Apostolo tradidit. Mirum sanè dictu, visuque. Brevi oratione, & signo crucis herba illa quanta quanta erat in aurum abiit, & hoc illico pauperem habere iussit, indeque etiam opportunum paupertati levandæ subsidium.

Bollandus  
in ejus vita  
cap. 8.  
viii. Jan.

Dicuntur olim auri grana in ossibus S. *Frodoberti* Abbatîs apparuisse; dixisses ossa in aurum mutata: & verò mutata erant ab aureâ illius dum viveret caritate. Et herbæ in D. IOANNIS manibus in aurum vertuntur purissimum, ab aureâ etiam illius in egenum caritate: hac certè impulsus aurum sibi non retinet, nec in marsupio recondit, sed in pauperculi manus, sinumque projicit, futurus posteris omnibus exemplo, ac documento, ut & ipsi, idem quod ille, faciant. Fecit profectò S. *Marcella*, cujus hoc effatum dignum cedro. *malle se aurum in ventribus egenorum recondere, quàm in avaro tenaceque marsupio.*

Bollandus  
in ejus vita

Sed corpori, egenisque levandis datum satis, demus etiam

etiam quod communi mortalium miseriæ, atque afflictioni levandæ serviat. Et hanc levare studuit S. IOANNES etiam post fata, ut noveris etiam in cœli regia, & amare, & benefacere afflictis mortalibus. Illius Divi tunica sedente Divo Gregorio Magno perlata est Romam, & sub altari ejus col-

In vita Divi  
Gregorii  
Magni.

locata in Constantiniana Basilica. De ea porro sic *Ioannes Diaconus* illius ævi scriptor, ac testis oculatus.

*Que quidem vestes usque hætenus tantis miraculis coruscare probantur, ut siccitatis tempore foras excussæ pluviam conferant, inundationis verò serenitatem reducant.*

Ecce amorem, ecce beneficentiam illius sancti, à quo & pluvia datur arenti exsuccoque solo, & serenitas aëris reducitur pluvio cœlo, sicque miseris mortalibus levamen datur etiam corpori, demus aliud quod animo: major sanè in hunc caritas, quàm in illud; & quantum inter hæc interest: tantum inter hujus, illiusque amorem necesse est interesse.

Cùm è Pathmo Insula, in quâ diu exularat, & sibi, & suis redditus esset D. IOANNES, nihil illi magis curæ fuit, quàm animas fidei, Deoque acquirere. Has inter fuit Adolescens eximie indolis, præclarique ingenii, quem ubi sacris aquis intinxit, docuitque probè, commendavit illius loci Episcopo, qui eum in suam familiam adscivit, habuitque in primis curis, atque amoribus, utpote sacrum, ac nobile depositum sibi ab Apostolo relictum. Res initio benè cessit, ex Adolescentis bono, & Episcopi voto. Verùm ut mutabile est illius ætatis ingenium, utque ad malum proclive, à malis sociis, ceu laqueis quibusdam, irretitus in alium abiit: abiit enim à seipso, à probis moribus, à virtute, à Deo, atque



in vitia totus abiit, factus ipse prædo; imo prædonum princeps. Labuntur interea anni aliquot, cum ad illius loci Præsulem redit D. IOANNES, quæritque ex illo ecquid cum Adolescente, quid agat? ubi degat? obtulit Episcopus, vocemque tenuit; non tamen lacrymas, & gemitus, quos ut persensit Apostolus, & malum aliquod subesse præsentiens. Sic ad illum. *Age, depositum nobis redde, quod ego & Christus Ecclesiâ teste apud te deposuimus.* Obstupuit Episcopus, ratus pecuniam apud se depositam repeti, cum nulla tamen; imo nec aliud ejusmodi depositum animo occurreret. Tum Apostolus rem omnem clarius evolvens, Adolescentem, inquit, repeto, & fratris animam tuæ curæ, fideique concreditam. Cui Episcopus, mortuus est, inquit. Urget D. IOANNES, ubi? quando? & quomodo mortuus? Deo, inquit, Episcopus, mortuus enimvero est à peccato, & latrociniiis, quibus immerfus est totus. Tum Apostolus altum suspirans, atque ingemiscens ait, ô præclarum sanè fratris tui custodem, ô sacri depositi malè retinentem. At ubi, ubi, inquit, est meus ille adolescens? ubi sua exercet latrocinia? ubi prædâs facit? cumque intellexisset in vicino colle; tum equum expediri jubet, atque accersiri viæ ducem, moxque admotis calcaribus, laxatisque habenis elabitur, & præcipiti cursu in montem ascendit, statimque in prædones incurrit ipse, nihil omnino veritus, nec eorum manus fugiens, nec vincula detrectans: *Ecce, inquit, ecce me, ad hoc veni, agite, agite, ad ducem vestrum educite.* Parent illi, rati cum eo mox agendum esse quam pessimè: at ubi in ducis oculos, conspectumque venit, ab eo mox agnitus.

agnitus. Quid hic ille? an verbo lacescat juvenis senem? an manū injiciat? an spoliet & veste, & vita? minimè gentium; oculos primùm ab optimi Parentis vultu detorquet eum non sustinens: tum elabitur præcipiti fuga, fugientem sequitur Apostolus, atque inclamat. Ecquid armatus inermem fugis? juvenis senem? filius parentem? siste, siste gradum, & te parenti, tibi que redde. Hac voce, ceu tonitru percussus, sistit, & hæret quasi attonitus, tum oculos in terram abjicit, tum arma ponit, tum dextram tot latrocinii infamem, tot cædibus cruentatam occultat improbè, ratus indignam quæ Parenti quam optimo porrigatur, tum denique funditur in lacrymas, abit in gemitus, ruitque in amplexus, voceque miserabili vix exprimit, extorquetque verbum, quo culpam deprecetur, & veniam. Hæc dum oculis usurpat bonus senex, & pius parens, simul etiam animos juveni facit, veniam pollicetur, seque apud superiores, Deumque sponsores facit. Et unà etiam Ecclesiæ, Christoque, ceu summo pastori, errantem oviculam reducit, redditque; reddendam deinde etiam cælo, ac beatitati. Ecce pronus, ecce præceps Apostoli in perditam oviculam amor, ecce effusa caritas, ecce provida salutis alienæ cura; in qua sic excelluit, ut nemo magis. Utque eam factis expressit, sic & verbis commendavit quàm maximè. Cum enim jam senio gravis, & laboribus confectus nec ad Ecclesiam ire posset, nec vocem jam ab ætate grandævâ languidulam in longiores conciones expedire: deferri se curabat in sacram ædem, & cygneâ voce, hoc unum dumtaxat & thematis, & concionis loco. *Filioli diligite alteru-*



*trum* : cumque per singulos propè dies, repetitæ voces, seu stuporem, seu nauseam Discipulis creare viderentur; sic ad Magistrum illi; *quid idem semper loqueris, ô Pater?* quibus ille: *quia Domini præceptum est, quod si fiat, sufficit.* Digna Apostolo, digna IOANNE responsio, digna & Discipulo, quem diligebat *IESVS*, digna quæ ceris melioribus, quæ Divorum atriis inscribatur: sed digna magis quæ omnium imprimatur animis, & piâ quadam æmulatione etiam factis exprimat.

### VIII. D. IOANNIS EXCELLENTIA.

*Mors adinstar somni placidissima; adinstar  
& raptus.*

**E**T sua inter Authores lis, & controversia, sitne D. IOANNES mortuus, necne? sunt qui hanc, sunt qui illam amplectuntur opinionem.

S. Hippolytus, Episcopus, & Martyr, qui ex Arabia olim Romam venit ad sacra Apostolorum limina, sub Severo Imperatore, & Callisto Papa, à quo ob singularem planè doctrinam, ac vitæ, morumque sanctimoniam detentus, & creatus Episcopus Portuensis, ut in ea dignitate, velut è speculâ quadam conspicuus, Ecclesiæ, mundoque universo illucesceret. Et certè illuxit, quâ virtutum gratia, quâ doctrinæ luce, multa enim, eaque præclara scripsit, ac inter hæc etiam Canonem temporis, qui etiamnum extat excisus in statua ejus marmorea, & insigni, & ingenti, illi erecta in bibliotheca vaticana, futura monumentum æviternum ingenii

genii illius, ac scriptorum, Is, inquam, *Hippolytus* (qui deinde sub *Vlpiano* Jurisconsulto, acri Christianorum, hoste, capitis damnatus, gloriosum subiit martyrium, censet D. IOANNEM cum *Henoch*, & *Elia* in extremo iudicii die venturum, & cum Antichristo decertaturum, ab eoque tandem morte afficiendum.

*S. Hippolytum* sequuntur è recentioribus, *Catharinus*, *Salmeron*, *Barradius*, qui etiam addunt D. IOANNEM, etsi necdum mortuum, divinâ tamen dispensatione Deum videre, Deoque frui, ut Beati solent.

In eam sententiam veniunt primum ex illo Christi ad Petrum de IOANNE: *Sic enim volo manere donec veniam.*

Joan. c. 21.  
v. 23.

Deinde ex hoc, quod ipse IOANNES à Christo hæc audiit: *Oportet te iterum prophetare gentibus.* Si iterum. Equando? nisi sub extremum iudicii diem. Et ista quidem pro illa opinione.

Descendunt alii in eam sententiam, ut omnino velint esse mortuum. Ita D. *Hieronymus*, *Eusebius*, aliique communius, & is videtur ipsius Ecclesiæ sensus; cui consentio; descendoque ad felicem illius è vivis excessum; qui somno, qui raptui similis fuit, non morti, hanc nempe aut infert ignis, & ferrum, & violenta tyranni alicujus manus; aut, agritudines, & morbi, afflicto jam corpulculo, è quo animam veriùs exprimunt, expelluntque vi quadam, quàm molliter educant. At non sic D. IOANNI accidit, excessit

Metaphra-  
ses in ejus  
vitâ.

ille, abiitque è vitâ, non depulsus ex eâ, vi, impetèque tyrannico, non morbi molestiis, non agone, luctave, quæ in extremis esse solet corpus inter & animam, vitam & mor-

tem:



tem : sed quasi placido sopore, aut verius raptu. cum enim instaret decreta à cœlo dies ultima, cum Discipulis suis in vicinum urbi montem ascendit, tum iussit expediri lignum, & sarculum, & altè terram erui, sibiq̃ue sepulchri locum parari. Ubi paratus ille, defossaq̃ue profundè terra; tum sese signo crucis communiens hæc in cœlum emisit. *Et tu mecum esto Domine IESU.* Deinde hæc ad circumstantes. *Pax vobis fratres,* denique demisso molliter in foveam pallio, & ipse in foveam descendit, simulq̃ue luce quadam, ceu nube cinctus, & oculis ereptus est, & cœlis additus.

Hic omnes invasit stupor, dolorq̃ue, hic fux Parentis optimi manibus lacrymæ : hic dati gemitus, quibus ubi datum est satis, in urbem, è quâ exceſſerant, rediere, dieq̃ue proximè ſequenti iterum ad ſepulchrum, verius ad inanem, vacuamq̃ue foveam, in quam dum curioſius introſpiciunt, pallium aſpiciunt & crepidas, velut exuvias, reliquiasq̃ue illius, qui & corpore, & animo in cœlos exceſſerat. Et hic exitus fuit, hic obitus D: IOANNIS, cui ſimilem nulla vidit, nulla videbit ætas : quî enim uideret, cum ſupra omnem ſit mundi curſum, ſupràque omnes naturæ leges, non aliâ vi illatus, quam cœleſti, ac divinâ ; à quâ & illud manavit in ſæcula.

Ex ea fovea, in quam pallium demisit Apoſtolus oritur, atque emanat pulvis minutulus, maximè autem die illi feſto ; in quo quantumvis numerofus confluat populus, ex eoq̃ue pulvere hauriat, non tamen unquam exhauritur : ſed eo abundat magis, quò plus ex illo accipitur crederes eſſe  
inexhaustum

inexhaustum quemdam thesaurum, qui seipso semper uberior, semperque ditior, omnes etiam ex eo, si non divites, certè sanos facit, pulsa è corporibus, quæ attigerit, etiam omni ægritudine.

Barcinone pulverem sepulchri *S. Raymundi*, aiunt semper succrescere; etsi frequentissimè, magnaqué copia illum cruant, & secum exportent religionis causa, qui illuc commeant.

Silvester Pet.  
tra sancta  
tom. 3. Tau-  
masiz c. 2.

Pulvis pavimenti, quod est circa sepulchrum *S. Remigii*, serpentes fugat, nec ad illi dicatas ædes unquam accedunt colubri; aut si obrepant aliunde, illico pereunt.

Flodoard.  
l. 1. hist.  
Remensis.

Nimirum, annuente cælo, datum illud viris illis à virtute, illustribus, ut etiam à sepulchri pulvere florerent gratia, gloriâque miraculorum. Et hoc quia sepulchro ubi conditum corpus affusa quodammodo sanctitas, visque etiam prodigiola: sed audeo dicere, major aliqua illi pulveri, qui è *D. IOANNIS* fovea dimanat; hæc enim non aliis exuviis dives fuit quam pallio, aut crepidis: & tamen adhuc ab illâ effluit prodigiosus cinis; qui & corporibus medelam afferat, & animis.

Et hæc è cæteris non minima est *D. IOANNIS* prærogativa, quam dum suspicis, *Amice Lector*, simul suspice præclara magnæ illius mentis decora, & virtutes cælo dignas, imprimisque virgineam castitatem, quam à cunis eduxit ad tumulum, tum invictam in tormentis, igneque constantiam, tum effusam, ardentemque in proximos caritatem, tum etiam singularem in Deiparam amorem, qualis scilicet esse potest filii, & vicissim Deiparæ in *IOANNEM*,

Z

qualis



qualis & matris esse solet.

Denique teipsum ut ille ad extrema compara ; tibique sepulchrum etiam vivo defodi cura, atque in illud, si minus corpore, at saltem animo, descende , memor ultimæ lucis, ac sepulchri. In hoc certè etiam corpore descendit S. *Sere-  
rus* Episcopus Ravennas, descendit, inquam, in sepulchrum, in quo conjux sepulta unà cum filiâ conquiescebat, ibique se medium collocavit, atque in pace obdormivit ; somno veriùs quàm morte.

Animo descendit S. *Ioannes Eleëmofynarius*, qui sibi in aurem quotidie illud ingeri curabat. *Pater jube tibi perfici sepulchrum* ; eo consilio , ut semper in oculis , semper in animo esset mortis, ac sepulchri memoria. Ut tibi quoque perennis ea sit, age & D. IOANNEM, & Christianos illos Heroas imitare, ut postquam supparem illis virtutem in terris fueris adeptus ; supparem quoque illis gloriam in cœlis assequaris.



# IN CONVERSIONE DIVI PAULI.



**E**CCLESIA, ceu provida Mater, solemni cultu celebrat Sanctorum festa, & quidem eo præsertim die, quo terris crepti sunt, & cœlis additi: & hanc lucem Sanctorum veluti natalem appellat, quod in ea nascantur cœlis, & terris occidant: subinde tamen etiam natalem in terris colit, ut Divæ Matris, & S. Ioannis Baptistæ. Nullius tamen, quod sciam ad meliora conversionem, præterquam D. PAULI. quæ causa?

Una esse potest, quod miraculo facta: & non via divinæ providentiæ ordinaria.

Altera, quod per eam *Sauli* ad saniora consilia mutationem conquieverit ingens illa persecutionis tempestas, quæ concussa fuerat eo loci ac temporis enascens Ecclesia.

Postrema, ut peccatori etiam gravissimo addantur animi, nec concidant umquam à scelere quantumvis immani; si enim ab hoc, *Saulo* data venia; imò & gratiæ decus, ipsiusque Apostolici culminis gloria; quidni & aliis dabitur?

Mitto alias instituti illius festi rationes, ut veniam ad modum, quo spectante cœlo; plaudenteque terra peracta est ea Conversionis scena: pro qua sit



# QUÆSTIO UNICA

## MORALIS.

Ad illa verba: *Vicit Leo de tribu Iuda.*  
Apocal. c. 5. v. 5.

Quis ille Leo? de quo victoria?  
& quibus armis parta?

Leo Chri-  
stus.

**S**ATIS convenit inter Authores Leonem illum, de quo hîc Evangelista, esse Christum, Servatorem optimum; qui dicitur Leo ex aliis, atque aliis analogiis.

Prima, quia ortus è Tribu Iuda, cujus insigne fuit Leo.

Ad Coloss.  
2. v. 15.

Secunda, propter eximiam fortitudinem, quâ Potestates inferni, mortemque vicit: & mortis causam peccatum, *Expolians Principatus, & Potestates, & triumphans illos in semetipso*, ut ait Apostolus.

Tertia, ob regiam dignitatem: ut enim Leo Rex est animalium: sic & Christus Rex mundi.

Hilari. in-  
Psal. 132.

Quarta, quia ut Leo cæteris animantibus est terrori, & *terror omnium vigilans*: sic & Christus inferis.

Quinta, quia ut Leo apertis oculis dormit: ideoque symbolum est vigilantia: sic & Christus semper, & ubique vigil, aperto scilicet mentis oculo per beatificam visionem, & scientiam infusam.

Sexta,

Sexta, quia ut *Leo in monte oberrat*, & *Venatorem odoratur*, suaque *vestigia caudâ obtegit*, ne illis *insistentes venatores lustrum inveniant*, ipsumque *capiant*; sic & *Christus vestigia sua, hoc est Divinitatem suam, cooperuit objecta humanitate.*

Epiphani. in  
Philosol.

Septima denique, quia ut olim apud Thebanos virorum fortium sepulchris insculpebatur Leo; sic & Christi sepulchro insculpi, appingi que potuit, ac debuit: quia verè vicit Christus ut Leo, at quem inquires hostem?

Pausanias  
in Bœoticis.

Mundum vicit, mundi que principatus, atque inferni potestates, vicit & mortem, vicit & peccatum ipsâ morte gravius: sed & deinde SAULUM vicit. Et certè Alcazar hîc opinatur ab Evangelista alludi ad ipsam SAULI conversionem, quam fecisse Christum narrat fusè S. Lucas. Et hæc profectò fuit insignis victoria Leonis nostri, id est Christi, qui aliter, atque aliter vincit adversos sibi, atque rebelles; subinde molliter blandiendo, subinde terrendo suo quasi rugitu.

Illi victoria  
de mundo  
& tyrannis.

S. Sifinium sibi in iudicium præsentari voluit Laodicius Præfectus, ad extrema utique supplicia fidei causâ damnandum. Præsentavit Apronianus Commentariensis, & ipse idolorum cultor, & Christianorum persecutor acerrimus, at mox è cælo visa lux ingens, & è nube audita vox blanda: *Venite benedicti Patris mei, percipite regnum paratum vobis à constitutione mundi.* Et hæc vox fuit Leonis nostri; sed

Bollandus  
26. Jan. 10.  
S. Sifinii  
vita cap. 2. 1.



dixi abblandientis, atque allicientis paratâ cœlestis regni mercede, atque coronâ. Vis aliam terrentis, atque minitantis, accipe de S. *Athanasio Commentariensi*.

3 Jan. Spectabat ille S. *Sosynum* Eremitam præcis primùm auribus fœdè cruentum, dein in lebetem liquato plumbo horribilem, collo tenuis immersum; spectabat, inquam, cùm ecce in theatrum erupit Leo rugitu terribilis, & inter rugitus etiam humanâ voce terribilior, nam & hæc miraculo data, cum ille naturæ: Multa hîc Leo auditus loqui, multa de Leone altero, id est Christo, bonis amabili, malis autem formidabili, quæ ut auribus, ut animo excepit *Athanasius*, à S. *Sosyno* jam à tormentis, vinculisque libero, & de Christianâ fide probè edoctus, & baptisatus est. Et ecce altera *Leonis* nostri, id est *Christi*, victoria. Vis tertiam de SAULO, accipe ab Evangelista, sic inquit. *Saulus spirans minarum, & cedis in Discipulos Domini.*

De Saulo.

AA. c. 9.

In ep. ad Philem.

SAULUS nomen fuit mali ominis, sive Hebræam, sive Græcam illius etymologiam attendas. *Saul* enim Hebræicè quasi *Schaul*; id est postulat, quod ad vexandam Ecclesiam fuisset à diabolo postulatus, ut annotat D. Hieronymus, cui interpretationi consonat & illa, quâ Hebræicè *Saul* alludit ad *Scheol*, id est infernus, quod semper postulet, & nunquam satietur. Infernus insatiabiliter *cava guttura pandit*, ut canit ex antiquis nonnemo. Et is quoque fuit SAULUS, quasi semper hians ad sanguinem, & fidelium cædem. Et ista ab Hebræa etymo à *Saulo* portendebantur mala; nec minora à Græcâ: *Saulus* enim quasi à *Σάλος* dictus, id est inquietus, omnia agitans, omnia quatiens, ut solet agitatum ventis,

ventis, ac fluctibus mare, quod Latine salum dicimus.

Denique *Saulus* à *σαῦλος*, id est vitiosus, fluxus, delicatus, levis. Ecce quæ in uno nomine, mali nominis omina; nec omina tantum: sed & res ipsæ quàm pessimæ. Minæ scilicet atroces, & cædes cruentæ in Discipulos Domini.

At unde minæ? unde & cædes? utique à *Saulo*, ceu ferociente lupo in Domini gregem; in quem cadit illud Iacobi de Beniamino vaticinium: *Benjamin lupus rapax mane comedet prædam.* Et certè mane, hoc est primò comedit prædam, divitem sanè, & cælo caram, hoc est fideles, quos ad vincula, ad ferrum, ad ignes, ad mortem rapere parabat. Et re etiam ipsâ rapuisset, nisi opportunè obvius adfuisset *Leo de Tribu Iuda*, qui lupum strisset, ac debellasset, & ex lupo etiam ovem fecisset, quæ mutatio fuit: sed *Leonis* nostri. At quæ facta est illa? &

Gen. c. 49.

### *Quibus armis de eo parva victoria?*

**P**rimò cœlesti quadam, ac propè divina luce. *Subito enim circumfulsit eum lux de cælo.* Est Deus Lux Æterna, lux Divina: est Princeps, & Author lucis illius quam spectamus, & eâ pro armis utitur ad debellandos sibi, cæloque rebelles.

Quibus armis?  
Primo luce.

Ita debellavit ipsos carnifices, qui jam *S. Martine* jugulo imminēbat, subito enim eos circumcinxit lux de cælo ad instar fulguris, è quo etiam hæc vox erupit. *Nisi pro vobis orasset famula mea Martina, jam dudum periissetis.* Perculit ea vox octo carnificum aures, & animos, perculit & oculos cœlestes.

Bollandus  
t. Jan in  
actis S. Martine  
c. 2.



• cœleste lumen, atque ad fidei lucem adduxit, inde etiam ad martyrii ardores, & victrices palmas.

9. Jan. in  
act. S. Julia-  
ni c. 8.

Ita debellavit milites omnino viginti, qui *S. Iulianum*, ejusque Socios martyres in vincula, obscurosque carceres intrulerant, dum illicò hos vident, & superno lumine nite-  
re, atque illustrari, & insuper suavissimo odore compleri. Dum, inquam, hæc vident, à nocte carceris ad fidei diem accesserunt; Deo pro *S. Iuliano*, sociisque non aliis armis pugnante, quàm cœlesti luce. Nimirum victrix est illa, & quidem victrix tenebrarum, seu eas stygis esse velis, seu peccati, seu etiam peccatoris.

Et ita victrix fuit *Pauli* in Christianos sævientis, adeo  
Cap. 3. v. 11. verum illud *Habacuc* Prophetæ. *In luce sagittarum tuarum ibunt, in splendore fulgurantis hastæ tuæ.*

Ibunt enimverò peccatores; sed *in luce sagittarum tuarum*, ô Deus, ibunt & *in splendore fulgurantis hastæ tuæ*, ibunt, inquam, ad te, luce tuâ, ceu sagittâ faucii, ceu hastâ percussi, non ad mortem; sed ad vitam, vitam dico gratiæ, ac miserationis.

Et certè quidni irent ab illa luce, illoque splendore? non erat illa solis hujus, non cœli, non siderum lux erat: sed ab alio sole, Christo, inquam, è cujus corpore glorioso manabat illa lux, omni solis luce major, atque ad instar fulguris, ac coruscationis, quæ & terreret simul, & sterneret: & ita *Saulum* terruit, ac stravit: mox enim in terram concidit; quasi percussus, ac sideratus: habet enim vim illam fulmen, & fulgur; homines sternit; imò & animalia, & arbores, & domos, & templa.

Ita

Ita fulmine eversum idolum orante S. *Martina*, scilicet arma cœli sunt fulmina: quod si cœli, etiam & Christi. His certè prostratus est *Saulus*, qui cadens in terram etiam audivit hanc vocem: *Saule, Saule, quid me persequeris?* Et ecce tibi alia Salvatoris arma, quibus in *Saulum* pugnat, expugnatque. Vox scilicet, eaque cœlestis, ac divina, vox Christi. Est ille cœli ludus, ut voce sola & pugnet, & vincat etiam armatos.

II.  
Vocē

S. *Secundina*, Virgo, & Martyr inclyta, primùm à *Valeriano* Præfecto capta: dein palmis crudeliter cæsa à ministris immanis illius laniens, qui & manus, & validos lacertos explicabant, ut tenellulam virginem fœdum in modum lacerarent. At mox voce de cœlo lapsa, & sævire destiterunt, & ad *Secundina* pedes acciderunt. Hac sola voce conterriti. *Vos oratione Secundinae vivitis: aliàs non victuri.*

Bollandus  
in ejus vita  
15. Jan.

Vix enim ea vox ad aures appulerat, cùm etiam appulit ad animos, & in alios abire fecit lictores octo supra viginti, qui & à S. *Secundina* in fide primùm edocti, dein etiam sacro baptismate eluti, testes futuri, ac præcones illius fortitudinis, quæ in S. Virgine elucebat, cùm pro sanguine lac purissimum è lacero corpore effunderet, & animam Deo redderet inter illas accinentium Angelorum voces: *Veni Sponsa Christi, accipe coronam, quam tibi Dominus præparavit in æternum.*

Quod postea lictoribus illis, ac carnificibus, hoc prius *Saule*, cujus aures, animumque feriit illud tonitru divinæ vocis: *Saule, Saule, quid me persequeris?* Non sine Numine facta est ea geminatio vocis, tum ut index esset profun-



*ex persecutore prædicator, ex lupo ovis, ex hoste miles.*

Aug. l. i. ad  
Simplic. q.  
2.

O mira vis divinæ lucis, ô mira vis & vocis! Erat in *Saulo rabida voluntas*, erat furiosa, erat & cæca. Et ecce mox ad pauculas voces, & mitescit illa, & furias ponit, & cœcitatē exuit, & à morte, cui profundum indormierat, redit ad vitam.

Lib. 3. Dia-  
log. c. 17.

Verf. 8.

III.  
Cœcitate.

Serm. 1. de  
converf.  
S. Pauli.

Astupuit aliquando Iudæa cùm illud à te audiit, ô Chri-  
ste: *Lazare veni foras*: sed & astupuit magis, cùm à morte  
ad vitam, à sepulchri squallore, ac tenebris ad lucem re-  
diisse vidit: at illud astupescat magis est necesse, cùm ex  
*Saulo Paulum*, ex persecutore Apostolum, ex lupo ovem,  
ex hoste militem, ex mortuo viventem viderit; *Mortuum*,  
inquam, *mente*, ac deinde vivum & mente. Majus certè  
hoc illo miraculum est. *Lazarum* quippe *carne Dominus*  
*suscitavit*, *Saulum mente*, uti advertit D. Gregorius. At quâ  
ratione? quibûsve armis? Luce primùm, dein & voce: tunc  
etiam cœcitate: *Surgens enim Saulus de terrâ, apertisque*  
*oculis, nihil videbat*, Lux enim, quæ oculos ejus adinstar  
fulguris perstrinxerat, ei etiam visum ademerat, non hu-  
morem cristallinum exsiccando, aut tunicas oculares læ-  
dendo: sed pelliculas quasi squammas eis obducendo. Ita  
Dominus, qui prius luce pugnavit, & voce; pugnat indu-  
cta corpori cœcitate, ut dum extrinsecus quasi clauduntur  
oculi corporis, intrinsecus aperiantur oculi mentis, & per  
cœcitatē corporis, sanetur ea, quæ in illo fuerat cœcitas  
mentis. Hinc Bernardo iudice *felix PAULO cœcitas, felix*  
*& aliis. quâ scilicet malè quondam illuminati in prævari-*  
*catione, tandem in conversione salubriter excœcantur.*

Cujus

Cujus felicitatis probè conscii viri primæ notæ, ac sanctitatis, cœcitatē corporis & adamarunt, & à Domino impetrarunt.

Ita S. *Aquilinus* Episcopus, etsi cœcos ipse etiam miraculo benè oculatos faceret, à Deo tamen cœcitatē sibi petiit, & accepit. Surius  
19. Oct.

Ita S. *Andomarus* & ipse cœcus, cū sacra D. *Vedaſti* reliquæ Atrebatum deportarentur, à Deo visum sibi reddi petiit, & impetravit, ut sacra illius Divi Lipsana oculis usurpare posset: & mox ad cœcitatē redire voluit, si modò ea salutis, animæque curandæ utilior esset ipso visu; voluit, inquam, atque à Deo, beneficii loco, accepit, reliquâ vitâ cœcus corpore: at mente oculatus. 6. Febr.

Ita S. *Lutgardis* Cisterciensis Ordinis Religiosa, undecim ante obitum annis cœca, longè plura, atque majora, quàm aliàs unquam à Deo lumina hausit: adeò felix illi, ac fortunata cœcitas, uti prius & *Saulo*, felix, inquam, illi primùm; dein & Orbi universo: ut enim præclare D. Chrysostomus: *Pauli cœcitas totius Orbis illuminatio effecta est*, Horn. 4  
de laud.  
Pauli. pugnante scilicet Deo, & per cœcitatē vincente, non *Saulum* tantùm, sed & Orbem universum: cujus victoriæ socium, & velut adiutorem habere voluit *Ananiam*, ad quem & *Saulum* transmisit, novo sanè, ac mirabili, vincendi, pugnandique modo: *Ananias* enim interpretatur *ovis*. iv.  
Ananias  
præceptio-  
nibus. Ecce lupus rapax adducitur ad ovem sequendam, non rapiendam, & ne rapientem ovem expavesceret lupum, ipse Pastor de cœlo, qui omnia faciebat, nuntiavit lupum venturum ovi: sed non seviturum: & tamen tam immanis fama lupum



# QUÆSTIO UNICA

## MORALIS.

Ad illa verba: *Vicit Leo de tribu Iuda.*  
Apocal. c. 5. v. 5.

Quis ille Leo? de quo victoria?  
& quibus armis parta?

Leo Chri-  
stus.

**S**ATIS convenit inter Authores Leonem illum, de quo hîc Evangelista, esse Christum, Servatorem optimum; qui dicitur Leo ex aliis, atque aliis analogiis.

Prima, quia ortus è Tribu Iuda, cujus insigne fuit Leo.

Ad Coloss.  
c. 2. v. 15.

Secunda, propter eximiam fortitudinem, quâ Potestates inferni, mortemque vicit: & mortis causam peccatum, *Expolians Principatus, & Potestates, & triumphans illos in semetipso*, ut ait Apostolus.

Tertia, ob regiam dignitatem: ut enim Leo Rex est animalium: sic & Christus Rex mundi.

Hilari. in-  
Psalm. 132.

Quarta, quia ut Leo cæteris animantibus est terrori, & *terror omnium vigilans*: sic & Christus inferis.

Quinta, quia ut Leo apertis oculis dormit: ideoque symbolum est vigilantie: sic & Christus semper, & ubique vigil, aperto scilicet mentis oculo per beatificam visionem, & scientiam infusam.

Sexta,

Sexta, quia ut *Leo in monte oberrat*, & *Venatorem odoratur*, suaque *vestigia caudâ obtegit*, ne illis *insistentes Venatores lustrum inveniant*, ipsumque *capiant*; sic & *Christus vestigia sua*, hoc est *Divinitatem suam*, cooperuit *objecta humanitate*.

Epiphani. in  
Philosol.

Septima denique, quia ut olim apud Thebanos virorum fortium sepulchris inculpebatur Leo; sic & Christi sepulchro inculpi, appingique potuit, ac debuit: quia verè vicit Christus ut Leo, at quem inquires hostem?

Pausanias  
in Bœoticis.

Mundum vicit, mundi que principatus, atque inferni potestates, vicit & mortem, vicit & peccatum ipsâ morte gravius: sed & deinde SAULUM vicit. Et certè Alcazar hîc opinatur ab Evangelista alludi ad ipsam SAULI conversionem, quam fecisse Christum narrat fusè S. Lucas. Et hæc profectò fuit insignis victoria Leonis nostri, id est Christi, qui aliter, atque aliter vincit adversos sibi, atque rebelles; subinde molliter blandiendo, subinde terrendo suo quasi rugitu.

Illi victoria  
de mundo  
& tyrannis.

S. Sisinium sibi in iudicium præsentari voluit Laodicius Præfectus, ad extrema utique supplicia fidei causâ damnandum. Præsentavit Apronianus Commentariensis, & ipse idolorum cultor, & Christianorum persecutor acerrimus, at mox è cœlo visa lux ingens, & è nube audita vox blanda: *Venite benedicti Patris mei, percipite regnum paratum vobis à constitutione mundi*. Et hæc vox fuit Leonis nostri; sed abblandientis; quam ut audiit Apronianus, mox ad Sisinii pedes accidit, manus dedit, & supplex sacris aquis intingi voluit. Et hæc fuit insignis Leonis nostri victoria; sed ut

Bollandus  
26. Jan. 10.  
S. Sisinii  
vita cap. 2.



dixi abblandientis, atque allicientis paratâ cœlestis regni mercede, atque coronâ. Vis aliam terrentis, atque minitantis, accipe de S. *Athanasio Commentariensi*.

9 Jan.

Spectabat ille S. *Sosynum* Eremitam præcis primûm auribus fœdè cruentum, dein in lebetem liquato plumbo horribilem, collo tenuis immersum; spectabat, inquam, cum ecce in theatrum erupit Leo rugitu terribilis, & inter rugitus etiam humanâ voce terribilior, nam & hæc miraculo data, cum ille naturæ: Multa hîc Leo auditus loqui, multa de Leone altero, id est Christo, bonis amabili, malis autem formidabili, quæ ut auribus, ut animo excepit *Athanasius*, à S. *Sosyno* jam à tormentis, vinculisque libero, & de Christianâ fide probè edoctus, & baptisatus est. Et ecce altera *Leonis* nostri, id est *Christi*, victoria. Vis tertiam de SAULO, accipe ab Evangelista, sic inquit. *Saulus spirans minarum, & cadis in Discipulos Domini*.

De Saulo.

AA. c. 9.

In ep ad  
Philem.

SAULUS nomen fuit mali ominis, sive Hebræam, sive Græcam illius etymologiam attendas. *Saul* enim Hebræicè quasi *Schaul*, id est postulatus, quòd ad vexandam Ecclesiam fuisset à diabolo postulatus, ut annotat D. Hieronymus, cui interpretationi consonat & illa, quâ Hebræicè *Saul* alludit ad *Scheol*, id est infernus, quòd semper postulet, & nunquam satiatur. Infernus insatiabiliter *cava guttura pandit*, ut canit ex antiquis nonnemo. Et is quoque fuit SAULUS, quasi semper hians ad sanguinem, & fidelium cædem. Et ista ab Hebræa etymo à *Saulo* portendebantur mala; nec minora à Græcâ: *Saulus* enim quasi à *Σάλος* dictus, id est inquietus, omnia agitans, omnia quatiens, ut solet agitatum ventis,

ventis, ac fluctibus mare, quod Latine salum dicimus.

Denique *Saulus* à *σαῦλος*, id est vitiosus, fluxus, delicatus, levis. Ecce quæ in uno nomine, mali nominis omina; nec omina tantum: sed & res ipsæ quàm pessimæ. Minæ scilicet atroces, & cædes cruentæ in Discipulos Domini.

At unde minæ? unde & cædes? utique à *Saulo*, ceu ferociente lupo in Domini gregem; in quem cadit illud Iacobi de Beniamino vaticinium: *Benjamin lupus rapax mane comedet prædam.* Et certè mane, hoc est primò comedit prædam, divitem sanè, & cælo caram, hoc est fideles, quos ad vincula, ad ferrum, ad ignes, ad mortem rapere parabat. Et re etiam ipsâ rapuisset, nisi opportunè obvius adfuisset *Leo de Tribu Iuda*, qui lupum stitisset, ac debellasset, & ex lupo etiam ovem fecisset, quæ mutatio fuit: sed *Leonis* nostri. At quæ facta est illa? &

Gen. c. 49.

### *Quibus armis de eo parta victoria?*

**P**rimò cœlesti quadam, ac propè divina luce. *Subito enim circumfulsit eum lux de cælo.* Est Deus Lux Æterna, lux Divina: est Princeps, & Author lucis illius quam spectamus, & eâ pro armis utitur ad debellandos sibi, cœloque rebelles.

Quibus armis?  
Primo luce.

Ita debellavit ipsos carnifices, qui jam *S. Martine* jugulo imminabat, subito enim eos circumcinxit lux de cælo ad instar fulguris, è quo etiam hæc vox erupit. *Nisi pro vobis orasset famula mea Martina, jam dudum perissetis.* Perculit ea vox octo carnificum aures, & animos, perculit & oculos cœlestes:

Bollandus  
t. Jan in  
actis S. Martine  
c. 2.



• cœleste lumen, atque ad fidei lucem adduxit, inde etiam ad martyrii ardores, & victrices palmas.

9. Jan. in  
act. S. Julia-  
ni c. 8.

Ita debellavit milites omnino viginti, qui *S. Iulianum*, ejusque Socios martyres in vincula, obscurosque carceres intruserant, dum illicò hos vident, & superno lumine nitere, atque illustrari, & insuper suavissimo odore compleri. Dum, inquam, hæc vident, à nocte carceris ad fidei diem accesserunt; Deo pro *S. Iuliano*, sociisque non aliis armis pugnante, quàm cœlesti luce. Nimirum victrix est illa, & quidem victrix tenebrarum, seu eas stygis esse velis, seu peccati, seu etiam peccatoris.

Cap. 3. v. 11. Et ita victrix fuit *Pauli* in Christianos sævientis, adeo verum illud *Habacuc* Prophetæ. *In luce sagittarum tuarum ibunt, in splendore fulgurantis haste tue.*

Ibunt enimverò peccatores; sed *in luce sagittarum tuarum*, ô Deus, ibunt & *in splendore fulgurantis haste tue*, ibunt, inquam, ad te, luce tuâ, ceu sagittâ faucii, ceu hastâ percussi, non ad mortem; sed ad vitam, vitam dico gratiæ, ac miserationis.

Et certè quidni irent ab illa luce, illoque splendore? non erat illa solis hujus, non cœli, non siderum lux erat: sed ab alio sole, Christo, inquam, è cujus corpore glorioso manabat illa lux, omni solis luce major, atque ad instar fulguris, ac coruscationis, quæ & terreret simul, & sterneret: & ita *Saulum* terruit, ac stravit: mox enim in terram concidit; quasi percussus, ac sideratus: habet enim vim illam fulmen, & fulgur; homines sternit; imò & animalia, & arbores, & domos, & templa.

Ita

Ita fulmine eversum idolum orante S. *Martina*, scilicet arma cœli sunt fulmina: quod si cœli, etiam & Christi. His certè prostratus est *Saulus*, qui cadens in terram etiam audivit hanc vocem: *Saule, Saule, quid me persequeris?* Et ecce tibi alia Salvatoris arma, quibus in *Saulum* pugnat, expugnatque. Vox scilicet, eaque cœlestis, ac divina, vox Christi. Est ille cœli ludus, ut voce sola & pugnet, & vincat etiam armatos.

II.  
Vocē

S. *Secundina*, Virgo, & Martyr inclyta, primùm à *Valeriano* Præfecto capta: dein palmis crudeliter cæsa à ministris immanis illius laniens, qui & manus, & validos lacertos explicabant, ut tenellulam virginem scœdum in modum lacerarent. At mox voce de cœlo lapsa, & sævire destiterunt, & ad *Secundina* pedes acciderunt. Hac sola voce conterriti. *Vos oratione Secundinae vivitis: aliàs non victuri.*

Bollandus  
in ejus vi  
15. Jan.

Vix enim ea vox ad aures appulerat, cùm etiam appulit ad animos, & in alios abire fecit lictores octo supra viginti, qui & à S. *Secundina* in fide primùm edocti, dein etiam sacro baptismo eluti, testes futuri, ac præcones illius fortitudinis, quæ in S. Virgine elucebat, cùm pro sanguine lac purissimum è lacero corpore effunderet, & animam Deo redderet inter illas accinentium Angelorum voces: *Veni Sponsa Christi, accipe coronam, quam tibi Dominus præparavit in æternum.*

Quod postea lictoribus illis, ac carnificibus, hoc prius *Saulo*, cujus aures, animumque ferit illud tonitru divinæ vocis: *Saule, Saule, quid me persequeris?* Non sine Numine facta est ea geminatio vocis, tum ut index esset profun-



dislimi illius soporis, quo in peccatis indormierat *Saulus*; tum ut illius amoris, ac commiserationis, quo totus in eum ferebatur Christus, qui & subiecit illud conquerentis, atque expositulantis: *Quid me persequeris?*

Serm. 1. in  
convers.  
S. Pauli.

O verè inæstimabilis divinæ dignatio pietatis: *Illustrat cœlesti fulgore vel aforis, intus adhuc luminis incapax, qui, necdum infundi poterat, divina circumfunaitur claritate. Et vox facta est. Lucis, & vocis testimonia credibilia facta sunt minis*, inquit D. Bernardus.

Aug. serm.  
14. de San-  
ctis.

Sed quid istud. *Me persequeris*, quî enim Christum persequatur, qui in cœlo est, & extra teli jactum? *Membris adhuc positus in terra, caput clamabat in cœlo, & non dicebat, quid persequeris fideles meos; sed quid me persequeris?* Cur ita? Respondet D. Augustinus: *Persecutorem suum vocavit*

In ep. Joan.  
tract. 10.

*Persecutorem membrorum suorum.* Verè enim etiam ipsum caput persequitur, qui membra perlequitur, unum quippe videri possunt, caput, & membra. Hinc illud Augustini ad *Saulum*: *Non expavesce vocem capitis de cœlo clamantem pro membris suis?*

In ep.  
S. Joan.  
tract. 10.

Expavelcit profectò, & ait: *Quis es Domine?* an aliquis è cœlo genius? an Deus ipse? ut ut sit, Dominum vocat, & ei quasi servum se submittit. Cui Christus: *Ego sum IESVS.* Non dicit: Ego Dominus, ego Deus, ego Dei filius, sed ego *IESVS*, hoc est Salvator, qui scilicet salvare *Saulum* venerat, non perdere: quasi illi in cordis aurem diceret: *Humilitatis meæ insignia suscipe, & tuæ superbiæ, squammas depone.* Et certè quidni deponas, durum enim est tibi contra *stimulum calcitrare.*

Beda ex  
S. Gregor.

Adagium

Adagiū sumit à bobus cervicosis, qui cū ab aratoribus, vel aurigis stimulo punguntur, recalcitrant. Et ita recalcitrare antea visus est *Saulus*. Sed quis ille stimulus? alius esse potuit, atque alius. Stimulus *Saulo* fuerat & *Stephani* sanctitas, & exhortatio suis aculeis plena. Stimulus fuerat ipsa *Sauli* conscientia, quæ ut deinde dixit Quintilianus, *Lib. 5. Institut.* *Durus animo est accusator, iudex, carnifex, & vermis remordens.* Stimulus fuerat ipsa vis miraculorum, quæ viderat *Saulus*. Et jam stimulus erat aliis omnibus validior, illa ipsa Christi vox: *Quid me persequeris?* Si enim verum illud quod *Verba sapientium sint sicut stimuli, & quasi clavi in altum defixi.* *Eccl. c. 12. v. 11.* Quid erunt ipsa Christi verba? erunt certè stimuli, & quidem aculeati, ac potentes; & ii fuere *Saulo*. Audio enim, tremens, ac stupens exclamat: *Domine quid me vis facere?*

Sed unde tremor? unde & stupor? utique à Christi luce, voceque, ab insita illi potentia, ac maiestate, ad quam sequatur tremor est necesse, sequatur & stupor. Si enim *Danieli* ab unius Angeli conspectu tantus incussus timor, *Daniel. c. 10.* ut *dissolutæ sint compages illius, & nihil in eo virium remanserit?*

Si *Ezechiel* à visâ Dei gloriâ cecidit in faciem suam? *Cap. 12.* *Manue Sampsonis* pater conspecto Angelo, Dei utique vicario, exclamavit: *Moriemur, quia vidimus Deum.* Quid *Judic. c. 19.* *Saulus*, viso, imò & audito ipsomet Christo? Videamus, imò & audiamus, exclamat enim, *Domine, quid me vis facere?* jamque (ut annotat D. Augustinus) parat se ad obediendum, qui prius sæviebat ad persequendum. *Iam formatur* *Serm. 14. de Sanctis.*



*ex persecutore predicator, ex lupo ovīs, ex hoste miles.*

O mira vis divinæ lucis, ô mira vis & vocis! Erat in *Saulo rabida voluntas*, erat *furiosa*, erat & *cæca*. Et ecce mox ad pauculas voces, & mitescit illa, & furias ponit, & cœcitatē exuit, & à morte, cui profundum indormierat, redit ad vitam.

Aug. l. i. ad  
Simplic. q.  
2.

Lib. 3. Dia-  
log. c. 17.

Verf. 8.

III.  
Cœcitate.

Serm. 1. de  
convers.  
S. Pauli.

Astupuit aliquando Iudæa cū illud à te audiit, ô Chri-  
ste: *Lazare veni foras*: sed & astupuit magis, cū à morte  
ad vitam, à sepulchri squallore, ac tenebris ad lucem re-  
diisse vidit: at illud astupescat magis est necesse, cū ex  
*Saulo Paulum*, ex persecutore Apostolum, ex lupo ovem,  
ex hoste militem, ex mortuo viventem viderit; *Mortuum*,  
inquam, *mente*, ac deinde vivum & mente. Majus certè  
hoc illo miraculum est. *Lazarum* quippe *carne Dominus*  
*suscitavit*, *Saulum mente*, uti advertit D. Gregorius. At quā  
ratione? quibŭsve armis? Luce primū, dein & voce: tunc  
etiam cœcitate: *Surgens enim Saulus de terrâ, apertisque*  
*oculis, nihil videbat*, Lux enim, quæ oculos ejus adinstar  
fulguris perstrinxerat, ei etiam visum ademerat, non hu-  
morem cristallinum exsiccando, aut tunicas oculares læ-  
dendo: sed pelliculas quasi squammas eis obducendo. Ita  
Dominus, qui prius luce pugnavit, & voce; pugnat indu-  
cta corpori cœcitate, ut dum extrinsecus quasi clauduntur  
oculi corporis, intrinsecus aperiantur oculi mentis, & per  
cœcitatē corporis, sanetur ea, quæ in illo fuerat cœcitas  
mentis. Hinc Bernardo iudice *felix PAULO cœcitas, felix*  
*& aliis. quā scilicet malè quondam illuminati in pravarica-*  
*tione, tandem in conversione salubriter excœcantur.*

Cujus

Cujus felicitatis probè conscii viri primæ notæ, ac sanctitatis, cœcitatē corporis & adamarunt, & à Domino impetrarunt.

Ita S. *Aquilinus* Episcopus, etsi cœcos ipse etiam miraculo benè oculatos faceret, à Deo tamen cœcitatē sibi petiit, & accepit. Surius  
19. Oct.

Ita S. *Andomarus* & ipse cœcus, cū sacra D. *Vedasti* reliquæ Atrebatum deportarentur, à Deo visum sibi reddi petiit, & impetravit, ut sacra illius Divi Lipsana oculis usurpare posset: & mox ad cœcitatē redire voluit, si modò ea salutis, animæque curandæ utilior esset ipso visu; voluit, inquam, atque à Deo, beneficii loco, accepit, reliquâ vitâ cœcus corpore: at mente oculatus. 6. Febr.

Ita S. *Lutgardis* Cisterciensis Ordinis Religiosa, undecim ante obitum annis cœca, longè plura, atque majora, quàm aliàs unquam à Deo lumina hausit: adeò felix illi, ac fortunata cœcitas, uti prius & *Saulo*, felix, inquam, illi primùm; dein & Orbi universo: ut enim præclare D. Chrysostomus: *Pauli cœcitas totius Orbis illuminatio effecta est*, 16. Jun.  
Hom. 4.  
de laud.  
Pauli. pugnante scilicet Deo; & per cœcitatē vincente, non *Saulum* tantùm, sed & Orbem universum: cujus victoriæ socium, & velut adiutorem habere voluit *Ananiam*, ad quem & *Saulum* transmisit, novo sanè, ac mirabili, vincendi, pugnandique modo: *Ananias* enim interpretatur *ovis*, iv.  
Ananias  
præceptio-  
nibus. Ecce lupus rapax adducitur ad ovem sequendam, non rapiendam, & ne rapientem ovem expavesceret lupum, ipse Pastor de cœlo, qui omnia faciebat, nuntiavit lupum venturum ovi: sed non serviturum: & tamen tam immanis fama lupum



Serm. 14.  
de Sanctis.

*lupum illum praecefferat, ut non posset ovis audito ejus nomine non conturbari: sed & conturbationem excussit ille ipse supremus Pastor, qui mittebat; quia & ab illo lupo sevitia interdicitur, & lupus captivus ad ovem ducitur, & ab Agno pro ovibus mortuo, fit ovis secunda de lupo, ut scitè D. Augustinus. Et certè quidni esset secunda, cùm & ipse lupus deinceps sit futurus ovium custos?*

Surius in  
opus vita  
c. 37.

Non minus jucundum illud, ac mirabile, quod datum aliquando *Norberti* nomini, ac sanctimoniae. Ex ejus Monasterio puer unus aliquis in agros emittebatur, ut oves pasceret, & quidem solus sine fido ovium custode, cane: ideoque anxius: *Quid me fiet*, inquit, *quid ovibus?* si fortè incurrat lupus, ovem rapiat, efferaque? cui pio joco responsum: *Lupo præcipe, & hoc Magistri tui Norberti nomine, jussuque, ne ovem abripiat, nève devoret.* Paruit puer, incurrit in gregem lupus, ovem artipit, ac fugit, cui ille: *Siste prado, siste raptor, & ovem redde.* Paret lupus, cursum sistit, ovemque restituit: imò quod mireris, absente puero, ceu pastore, fit deinceps ipse gregis custos fidelissimus. Quod illi postea: hoc prius Ecclesiae; ceu Christi gregi, à *Saulo*, qui ex lupo factus & ipse ovium custos, ac pastor.

Et hæc tua, ô Christe victoria; hi de *Saulo* triumphi, hæc spolia erepta mundo, hæc erecta cælo trophæa. **PAULUS** scilicet ex *Saulo*; ex persecutore Apostolus, ex lupo ovis, imò ovium custos, ex vase iræ, ac contumeliæ, vas in gratiam & honorem: *Vas electionis*; audio enim, sic ais ad *Ananiam*.

*Vas electionis est mihi iste.* Vas, inquit, hoc est instrumentum:

mentum: Hebræi enim *Keli*, id est *Vas*, vocant quodlibet instrumentum. Sic *Vasa cantici* sunt instrumenta musica. *Vasa belli* sunt arma, & armati, quibus bellum agitur. *Vasa mortis* sunt gladii, & tela, quibus infertur mors. Vas igitur fuit *Paulus*, hoc est electum Dei instrumentum, quod esset in ejus, ceu supremi artificis, manu. Vel ut vertit Tigurina: *Organum electum*, in quo resonaret ipse Dei spiritus, ejus quasi afflatu animatus. *Organum electum*, quod suavem, ac cœlestem quandam ederet harmoniam, quæ homines quantumvis efferos ad se raperet.

*Amphionem* stulta jactet antiquitas, qui movit lapides Virgilius. canendo. Jactet & *Orpheum mulcentem tygres*, & *agentem carmine quercus*. PAULUM ex vero jactabit Ecclesia, velut omnipotentis instrumentum, velut organum Divini spiritus. *Instrumentum*, quod ab illo, ceu summo artifice, moveatur. *Organum*, quod non resonet nisi ex Dei afflatu, nutu, ac voluntate. Testes habeo, testes appello primas illius organi voces: *Domine quid me vis facere?* quas dum audit D. Bernardus exclamat illico.

*Hæc planè fratres perfectæ conversionis est forma, & verbum breve, sed plenum, sed vivum, sed efficax, sed dignum* Serm. 1. in  
convers.  
S. Pauli *omni acceptione.*

Hæc ubi stylo notavit, extulitque pius Præsul, tum ad nos, nostramque hanc ætatem conversâ oratione sic queritur, sic expostulat.

*Quàm pauci inveniuntur in hac perfectæ obedientiæ formâ, qui suam ita abjecerint voluntatem, ut ne ipsum quidem cor proprium habeant, ut non quid ipsi, sed quid Dominus velit,*  
omni



omni horâ requirant, dicentes sine intermissione. Domine quid me vis facere? Hæc ubi dixit, tum deplorat hujus ævi vitium; & ait. Heu plures habemus Evangelici illius cæci, quàm novi Apostoli imitatores. Cur ita? quia quod illi; hoc & nobis. Quid vis (ait Dominus ad cæcum illum) ut faciam tibi? Hanc Domini indulgentiam ut audivit, stupuitque Bernardus, sic ad illum. Quanta est misratio tua Domine, quanta dignatio tua? Siccine Dominus querit; ut servi faciat voluntatem? Verè cæcus ille, quia non consideravit, non expavit, non exclamavit. Absit hoc Domine, tu magis dic quid me facere velis. Sic enim decet, sic omnino dignum est, non meam à te: sed à me tuam queri, & fieri voluntatem.

Et ita quæsit, ita fecit PAULUS, vel in ipso limine suæ ad Christum conversionis; at non sic hodie, non sic mortaliū plerique; ut enim ille ipse Bernardus: Multorum usque hodie pusillanimitas, & perversitas exigit, ut ab eis queri oporteat. Quid vis ut faciam tibi? non ipsi querant. Domine quid me vis facere? Nimirum considerare necesse habent Ministri, & Vicarii Christi, quid sibi præcipi velint; non ipsi considerant, quæ voluntas sit præceptoris.

Quid facias? homines sunt, & abjectæ in terras animulæ: non sic Apostolus, non sic. Unum ille jactavit, unum extulit. Domine quid me vis facere? Et illud unum jactemus, atque efferamus ipsi: si ut ille ad Dominum verè converti velimus. Et cerè quidni velimus ejus & exemplo, & bono nostro tum in hac mortali vitâ, tum etiam in alterâ immortalis. In illâ quidem propriam voluntatem sanando à serpentis venenati, hoc est dæmonis, morsu; in hac

hac autem, consecutione beatitatis, quæ fructus est, & præmium abnegatæ propriæ voluntatis.


Tradit ex Fazelo *Alanus Copus*, eos qui Melitæ nascuntur in festo Conversionis S. PAULI, innoxie tractare serpentes, & venenatis moribus suâ salivâ mederi. Et hæc gratia, favorque Apostoli cæpit ex eo quo Insula Melitensis à virosis animantibus immunis esse cæpit, hoc est, ex quo ibi S. PAULO haud nocuit viperæ morsus; ex eo, inquam, tempore ad alios quoque id beneficii emanavit; uti & illud. Ex eo specu, in quo S. PAULUS menses tres exegit, eruunt, non modo incolæ, sed & advenæ, terram candidam, ut usui sit pro amuleto adversus venena omnia: sed eruunt insuper innatos lapillos subrubeos, summiq; lævoris instar linguæ colubrum, & quæ ad oram extremam appareant denticulis quibusdam asperati. Monumentum verò ii lapilli sunt miraculi ante dicti & præsentissimam opem conferunt contra virus, & pestiferas febres. Quæ res ita probata experimentis superiorum ætatum, ut terra ex eo antro eruta passim nominetur, *Gratia sancti PAULI*.

Quæ certè gratia si ad corpora emanat, multò magis ad animos, ut & hi immunes sint à viperæ morfu, hoc est à mali dæmonis suggestionibus, innoxieque tractent serpentes, hoc est peccatores, quibuscum agant, & versentur etiam innoxie; imò *saliva*, hoc est verbo Dei, & lingua sacratione venenis medeantur: id est peccatis, quæ ex vero animæ venena sunt, ac veluti pestiferæ quædam febres, contra quas præsentissimum remedium asserat ipsa D. Pauli gratia, favor, ac patrocinium, à quo, ut dixi securi vivemus, ac



Bollandus  
in ejus vita  
25. Jan.  
L. 14.

deinde securi excedemus è vita. Sic excessit S. Poppo, Abbas Stabulensis, qui sub ultimam vitæ metam à Deo supplex petiit, ut sibi liceret ipso Conversionis S. PAULI die, è terris excedere : & hoc in argumentum absolutissimæ ad Deum conversionis. Supplici annuit pium Numen, eo quippe die, cilicio ad extremam cum morte luctam accinctus, sub noctis medium & oculos, & manus in cælum extulit, & primo mane animam efflavit, & D. PAULO olim converso, jam in cæli regiâ beato, commisit, acclamante totâ, quæ circumstabat Monachorum coronâ. *Ecce, ô B Poppo, hæc hora sanctitatis tue indicio est omnibus, indicio & beatitatis : ad hanc si aspiras, Amice Lector, & cum Apostolo ad IESUM perfectè convertere ; & cum S. Poppone etiam ad PAULUM oculos, animumque converte : Sic enim, illo seu duce, seu adjutore, ibis in cæli recta, ibis in sinum æternæ felicitatis.*



# IN FESTO SANCTI MATHIÆ APOSTOLI.



ST vocatio nostra, & vitæ incundæ status quasi via, & stadium, in quo rectâ decurrimus ad metam, ut brævium cœlestis gloriæ, ac beatitatis tandem aliquando assequamur. Benè habet si quis in eo rectè currit, nec aberrat, nec desleat in avia, & invia vitiorum.

Rectâ cucurrere Apostoli numero undecim, in cœpto vitæ instituto constantes, ac firmi: sed ab eo deflexit unus, isque proditor *Iudas, ut abiret in locum suum*, locum utique devium. Ecquis ille si quæris? Oecumenio hîc, est *laqueus*, quem sibi nexuit, *D. Bernardo* est *aër*, in quo suspensus creparet *aërearum collega potestatum*. Ubi enim potius? certè Domini proditorem nec cœlum recipere poterat, nec terra sustinere. Aliis, locus ille *Judæ* proprius, erat *infernus*, cui cùm immersus esset, in ejus locum suffectus est D. MATHIAS, de cujus in Apostolatam electione mihi in præsens erit disceptatio, ad quam priusquam delabar, unius te monitum velim, *Amice Lector, ut qui se existimat stare, videat ne cadat*. Et hoc Apostoli ad Corinthios oraculum fuit; hoc D. Bernardi ad suos præceptum; quos neque à loco sanctiore, neque à vitâ religiosè prius actâ securos esse

In Psal. 90.

1. Cor. 10.



voluit. Certè ut in Clara Valletot essent eò temporis sancti, quot Monachi: neque tamen inde de salute, de æternitate tutos esse passus est: sic enim aliquando ad illos pius Præsul.

Serm. de  
diversis de  
triplici ge-  
nere cogi-  
tationum.

*Nusquam est securitas, fratres, neque in Cælo, neque in Paradiso, multo minus in mundo: in cælo enim cecidit Angelus sub præsentia Divinitatis: Adam in Paradiso, de loco voluptatis: Iudas in mundo in schola Salvatoris. Hæc ubi altius extulit Orator sacer: tum subjicit. Hæc idcirco dixerim, ne quis sibi de illo blandiatur, quia dicitur locus iste sanctus est: quia non locus homines, sed homines locum sanctificant. Sed ne longius, sit*

Serm. de li-  
gno, fœno  
& stipula.

## QUÆSTIO UNICA

### MORALIS.

Cant. c. 3.  
v. 10.

Ad illa verba: *Dilectus meus candidus, & rubicundus, electus ex millibus.*

#### §. PRIMUS.

*Ecquis ille dilectus, & cui?*

**P**Rima, quæ hîc incurrit quæstio est, quæ sit illa, quæ loquitur de *Dilecto*? tum quis ille *Dilectus*? Interpretes in tres dividuntur sententias.

Una, vult sponsam, cujus hîc auditur vox, esse *Ecclesiam*;

Altera, esse *Animam*. Postrema, *Deiparam Virginem*.  
Sponsum

Sponsum verò esse Christum. Et hic communis est Interpretum sensus, à quo paululum discedit D. Bonaventura, ut à littera transeat ad accomodatitium; ex quo illi *dilectus* sit S. MATHIAS, ad quem sic Ecclesia, ceu Sponsa. *Dilectus meus candidus, & rubicundus, electus ex millibus.* Ego in præsentia D. Bonaventuram sequar, & D. MATHIAM pronuntiabo Ecclesiae unicè Dilectum; electum ex millibus, candidum, & rubicundum: tum his ita constitutis, quaeram quomodo electus? quomodo & candidus, & rubicundus?

Serm. de S.  
Mathia.

## §. SECUNDUS.

### *Quomodo S. Mathias electus ex millibus?*

**S**I Patriam spectes, & natale solum, *electus* certè è millibus, utpote è *Bethleem*, è quâ & ipse Christus, reparator Universi. Si Tribum, è quâ prognatus, & ab hac *electus*: regia quippe fuit, & *Tribus Iuda*, de qua prodiit & ipse Christus, ut in his, & illo cum eo consentiret.

Si Parentes, & ab iis quoque cœlo propitio *electus*, fuerunt enim illi ut genere, & prosapia: sic & virtute illustres, in qua ferè vera nobilitas. Si magistrum à quo jam inde à teneris annis in bonis artibus, & in avitâ lege, ac cæremoniis edoctus probè, & ab hoc etiam *electus*: fuit enim ille S. Simeon, Sacerdos summus, qui & Christum ulnis excepit, & in cygneas illas voces erupit. *Nunc dimittis servum tuum Domine secundum verbum tuum in pace.* Simeon dico, vir ea ætate nulli secundus, de quo sic *Lazius*, antiquus auctor.

Bollandus  
24. Febr. in  
Actis S. Mathiae c. 1.



*O beatum virum, qui sub umbrâ positus opera lucis exercebat, qui Legi subditus virum gratia præferebat.*

AR. c. 1.  
v. 26.

Si deinde Vocationem : & ab hac quoque electus, primum à Christo in sortem, ac numerum septuaginta duorum Discipulorum : Tum etiam à Petro, & cæteris Apostolis in locis Iudæ proditoris, in Apostolici culminis dignitatem, à qua verè electus ex millibus. At quomodo electus? sorte, ut Scriptura testatur : *Dederunt enim sortes eis, & cecidit sors super MATHIAM*; & hoc in confesso est apud omnes : sed illud in dubio, quæ fuerit illa sors.

*Gagneius, Salmeron, & Sanches*, opinantur sortem illam non aliud fuisse, quàm scrutinium suffragiorum, quibus electus in Apostolum MATHIAS. Cui sententiæ favet, quod ab illâ sorte dicitur *annumeratus est*, Græcè *communibus calculis cooptatus est*. *Vatablus, & Pagninus*, suffragiis additus est undecim Apostolis, fuere igitur suffragia, & iis cooptatus in Apostolum MATHIAS.

*Lorinus, Mariana, Cornelius*, aliiqûe electum sorte propriè dicta, ut ipsa verba sonant; sic videlicet ut uni chartulæ inscriptum fuerit *Iosephi* nomen; alteri autem MATHIÆ, tum sorte eductum è duobus unum, quod MATHIÆ fuit, Domino sic sortes attemperante.

Quo autem sortiendi modo, quæve ratione non constat? constat illud apud Antiquos aliam, atque aliam fuisse sortiendi rationem.

Apud alios enim in sinum conjiciebantur chartulæ, aut globuli. Apud *Homerum* in galeam. Apud *Plantum* in titulam. Apud *Ciceronem* in hydriam. Apud *Virgilium* in urnam.

urnam. Quid apud Apostolos eò loci, ac temporis, non liquet. Hoc certè liquet in electione ad Ecclesiasticas dignitates, & Infulas, in usu fuisse sortes.

Vacabat Archiepiscopatus Bituricensis, cùm illi Præsullem eligi placuit: sed etiam sorte, pro quâ mittendâ sic conventum, ut ex Ordine Cisterciensi, cujus in Ecclesia tum florebat eximia sanctitas, ex Abbatum numero deligeretur unus aliquis: sed missâ sorte. Ventum igitur ad sacram Divæ Virginis ædem: & sub augustum Missæ sacrificium, inscripta schedulis Abbatum nomina, & sub altaris pallâ reposita tum eo peractò, à Sacerdote educta est una, & quidem sorte, ac fortuito, in eaque inventum nomen *S. Guilielmi Abbatis Caroli Loci*, & hic illico proclamatus est Archiepiscopus, & totius Aquitanix Primas. Maneat igitur etiam eâ ætate usum fuisse sortis, cujus & in nascente Ecclesiâ usus fuerat; & fortassis etiam fuit in ipsâ D. MATHIÆ ad Apostolatum electione; etsi non desint authores, & doctrinâ & sanctitate conspicui, qui secus omninò sentiant, velintque ascitum in eam dignitatem cœlesti prodigio, quæ illi fors fuit, & quidem fortunata.

Certè D. *Dionysius Areopagita*, censet fuisse cœleste quoddam, ac propè divinum signum, quod Scriptura sortem appellavit: ipse verò quiddam divini, & præcipui muneris.

*S. Antonius* existimat fuisse radium è cœlo in MATHIÆ caput emissum.

*Dionysius Carthusianus* opinatur fuisse columbam cælitus in eum delapsam.

Ita:

Bollandus  
x. Jan. in  
eius vita  
c. 1.

Ecc. Hier.  
c. 5.

1. Parte.  
tit. 6. c. 2.



Ita nimirum subinde fieri solet amabili Dei providentiâ, à quâ si quis ad Infulas destinatur, simili aliquo prodigio demonstratur.

Bollandus  
tom. 1. Febr.  
die 1. in ejus  
vita c. 2.

Ravenna, Præsule mortuo vacabat sedes Episcopalis, cum ecce de altero substituendo cogitat Clerus, populusque; Operi textrino intentus vacabat B. Severus, qui sic ad uxorem: *Vadam, & videbo visionem mirabilem, quomodo divinitus è cælo columba veniat, & super caput electi confideat.* Vadit enimverò, & quia pannosus erat totus, atque in speciem abjectus, ad templi valvas sese abscondit: sed mox cæli indicio panditur; expletâ quippe ad superos oratione, ecce candicans columba supernè devolat, atque in B. Severi caput illabitur, confidetque. Quid hîc Vir Dei? columbam iterum, iterumque à capite suo removet, abigitque quâ potest: sed pertinaci volatu, lapsuque redit illa, & dilectum sibi caput revisit, ei que insistit. Quod ut advertit Clerus omnis, populusque B. Severum in Episcopum sibi deposcit, eligitque. Quod illi columbæ indicio; hoc aliis cœlestis luminis appullu. Ita supernæ lucis radio demonstratus fuit Pontifex D. Gregorius, cognomento, & re etiam ipsâ, Magnus. Quod si adolescente jam Ecclesiâ illi sic in Præsules adlecti, quidni & in nascente D. MATHIAS eadem quoque ratione in Apostulum sit assumptus?

Lambertus  
Monach.  
Trevir. in  
M. S. c. 1.

Certè Treviris in Monasterio, (cui à D. MATHIA nomen est, & fama) ubi de sacris illius reliquiis ex profundâ sepulchri nocte, cruendis actum est; non tam destinato hominum consilio, quàm mirabili Dei providentiâ factum,

factum, ut ex prodita sint indicio stellæ, quæ suboriens & Civitatem Trevirensis, & totam, quâ longè; lateque patebat, provinciam, suâ luce perfundere videbatur. Crederes, non stellam fuisse; sed ipsum solis jubar, adeo lucebat, ardebatque tota: Quod si sic ostensæ exuvix magnæ illius animæ, quidni simili aliquo lumine, ad Apostolicæ dignitatis lucem dicatur ipse tum electus, atque evectus? Verùm ut ut sit, sorte sit electus, an prodigio, quod pro sorte fuerit, non multum interest: hoc autem plurimum, quod cœlesti, divinaque sorte, à quâ profecto venit ad Apostolici gradus fastigium, ad regium in animas imperium, sacramque majestatem, ad Christiani ducis officium, ad cœli claves, & supremi post Deum Iudicis ministerium.

Extollant Syracusani suum olim Iovis Sacerdotem in annos singulos sortitò electum.

Sortem suam prædicet Dionysius Syracusanus, vel ex eo, quòd ex littera M, quæ illi sorte obtigerat, augurium cœperit suæ deinde Monarchiæ, ac majestatis.

Judices suos jactet Arcopagum litteris in urnam conjecis, & fortuitò eductis ad id muneris ascitos. Reges suos ostendent Hebræi. & Saulem prædicent, aliosque fortunatâ sorte ad coronam evectos.

Suas & Græci Colonias sortibus deducant, suas & alii, quibus *funes ceciderant in præclaris*. Tuam ego (ô Divos inter longè maxime) tuam inquam, ô MATTHIA, extollam sortem, ab eâ quippe & summus es in Dei templo Sacerdos, & Regibus potentior, & Iudicibus formidabilior, obtento scilicet in animas imperio, extensoque, non



ad unicam dumtaxat monarchiam: sed ad Orbem universum; nec hunc tantum, quem pedibus terimus, sed & illum quem oculis, quem animo suspicimus, cœlum dico, cœlestemque monarchiam, in quâ tibi cum cæteris Apostolis commune est imperium, communisque dominatus, felici sanè, ac fortunatâ sorte, ipsis etiam Cœlitibus invidendâ.

Bonum omnino factum, in cujus aliquam partem si venis (ô Christiane) & sanè quidni venias à Deo vocatus in partem sortis Sanctorum? *Cognosce* in eo divinæ vocationis beneficio *justitias, & judicia Dei*, qui te è millibus; imò & propè innumeris elegit, & *sta in sorte propositionis*, sta, inquam, & constanter persevera in propositâ tibi sorte, hoc est, in vocatione tuâ; atque *in partes vade sæculi sancti*, id est per bona opera sic profice, ut tibi tandem aliquando obtingat pars aliqua sæculi sancti, pars gloriæ, ac beatæ æternitatis.

Ita certè cognovit, & amavit justitias, & judicia Dei, ille ipse, qui in oculis est S. MATHIAS, ita stetit in propositâ sibi Apostolici muneris sorte, atque ita *venit in partes sæculi sancti*, & nunquam interitura æternitatis. Et hoc quia à Deo electus ex millibus.

At quî, inquires, electus? si Latinam vocem attendas, ea est in aperto: at si Hebræam, occulta, ac secreta explicat mysteria, quæ sub unâ latitant vocula. Hebræicè enim est *Dagul*, id est, *Antistans, princeps, excellens*, atque adinstar vexilli cæteris eminens: verbo uno *vexillatus*. Hinc *Vatablus* vertit: *Vexillatus* in decem millibus; hoc est eodem interprete, *gerens vexillum crucis inter omnes Christianos*.

Ecce

Ecce quæ D. MATHIÆ encomia continet, aperitque vel unica vocola. Ex illâ quippe antestatur omnibus, eminet omnibus, ut in acie explicari, eminereque solet venillum. Et certè Christianas inter acies eminere visus est D. MATHIAS, quâ nitore candidæ mentis, quâ rubore fusi pro Christo sanguinis, ut postea videbimus,

§. TERTIUS.

*Cur D. Mathias candidus? & unde candor?*

**P**ulchritudinem corporis, quæ animæ est vestis urbana, in duobus reposuit *Plato*. Primò in suavitate coloris, deinde in ipsâ membrorum harmoniâ. Est autem ille color candidus rubore mixtus, & vermiculatus, hoc est roseus. Qualem *Adonidi*, Iuvenum pulcherrimo dedere *Poëta*, quos inter *Statius*, qui sic de illo:

*Niveo natat ignis in ore*

*purpureus.*

Et hinc factum existimò, ut sponsa, sponsi sui venustatem petierit à colore, eoque candido, & rubicundo; quem etiam (ut non abeam à propositâ mihi in præsens quæstione) *Ecclesia*, cœu sponsa in D. MATHIA, cœu sponso suo, commendat. Fuit ille longè speciosissimus, quia *candidus* & *rubicundus*. At quis, inquires, ille candor? quis & rubor? ne crede eum fuisse qui corpori, qui faciei insidet (hic enim ad sponsi pulchritudinem, & castos sponsæ amores, aut parum, aut nihil attinet) sed multum ab illo diversum, eum scilicet, qui evadit ad animum, ejusque in cœlestis sponsæ oculis decorem mirè commendat. At quis



iterum ille: est candor niveus puræ mentis, est vitæ, morumque innocentia tota candida.

De Christo, qui ex vero sponsus est, & quidem cœlestis, ac divinus, extulit istud symbolum Nicænum: *Quod candor sit lucis æternæ, & speculum sine maculâ.* Et justus omnis, & sanctus omnis, candor est, & candor lucis ab æternâ illâ participatæ. Est & *speculum sine maculâ.* Et is fuit S. MATHIAS: quod primò probat vel ipsum nomen; omen, & prælagium futuræ in illo sanctitatis: dein & vita omnis. Et quidem ad nomen quod attinet, MATHIA fuit, quod alias, atque alias patitur etymologias, atque interpretationes.

Venerabili Bedæ MATHIAS idem est, quod *Dei donum*, vel *donatus à Deo*, ut vel in ipso nomine omen esset, donandum à Deo in Apostolum Ecclesiæ.

Aliis MATHIAS idem est quod *parvus Dei*, parvus, inquam, ab humilitate, insignique demissione, qualis esse solet in pueris, & parvulis, quibus ut innoxia, ut puræ sunt animulæ; sic & humiles, & sui despicientes in paucis.

Aliis denique MATHIAS idem est quod illud: *Quid tu Deus?* quia conflatum credunt ex Hebræo *Maatta ia*, id est, *quid tu Deus?* quasi vel ipso nomine sibi diceret MATHIAS. *Quid tu, Deus?* quid ego? tu abyssus omnis entis, omnisque boni; ego abyssus nihili, & omnis mali. Qui profectò sensus est humilis, & abjecti in seipso animi. Ecco quæ in uno nomine magnarum virtutum decora, atque ornamenta; candor puerilis; & insignis morum innocentia, cui germana soror, & comes humilitas, comes & nivea puraque castitas, à quibus meritò dicitur, & est S. MATTHIAS

totus

totus candidus, & quia is est, etiam jure meritissimo audit & donum Dei, & donatus à Deo. Sed hætenus nomini datum satis, demus etiam vitæ, illi maximè, quæ fuit in Apostolici culminis dignitate: quæ porro fuerit illa, vel ex eo liquet, quòd etiam ante adeptum illud sacræ majestatis fastigium fuerit innocentissima, & longè sanctissima; Argumento sit illud, quòd cœlesti, divinaque sorte sit electus; & præpositus ipsi Ioseph, qui vocabatur Barsabas, & cognominatus est <sup>AA. c. 1. v. 23.</sup> justus. Cum enim ageretur de substituendo aliquo in locum, sedemque Iudæ proditoris: Apostoli, cæteri que fideles ex omnibus duos dumtaxat elegerunt: quasi Apostolatus candidatos, ut super eos mitteretur sors, & videretur super quem ea caderet. At quales illi, quantique viri?

Primus fuit Ioseph Barsabas, Iacobi Minoris & Iudæ, ac Simonis, Apostolorum, frater, indeque etiam ipsi Christo proximè sanguine junctus; eoque nomine, ut videbatur eligendus. Maximè cum ad illam cum Christo, Deoque cognationem accederet illustris vitæ morumque sanctimonia, à quâ cognomen hoc accepit Iustus. Pulchrum omninò nomen, quod ne vacuum fuisse putes illius, quam præferbat laudis, paucis accipe, quid deinde illo factum sit.

Creatus primò Eleutheropolis in Palæstinâ Episcopus, quo in munere divini verbi prædicationi vacavit impensius; tum etiam fidei causâ multa à Iudæis passus est, propinatumque sibi venenum etiam bibit, exhaustique innoxius, ad extremum in Iudæâ glorioso fine quievit, atque inter Sanctos relatus est, coliturque etiam modò Beatos inter, <sup>Martyrol. Rom. 20. Julii.</sup> ac Dei electos. Et tamen ut is esset, non est in Apostolum



alcitus, nec sanguini datum illud, nec iustitiæ illius, ac sanctitati; ut meritò dari poterat, & humano calculo etiam debebat: sed in MATHIAM fors incidit, non humana: sed divina, ut ex illa nosces quis, quantusve cælo iudice esset ille. Quod si is ante acceptam à Deo Apostolici muneris dignitatem, quis, amabo te, *mi Lector*, illam adeptus? collige ex incenso in Deum amore, & zelo ardentiorè animarum. Hunc explicuit primùm in Iudæâ, quæ illi obtrigit, deinde in Æthyopiâ, vastissimâ illâ, incultaque regione, quam sic pervasit, sic excoluit: ut miros inde fecerit animarum proventus, non tamen sine labore, sine sudore multo, quem fudit in magnâ illâ, & periculosâ peregrinatione barbaras inter nationes, per avia, & invia locorum sparsas; in quibus candida illa anima sic versabatur, ut nihil inde maculæ, nihil animo luis contraheret. Nimirum illi usu veniebat, quod purissimo solis radio, qui sive in flores, cultasque ac nitentes areolas incidat, sive in putidam, foetentemque cloacam, semper innoxius incidit. Et ita semper incidit S. MATHIAS, eoque à cœlesti sponsâ dilectus, quia totus *candidus*: sed & totus *rubicundus*, ut jam ostendimus.

## §. QUARTUS.

*Cur D. Mathias rubicundus? Et unde ille rubor?*

**I**N promptu est responsio, quia Christi Martyr. Martyres vocavit auctor unus aliquis modò *Candidatos* *Æternitatis*, modò *Heroës Purpuratos*. *Candidatos* quidem, non solum à niveâ vitæ innocentia, ac puritate: sed etiam à cœlesti

Silvester  
Petra sancta  
in Tausna-  
fia ver. Rel.  
sora. 2. c. 36.

cœlesti quodam candore lucis, qui in illorum ore, vultuque emicabat, eosque à reliquo hominum cœtu discriminabat.

Certè Maximianum Principem ferunt, id credidisse de S. Luciano Martyre, & fuisse admonitum etiam periculum fore, ne Christianus evaderet, si eum contueretur. Quod causæ fuit, cur nonnisi velo interjecto alloquii copiam fecerit, quando eum iussit adduci.

Ex Simco-  
ne Meta-  
phratte.

Quod D. Luciano Martyri, hoc & S. MATHIÆ evenit: ille enim ipse lucis radius, qui ei pro sorte fuit, indicioque claro divinæ electionis, etiam fuit pro candore: imò & ardore mentis, quo niteret, quo micaret totus, ex vero *candidatus Aternitatis*, sed & *Heros purpuratus*, at quâ, inquires, purpurâ & quo murice? non alio quàm affuso sanguine.

Hunc porro in Martyribus candorem, hunc & ruborem ostendit, aliquando Deus etiam miraculo.

Unum volo, unum amo in Apostolo Paulo, de quo sic Baronius: *Ex communi traditione habetur tres fonticulos scatere cœpisse dulcis aquæ, ubi Paulo caput excisum tribus saltibus, vi quadam divini spiritus agitari visum est, quorum primus dulcis lactis saporem reddit aliquâ ex parte. Ceteri haud longè à primo distant, cujus rei ea ratio afferri solet, quod ipso primo fluxu lac venæ dederint, & inde sanguinem: ut inde nosces Paulum & Cœli Candidatum à lacte, & Heroem purpuratum à sanguine.*

Anno Chri-  
sti 69.

Sed paululum abeo à proposita mihi quæstione, ad illam redeo, & inde ad D. MATHIAM, quem appellavi, probavique *Aternitatis Candidatum*; modò appellabo, probaboque



probaboque etiam *Herodem Purpuratum*.

Iudæis pariter, ac Gentilibus Dei verbum, ceu cœleste semen, copiosâ manu sparserat Apostolus; cum & ab his, & ab illis impeti se sensit, primò verbis acrioribus, ceu linguæ jaculis; deindè etiam saxis, ac lapidibus, consueto Iudæis supplicio, denique etiam ferro, quo illi præcisum caput, ut ex immani illo vulnere, ceu patente portâ, exiret animus *candidus, & rubicundus*, exiret, inquam, & Christo redderetur, ac Deo: terris occidens, & cœlis nascens. Quî autem factum illud paulò fusiùs accipe. Christum ut Messiam Iudæis annuntiabat Apostolus, non tulerunt illud rebellia cœlo capita: ad Iudicis tribunal, ad Pontificem illicò rapuerunt; qui cum liberas illas de Christo voces non ferret, ut blasphemum lapidibus ex more legeque obruendum popello tradidit.

Ex M. S.  
Trevir. c. 3.

Ducitur ergo, atque ex urbe educitur in *Bethlaskila*, hoc est *Domum lapidatorum*. Hîc testes duo secundum legis mandatum illius capiti, ceu mortis victimæ, manus imponunt; tum primi in illum lapidem singuli mittunt, vibrantque valido impete, & hos lapides sibi consepeliri voluit; petiitque Apostolus, futuros utique testimonio invictæ mentis, ac veluti gloriosi martyrii instrumenta; quæ etiam irent ad posteros omnes; denique, (ut aliquid etiam in hoc Romano præsidio delatum videretur) securi, Romano more percussus est, & sic per immania laxa, per ferrum, per vulnera, per mortem è corporis ergastulo in libertatem filiorum Dei, in cœli regiam sinumque Divinitatis evolvit magna illa mens, & cœli novi, hoc est Ecclesiæ  
Intelligentia;

Intelligentiâ; sicque mortalibus occidit, & Immortalibus nata est.

Beatus omnino qui sic occidit, sic & nascitur. *Carolus* Imperatorem, hujus nominis quintum, audivimus de tribus gloriari solitum. Primò, quod ipso D. MATHIÆ sacro die natus esset. Secundò, quod eodem adeptus imperium. Tertiò, quod eodem insignem de hostibus suis victoriam consecutus. Nec certè tanto Cæsari defuit occasio, causaque sic gloriandi: sed audeo dicere, major illi, qui ex vero gaudere, gloriarique poterit, eo se die cœlo per gratiam renatum, eo se die insignem de se, suisque passionibus, ceu domesticis hostibus, victoriam reportasse, eo denique se die consecutum, non terræ imperium; sed cœli regnum. Ut porro sic & gaudere, sic & gloriari possis, *mi Lector*, age, esto ut ille Ecclesiæ, ceu sponsæ tuæ *dilectus*, esto *electus ex millibus*, ut sis, esto etiam *candidus* à virgineâ puritate, & innocentia vitæ: esto & *rubicundus* à fuso Christi causâ sanguine; sin minus reipsa (quod paucis omnino conceditur) at saltem voto, & imitatione, quod offertur omnibus. Esto denique D. MATHIÆ cultor eximius, sic enim ubi-rem ab illo gratiam excipies, seu cœli rorem, seu cœlestium charismatum fontem, seu denique oleum divinæ miserationis, quod in te per illius manus, ac patrociniura effluet. Certè, & hæc, & illa adpromittunt, visa ad illius reliquias olim prodigia.

Cùm piæ illius Divi exuvie adhuc laterent in altâ defossæ humo, civis unus aliquis ad illius sepulchrum excavans, oransque concubia nocte, sibi conspiciere visus est

Ex codet.  
M. S. c. 4



D. MATHIAM jacentem, & quasi placidè sopitum, sub quo manabat, fluebatque fons uberrimus, è quo hi se abluere, illi bibere, alii corporis tabem, morbosque diluere videbantur, adeo medicus erat fons ille. Et hoc primum annuente cœlo prodigium, aliud accipe.

Cùm sacra illius ossa educerentur è terrâ, in quâ diutissimè jacuerant; primum ex illis emanavit odor suavissimus, tum Sacerdos in paucis illi devotus, qui ipsius reliquias eruerat ipse, tractaratque; hoc deinceps ab eodem Apostolo beneficium accepit, ut quoties de illius cultu, ac veneratione ageret; illico ex ejus dextera stillaret oleum; index utique Apostolicæ caritatis, ac miserationis, quod & in illum, & in alios omnes ejusdem cultores effluet quàm uberrimè; utque in te effluat, opto, voveoque, *benevole Lector.*



# IN FESTO SANCTI JOSEPHI VIRGINIS SPONSI.



CRIPTORES Antiqui ut Virorum illustrium encomia in lucem efferrent, eos inter se, & cum aliis componere soliti.

Ita Plutarchus Græcos Romanis comparat, & unumquemque suo simili. Theſeum cum Romulo, Hanniba-

lem cum Scipione Africano. Alexandrum Magnum cum Iulio Cæſare. Demosthenem cum Cicerone. Agesilaum cum Pompeio. Themistoclem cum Camillo. Aristidem cum Catone. Pirrhum cum Caio Mario. Periclem cum Fabio Maximo, Licurgum cum Numa Pompilio. Solonem cum Publicola, Lyſandrum cum Sylla; & ita alios cum aliis. Et hoc, quia sic compositi lucem aliquam, commendationemque sibi mutuò affundunt: ut solent inter se juncta in cœlis minora sidera.

Quod Plutarchus deinde: hoc longè ante Ecclesiasticus; qui IOSEPHUM componit cum *Enoch*, *Sem* cum *Seth*. *Adamum* denique cum cæteris hominibus. Ego in præſens aliis omissis Ecclesiastici vestigia legam, & S. IOSEPHI, Virginis Sponsi encomia deducam, utarque illis ipsis

D d 2

vocibus,



Ecc. 4. 49.  
v. 16. 17.

vocibus, quibus olim ille: *Nemo natus est in terrâ qualis IOSEPH*; tum quæram quis ille IOSEPH? denique cur nemo natus qualis ille?

## QUÆSTIO UNICA MORALIS.

**Ad illa verba:** *Nemo natus est in terrâ qualis Ioseph.* Ecclesiastici c. 49. v. 617.

**Quis ille Ioseph? & cur nemo natus in terrâ qualis ille?**

**D**Uos Orbi sub oculos ponit Ecclesiasticus, quibus nemo mortales inter par fuit.

Unus est *Enoch*, primo mundi sæculo ante diluvium nulli secundus.

Alter est IOSEPH, posteriore post diluvium sæculo & ipse nulli secundus. Cujus rationem si voles, hanc effert; *Qui natus est homo, princeps fratrum, firmamentum gentis, rector fratrum, stabilimentum populi.* Et hæc IOSEPHI encomia quasi in compendium coniecta; è quibus illud, uti primum; sic & singulare: *Qui natus est homo*, Græcè ἀνὴρ, id est *vir*, quia jam inde à puero virilem sapientiam, gravitatem, virtutemque præ se tulit: cùm alii contrà, nec homines nascantur, nedum viri, quia in eâ ætatulâ, illis infantilia, puerilia sunt omnia, virile nihil.

**Ad**

Ad hoc in IOSEPHO viri nomen, decusque, accedit quòd ideo natus sit, ut esset *Princeps fratrum, firmamentum gentis sue, & populi stabilimentum*. Et hæc de Patriarcha IOSEPH dicta sunt; cui IOSEPHUM Virginis sponsum comparare, mihi est animus: sed in hoc tantum, quòd *nemo natus sit in terrâ qualis IOSEPH*. Hoc enim, ut de illo verum: sic etiam de hoc longè verissimum.

I. *Ex ipso nomine, quod ex vero Ioseph.*

**M**irum profectò, quæ apud Antiquos omnes boni nominis cura, quæ observantia, quæve religio; ex hoc enata, quod crederent in eo multum esse boni ominis, multumque momenti ad latiores in vitâ successus. Quæ opinio apud omnes propè invaluit seu in togâ, seu in sago; seu etiam in Ecclesiâ.

Ex antiquiore disciplinâ militari, ducibus id curæ fuit; ut in primo agmine, primisque ordinibus, statuerentur ii, quibus boni augurii nomen esset; quale vel Cæsar, vel Alexandri, vel Scipiada, vel aliorum, qui spectabantur ut fulmina belli.

In re politicâ illud etiam lege cautum, ut in publico foro prostant venalia nomina, eaque speciosa, & fortunata, quæ parentes filiis suis coëmerent, atque imponerent.

Melius, & sanius in Ecclesiâ, in quâ Theodoretò teste Parentibus illud commendatum imprimis, ut filiis suis ea deligerent nomina, quæ à Christiano robore, ac fortitudine magis essent commendata, qualia rebantur esse illustrium in Ecclesiâ Martyrum.



Lib. de  
operib.  
Christi.

Ratio si petitur, eam olim extulit D. Cyprianus, quod *nomina magnarum rerum indicia sint*, vel etiam omina. Quod si ea sint, multò magis sacrationa IESU, MARIAE, ac IOSEPHI nomina, de quibus pronuntiavit illud aliquando Vir pius: *Hæc tria nomina, bona sunt omina, & mundi lumina, & cæli limina.*

Serm. 142.

Omina quidem, quia boni aliquid portendunt. IESUS enim salutem promittit vel ipso solo nomine. MARIA verò Dominium ostendit ~~universi~~; ut enim aureè D. Chrysologus: MARIA Hebræo sermone, Latine Domina nuncupatur, ut Dominatoris Genitricem trepidatio deferat servitutis, quam nasci, & vocari Dominam, ipsa sui germinis fecit, & impetravit auctoritas.

Lib. 2. de  
Virg. MA-  
RIA cap. 1.

IOSEPH denique incrementum pollicetur, idem enim est quod *accrescens*, sibi primùm: dein & aliis. Ut enim diserte Cassianus: IOSEPH *vir justus erat ex lege, justus ex fide, justus ex moribus.*

Ecce ut incrementum illi vel ipso nomine. Accipe ut etiam aliis. IOSEPH, inquit, *nomen augmenti sibi congruum magisque mysterio; quoniam omnia erant augmentanda per gratiam; & mundi detrimenta, jam ad incrementa revolvebantur.*

Senescens Orbis per tot sæcula ingentia passus erat *detrimenta*, detrimenta dico rationis: facti enim erant homines sicut equus, & mulus, quibus non est intellectus: *detrimenta fidei*, quot enim universo sparsi infideles? quot idolatræ? notus in Iudæa (hoc est in uno mundi angulo) Deus, ignotus cæteris. *Detrimenta* denique gratiæ ab  
immani

immani illâ scelerum omnium eluvie, quæ terram occupabat, mergebatque, à IOSEPHO, qui felici omine *accrefcens* appellatur, *ad incrementa revolvitur*, incrementa dico rationis, fidei, gratiæ, ac salutis.

Ecce, quæ in uno nomine bona sunt *omina*, Ex quibus certè *nemo natus in terrâ qualis IOSEPH* etiam

## II. *Ex ipsâ nativitate.*

**D**E antiquiore illo IOSEPHO dixit Ecclesiasticus : *Qui natus est homo*, Græcè *άνήρ*, id est *vir*. Et de Virgine MARIA pronuntiavit Evangelista : *Desponsatam viro, cui nomen erat IOSEPH*. At cur, inquires, *Viro*? quid in hoc mysterii? quid gratiæ? quid virtutis? quid ornamenti?

D. Athanasius opinatur cœlesti consilio, cœlestique oraculo dictum ab Angelo, *Virginem desponsatam viro*, *primum ut ostenderet MARIAM verè hominem esse*. Ea quippe Ep. ad Epictetum. eius dignitas, ea erat excellentia, ut nisi fides cohiberet, non dixisses hominem : sed quiddam humano majus, & propè divinum; propeque Numen alterum. Ut ergo hominem proderet Angelus, adjecit illud *Desponsatam Viro*: quia non desponsatur Viro nisi homo, nisi fœmina. Deinde dicitur *Viro*, quia de IOSEPHO verè dici potuit : *Hic Vir, hic est.*

Alii, qui nascuntur ex communi mortalium lege, communique sorte, in qua nihil naturâ majus, nihil experts corruptionis, & nativæ labis, maculæque originalis; ii, inquam, sic nascuntur, ut & rationis expertes sint, & gratiæ,  
&



& quod inde consequens est, animales toti; imò & toti cœlis, ac superis invisi; Deique ( quod propè summum est malum ) inimici.

Serm. de  
Nat. Virg.

At non sic S. IOSEPH: *natus is est homo*, imò & homine quid majus, quia natus in gratia, quam vel ex ipso matris utero hausit, privilegio planè singulari; de quo sic Gerlon Cancellarius Parisiensis: *Sicut decuit ut Virgo summâ puritate niteret: sic decuit ut haberet suo modo parem sponsum purissimum.*

Sed unde suo modo par? è duobus maximè, primum, quia uterque sanctificationem in utero recipiens.

Alterum, quia cum perpetuâ Virgine virgo permansit. Et certè ea jam inde ex utero hausta sanctitas, IOSEPHUM omnino decebat; ut Virginis sponsum, ut Christi nutritium; imò ut Patrem.

Sed hoc, inquires, non videtur IOSEPHO singulare, quia etiam aliis, & quidem plurimis id privilegii concessum existimant Authores non infimæ notæ.

De Ieremiâ certè id censet D. Antoninus.

De Patriarchâ Iacob S. Ambrosius.

De Moyse S. Ephrem. De Sampsonè alii.

De S. Iacobo Minore Egesippus, & Eusebius Cæsariensis.

Ad Galat.  
c. 1.

De S. Paulo idem sentiunt nonnulli ex illo ipsius de se testimonio. *Cum autem placuit ei, qui me segregavit ex utero.*

3. Part.  
sum. tit. 18.  
c. 5. 6.

De S. Nicolao qui natus stetit rectus, & de B. Dominico, qui jam in cunis, egrediens lectum, jacebat in terra, idem opinatur D. Antoninus. Non igitur in eo singularis D. IOSEPHI nativitas? enimverò singularis: etsi enim ex eo capite

cāpite non esset singularis, quod nonnullis aliis etiam id commune, uti jam insinuavimus; aliunde tamen aliquid sibi uni proprium, ac peculiare vindicare potuit; & quidem primò ex copiâ infusæ tunc gratiæ, collatæque sanctitatis, quam ex eo haurio, quòd Gerson IOSEPHI in utero sanctificationem componat & jungat cum eâ ipsâ Virginis in utero sanctificatione, quam uberrimam, & longè maximam fuisse constat vel ex eo, quod Dei Mater esset aliquando futura; quidni etiam in IOSEPHO, vel ex hoc quod Dei Pater & ipse futurus esset. addo quod & Virginis custos, ac sponsus.

De *Abinadab* Eleazari filio, habetur illud in libris Regum, quod *sanctificaverunt eum*, vel ut Chaldaea versio exponit: *Preparaverunt, ut custodiret arcam Domini.* 1. Reg. c. 7.

Ecquid, amabo te, *mi Lector*, erat *Arca Domini*? lignum erat, & ut pretiolum esse, ac videri posset: attamen lignum erat, & quidem aridum, atque exsuccum, quo clauderatur manna; ceu ros quidam cœlestis; & tamen ut ea tantum esset *Arca*, qui illam custodire debuit, præparari & ipse debuit, sanctificari debuit. Et non debebit S. IOSEPH, qui verioris, nobilioris; imò & propè cœlestis *Arce*, id est Virginis custos esse debuit fidelissimus? debebit enimvero; at quæ præparatio? quæ sanctificatio? ea certè, quæ viventis illius, ac cœlo spirantis arcæ custodem decebat, illius, inquam, arcæ, quæ non manna clauderet: sed Verbum Patris, sed Dei Filium, sed Deum ipsum. Et hæc prima ratio, propter quam *nemo natus in terra qualis IOSEPH*; cui accedit etiam altera, quia natus est *princeps fratrum*,

Ec

firmamen-



*firmamentum gentis, stabilimentum populi.* Natus dico, non factus. Mirum illud in IOSEPHO Patriarcha, qui ut inter fratres minor esset natus; factus tamen est eorum princeps; non naturæ, aut natalium vi, & privilegio: sed cœlesti gratiâ, ac divinâ prædestinatione, quæ illum sic nasci voluit, sic à primo nativitatis instanti destinavit, ut esset aliquando *Princeps fratrum, firmamentum gentis suæ, stabilimentum populi*, uti reipsâ fuit, cùm ad Ægyptiaci Imperii culmen evectus est. Quod IOSEPHO Patriarchæ, hoc & IOSEPHO Virginis sponso; qui *natus princeps fratrum, firmamentum gentis suæ, & stabilimentum populi*, ut ex dicendis magis patebit: uti & illud, quod *nemo natus in terra qualis IOSEPH*, etiam ex hoc

### III. Quòd Virginis Sponsus.

CUM IOSEPHUM, dico Virginis Sponsum, similem dico, & propè parem: hoc enim exigunt sponsalium leges, & pacta, sive naturæ dona spectes, sive fortunæ, sive etiam gratiæ.

In prima hujus Universi molitione, postquam è limbo meliore formatus Adam, ne solus esset sine teste, sine comite, sine conjuge, vitæ locia, dixit conditor omnium *Gen. c. 2.* Deus: *Faciamus adjutorium simile sibi.* Conjugem vocat *adjutorium* viri, & vult illud esse *simile*, simile, inquam, à naturâ, simile & à gratiâ. Quod primis in orbe nuptiis, primisque conjugibus datum est, etiam cœlo iudice; hoc & secundis, hoc & postremis, hoc & omnibus dari debet, si fortunatas ac felices velis esse nuptias, ac beata conjugia:  
similes

similes sint, & quantum natura, gratiaque patitur similes sint conjuges, & per omnia quâ licet pares etiam in ipsis fortunæ bonis, ex illo Poëtæ etiam profani:

*Si qua voles aptè nubere, nube pari.*

Quod si receptum illud ex hominum sensu, & calculo; quidni etiam ex cœlesti, ac divino? si Rabbini habenda fides, Assenetta Ægyptii Pontificis filia seipsam in arctiore turri, ceu carcere, clauserat, certa mori Virgo, & nulli nubere nisi Deo. Fortè in oculos incurrit Patriarcha IOSEPH, & simul incurrit in animum, amoresque, ac deinde etiam in Sponsum venit, utque veniret, in dotem illi ab Ægypti Rege numerati sex scutorum milliones: ingens omnino summa, & digna Pharaone, digna & Virgine dos fuit. Si à profanis ad sacra transire mihi liceat: dicam ego, quod templo sese arctè incluserat MARIA, certa vivere, & mori Virgo, nec umquam esse Mater, nisi Dei, & quidem Virginitate semper salvâ; quærendus ad hoc fuit Sponsus, & quidem similis, ac propè par; Sponsus, qui & ipse Virgo; & ecce cœlesti prodigio offertur IOSEPH.

De Virgine nuptui tradendâ deliberabant inter se Sacerdotes, dubii, & anxii cui traderetur; sed dubium mox sustulit audita cœlo vox, verius oraculum; quo significabatur cum Virgini dandum esse Sponsum, cujus virga florisset, & cujus capiti advolans columba insedisset. grata fuit ea vox, & gratum oraculum, cui illicò respondit eventus, nam & IOSEPHI virga mox germinavit in flores, & à virgâ columba devolans, in IOSEPHI caput involavit, eique insedit.

Ec 2

Hujus



Hujus porro seu oraculi, seu prodigii testes habeo Aucthores probæ notæ, & sanctos Patres, quos inter, S. Eustachius in suo Exameron. Sic ille de IOSEPHO: *Simul atque à Sacerdote virgam accepit, ex eâ columba volans capiti IOSEPH infedit, quare princeps Sacerdotum, Sacerdotesque omnes, qui convenerant rem admirati, pari voto MARIAM illis desponderunt.*

Hoc porro miraculum sæculis longè consequentibus confirmatum etiam novo miraculo.

Anton de la  
Penna in  
eius vita.

B. Margareta; IESU, MARIÆ, ac IOSEPHI, ut erat amantior, sic eos cordi suo altè impresserat, imò & voce sæpiùs expresserat, dum sic læpè sæpiùs ad socias Virgines: *O si sciretis vos, quod ego in corde meo gesto, & retineo.*

Hæ porro voces sæpiùs ab illâ auditæ, fecerunt, ut mox à morte corpus aperiri placuerit, & ecce novum, atque à sæculis inauditum prodigium. Ubi, exenteratum corpus, eductum, diffusumque cor, in eo repertæ tres veluti gemmæ: in quarum una visebatur Virgo miri decoris, in alterâ infantulus, quem cingebant oves innoxæ; in postremâ Vir, aspectu, specieque venerabilis, in cuius caput involabat columba. Et hæ quidem non è mari indico petitæ gemmæ; sed cordi sanctissimæ Virginis adnatæ, apprimè referebant castos illius amores, IESUM, MARIAM, & IOSEPHUM, quorum imagines impresserat ipsa Dei Omnipotentis manus. Sed ne longius: ad IOSEPHUM redeo Virginis sponsum, etiam miraculo designatum.

At quis? & quantus ille? quantus certè Virginis sponsus;  
hoc

hoc est sponsæ similis. Is enim esse debuit si sponsus, & hoc cœlesti consilio, cœlestique gratiâ. Ubi enim aliquem elegerit Deus cuicumque demum muneri, cuicumque & dignitati, cum & huic, & illi parat, additis ad hoc è cœli gazis, melioribus donis, ita cum Apostolos elegit, idoneos Ad Coloss. c. 3. fecit Ministros Novi Testamenti, idoneos dico, à doctrinâ, inditaque divinitus sapientiâ; à quâ, cæteroquin rudes, ignarique piscatores, & Platōnem sapientiâ, & Aristotelem subtilitate, & Demosthenem superarent eloquentia, à quâ verissimum illud, quod extulit aliquando D. Ambrosius, *scientia piscatorum stultam fecit sapientiam philosophorum.* Quod si in Apostolis id usuvenit, non eveniet in Virginis sponso, in Dei ipsius Patre, ac nutritio? eveniet enim verò, fiet ille idoneus virginali conjugio, fiet omnino dignus Virgine sponsâ, Dei Matre: adeoque illi persimilis, illi propè par; audeo dicere, illi quodammodo superior. Si enim Apostolo teste *Vir est caput mulieris, & IOSEPH MARIÆ*, Ad Ephes. c. 5. ceu sponsæ, caput fuit.

Et hinc summa IOSEPHI dignitas, laus, & commendatio; quod Virginis, quod MARIÆ sponsus, quod dum dico, omnia dico.

D. Gregorius Nazianzenus oratione funebri habita in laudem sororii sui, D. Gorgoniae sororis suæ mariti, cum omnia, quæ de illo jactari poterant, brevi compendio; imò verbulo uno complecti veller, pro eâ quâ erat eloquentiæ vi, *Vultis, inquit, uno verbo virum describam? Vir erat Gorgonia, nec enim scio quid amplius necesse sit dicere.*

Ec 3.

Quod.



Math. c. 1.

Quod Sacer Orator de illo dixit; hoc Evangelista de IOSEPHO, de quo ubi sermo incidit, *Virum* appellat *MARIÆ*, & hoc ad laudem satis. Ecquid enim cum *virum* dicit, sponsum dicit; coronam dicit, coronam gratiæ, coronam sanctitatis, coronam gloriæ, ac beatitatis. Ut enim Apostolus: *Mulier est corona Viri.*

2. Cor. c. 7.

Philonis uxor cum ex patriæ more rituque renuisset capiti suo auream coronam imponere; exprobranti sibi; scitè, & prudenter respondit, non aliam se vellè coronam præter mariti virtutem: hæc enim, inquebat, mihi pro coronâ est, & omni capitis ornamento. Quod illa fortassis ex nimia amoris inclinatione pronuntiavit, hoc ex veritate S. IOSEPH, cui non aurea, non gemmea, non stelligera si voles coronâ erit pro nobili capitis ornamento: sed uxor, sed sponsa, sed Virgo *MARIA*. Hæc certè erit pro corona, pro diademate: uti enim mulieri Vir est subinde pro coronâ: & *Mulier diligens coronâ viro suo*, ut rectè Sapiens. Multò magis *MARIA* suo Viro erit pro coronâ; quam quia capite circumgestat, meritò de illo dixerim: *Nemo natus in terrâ qualis IOSEPH*, quia nemo natus *Vir MARIÆ*, *MARIÆ sponsus*. Et hinc delabor ad aliud gloriæ caput, & hoc quidem excellum, cœleste, ac propè divinum. Hoc nempe

Prov. c. 12.

#### IV. Quod Christi Pater.

**N**E crede à sola generatione quemquam esse, & dici posse Patrem. Sunt enimvero alii, atque alii tituli, aliaque

aliaque nomina, quæ Patrem faciant, & notent, è quibus is est.

Primus, jure veri, & legitimi matrimonii : qui enim uxorem ducit, ejus filii pater est, etsi cum mundo, & carni non genuerit : quia ex vero maritus est, & illa ex vero uxor; adeoque, ut hæc mater, sic & ille pater : Ut enim verum matrimonium esse potest sine copulâ carnali : sic & verè filius sine illâ : & hoc ex ipsius connubii lege. Ubi Adamum inter, & Evam incundæ nuptiæ, dixit ad illos Deus : *Erunt duo in carne unâ*, quod si duo in carne unâ, consequens est ut unius fœtus censei possit fœtus alterius, & hoc jure translati dominii corporum, quod fit per matrimonium, in quo *mulier corporis sui potestatem non habet, sed vir.*

Res patebit in simili. Sit tibi ager, sit hortus, cujus verè sis Dominus, quidquid in eo crescit, tuum est : etsi tuis ipse manibus nec severis, nec plantaris : ratio in oculis est, quia quod succrescit in fundo, accrescit Domino fundi, & omni jure illius est. IOSEPHUS uti sponsus : sic & Dominus virginæ corporis, è quo proinde, quod nascebatur, IOSEPHO quodammodo nascebatur, & IOSEPHI erat ut Domini, ut Patris. Et hic primus, ac potissimus titulus ex ipsius connubii lege, ac naturâ petitus.

Alter erat ex communi hominum sensu, quo IOSEPHUS Christi Pater erat *Putativus* ; opinionè haustâ ex matrimonio, quod IOSEPHUM inter, & Virginem intercedebat.

Alius denique Patris titulus à S. IOSEPHI merito, ac sanctitate quæsitus. Fiunt alii à naturâ Patres, dum eo jure, quod



Serm. 14.  
de Temp.

quod matrimonii lex admittit, ac parit, utuntur: eo dum cedit IOSEPHUS, & Virginem sponsam relinquit, & amat; eo jure Virginis filii Pater est; jure dico gratiæ, ac meriti. Virgo, Dei Mater ut esset, commeruit illibata Virginitate. *Sit MARIA Mater Christi virginitate servata, in-* quiebat Augustinus, atque etiam *sis & tu IOSEPH, Pater Christi, curâ castitatis, & honorificentiam virginitatis.*

Prima quippe tibi cura fuit, primusque honor Virginem servare, quam Virginem acceperas, dumque servas commeruisti quod Virgo: illa Dei Mater ut esset, virginitate suâ promeruit; & tu ejusdem virginitatis custodiâ, curaque, Dei hominis Pater ut sis promereberis, quod quantum sit, & quam excelsum, novit is, qui novit quam excelsus Deus; quæ cum veluti partitur Patris nomen: ille quippe Filii Pater est in cœlis, hic autem ejusdem Pater in terris.

Iactet Romanus Orator, indeque se magnum æstimet, quod *Pater Patriæ sit appellatus.*

Iactet Augustus, quod Senatorii ordinis Pater.

Alius quod Pater populi, Abraham quod Pater multarum gentium; ista, inquam, jactent pusilli mortales. Tu sanctissimæ Patriarcha, hoc unum in fronte ostenta, quod Christi sis Pater, & hoc ad laudem satis.

Sabellio teste antiquus Orator dum Philippo Macedoni panegyricam orationem contexit, pro coronide; adjicit illud: *Hoc unum dixisse sufficiat, Philippe, filium te genuisse Alexandrum.* Alexandrum dico belli fulmen, & orbis dormitorem. At quid & quantum illud? quantum Alexander, hoc

hoc est, quantum homo luteus, quantum mortalis, quantum urna pulveris, quantum bulla, quantum vanitas. *Vanitas enim omnis homo.*

Melius, ô melius de te ipso hoc unum dixisse sufficiat, ô IOSEPH, Filium te habere Christum, in quo, omnia dixi; dixique & illud quod in quæstione est. *Nemo natus in terrâ qualis IOSEPH.*

V. *Quia Christi Nutritius, & illi familiaris in paucis.*

**N**ON est in postremis reponendum illud, quod IOSEPH Christi *Nutritius* fuerit, hoc est illius, qui nutrit orbem. De Ecclesiâ extulit aliquando magnificum illud Isaias: *Erunt Reges nutritii tui, & Regina nutrices tue.* Cap. 49. Fuit nimirum illa laus, illa commendatio, illud decus nascentis Ecclesiæ, quod illi fuerint *Nutritii Reges, & Regina nutrices.*

Dicam, & verè dicam de parvulo IESU, quod de Ecclesiâ Vates: *Erunt Reges nutritii tui, & Regina nutrices tue.*

At quæ Regina? qui Reges? ne multos quære, néve multas. Plus satis unus, plus satis & una. Regina est Virgo, Christi Mater, hæc Infantulum nutrit, & lacte potat. Rex est S. IOSEPH, qui Christum alit, ac sustentat, non ut Reges solent petitâ è gazis opulentioribus annonâ, sine curâ, sine labore, sine sudore: sed arte suâ, eaque fabrilî, atque in paucis laboriosâ; sed opere manuum suarum; sed in sudore vultus sui; quod ut operosum est, ita longè maximum.



Gen. c. 3. Primo homini, id est Adamo, in peccati pœnam dictum illud : *In sudore vultus tui vesceris pane.*

Et secundo Adæ, hoc est Christo, & dictum illud ; imò & factum. In sudore vultus optimi Patris tui vesceris pane : quod IOSEPHO quàm gloriosum, quàm magnificum fuerit, nemo non videt ; qui modò videt quid sit sudor, & quid velci pane in sudore vultus : Hoc enim omni annona, omni munificentia ; omni liberalitate pretiosius, qui enim sic nutrit, quasi de seipso, dequæ suâ substantiâ nutrit ; ecquid enim est sudor, nisi expressa quædam liquidioris sanguinis portio ? ex quâ quæ alium nutrit, & sanguine suo quodammodo nutrire dicendus est ; adeoque si IOSEPH Christum nutritivè labore suo, sudore suo ; & sanguine quoque suo nutritivè dicendus erit : quod ut infanti Deo gratissimum : sic & IOSEPHO gloriosissimum.

Ad hoc amabile, ac suave *Nutritii* nomen accessit singularis quædam cum Christo familiaritas, qualis parenti cum filio, infantulo cum nutritio esse solet, ea sese explicuit multis, & clarissimis beneficentiæ divinæ argumentis ; è quibus

Primum fuit quod IOSEPHO sese visendum tot annis dederit, ut qui continuò esset in oculis, esset etiam in amoribus.

In Regula  
Monach.  
Tit. de Ca-  
stitate.

De S. Ioanne Bapt. dixit aliquando D. Hieronymus : *Vivebat in eremo, & oculis desiderantibus Christum, nihil aliud dignabatur aspicere.* Et nihil aliud etiam IOSEPH, quid enim aspicere desideret, qui Christum aspicit ? Aspiciebat autem IOSEPH, non solum ut alii, speciem illam, vultumque,

vultumque, & ora infantuli: sed longè penitiùs, etiam ipsam, quæ corpore tegebatur animæ gloriam, natasque ex eâ dotes gloriosi corporis; imò & ipsam Dei ter opter max. essentiam.

De illâ mihi author, & sponsor erit Bernardinus de Bustis, qui sic aliquando:

*O Sanctissime IOSEPH si Petrus semel tantum videns gloriam, & pulchritudinem IESV transfigurati, dixit: Domine bonum est nos hic esse. Quid tu dicere debebas, cui non semel, sed sæpius ut piè creditur, se benedictus IESVS transfiguratum in corpore glorioso ostendit; dumque sic ostendit, & in se rapuit æstu quodam suaviore vel amoris, vel voluptatis; sed tum maximè, cùm etiam aperto mentis illius oculo, divinam essentiam visendam obtulit; ut obtulisse credunt Viri pii & docti, qui opinantur & Virginem Matrem, & IOSEPH UM Patrem eò evectum esse, ut Dei essentiam, sub Christi corpusculo latentem clarè, atque apertè, ut est in seipsâ viderit, videndoque amarit quàm ardentissimè.*

Serm. 12 de  
dispon-  
satione MA-  
RIÆ.

Novarinus  
l. 4. Electo-  
rum excu-  
su CXVI.  
n. 1081.

Qui autem factum illud, ex Theologorum placitis edisce. Censent illi hominem etiam in hac viâ mortalis vitæ, privilegio singulari elevari posse ad claram apertamque Dei visionem, & hoc, modo duplici.

Primùm, concursu Dei extraordinario, & supra omnes naturæ vires, ordinemque: quo sic attollitur, ac roboratur intellectus, ut Deum ipsum, divinamque essentiam clarè attingat, penetretque quantum mortali fas est, & hoc tantum per transennam.

Secundò per lumen aliquod humanæ menti infusum,



quale ferè in beatis est lumen gloriæ: hoc instructus, atque elevatus intellectus in arcana Dei, divinamque essentiam evadit, eamque quæ licet obtutu claro sibi objicit, & hoc, ut dixi, transeunter: ut enim transiens est lumen illud; ita & transiens visio. Et talis videtur fuisse in S. IOSEPHO, etiam dum in vivis ageret.

Ab illo porro divinæ essentiae aspectu, dum sibi redditur; redditur & humanitati Christi de vicino contemplan-  
dæ, familiaritate vel ipsis Angelis invidendâ. Hujus beneficio, modò Infantem IESUM brachius gestat, pectorique suo apprimat; modò oscula legit, & casti amoris oscula; modò in ipsius sinu recumbit, quiescitque suavissimè, ex eoque haurit & altioris sapientiæ fluentia, & divini amoris incendia deducit, sicque totus & lucet, & ardet. Lucet ab effuso cœlestis sapientiæ lumine, ardet autem ab incenso in IESUM amore, atque ab hoc, illôve virtutum omnium in se rivulos derivat quàm copiosissimè. Quidni enim deriveret?

Si verum illud, quod qui ramulum illius plantæ, quæ dicitur *Agnus castus*, vel solâ manu prensarit, gestaritque; fieri in paucis castum. Quidni & totus Virgo sit IOSEPH, totus & castus, qui Agnum castum, Agnum Dei suis ulnis gestarit, qui pectori suo appresserit, qui oscula infixerit; imò qui in ejus sinu quasi conquieverit? *Leonides* magni *Origenis* pater, ac deinde Martyr invictus; cùm filiolum in cunis placidè dormientem aspiceret, dicitur quàm lapissimè & oscula illius pectori dedisse, & lacrymas unâ cum osculis infudisse, ex hoc, quod Deo revelante didicisset, quantum

quantum aliquando in eo scientiæ esset recondendum.

Quæ *Leonidi* deinde in Origenem suum inclinatio, ea prius IOSEPHI in IESUM Infantulum, in cuius sacro pectore, *absconditi erant thesauri omnes sapientiæ, & scientiæ Dei*, quos ut haurit liberaliùs; ita etiam in sibi devotos clientes effundit liberalissimè, si modò ii sint, qui esse debent. Ut porro ii sint, sit

## CORONIS HUIUS DISCURSUS PANEGYRICI.

*Nonnulla seu pietatis, seu venerationis in  
D. Iosephum officia.*

PRIMUM erit eximia quædam illius veneratio. Est Trinitas in cœlis: *Pater, Filius, & Spiritus Sanctus*. Est & Trinitas in terris. IESUS, MARIA, IOSEPH: quibus secunda post Augustissimam Triadem debetur veneratio. Hanc aliquando reddidit Hispanus mercator; de quo S. Vincentius Ferrariensis, reddidit, inquam, non tam voce, quàm reipsâ. Solebat ille die natâli Domini tres pauperculos domi suæ lautiorè mensâ excipere: nempe sceminam, senem, & puerum; & hoc in memoriam illius Triadis IESU, MARIE, IOSEPH, quæ olim visa in stabulo Bethleëmitico.

Serm. de  
Natali Do-  
mini.

Placuit superis ea devoti animi veneratio: cùm enim ad extrema venisset mercator, jamque anima abiturienſ esset in extremis labris; adfuit, & oculis sese spectandum dedit IESUS, MARIA, IOSEPH, & hæc illi in aurem: *Quia nos*



*Et domi tue, intimisq̃ue penetralibus sæpius excepisti. Veni modo, corpus hoc mortale, Et terras desere, Et cœlis gaude, epuloq̃ue cœlesti. Et hoc pro terrestri casa, proq̃ue epulo terrestri quod nobis apparasti; Et quo nos olim excepisti. Dixit & illius animam excepit, utique deportandam in sinum ipsius Sanctissimæ Triadis, in sinum æternæ beatitatis. Tantum interest, quî IESUM, MARIAM, IOSEPHUM colueris in terris, & hoc primum sit bonæ mentis in D. IOSEPHUM, ceu Tutelarem, officium: cui sua merces, est mors bona, mors fortunata. Et hanc jam inde in terris cùm adhuc viveret, IOSEPHO adpromisit IESUS, ut devotus parenti filius, sic enim ad illum Molano teste: *Ero auxiliator omni homini in Ecclesiâ Iusterum, qui in die memoria tue, ô IOSEPH, Deo sacrificia obtulerit, Et qui meditabitur in vitâ tuâ, Et laboribus tuis.**

Haftenus IOSEPHO, IESUS; qui stylo notat duo eximie pietatis obsequia. Primum est oblatum Deo sacrificium inter ipsa Missarum solennia. Alterum accurata meditatio in vita, ac laboribus sanctissimi illius Patriarchæ; cui addo tertium impositionem nominis illius, quæ sanè est boni ominis.

Hanc aliquando accepit B. *Hermannus*, Canonicus Regularis; lubet illius paucis meminisse.

Nox erat media cùm solitis precibus in choro vacaret *Hermannus*, cui oblata hæc species.

In chori medio spectabatur Virgo miri decoris, miri & splendoris; cui à dextrâ, levaq̃ue assistebant Iuvenes duo, & ipsi formâ mirum quam decori, quos Angelos esse intellexit,

intellexit, ad tantæ Virginis, ac Dôminæ obsequia paratissimos; quos oculo dum lustrat, ac demiratur, simul etiam ex eorum uno audit: *Cuinam desponsabimus hanc Virginem?* Sur. ad quæ alter. *Cui? nisi fratri hic præsentî?* tum ille. *Adsit igitur.* 7. April. Adfuit tremulus, ac paveus; tum rursus ille. Oportet hanc Virginem tibi in præsentîâ desponderi.

Quid ad hæc *Hermannus*? primò animum occupavit timor, tum etiam pudor, tum sui conscia demissio, abjectaque humilitas, ex cujus sensu indignum cùm se dicit, eo Virginis connubio; Angelus dexteram illius prensat, & Virginis dextræ copulat: adjiciens & illud paranymphe; *Hanc ego Virginem tibi trado sponsam.* utque tibi imposteriorum sit sponsa; & nomen sponsi pariter accipe: dixit; & deinceps IOSEPH vocitari voluit, sic qui *Hermannus* prius audierat, deinde IOSEPH semper audit; nomine certè felici, ac fortunato, quo velim gaudere quàm plurimos, ut simul & sponsâ Virgine gaudeant, & IOSEPHI nomen dum induunt, induant & castos tam hujus quàm illius amores.

Ita certè eos induit R. P. *Alexis Salo* Capucinus, cui proinde morientî adfuit MARIA, adfuit & IOSEPH, & illius animam apertis quasi ulnis admisit, deportandam utique in sinum æternæ beatitudinis. Ut & tuam sic deportet, *Amice Lector*, sit tibi MARIA, sit & IOSEPHUS in amoribus: sit & virginea tam hujus quàm illius castitas vel ipsius etiam IOSEPHI exemplo.

Visus ille aliquando *Ioannæ de Loudun* sinistra *Lilium* Anno 1657. prætendens: dextrâ verò cor accensum, & flammeum, in  
cujus.



234 DE SANCTO IOSEPHO VIRGINIS SPONSO.  
cujus medio legebatur augustum MARIÆ nomen : at  
cur *Lilium* ? cur & *Cor flammeum* ? In oculis est responsio.  
*Lilium*, ut castitatis symbolum. Cor autem igneum ut sym-  
bolum amoris MARIANI, ut vel exemplo suo te doceret,  
& virginitatis amores, MARIANOS ignes, quibus totus  
ardeas. Ubi portò sic arseris, & igne MARIANO, &  
castis D. IOSEPHI amoribus : ab his, & ab illo sua tibi mer-  
ces erit primùm in hac vita, à candida, ac nitenti gratiæ  
veste. Et ita fuit D. *Teresa*, quæ sic de seipsa. Dies erat  
Assumptæ in cœlum Virginis, cùm mihi visa est aflare  
Diva Virgo ; aflare & illius sponsus D. IOSEPH ; & tam  
hic, quàm illa mihi aptare vestem miri candoris, miri &  
splendoris : illius qui nivem vinceret, hujus autem qui  
etiam solem. Et hic mihi primus à Virgine favor, cui  
mox accessit etiam alter : me quippe manu prensans, gra-  
tias egit, quod zelo, affectuque altiore in IOSEPHI sponsi  
sui cultum ac venerationem sedula incubuissem : tum adje-  
cit & aliud, peterem quidquid luberet, indubiè me obren-  
turam, in cujus promissi arrham torquem aureum collo  
injecit, unà cum Cruce gemmis, & unionibus divite. Ecce  
quæ in terris merces, videlicet lux gratiæ, & splendor carita-  
tis, à qua manet alia in cœlis, felix scilicet, ac beata æter-  
nitas.

# IN FESTO SS. APOSTOLORVM PHILIPPI ET JACOBI.



ULTA sunt, eaque speciosa nomina, quibus Apostolos descripserunt aut sacræ Paginæ, aut Divi Patres.

Scientiæ altioris *lumina* appellavit In Math.  
S. Hilarius, ex illo etiam primæ Veritatis ad illos oraculo: *Vos estis lux mundi.* Math. c. 7. Eadem appellatione usus S. Cyril-

lus, eos esse dixit *Oecumenica lumina*. S. Dionysius ab Areopago *Soles* esse, & dici voluit: & sic etiam D. Joannem Evangelistam *Evangelii solem* nominavit. In c. 45. Isa. Ep. 10.

Arnobius *Cælos* esse credidit, in quibus & justitiæ sol, & illustria stellarum merita. *Cæli, inquit, facti sunt Apostoli, habentes in se solem justitiæ, & merita in modum stellarum pro varietate diverso splendore radiantia,* quibus ab Ecclesia sublati eveniret, quod cælo subductis sole, luna, ac stellis, ut disertè notavit D. Ambrosius: *Ipsam cælum sine sole non habet decorem suum. Tristes sine sole dies ducimus; noctes sine luna non placent: ipsi enim sunt quidam mundi oculi. Detrahe stellarum lumina, & quedam est in cælo ipso cæcitatatis deformitas: sic & in Ecclesia si Apostolos detrahas.* Hinc etiam ab aliis appellantur *orbis oculi*, quos, ut eleganter Tertullianus ait, *Christum in agnitionem veritatis oculavisse,* ut Lib. de Noë, c. 7.

G g

homines,



homines, quos fraus, & impietas exocularat, quodammodo ocularent Apostoli; quod quia fecerunt, probè dicti sunt ex vero *mundi oculi*. Et ita Magnum Athanasium

Orat. 23.

D. Gregorius Nazianzenus vocavit *Sanctissimum orbis oculum*.

Ep. 41.

Alii Apostolos tanquam *Lucernas* ostenderunt in ipso Ecclesiæ candelabro, ut qui in Ecclesiâ oleum lætitiæ effunderent, densasque seu ignorantia, seu errorum tenebras dissiparent. Ita D. Augustinum Nolæ Antistes, Paulinus, appellavit, dum sic in illius admiratione obstupefactus exclamat: *O lucerna dignè super candelabrum Ecclesiæ posita, quæ latè Catholicis urbibus de septiformi lychno passum, oleo lætitiæ lumen effundens, densas licet hæreticorum tenebras discutis, & lucem virtutis à confusione tenebrarum splendore clarifici luminis enubilas.*

Ego in præsens aliis appellationibus, & multis, & sanè magnificis, prætermiſſis, huic uni inhærebo, & magnos illos Apostolos PHILIPPUM & IACOBUM componam cum *olivâ*, quæ Lucernæ oleum subministrat, & ab hoc lucem etiam, & ignem in ipso nascentis Ecclesiæ candelabro, quod ut aliquo rerum dicendarum ordine, ac momento faciam, sit

# QUÆSTIO UNICA

## MORALIS.

Ad illa verba: *Hi sunt duæ olivæ, & duo candelabra in conspectu Domini, terra stantes.* Apoc. c. II. v. 4.

Qui sint istæ duæ Olivæ? & qui duo candelabra?

**Z**acharias Propheta, in excessu mentis vidit duas olivas Cap. 4. v. II. ad dextram candelabri, & ad sinistram ejus: audiitque ab Angelo: *Isti sunt duo filii olei, qui assistunt Dominatori universæ terræ.* Verf. 14. At quinam illi? Lyranus, aliique multi, censent esse *Zorobabelem* Principem populi, & *IESUM* filium *Iosedec* Pontificis, qui duo restituent *Iudæis* principatum, & Sacerdotium restaurabunt, perficientque & urbem *Ierusalem*, & templi fabricam.

*Victorinus*, *Aretas*, *Cornelius*, aliique existimant esse *Elia* & *Henoch*, qui *Ecclesiam*, ceu candelabrum sustentabunt, *Christique* fidem tuebuntur adversus immanem *Antichristi* vim, ac tyrannidem, & favet huic opinioni. *D. Ioannes Evangelista*, qui eum locum explicat de *Elia* & *Henoch*, qui Angelo interprete sunt *filii olei*, id est pinguedinis, hoc est a bonis operibus pingues, & fertiles, vel ut *Aquila* vertit, *filii splendoris*. Apoc. c. II. v. 4. Quia luce doctrinæ sanctioris



Iudæis omnibus prælucebunt. Et hic sensus favet litteræ : ille, quem sub jicio, favebit ritè formandis moribus, referetque magnos illos Apostolos, PHILIPPUM & IACOBUM, qui verè sunt *filii olei*, hoc est à gratiâ, virtuteque pingues : *filii splendoris*, à doctrinæ luce, ab igne caritatis illustres,   
 Apoc. c. 11. verè *due olive*, & *duo candelabra in conspectu Domini terræ stantes*. Ut ex dicendis clariùs apparebit.

*Olive, symbolum sanctitatis, & Sanctorum.*

Cap. 11.  
v. 16.

I AM inde à primis sæculis *olive* hieroglyphicum fuit eximix sanctitatis : imò & ipsi sancti dicti sunt *olive*, appellatione plena gloriæ, ac majestatis. Ecclesiam, uti Christi sponsam : sic & mirè sanctam vocavit Deus *olivam*, sic enim ad illam Ieremiæ voce : *Olivam uberem, pulchram, fructiferam, speciosam vocavit Dominus nomen tuum*.

Ioannem & Paulum, invictos Christi Martyres, qui & *Constantiam* Constantini Magni filiam in servandæ virginitatis proposito firmarunt, & gallicanum exercitus cæsarei ducem Christo adjunxerunt, ac tandem sub Iuliano Apostata cervices ferro dederunt; Ecclesia *olivas* appellat, sic enim die illis festivo accinit : *Isti sunt due olive, & duo candelabra lucentia ante Dominum*.

Eximios avi sui Doctores *Thomam Aquinatem*, & *Bonaventuram* in Solemni Canonismo SIXTUS V. *Olivas* nominavit. Sic enim de illis : *Hi sunt due Olive, & duo Candelabra in domo Dei lucentia, qui & charitatis pinguedine, & scientiæ luce totam Ecclesiam collustrant*.

Ita,

Ita, & Dei ipsius ter opt. ter max. voce, atque oraculo, & Ecclesiæ calculo, & summorum Pontificum litteris, ac diplomatibus, sancti *olive* dicuntur, atque etiam sunt.

Quod si & hi, & illi *olive*, quidni PHILIPPUS, & IACOBUS, Apostolica lumina, etiam *olive* audiant, & *candelabra* in Ecclesia, ceu Dei domo, *collucentia*? *Olive* quidem, quia ut hæ pingues sunt; sic & illi pinguedine quadam divini spiritus, ac cœlestis gratiæ delibuti.

*Candelabra* verò à luce bonorum operum, exemplisque vitæ sanctioris, ab hac D. IACOBUS *Iusti* nomen sortitus est, vel ut ex eo præferret iustitiam, hoc est consummatam vitæ sanctitatem: Et cerrè quidni præferret, cùm *Hegesippo* teste jam inde à matris utero sanctificatus. Cùm ad ultimā usque vitæ metam castus, & Virgo, ut asserit Epiphanius.

Hæc porro sanctitatis opinio sic abiit in vulgus, sic apud omnes invaluit, ut ipsi Iudæi, licet Christiani nominis hostes acerrimi, certatim accurrerent; imò advolarent, ut vel ipsius vestimenti fimbriam aut manu tangere, aut labiis, osculove suaviari possent, tanta apud omnes erat fama sanctitatis. Ab hac autem etiam illi concessum, quod nulli alteri, ut in *Sancta Sanctorum* intrare posset: utpote Sanctus ipse, & Sanctus Sanctorum, hoc est inter sanctos sanctissimus.

Et hæc D. IACOBI sanctitatem generatim ostendunt, & probant; ista etiam D. PHILIPPI, quod præ reliquis Apostolis & ipse admissus ad *Sancta Sanctorum*, hoc est ad aliquam cum Christo supra cæteros familiaritatem.

E quinque panibus alenda erant hominum quinque



millia, petit à PHILIPPO Christus, *unde ememus panes ut manducent hi?*

Suscitato Lazaro, adveniunt è Gentilibus non pauci, Christi videndi causâ, quis eos admittat? quis inducat in *Sancta Sanctorum*? hoc est in Christi oculos, conspectumque? utique PHILIPPUS, illi familiaris in paucis. Habita à Christo fuit extrema concio, veluti quidam traditæ prius doctrinæ epilogus, in quâ multa de Æterno Patre; nemo unus omnium sermonem excipit, nemo loquitur, nemo quicquam ex Christo quærit, unus PHILIPPUS aspirans præ cæteris ad *Sancta Sanctorum*, ad sinum Æterni Patris, ad fontem sanctitatis. *Domine, inquit, ostende nobis Patrem, & sufficit nobis*: & hoc consummatæ sanctitatis indicium est, desiderare conspectum Æterni Patris, divinæque essentiæ visionem, & cætera omnia fastidire; quia scilicet illa sufficit, illa bonæ menti plus satis.

### *Oliua symbolum misericordia.*

PROV. c. 12.  
v. 19.

Iustos inter, & impios hoc interest, quod his saxeum sit pectus, & caucaso durius, illis autem contrâ mollius; solvitur enim simulatque ad ignem admoveris: *Novit justus jumentorum suorum animas, viscera autem impiorum crudelia*, inquit Sapiens. Laboret jumentum, & sub onere succumbat, novit justus levare, novit mederi, & hoc quia illi cara est etiam jumenti anima, cara & vita: contrâ verò *viscera impiorum crudelia*, quæ nec moveri, nec tangi solent etiam maximis aliorum miseriis. Non sic justus, non sic

sic sancti; & tanguntur hi, & moventur aliorum miseriis, & dum misericordiâ moventur illis remedium quærunt: ex vero *Viri misericordiæ, filiiq̃ olei*, hoc est in paucis misericordes, & pii: quorum scilicet symbolum est *oleum*; quod etiam miraculo Deus compensatum voluit.

Ad fines Regnorum duorum, Catalauniæ, Aragoniæq̃, juxta oppidum *Fraga*, Cœnobium est Sanctissimæ Trinitatis, in quo doliolum est manans oleo perenni, atque unum esse perhibetur ex vasculis Viduæ, cui *Elisæus* Vates olei ubertate, hospitii gratiam compensavit: adeo superis, Deoq̃ grata est hospitalitas, Germana miserationis filia. Quod de vasculo illius Viduæ: hoc & de vasculo olei Sancti *Wesfredi* Abbatis, quod nunquam deficit, aut decrescit in Helvetiorum oppido *Stein*. Et hoc quia illius Divi in egenos misratio, dum viveret, nunquam defecit.

Silvester  
Petra Sancta  
tom. 3.  
Taumasius  
c. 28.

Scottus in  
Helvetia sacra.

Quod vasculis illis datum est, etiam miraculo: hoc & corporibus Sanctorum, qui imprimis in alios misericordes fuerunt, & pii, ex eorum enim ossibus visum est scaturire oleum, ut annotat Philippus Episcopus Eystettensis in vita *S. Wilibaldi*. Ita ex *S. Nicolai*, *S. Catharinæ*, *S. Walburgæ* sacris ossibus emanat oleum, velut insigne pietatis, ac misericordiæ: ut qui hanc, & illam dum in vivis essent, exercebant; etiam exerceant mortui, & cœlis additi, oleo illo prodigioso miseros, ægrosq̃ sanando: verè *Viri misericordiæ, quorum justitiæ finem non invenerunt*.

Ex his fuere invicti Ecclesiæ pugiles, Apostoli Domini, **PHILIPPUS & IACOBUS**, quorum in proximos misericordiam nosce si voles, attende illorum miseriâ, quam levarunt.

D. Chry-



D. Chrysostomus , ore ut assolet aureo spiritualme eleëmofynam cum corporali componit. Sit, inquit, unus aliquis, qui in mendiculum decem millia talenta effuderit, magnum aliquid tibi videbitur effudisse, & meritò : at longè majus, qui animæ à gratiâ nudæ, ac pauperculæ, vel unicam gratiæ guttulam affuderit. Rationem hanc adjicit : *Qui dederit pauperi, famem solvit : qui correxit peccatorem, impietatem extinxit, ille corpus liberavit à dolore, hic animam eripuit à gehenna* : adeoque quantum corpus inter & animam, quantumque inter hujus illiusve misérias interest; tantum necesse est interesse inter misericordiam, quæ has, & illas levat, aut tollit.

Tom. 5.  
orat. Adv.  
Judæos.

Corporum misérias aut levarunt, aut sustulerunt alii : at animarum misérias & levarunt, & sustulerunt Apostoli.

*Hieropolim*, Phrygiæ urbem nobilissimam, venerat PHILIPPUS, cùm ecce incurrit in oculos fanum arte & materiâ nobile, in quo visebatur ingens vipera, quam colebat insana multitudo, oblati illi ut Deo, sacrificiis : sensit *Apostolus* se hîc tangi miseratione, & tantæ in populo cœcitatatis, & simul irâ, zeloque tantæ in malo dæmone immanitatis, à quâ hi viperæ præda fiebant ab illa dentibus, oreque hianti absumpti; illi ad illius aras fœdè mactati, velut infelices victimæ, cadebant. Ita nimirum in suos sævit cacodæmon, ita humanum sitit, exfugitque sanguinem. Ne porrò diutius exfugeret, in genua provolutus *Apostolus* Deum supplex oravit; & quâ lacrymis, quâ etiam gemitibus exoravit : nam & vipera illico extincta concidit, & ab illius dente, morsuque Phrygiæ plebs  
omnis

omnis libera, & ab immani diaboli servitute immunis fuit. Vidisti quæ in populo illo, urbeque miseria, vidisti quæ etiam in D. PHILIPPO misericordia, attende quæ etiam in D. IACOBO; nam & hic vir est, & *Vir misericordiae*; & *sicut oliva fructifera in Demo Dei*. Vis nosce quis fructus? psal. x. utique olivæ, id est miserationis; ad hanc unctus in Pontificem Ecclesiæ Ierosolymitanæ à magnis Apostolis, *Petro, Iacobo, & Ioanne*, ut jam inde ab ipsis Ecclesiæ cunis daretur posteris exemplum, & præscriberetur ritus, quo inungi solerent, ac deberent Episcopi, tribus scilicet Episcopis sacratoribus illis cæremoniis assistentibus: Ita ritè inunctus D. IACOBUS, totus effundi cœpit in opera misericordiæ, totus in animarum lucra incumbere, probè conscius quantæ pietatis esset, quantæ & miserationis animulas à gratiâ nudas vestire stolâ novâ, stolâ caritatis, & simul etiam famelicos pascere verbo, hoc est cibo Evangelicæ prædicationis, à quâ exemplum petas oportet, *Amice Lector*, petas & ipse, qui à Deo vocatus es sacer Ecclesiastes, ne in te aliquando cadat illud immisericordis animi, & antiquæ illæ Ieremiæ Vatis querelæ: *Parvuli petierunt panem, & non erat, qui frangeret eis.* Thren. c. 4. v. 4. Certè si animi est parum humani, imò & crudelis, inediâ fameque laboranti corpusculo negare panem; multò magis erit eum animæ denegasse: negat autem, qui prædicationis verbum cum possit, negat.

*Oliva symbolum pacis.*

**D**EUM inter, & homines grave intercesserat bellum, eoque malorum res venerat, ut aquis mersum esset.

Hh

genus



Lib. 2.  
c. 103.

Math. c. 2.  
v. 46. 47.

genus omne mortalium, si pauculas animas excepisses? Noënum scilicet cum filiis, ac filiabus; qui cum aliquamdiu immensâ illâ aquarum eluvie jactati fuissent, tandem pace orbi reddita, advolavit columba, index concordiae cœlum inter, ac terram, de qua ne dubium superesset, ramum etiam virentis *oliva* Noëmo detulit; cujus enim potius? Est *oliva* symbolum pacis, indiciumque optatæ tranquillitatis. Plinio teste oleum ita tranquillum est, ut etiam ipsum mare, sævissimum utique elementum, tranquillet; atque ob id urinantes, aiunt, oleum ore spargere, eò quòd mitiget elementi naturam asperam, lucemque deportet. Quod si à naturâ tale est oleum, talis & ejus mater *oliva*: quid mirum si pacis hieroglyphicum existat. At cui cedit ea pax? cui dabitur & *oliva*? an forte amicis? an iis qui tibi fecerint benè? qui te favoribus, ac gratiis complerint? minimè gentium. Dabitur enim verò inimicis, dabitur iis qui te malefactis, injuriis, calumniis impetierint, obruerintque; imò & illis, qui te vel ferro perdiderint, vel fustibus contuderint, vel etiam in malam crucem egerint; quibus enim melius? quibus potius ex virtutis genio, ex cœli voto? Si enim diligitis eos qui vos diligunt, quam mercedem habebitis? Nōne & publicani hoc faciunt? & si salutaveritis fratres vestros tantum; quid amplius facitis? nōne & Ethnici hoc faciunt? Quod si & publicani id faciunt, faciunt etiam Ethnici, quid amplius vos, qui à Christo Christiani dici, & esse vultis? amplius certè. At, ecquid illud? Hoc profectò, diligetis eos, qui vos oderunt; salutabitis etiam extraneos, etiam inimicos. Et hoc Christianum

Christianum est, hoc Apostolicum. Testes appello, testes  
amò præcellentes Apostolos, PHILIPPUM & IACOBUM.

Hieropoleos accolæ, civesque liberarat PHILIPPUS ab  
immani unius viperæ lanienâ, ab infami mali dæmonis  
jugo, illustri sanè beneficio, pro quo gratiæ, amor, fa-  
vorque rependi debuerant : at benefacta malis compensant  
impii.

Primum enim PHILIPPUM vinculis onerant, dein in ob-  
scurum trahunt carcerem, tum flagris lacerant, tum etiam  
in crucem agunt, in eumque, tanquam in scopum, saxa,  
lapidesque jaciunt. Quid hæc inter PHILIPPUS? quid  
cælum ipsum? quid vindex scelerum Deus? sentio com-  
moveri, concuti que terram, quasi impatiens esset tantæ,  
& tam diræ immanitatis, succutiuntur ædes, labant ædifi-  
cia, & insanæ substructionum moles undequaque conci-  
dunt, & suos incolas involvunt, sepeliuntque in ipsis ruinis.

Hæc omnia irati cœli flagella, è cruce, cœu speculâ, videt  
PHILIPPUS, & tangi se sentit miseratione, Deumque pro  
inimicis orat, exoratque; & simul pacem impetrat, ac  
tranquillitatem. Ecce puros, ecce suaves, ecce amabiles  
*olive* fructus, pax inimicis alta, optataque tranquillitas;  
hanc nimirum etiam inimicis amat, impetratque Christia-  
na caritas, à quâ abfuere quàm longissimè Ethnicis, apud  
quos vulgare fuit, amicos diligere, & illis facere benè, ini-  
micos autem odio habere, & iis facere quàm pessimè.  
Hinc illud Publii Syllæ ut publicum, sic & infame pro-  
nuntiatum : *Amicos se superare beneficiis : inimicos verò ma-  
lesciis.* Non sic PHILIPPUS, non sic & IACOBUS, apud quos



solemne id fuit etiam inimicos superare beneficiis. Et ita superavit D. IACOBUS, qui è pinnaculo templi à Iudæis in præceps actus, immemor injuriæ, memor clementiæ, & genua semifracta ad preces inflexit, & animum in has cum Domino suo voces explicuit: *Domine, ignosce illis, quia nesciunt quid faciunt.* Et hæc illi extrema fuere verba: sed pacis verba, pacis & oscula; à quibus inter immanes hostium clamores, ac verbera, placidè obdormivit. Grandemque ac præcellam animam Deo Creatori suo reddidit.

Præcellam dico animam, quid enim excelsius est quam in ipsa cruentæ mortis imagine etiam injuriarum oblivisci, & caritatis, pacis, ac veniæ solius meminisse: in quo habent, quod suspiciant Christiani, habent & quod imitentur, & ament.

Quod si ex eo Apostolicæ caritatis exemplo, ac prodigio, non hauriant quod sequantur, hauriant etiam ab Ethnicis, atque erubescant.

Hauriant, inquam, à *Phocione*, qui damnatus ad mortem, jam jamque occidendus, rogatus ab amicis, num quid filio nuntiatum vellet? respondit, *Volo ut illatæ mihi ab Atheniensibus injuriæ obliviscatur.*

Hauriant à *Lycurgo* Lacedæmonum Rege, qui à juvene quodam petulantiore orbatus oculis, illum à populo captivum accepit, ut quo liberet modo, puniret. Ille cum optimè instituit, & jam probis moribus instructum, in theatrum produxit, populoque ostendit, adjecitque etiam illud dignum *Lycurgo*. *En quem à vobis injurium, ac violentum accepi, jam frugi, & popularem vobis restituo.*

Plut. in Lycurgo.

Regiæ

Regiæ profectò voces, regius & animus, quem utinam induant Christiani; & cerrè nisi induant, ut Christiani esse desinant, est necesse: sunt enim Christiani olim dicti *Sacerdotes pacis*, quia illis pro unico, ac solemni sacrificio pax erat: hanc quippe cœlo, Deoquæ offerebant quasi nobilem victimam: ex imitatione summi Sacerdotis, id est Christi, qui eam in arâ crucis Aeterno Patri obtulit, cum pro inimicis oravit; atque exoravit.

Iam stylum è membranâ subducere parabam, cùm in oculos, animumquæ incurrit illud, cujus meminit Curo-palates.

*Diogenes* Romanus, Imperator Constantinopolitanus captus à Turcis, recusata non semel pace cum *Asam* Sultano; ab eodem nihilominus habitus est humanissimè, mensæquæ etiam adhibitus, sub quâ hoc etiam ingessit *Sultanus*. Si captivus in tuas incidissem manus, sicuti tu in meas, quid me actum voluisses? ille, non minus liberè, quàm imprudenter, imo & impudenter, respondit.

Baron. An-  
no Christi  
1071. n. 4.

Ego te fustibus tundi, contundiquæ tamdiu voluisssem; donec sub illis emortuus concidissem. cui *Sultanus*. Ego verò tuam illam inclementiam, atque immanitatem non imitabor; audiavi enim Messiam vestrum illud imprimis affeculis suis mandasse, ut in alta viverent pace, & injurias sibi illatas obliviscerentur. Cujus dicto, atque imperio, ego in præsens obsequi velim. Dixit, & verò etiam fecit: nam & pacem cum *Diogene* inivit; sancteque adpromisit illud, nunquam se vivo bellum cum illo instaurandum, atque insuper liberum cum suis omnibus dimisit.



rarò sanè in Turcica, hoc est barbara natione, exemplo;  
quòd utinam sequerentur Christiani.

*Oliua symbolum certaminis, & victoriæ.*

**P**OËTÆ antiquiores in docta cõmentata faciles, ac  
fœcundi Minervam olivæ inventricem fecere, quæ  
enim potius? Est Minerva Præses, ac Dea belli, cui proinde  
percommoda esset *oliva*, quæ scilicet oleum funderet,  
quo pugiles, atque athletæ certaturi sese inungerent. Et  
hinc oleum certaminis symbolum fuit, & signum immi-  
nentis cum hoste luctæ. Imò & victoriæ, quo factum ut  
in triumphis ministri triumphantium oleaginis coronis  
ornarentur, in signum partæ de hostibus victoriæ.

Quod pugilum, athletarumque corporibus datum est:  
hoc Apostolorum, Martyrumque animis: illis corpora in-  
ungebantur, his autem animi, quod dum advertit Tertul-  
lianus sic ad Martyres: *Christus IESVS vos spiritu unxit,*  
*U ad hoc scamma perduxit, voluit vos ante diem agonis ad*  
*duriorẽ tractationem à liberiore conditione seponere, ut vires*  
*corroborarentur in vobis. Nempe enim U Athleta segre-*  
*gantur ad strictiorem disciplinam, ut robori edificando va-*  
*cent, continentur à luxuriâ, à cibis letioribus, à potu jucu-*  
*diore. Coguntur, cruciantur, fatigantur, quanto plus in exer-*  
*citationibus laboraverunt, tanto plus de victoriâ sperant. Et*  
*illi, inquit, Apostolus, ut coronam corruptibilem accipiant; nos*  
*eternam consecuturi, carcerem nobis pro palestra interprete-*  
*mur, ut ad stadium tribunalis benè exercitati incommodis*  
*omnibus*

*omnibus producamur. Quia virtus duritiâ extruitur, mol-  
litiâ verò destruitur.*

Haecenus stylo altiore Tertullianus ad Martyras, quæ ego ad Apostolos. Illos *Epistates Christus spiritu unxit, spiritu gratiæ, unctiōe misericordiæ, & ante diem agonis ad duriores tractationem seposuit, ut in iis vires corroborarentur.*

Vis nosce quæ fuerit illa durior tractatio? attende quid Divis PHILIPPO & IACOBO.

In Scythia excolenda totis viginti annis laborarat PHILIPPUS, non sine sudore multo, cum *Hieropolim* venit, ubi illi primùm cum immani viperâ certamen fuit, dein cum malo dæmone, ejusque ministris idolorum sacrificulis, à quibus in carcerem tractus est. *Domus diaboli est carcer*, inquit Tertullianus. *Sed Vos, ô Apostoli, ideo in carce-* <sup>Supra cap. 1.</sup> *rem pervenistis, ut illum etiam in domo sua conculcetis.* Et ita conculcavit S. PHILIPPUS. *Etsi enim tenebras haberet ille* <sup>Cap. 2.</sup> *carcer, at illi lumen erat ipse. Etsi sua haberet vincula: at solutus erat Deo. Etsi triste illic expiraret: sed ille odor erat suavitatis.* Et hæc primâ pars victoriæ, à quâ tamen rursus ad certamen evocatur, nam & vinculis oneratur, & flagellis cæditur, & toto lacer corpore in suo quasi sanguine natar. *Heros purpuratus.* Sed *nihil crux sentit in nervo, cum ani-* <sup>Cap. 3.</sup> *mus in cælo est*, uti re ipsa erat S. PHILIPPI animus, & in carcere liber, ac suus, & in atroci illa corporis laniênâ hilaris, ac lætus, & hæc altera pars victoriæ, à quâ rursus ad luctam, ad certamen, ad crucem educitur, quæ tyranno quidem infamis erat supplicii sedes, crudeleque mortis instrumentum.



At S. PHILIPPO & gloriæ theatrum, & cathedra veritatis, ex illâ enim velut è pulpito multa de Christo, multa de Christianâ Religione ad subiectum populum jactare, atque in tormentis, ipsâque mortis imagine exultare. Et hæc etiam potissima pars victoriæ: à qua iterum ad nova vocatur certamina, nam & lapidibus à petulantiore plebucula impetitur, & propè obruitur: sed quot illi in caput, in corpus impinguntur saxa: tot illius coronæ adjiciuntur margaritæ. Ita simul & pugnatur, & vincitur: sed tum vel maximè ubi terra, velut impatiens tanti sceleris horribilem in modum concuti, ac contremiscere cœpit, & omnia circumquaque ædificia evertere, suæque mole, ac ruinis involvere adversa cœlo, adversa Apostolis capita, tum enim & de infidelibus triumphavit S. PHILIPPUS, & de fidelibus. De his quidem, dum illos in suscepta jam fide confirmavit: de illis autem, dum ad eam attraxit quâ timore, quâ horrore impendentis mali. Et hæc gloriosa fuit D. PHILIPPI victoria, hæc erecta cœlis trophæa, hæc spolia de tartareo hoste relata; animarum scilicet lucra, quæ dedit è cruce, ceu doloris, ceu amoris lectulo.

Lectulum appello Crucem, in quâ ita molliter quievit *Apostolus*, ut ex ea deponi se non sit passus; tantus amor, tantus ardor fuit in Cruce moriendi.

Venio ad D. IACOBI & certamina, & victorias, cum plurimos quâ concionibus suis, quâ etiam exemplo vitæ sanctioris à Iudaismo, ad Christi fidem traduxisset: in Sacerdotum, ac Levitarum invidiam, odiumque incurrit; maximè verò *Adam Principis Sacerdotum*, qui ut erat Christiano-

Christianorum hostis acerrimus, simulque etiam subdolus; Apostolum rogavit, ut quoniam in Templo: imò & in Sancto Sanctorum erat assiduus, vellet de templi veneratione, deque obliuione antiquæ legis, ad populum dicere ipso die Paschatis, die solemni, die benè ominato. Audiit Apostolus, & lucem illam concioni suæ addixit; statoque die, ac horâ ad frequentissimum populum sermonem habuit: sed de Christo cruci affixo, deque illius cultu, ac novâ, id est Christianâ lege: excepta concio à fidelibus grata, suaviq; admurmuratione: sed à Levitis, ac Sacerdotibus cum irâ, tumultu, clamoribusq; insulis, ac propè rugitu: Leones dixisses, non homines, ita fremebant toti, ita rugiebant. A rugitu illo, fremituq; ventum ad manus; nam & lapidibus impetitus Apostolus, & deinde ex eminente templi loco ad ima dejectus, quo in casu & luxatum corpus, & fracta propè membra; at non fractus animus, nec fracta illi vox, & hanc & illum explicuit in eadem cum Christo, ceu Magistro, voces: *Domine ignosce illis, quia nesciunt quid faciunt.* Ecce certamen, ecce victoriam, victoriam de seipso; & innatâ homini inclinatione, quæ malè vult esse malis, victoriam de inimicis, de mundo, carne, dæmone, à quibus quid restat nisi victrix in cœlis oliva, victrices palmæ. & ab his æterna beatitas; hanc adeptus anno septimo *Neronis*, cum Ecclesiam, ceu bonus Pastor, rexisset annis omninò triginta, ut opinatur D. Hieronymus.



*Oliua symbolum beata aternitatis.*

**O**liua lignum est imprimis firmum ac solidum; nec cariem sentit, nec ventos, aut vetustatem.

Lib. 1. de  
Legib.

Et hinc ab Antiquis *sempiterna* dicitur, estque symbolum *Æternitatis*, ex quo manavit illud Ciceronis: *Sempiternam oleam in arce tenere potuerunt Athenæ.*

Psalm. 115.

Cyprian.  
ep. 9. ad  
Martyres.

Quod si ea *Oliua*, quid mirum si symbolum sit & ipsa Sanctorum, quos Tertullianus appellat *Candidatos Æternitatis*, quales fuere Divi Apostoli, PHILIPPUS & IACOBUS. At unde illis beata *Æternitas*? unde & *oliuæ* pressura; hæc dum premitur, dum teritur, dum frangitur in torculari, oleum fundit; ceu vitam, ceu sanguinem. Et beati Apostoli, invicti Christi pugiles dum pressuris, ac tusionibus tyrannorum, ceu torculari premuntur, atque conteruntur, & sanguinem, & vitam effundunt morte sanè pretiosa: *Pretiosa enim est in conspectu Domini mors justorum ejus.* Pretiosa enimvero, utpote *quæ emit immortalitatem pretio sui sanguinis, quæ accepit coronam de consummatione virtutis.*

Supra.

Et ita immortalitatem emerunt Apostoli, ita coronam acceperunt, & ita emant, accipiantque Christiani est necesse, proindeque ut D. Cypriani verbis utar. Si vos acies vocaverit, si certaminis vestri dies venerit, militate fortiter, dimiccate constanter, scientes vos sub oculis præsentis Domini dimicare, confessione nominis ejus, ad ipsius gloriam pervenire, qui non sic est ut servos suos tantum spectet: sed & ipse luctatur in nobis, ipse concreditur, ipse in certamine agonis nostri & coronat pariter, & coronatur.

Idcoque

Ideoquæ este ô Christiani, este sicut esse oportet in divinis castris milites Christi. ut incorruptam fidei firmitatem non blanditiæ decipiant, non minæ terreant, non cruciatus, ac tormenta devincant, quia major est, qui in nobis est, quàm qui in hoc mundo, nec plus ad dejiciendum potest terrena pœna, quàm ad erigendum tutela divina. Ac ne verbis tantùm sit fides, probata res est certamine fratrum glorioso, certamine dico & Apostolorum, qui ad tormenta vincenda cæteris duces facti, exemplum virtutis, ac fidei præbuerunt, congressi in acie, donec acies succumberet victa. Tolerarunt enim usque ad consummationem gloriæ durissimam questionem, nec cesserunt suppliciis, sed potius ipsis supplicia cesserunt, & finem dolorum, quem tormenta non dabant, coronæ dederunt. At quæ inquires, coronæ? Cyprianum audi. Vel de opere candidæ, vel de passione purpureæ, in cœlestibus enim castris pax & acies habent flores suos, habent & coronas, quibus miles Christi ob gloriam coronetur. Pax quidem, à virginitate, & bono opere; candidas acies autem, à passione, martyrumque cruore, purpureas: si fortè, has terra, cœlumque tibi non dederit: at illas tibi dabit, si modò is sis qui esse potes, ac debes, à bona conscientia, à bonis operibus candidus totus.



# IN FESTO SANCTI JOANNIS BAPTISTÆ.



PRIMA Orbis atas, utpote innoxia, plerumque prolibus nomen fecit ab aliquo insigni Dei beneficio, quod eâ appellatione & veniret sæpius in animum, & in posteros quoque transferretur, non sine gratâ ac luavi admurmuratione. ●

Ita filius *Agar* dictus est *Ismaël*, hoc est *ex auditio Dei*, quòd Deus ( qui misellis adesse solet, eorumque preces exaudire ) etiam *Agaris* vocem exaudisset.

Ita magni Legislatoris, id est *Moyſis*, filius, appellatus *Eliezer*, quasi *Dei adjutorium* in durâ illa *Ægypti* servitute, à qua tandem Dei beneficio liber.

Ita denique ( ne antiqua omnia consec̃ter ) *Anna* & ipsa ab ætate, naturaque sterilis, filiolum appellavit *Samuelem*, id est à Deo *postulatum*, & datum.

Ita nimirum, ut doctè advertit Lippomanus : *Sancti beneficiorum Dei memoriam perennem instituunt sibi nominibus filiorum, ut quandocumque liberos aspicerent, vel vocarent, divinorum beneficiorum recordarentur ex nomine.*

Quod olim illis, hoc & in præsentia magno *Baptista* : cui inditum Angelo duce, *JOANNIS* nomen, benè ominatum, quod

DE SANCTO JOANNE BAPTISTA. 255  
quod *gratiam* sonat, ut quoties ad aures, animumque ap-  
pulisset id nomen; appelleret quoque *gratia* copiosissima,  
& illi, & parentibus à Deo quàm uberrimè collata; ut se-  
quens pagella docebit.

---

## QUÆSTIO UNICA

### MORALIS.

Ad illa verba: *IOANNES est nomen ejus.*  
Luc. cap. i.

Potuitne dari vel aptius, vel speciosius  
nomen?

**D**I VI Patres æstu quodam vel amoris, vel stuporis  
abrepti, & plurima, & sanè magnifica congerunt no-  
mina, quibus magni BAPTISTÆ vel animum explicant, vel  
collata illi Numine propitiò beneficia propalent.

D. Chrysologus, eloquentiâ ut assolet aureâ, ea velut in Serm. 127.  
cumulum cogit. Audiamus etiamnum viventem, ac spi-  
rantem in scriptis. IOANNES, inquit, *Virtutum schola, ma-  
gisterium vite, sanctitatis forma, norma justitiæ, Virginitatis  
speculum, pudicitie titulus, castitatis exemplum, pœnitentiæ  
via, peccatorum venia, fidei disciplina, major homine, par  
Angelis, legis summa, Evangelii sanctio, Apostolorum vox,  
silentium Prophetarum, lucerna mundi, præco judicis, præcursor  
Christi,*



*Christi, metator Domini, Dei testis, totius medius Trinitatis.*

Haecenus Praesul Ravennas, cui durante praeluxit D. Augustinus, & ipse in S. IOANNIS nomina fecundus in paucis, & facundus: sic enim aliquando de illo; vivae vocis oraculo; sic etiam modo cultiore calamo, styloque: *Nascitur major homine, par Angelis, tuba caeli, praeo Christi, arcanum Patris, Filii nuntius, signifer superni Regis, peccatorum venia, Iudeorum correctio, vocatio Gentium, & ut propriè dicam. Legis, & gratiae fibula.*

De S. Joan.  
Bapt. serm.  
3.

Augustinum proximè sequitur Guarricus Abbas, & ipse D. IOANNIS praeo magnificus; cui, ille dicitur: *Columna caeli, gloria generis humani, miraculum mundi.* Mitto alios in ejusdem Divi nominibus ingeniosè pios, & piè facundos. Mitto etiam augusta illa nomina, longamque titulorum seriem, quibus eum ornarunt Divi Patres, haereoque in uno IOANNIS nomine, in quo clauditur quidquid augustum habet terra, quidquid caeleste ostentat polus, propè dixi, quidquid divinum habet Deus, quod Deus non sit. Ecquid enim est IOANNES? gratia est, quod ubi dixi, omnia dixi, quia ut doctè D. Thomas: *Bonum unius gratiae majus est bono naturae totius universi.* At tale est D. IOANNIS, vel ex hoc uno, quod sit IOANNES, id est gratia;

Joannestotus est gratia.

*Vnde IOANNES gratia? A Parentibus.*

I.  
Quod à talibus Parentibus.

**S**I parentes attendas, non sunt illi nisi à caeli favore & gratiâ. De his ita sacer Historicus: *Fuit in diebus Herodis Regis Iudaeae Sacerdos quidam nomine Zacharias, & uxor ejus de filiabus Aaron, & nomen ejus Elisabeth.*

Regis

Regis impii nomen ascribitur, ut simul ascribatur & gratia, quæ est à Zacharia: Ut enim scitè D. Chrysologus: *Serm. 16.* Dum dicitur sub quo Rege quis Sacerdos sit, temperantur mala, adest semper in marore solatium, nec consolator deest, cui imminet persecutor. Usque ad Herodem Iudaicæ Genti Sacerdotalis sanctitas, senum gravitas, patrum pietas præsedebat, jus erat lex divina, ambitio nil ibi, nil temeritas, præsumptio nil valebat, quia gerebatur totum divino ordine, non humano. Sed Herodes Veniens ex gente alienâ invasit regnum, violavit Sacerdotium, confudit ordinem, mutavit mores, sprexit senes, infecit juvenes, tribus miscuit, delevit stemmata, corripit genus, tulit quidquid erat & divina, & humana funditus discipline.

Vidisti quantum ab Herode malum: attende quantum à Zacharia bonum, quantumque spiritualis gratiæ. Usque ad ipsum, inquit ille ipse D. Chrysologus, ab abavis, avis, patribus transfusum genus mansit Sacerdotii, tempus legis, sacrificii omnis servata est disciplina, eò quòd impietatem regis, iniquitatem temporis, ambitionis rabiem, temeritatis furorem, Sacerdotis & meritum superavit & vita. Ecce quæ orbi Iudaico à Zacharia gratia; quæ & IOANNI à parente quàm optimo; quæ deinde ab eodem etiam Ecclesiæ, audiamus.

Factum est, inquit Evangelista, ut incensum poneret ingressus in templum Domini, & omnis multitudo populi orabat foris in hora incensi.

Rectè, inquit Chrysologus, in horâ incensi, quia jam sol Iudaico occumbebat in templo, ut in Ecclesiâ matutinus exurgeret: & Iudaicæ doctrinæ instabat vesper, quia Evangelii imminebat



*imminebat aurora, legis obscurabatur dies, ut totus reluceret in gratiâ. Hinc est quod Zacharias in borâ incensi, hoc est, in extremo tempore legalium caeremoniarum. prophetali spiritu incensum infert, offert preces, desideria ingerit, vota commendat, tempus admonet, promissa repetit, exigit Christum. Ecce quæ Ecclesiæ à Zacharia gratia, nosce vis, quæ etiam populo? Chrysologum audi, pergit ille, ea quâ solet facundæ mentis eloquentia. Multitudo (uti advertit), orabat foris, ut ergo populus, qui stabat foris intromitteretur, exorat, quia quos lex adducit ad januam, gratia intromittit in templum, & certè quidni intromitteret, qui jam erat ingressus in templum Domini; imò, qui & ipse templum erat Domini, ut piè, atque ingeniosè annotat D. Chrysologus.*

*Benè dixit ingressus in templum, non ingressus templum, quia ipse erat Dei familiaris templum, portans in sui pectoris puritate tota legis arcana, & apponens non tam thuris, quàm pura supplicationis incensum, quod Deo longè gratius, ut enim ille ipse D. Chrysologus. Gratius Deus in suo, quàm in hominis opere requiescit, & non tam lubenter odoratur arabicæ arboris guttam, quàm sinceri pectoris, & cordis sanctitatem.*

*Vidimus quæ Synagoga à Zachariâ gratia, quæ deinde Ecclesiæ, quæ etiam omni populo; imò quæ & ipsi Zachariæ, cui affula de cœlo sanctitas, & gratia, ut ab illo filius IOANNES audiret, id est gratia. Spectemus modò, quæ etiam ab ejus uxore.*

*Erat, inquit Evangelista, uxor ejus de filiabus Aaron.*

Serm. 38.

*Rectè de filiabus Aaron, quia Aaron primus Pontifex in lege, fuit*

fuit Sacerdotii origo, propterea merito prætermisſus omnibus ejus filia dicitur, cujus in ſe memoriâ prætulit ſanctitatem, quam tanti generis pia cuſtos, glorioſiſſimè transfudit in filium. Ecce ut illi à matre gratia; ecce ut ab illâ meritò etiam IOANNES, id eſt gratia; attendamus quæ deinde ab utroque. De his ita textus ſacer.

*Erant juſti ambo ante Deum*, non ſine Numine id dictum, non ſine myſterio id ſcriptum; quia ut diſcretè Chryſologus. *Placere judiciis humanis, coram hominibus eſſe juſtum, eſt virtutis humane, maximi eſt & laboris: ante Deum, qui ſcrutatur corda, cogitationes diſcurit, videt mentium motus, eſſe juſtum, humani laboris non eſt, muneris eſt divini. Et ſi magnus eſt, qui non peccat in carne, quantus eſt, qui corde non peccat? IOANNES ergo ſupra carnem eſt natus de iſtis, qui ante Deum, nec corde, nec corpore peccaverunt, adeoque ex illis merito audit IOANNES, id eſt gratia, & quidni ſic ab illis audiat, qui ſunt incedentes in omnibus mandatis, & juſtificationibus Domini ſine querela?*

Benè incedentes, quia incedit, qui non ſtat in triviis peccatorum, qui peregrinum ſe hoc ſentit in ſæculo, qui aſperas virtutum intrat intrepidus manſiones, qui montes juſtificationum, mandatorumque colles indefeſſus viator aſcendit. Et ita aſcenderunt Divi BAPTISTÆ parentes quàm optimi. Et hoc quidem ſine querela? quod alterum ſanctitatis, & gratiæ caput. Quis enim in hoc mundo vivit, nec unde queratur, habet? Quis ſumi neſcius cupiditatum tranſit incendia? Quis vitæ lubricum nunquam lapſus evadit? per vitiorum gurgites quis impollutus incedit? carnis negotia, vitæ cauſas,



Serm. 91.

II.  
Quod à Ma-  
tre sterili,  
& Patre  
longævo.

actus mundi quis peragit, & non erit in querelâ, cum nasci ipsum plenum sit lacrymis, & querelis? iamque parturiens queritur ex dolore, & natus in lacrymas queritur ex natura; sed in Zacharia & Elisabeth reatus occidit, periit querela, omnis est amputata causatio; quia in illis parabatur, unde tota sanctitas nasceretur. Quod si tota sanctitas, tota & gratia, hoc est IOANNES; qui gratiam suo nomini consonam etiam accipit ab Elisabetha, vel ex eo quod esset sterilis, sterilis dico corpore, sed fecunda virtutibus, tarda soboli, sed non tarda Deo, non germini clausa, sed tempori, non negata pignori, sed servata mysterio. Erat enim sterilitas ista non maledicta, sed mystica, in qua partus non ablatu, sed dilatu. ita nimirum colebatur tempore, virtute serebatur, maturabatur ætate, senectute crescebat, ut in filio singulari tota fecunditas pensaretur, quando in uno nascebatur numerositas congesta virtutum. Quod si numerositas congesta virtutum, certè & gratia: quæ etiam ex alio fonte defluxit: nempe

### Ab Angelo nuntio.

Serm. 16.

III.  
Quod ab  
Angelo no-  
men acce-  
perit.  
Serm. 83.

IS se Zachariæ spectandum, audiendumque dedit. Apparuit enim illi Angelus stans à dextris altaris incensi, merito à dextris, ut esse in sanctis Angelis intelligas nil sinistrum. Apparuit, inquam, & ait exaudita est deprecatio tua, qua scilicet pro solo pignore supplicasti, ut scilicet illud Deus daret universitati, largiretur seculis, populis condonaret, & fieret Sacramenti filius inter sacraria delatus, inter

Sacramenta

*Sacramenta concessus. Et verò concessus; addit enim & uxor tua Elisabeth pariet tibi filium. Sic Angelus ore Angeli sancta dilatatus in viscera, quod profectò gratiæ fuit singularis: uti & illud quod subjicit. Et vocabis nomen eius* Serm. 98.

IOANNEM. *Ecce ut angelico præconico IOANNIS profertur gloria, virtus insonat, laus collaudatur. etiam ex eo quod subjicitur. Et multi in nativitate eius gaudebunt. Ita nimirum non est unigenitus, qui est cunctorum creatus ad gaudium, cujus causam intelligere si voles, hanc adjicit. Erit enim magnus coram Domino. Qui coram Deo magnus est, quantus sit penes homines quis probabit? Enimverò nemo unus omnium. At unde, magnus? utique à virtute, à gratia magnus; hæc enim unica coram Deo magnum facit, cætera, ut hominibus magna videantur, non tamen sunt, nec magnum faciunt. Hinc ut IOANNES jam inde à conceptione magnus audiret:*

Hæc de illo cœli genius, isque cæteros inter facilè princeps Gabriel. *Et Spiritu Sancto replebitur adhuc ex utero Matris sue, quod quantum sit expendit D. Chrysologus. Videtis, inquit, quemadmodum IOANNES ante pervenit ad cælum, quàm tangeret terram: ante accepit divinum Spiritum, quàm haberet humanum: ante suscepit divina munera, quàm corporis membra, ante cæpit Deo vivere quàm sibi.*

Et inde etiam Chrysologo iudice beatus: *Beatus enimverò, qui ante Dei Spiritu meruit intonare, quàm hominis vagiret in fletu, qui ante divina possidere meruit, quàm sortiretur humana: Beatus qui ante meruit cælum scire,*

IV.  
Quod cor-  
mune fuerit  
mundi gau-  
dium.

Serm. 98.

V.  
Magnus  
coram Do-  
mino.

VI.  
Quod san-  
ctificatus in  
utero.

Serm. 98.



quàm terram : Beatus qui ante Deum capere, quàm suo ipse caperetur à corpore : beatus, qui antequam saperet querere, meritum conquistavit : beatus denique, qui non pervenit ad gratiam per laborem : sed ad labores ipsius gratie dignatione descendit : ad quos autem labores infra ostendemus, ubi prius ostenderimus etiam & alterum, quod IOANNI datum est à gratia singulari ; videlicet & in utero Matris exultasse, & Christum, Servatorem suum, ac Dominum in Virginis utero & agnovisse, & salutasse ; imò & nuntiassse.

VII.  
Quod in  
matris ute-  
ro exultans.

Serm. 91.

*Felix nuntius, inquit D. Chrysologus, qui ante gestivit nuntiare, quàm vivere, impatiens dux, qui antequam perveniret ad corpus, pervenit ad Regem : ante rapuit arma, quàm membra : ante aciem petiit, quàm lucem, & ut vinceret mundum, vicit ante naturam : què porro vicerit, paucis excipe. Ipse sine visceribus viscera matris exsuscitat, & quia tardabat corpus solo spiritu implet evangelisantis officium ; imò & nuntiantis jam in Virginis utero perfectam Divini Verbi Incarnationem : quod ut faceret IOANNES, antequam Christum præcederet se præcessit : & Patris, Matris, Filii corda, unus, atque idem implevit Spiritus, ut uno sanctitatis organo resonaret Nativitatis Dominicæ cantilena.*

VIII.  
Quod In-  
carnatio-  
nem nun-  
tians.

IX.  
Quod Patri  
muto vo-  
cem red-  
dens.  
Serm. 90.

Et ita à D. IOANNE resonavit, non sine inusitato gratiæ miraculo : quod & auctum ex eo quòd Parenti à suâ culpa, & incredulitate muto vocem reddiderit, & loquelam. Dixerat illi Angelus : *Vxor tua Elisabeth pariet tibi filium.* Sed, ô malum ! non credit Dei promissa, sed discutit, & opera divina non fide percipit, sed humanâ ratione disquirat, & mox infidelitatis culpam longa silentii condemnatione persolvit.

Cùm

Cùm enim objecisset frigidum illud, atque incredulum. *Vnde hoc sciam? ego enim sum senex, & uxor mea processit in diebus suis.* Statim ab Angelo vindice audiit illud: *Et ecce eris tacens, & non poteris loqui.* Bonum factum, & verè bonus, ac magnus Dominus, qui infirmantem curat de vulnere, nutantem de ultione confirmat, de supplicio fidei perficit Sacramentum. Et sanè perfecit: cùm enim jam ei natus esset Infans, & IOANNEM adhuc mutus inscripsit, & mox vocem recuperavit. *Ita dat Verbum fides, negat infidelitas Verbum.* Sed unde fides? unde & verbum? utique à IOANNE, id est gratia, unde enim potius? *Editus IOANNES Zachariæ solvit silentium: absurdum enim erat Voce Verbi progressa Patrem manere elinguem,* ut disertè D. Gregorius Nazianzenus, à quo redeo ad IOANNEM, qui etiam gratia

*A vita, rebusq; gestis.*

**D**E his, & illa, sic ad Zachariam cœlestis nuntius. *Vinum, & ficeram non bibet;* in quo duo notat vitia, quæ ab illis, ceu fonte quodam emanare solent: videlicet ebrietatem, & luxuriam, quæ juventutem vel maximè inficere solent, atque devenustare; & quæ à D. IOANNE procul erant abfutura: quod & gratiæ fuit singularis, & meritò. *Qui enim natus est sancto de corpore Sacerdotis, & summâ senectute ab omnibus vitiis defecato, atque exempto juventutis incendiis, Vinum nescit, ignorat ficeram, quæ pariunt luxus ebrietatis, & vitia, & tota dissipant morum decora, ornamenta virtutum.* Ne porro dissiparent in IOANNE, tempestivè de

X.  
Quod pro-  
cul à vitiis  
juventutis.

Serm. 88.



XI.  
Quod in  
spiritu Eliæ.

cælo cautum, & hoc peculiari gratiæ privilegio: quod & inde incrementum accepit non modicum; quod Christum præcursurus esset: sed in spiritu, & virtute Eliæ, quem videlicet spiritum per divinam gratiam accepit, non quem carnis est consecutus ad vitam, & per virtutem, quam de supernis habuit, non quam propter corporis adeptus est firmitatem. IOANNES ergo Eliæ venit in spiritu, & in ejus virtute graditur, qui totum victu, vestitu, castitate, abstinentiâ, & omnibus Eliam virtutibus representabat, quod, ut insinuavi, gratiæ fuit, non naturæ; uti & illud, quod subijcit ille ipse de cælo nuntius. Et convertet corda Patrum in Filios, & ita è Iudæis plurimos convertit, quâ concionibus, quâ exemplo vitæ severioris, ita etiam è Christianis, quos inter fuit S. Onuphrius Ægyptius, qui audita Eliæ, & S. IOANNIS BAPTISTÆ vitâ, mox è Cœnobio exivit, atque in profundam eremum sese abdedit, ubi sexaginta totis annis hominem nullum vidit.

XII.  
Quod mul-  
tos conver-  
terit.

Tantum apud illum valuit vel unicum tanti Præcursoris exemplum; quod IOANNIS, id est gratiæ fuit; uti & illius ad Iordanem conciones; ad quas dum elabor, veniam mihi dabis, Amice Lector, ab ejus nativitate (cujus tamen hodie festa recolimus) abeundi; id enim facio ut per omnia demonstrem istud, quod initio mihi proposui, D. IOANNEM, non tantum in conceptione, & nativitate esse IOANNEM, id est gratiam: sed & in omni vitâ: imò & in morte pro castitate, proque Deo feliciter obitâ. Igitur ut stylum promoveam; primum ad profunda deserti ingredior, deinde & ad ipsas Iordanis ripas, ac fluentia descendo:

&

& quid in his, & illis actum sit ostendo etiam ex D. Chrysologo, quo ferè auctore hîc utor. De gestis in deserto sic ille.

Posteaquam legis vomere, & jugi cultu exinanita Iudaïci cessitis est ubertas, beatus IOANNES gentium convolans ad desertum, sentes criminum spiritus igne succendens, infructuosas arbores excidens ultionis securi, complanans asperos superbiae colles, humilitatis convalles erigens exequando, & planitiem terra totam (gramine perduto) nutricibus fluentis submittere irrigua Iordanis, ac sic Evangelico semini novalia diffusa præparat, sæcunda componit. Serm. 137.

Ubi hæc IOANNES in deserto, venit ad Iordanem, ut qui fuerat vox clamantis in deserto, vox etiam esset Domini super aquas.

Venit, inquam, ad Iordanem, interprete D. Chrysologo duas ob causas. Una quia Iudaïcas sordes non poterat hydria jam lavare, sed lumen.

Altera, ut pœnitentes potaret aquâ, non vino. Vinum quippe luxuriæ servit, & aqua pœnitentiæ. Ut in hanc trahat etiam cœlo, Deoque rebelles, sic ad illos in spiritu Eliæ; spiritu & gratiæ, quo enim alio diceret, qui vel ex nomine IOANNES, id est gratia?

Progenies, inquit, viperarum. Exemplo corripit, comparatione notat, figurâ prodit: ut jam non mores solum, sed ipsam naturam possit venenosi germinis immutare. Et certè quidni mutaret in melius, quod ipsi jam mutarant in pejus. Quos enim Deus creaverat homines, malitia peperit, & convertit in viperas, & quos conditos cœlestis dulcedine pietatis infuderat,



*infuderat, hos impietas amara fecit letales vomitus, serpentium virus effundere, & infando crudelitatis auspicio de morte patris concipi, matris de morte generari. Verè progenies viperarum, & soboles ingrata naturæ, cujus ortus est genitoris exitium, cujus vita est mors parentis. Verè progenies viperarum.*

*Vipera enim conceptus sui tempore intra os suum receptum caput conjugis refertur abscindere, ut per cruenta oscula non factum concipiat illa: sed crimen: ac sic carnifices sceleris sui pariat filios, vindictæ ordine, non naturæ. Nam genimina patris concepta de cede; sanguinis, antequam lactis exigunt nutrimentum, & ultionem petunt matris: namque uterum vipera dicuntur exscindere, & scelestum conceptus sui domicilium adhuc immaturis visceribus maturo furore confringere: ut hoc sit illis vivere, matrem suam, matrem, quæ illos tales genuit, non videre.*

*Ubi hæc altiore spiritu dixit IOANNES, ubi Synagogam, ejusque filios tales fuisse demonstravit, utpote ad quam Christus affectu conjugis cum venisset, ut ad sponsam sponsus, inter amplexus, & oscula Iudæ, Christi caput est expetitum, & ore petatum, cum dictum infandum illud, Crucifige, Crucifige: Ubi hæc, inquam, dixit, tam ad illos eodem spiritu. Quis ostendit vobis fugere à venturâ irâ? Rectè ventura ira: hæc enim timenda vel maximè, at quænam illa? Illa, quæ non habet finem, quæ hominem non absolvit morte: sed colligat, nec jam veniam spem habere permittit, quem semel tartari deputavit ad pœnam.*

*Andisti, Amice Lector, quæ in spiritu IOANNES, accipe quæ*

quæ ab illo in auditores effluxerit gratia, quid enim aliud effluat à IOANNE, hoc est à gratia?

*Quid faciemus, inquit, ut salvemur? Quibus ille. Qui habet duas tunicas det non habenti, & qui habet escas similiter faciat.*

*Non petit gemmam, sed tunicam: non aurum, sed panem. Hunc, & illam si pauperi dederis, salvaberis; si negaris, reus eris: reus quippe est, qui ad hoc vestes suas carcerat, & panem claudit, ut pauper fame pereat, frigore consumatur. Ille vestes sepelit, non reponit: non credit diligentie, sed sepulchris, qui quod negat pauperi, dat tinea.* Ille, inquam, reus est.

Ubi hæc ad Iudæos IOANNES; alia deinde ad Publicanos: nam & hi venerunt dicentes, *Quid faciemus? Quibus ille. Nihil amplius, quàm constitutum est vobis, petatis, quia qui plus petit, fraudis exactor est, non tribut.* Ubi hæc illis, tum ad milites convertitur; nam & hi quoque advenerunt dicentes. *Et nos quid faciemus? Quibus ille. Neminem concutatis, neque calumniemini, contenti estote stipendiis vestris. Et rectè. Verus enim miles est, qui non concutit, sed defendit, qui calumniam non ingerit; sed repellit, qui currit ad Regis stipendia, non civis currit ad prædam.* Et ita currere docuit IOANNES, qui postquam Iudæos, Publicanos, militesque cœlesti instruxit spiritu, instruxit & Herodem, dum sic ad illum liberâ voce, animo liberiore. *Non licet tibi habere uxorem fratris tui.* Audiit Herodes; sed & audiit filia Herodiadis, & infremuit; scelusque exinde meditari cœpit, quod ut pareret, opportunum illi patrando tempus elegit; quo scilicet *Herodes natalis sui cœnam fecit.*

*Benè cœnam,* Chrysol.  
Scm. 174.  
*quia*



*quia non luci, sed tenebris addictus est hic natalis, in quo noctis filius natus est, non diei.*

Hanc cœnam fecit Principibus, Tribunis, & primus Galilee, ut non tam multos convivii sui socios, quàm innumeros criminis sui testes assumeret, & tot haberet facinoris sui arbitros, quot habebat præfides discipline. Hos inter pedem subintulit Herodiadis filia, criminis filia, non naturæ. Intra-

Serm. 173. vit, saltavit, placuitque Herodi, cujus caro oppressa crapulis, ebrietate captiva, titillante luxuria, & non tam ludente, quàm illudente lascivia, promitteret quidquid turpitudine peteret. Et verò promisit; sic enim ad illam. *Pete à me quod vis, & dabo tibi, & juravit illi. Iurat miser, & quidquid honestatis est, & virtutis abjurat, dum addit illud. Pete à me quod vis. Quid peteret luxuria, nisi castitatis interitum, pudicitie necem, mortem sibi semper contraria sanctitatis?* Hanc certè petiit, mox enim à matre malè docta filia. *Volo, inquit, ut des mihi caput IOANNIS in disco. Sed cur in disco? cur pretiosè gestas quem viliter occidis, nisi quia pretiosa in conspectu Domini mors sanctorum ejus?* Pretiosa enim verò, quia coronis vitæ, coronisque gratiæ, quàm ut à vitâ sic & à morte prætulit IOANNES, ostentavitque universo: occidi terris potuit, cœlo non potuit.

XIII.  
Quod pro  
virtute,  
Deoque  
mortuus.

*Vox enim occidi non potest, sed magis clamat angustiis corporis absoluta. Sic vox Abel in suo jam effusa sanguine magis sonat, magis penetrat; magis pertendit ad cœlum. Sic nunc IOANNES toto orbe clamat, totis sæculis facinus vestrum cunctis refert, & ostentat in gentibus, simulque etiam illud, quod justus omnis tunc inchoat vivere, cum pro Christo meretur.*

XIV.  
Quod ab  
ipsa morte  
vivus.

*meretur occidi; transfertur enim ista morte vita martyris, non aufertur, & morte magis claret, qui ob hoc mortuus est, ut æternum viveret.* Et ita mortuus IOANNES, qui enim aliter moreretur, qui vel ex ipso nomine uti vitam, sic & mortem plenam gratiæ, plenamque meriti promittebat; imò (quod ames, ac mireris) etiam à morte, crudeliq̃e cæde miseris mortalibus præsens auxilium, & gratiam etiam

### *A Miraculis.*

**I**NTER alias Ecclesiæ Orthodoxæ notas, hæc non minima, <sup>XV.</sup> Quod afflic-  
 quod miracula recenset, & quidem etiam perennia, ut <sup>tus auxilio.</sup>  
 in posteros eat, ævumque omne virtus miraculorum etiam  
 in ipsis Sanctorum exuviis; imò & cineribus: quo in genere  
 mirum illud, ac solemne, quod vidit, stupuitque non semel  
 Genua, urbs Italiæ, ut opulentissima, sic & nobilissima;  
 cum adversus maris fluctus flabris lybicus tumescentes, ac  
 sese portui superfundentes, navigiis in ipsâ statione peritu-  
 ris, unicum esse præsidium, ac veluti propugnaculum, ex-  
 portare è templi sacrario, cum supplicatione Cleri, Senatus,  
 populiq̃e Genuensis sacros Divi IOANNIS BAPTISTÆ cine- <sup>Silvester</sup>  
 res, atque iis objectis, non tamen injectis (ne fiat cœlestis <sup>Petra San-</sup>  
 illius thesauri jactura) compescere vim omnem undarum, <sup>cta rom. 3.</sup>  
 fremitumque, atque impetum ventorum, <sup>Thaumasia</sup>  
 c. 12.

Est qui opinetur: imò etiam scribat, quando Deus Uni-  
 versi conditor, legem ponebat aquis ne transirent fines suos,  
 ex littore accepisse pugillum arenæ, quam dum spargeret <sup>Philo Ju-</sup>  
 quasi inambulans pro imperio dixisse. <sup>dæus.</sup> Hic terminus



esto; *Hic confringes tumentes fluctus tuos.* Ingeniosa interpretatio, verane, hîc non disputo. Certè ut vera esset, non adeo admiranda, quia omnipotens Dei manus etiam vel uno arenæ grano, & irata maria compescere, & tumentes fluctus infringere, & limites iis ponere potest; objecto quasi propugnaculo: sed mirabilius illud etiam id moliri ab ipsis sanctorum cineribus, & quidem (quod ad meum institutum facit.) magni BAPTISTÆ cineribus, sacrisque exuviis: experimento erit illud, quod nostra spectavit ætas.

Anno millesimo sexcentesimo quadragesimo, ipso Paschatis die, oppugnata fuit Genua vehementissima maris, ac lybicorum ventorum conspiratione, jactis in altum aquarum molibus, dixerim, an montibus; quibus dum oppleri, obruique portus ipse videretur, remedium fuere unicuique illi ipsi magni BAPTISTÆ cineres, quos dum objicit Dei Sacerdos; & mari indignanti terminum præscripsisse visus est, & illius iram omnino fregisse, victoriâ sanè memorabili, de invicto alias elemento, & quæ etiam illustrata fuit Senatus decretis, & gratiis palam persolutis, atque insuper libello precum in eum finem typis excuso, auctoritate Eminentissimi Duratii S. R. E. Cardinalis, atque Archiepiscopi Genuensis, in quo singillatim hæc leges.

*Pro gratiarum actione ob innumera beneficia à Deo Opt. Max. Civitati Genuensi ipsius Sancti Præcursoris patrocínio collata, præcipuè ob maris sevisissimam tempestatem mirabiliter sedatam in die Paschatis Anno millesimo sexcentesimo quadragesimo. Et hoc est beneficium, quod Genua, urbs Regia*

Regia totius Liguriæ, debet, & debere se fatetur sacris IOANNIS BAPTISTÆ cineribus, aliud etiam quod Ecclesia ejus sanguini, quod scilicet fidei orthodoxæ sit quasi pro firmamento, & tacito quodam testimonio, in paucis tamen effiaci. Est autem illud ejusmodi.

Silvester  
præ.

XVI.  
Quod fidei  
firmamen-  
tum.

Neapoli visitur D. IOANNIS BAPTISTÆ sanguis, qui intra vas perspicuum liquefcit Sacerdote aris perlitante ad memoriam ac venerationem ejusdem sancti Præcursoris.

Visitur autem ille sanguis primò concretus in ampulla vitrea eo situ ut supernè sit, & intra locus pateat, in quem utique vacuum defluere guttatim possit cum solvitur & liquatur. Deinde post sacrificii exordia, oblationemque & preces consuetas, ubi ventum est ad Canonis verba sacratiora, & panis ac vini immolationem, conversionemque in Corpus ac Sanguinem Domini, plerumque hoc illud momentum est, in quo sanguis intra phialam purpurascere, colliquefieri, defluere in imam vitri regionem, ac fervere videtur; & tamdiu resolutus manet, quamdiu est in arâ sacrificium. Crederes sanctum illum Christi Præcurso-rem in sanguine suo rursus vivere, loqui, & ingeminare illud, *Ecce Agnus Dei, ecce qui tollit peccata mundi*. Et verè, nam & hîc Agnus est in sacratiore Missæ Sacrificio. Et hoc ab illo sanguine prodigium, servit, ut dixi, firmandæ fidei. De illo ita lussit *Clemens Merlinus* testis oculatus, & Romanæ Curix auditor, & caput gravissimi, atque integerrimi illius Senatus, *Decanum* vocant. Ita inquam de illo sanguine lussit.

Silvester  
præ c. 15.



Hic dum perspicuâ delubro clauditur urnâ,  
 Frigore duratus desit esse liquor.  
 Iam tamen aut glacies, aut gemma gelata, ruborem  
 Sanguinis in solido servat, amatque globo.  
 Quin simul attiguâ divina litatur in arâ  
 Victima (res oculis testibus acta meis)  
 Liquitur in subitum nova per miracula rorem  
 Et natat in nitido defluus orbe cruor.  
 Ebullitque recens, & gestit, & urget, & instat,  
 Et quacumque licet quærere quærît iter.  
 Carceris impatiens nexus nisi vitreus arctet,  
 Cernis in amplexus Christe subire tuos,  
 Scilicet in Matris quod pridem conditus alvo,  
 Sanguis idem in vitreo carcere clausus agit  
 Exultatque iterum, atque iterum præcurrere certat,  
 Nuncius in Domini sanguine, sanguis adest.

Et ista hætenus ille; à quo discedo ut abeam ad aliud  
 ejusdem sanguinis prodigium: servatur ille in ampulla vi-  
 trea in Sacello privato *Marci Antonii ab Auria*, Viri Illu-  
 strissimi: & ipso decollationis ejus die liquefcit totus; imò  
 sunt qui scribant toto id octiduo anniversariæ ejus celebra-  
 tionis contingere; ut illustrius sit miraculum, quo diutur-  
 nius. Crederes ideo liquefcere, ideo ebullire sanguinem,  
 ut Herodem rursus arguat, dicatque mutâ voce; sed voce  
 sanguinis etiam illud. *Non licet tibi habere uxorem fratris*  
*tui.* Crederes rursus ideo liquefcere, ac solvi, ut qui olim  
 arguit adulterum, exponat, & damnet homicidam, & qui  
 piè

*piè vivens incestum vocarat ad pœnitentiam, reservaverat ad veniam, homicidium etiam damnaret occisus.*

Crederes denique ideo sacrum illum ebullire, ac veluti spirare cruorem: ut vel illo æstu ostendat, quis magni illius Præcursoris in terra amoris divini fuerit æstus, & quis modò sit etiam in cœlis, & quis spiritus, & quæ vita. Loquetur illa etiamnum Herodi, dicitque ore aureo D. Chrysologi.

*Ecce IOANNES Christi capite gloriatur, qui capite puta-* Supra.  
*batur addictus. Ecce eo die quo tu finisti tuum, ille sibi nata-*  
*lem cœlitus conquirit: quia quando tuus ortus merfit in fi-*  
*nem, tunc illius finis ortus est in natalem. Ecce tu jaces in*  
*morte: IOANNES vivit occisus. Tu fucatam murice pur-*  
*puram perdididisti, IOANNES cruore suo fulgente purpurâ*  
*semper gloriatur indutus.*

*Tui convivæ nunc participes efficiuntur in pœnis, IOANNES*  
*cœlesti mensa cum choris vescitur Angelorum. Ille audit cœ-*  
*lestem jugiter Symphoniam, tu audis inferni semper gemitum,*  
*& stridorem. Ille meretricis tuæ, saltatricis tuæ addictus in*  
*pretium, nunc regno, nunc præmiis cœlestibus honoratur; tu*  
*mercedem sententiæ tuæ cum tua filia in tartaro percepisti.*

Et hæc IOANNES ore Chrysologi; qui inde duo etiam deducit præclara formandis moribus documenta.

Primum est quod IOANNES non solum adulteras arguit: sed & licita mulierum consortia virginittis amore calcavit.

Secundum, etsi IOANNES tantus, IOANNES talis, tanta eremo separatus à fœminis, fœminarum pericula non evasit, quis est, qui inter fœminas vivens, evasurum se sine maximo labore, maxima sine cautione confidat? Nemo certè, nemo



unus omnium ; sed ne longiùs , redeò ad illam quam dixi mortalibus dari vel in vita , vel etiam in morte gratiam à D. IOANNE , qui totus est *gratia*. Et quidem pro vita testabitur illud , quod ejus beneficio expertus est D. *Birgitta* filius. Hic fortè D. IOANNEM ex eo graviter offenderat , quod in vigilia festi illius jejunium non servasset ; quod ubi rescivit pia Mater , enimverò vehementissimè indoluit , flevitque quàm uberrimè : sed & dolorem , & lacrymas excussit , deterisitque indulgens & Matri , & Filio Domini Præcurfor : Apparuit enim , & hæc illi ; stylo simplici , & candido.

Surius  
tom. 4.  
pag. 346.

*Quandoquidem plerasti ; quod Filius tuus offendit me , non jejunans in vigilia festi mei , mallesque eum servire mihi , quàm regni dignitate excellere , ego illum adjuvabo , & armis meis communiam.* Dixit , & evanuit , relicto tamen illi cœlesti præsidio , armisque in omnem vitam , quibus se tegere , ac tueri posset adversus mali dæmonis insidias , aut vim insolentiorum.

Menologium Cisterci.  
s. Aug.

Spectasti in vitâ magni illius Divi auxilium ; specta & in morte solatium. S. *Hildegundis* Cisterciensis Ordinis , Virgo sanctissima , ut D. IOANNEM amarat impensissimè ; sic & ab illo vicissim amari meruit , atque in extremâ vitæ meta juvari ; adfuit enim morienti , & sese visendum obtulit vel ad præsidium in illâ vitæ cum morte lucta , vel ad solatium in illis , ut assolet , angustiis , vel denique ad gaudium proxima jam , atque imminente beata æternitate , in cujus possessionem dum totis votis abijt , etiam hunc Domini Præcurforem , ductorem meruit obtinere.

Ut & illum obtineas aliquando, pauca tibi sub oculos ponam, *Amice Lector*. Primum ut Divi illius solitudinem ac secessum imiteris, quantum tuæ vitæ ratio patietur, hominum consortia fuge; maximè verò fœminarum, ne ab illis aliqua tibi aspergatur macula.

A B. *Ægidio*, Patris Seraphici socio, petit aliquando unus aliquis, cur IOANNES BAPTISTA etiam puer eremum petisset, eaque ibidem abstinentiâ, cibi, potusque parsimoniâ victitasset? Quid enim illa opus, aiebat, puellulo eâ vitæ innocentia, & gratia, & sanctificatione jam inde ex matris utero? cui ille. *Eccur, inquit, sale aspergitur caro recens mactati bovis?* cui alius, *ut à putredine servetur.* tum illi Vir Dei. *Sic & IOANNES sale pœnitentiæ condiri debuit, ut ejus gratia, sanctitasque & diutius, & melius servaretur.* Hæc ille appositâ profectò similitudine.

Conclusio:  
& fructus.

Surius in  
ejus vita  
tom. 7.

Alterum, ut advertas quàm facile, & pronum sit à vino & epulis, à mensa & poculis, haustaque ab illis ebrietate, ad alia vitia delabi: uti delapsus olim *Herodes* impius, qui ut meretriculæ illecebris serviret, & leviusculæ saltatrici, ad venerem, & luxuriam sese turpiter inclinavit, ad illicitos concubitus descendit, & ab his etiam ad effundendum innocentis sanguinem etiam per summam immanitatem atque perfidiam: in hanc certè venit ad pauculas unius saltatricis voculas. *Volo, inquebat, ut mihi des caput IOANNIS in disco.*

Rogavit aliquando Alexandri Magni parens, nimium procax, & effera, ut hominis cæteroquin innoxii caput, vitamque sibi daret, & hoc mercedis loco. Cui ille. *Aliam*

Mm

parens



*parens optima posce mercedem, hominis enim salus nullo beneficio pensatur.* Et rectè. Quid enim humanæ vitæ dabis æquale? potuisset, imò & debuisset furenti saltatriculæ id obijcere, id obtrudere Herodes, sistereque furiosos impetus. At nec hoc, nec illud fecit. Annuit illico, & *præcepit afferri caput in disco.* Hoc nimirum ebrietati, hoc luxuriæ, hoc immanitati ferculum debebatur, ut in illo videas, quæ scelerum monstra, quæ portenta criminum pariat ebrietas; ea certè, quæ omnis damnet, & damnabit ætas.

D. Hieronymus in caput decimum-quartum Matthæi, ad illa verba: *Et allatum est caput ejus in disco.* Legimus, inquit, in Historiâ Romana, Flaminium, Ducem Romanum, quod accumbenti juxta meretriculæ latus, quæ nunquam se vidisse diceret hominem decollatum, assensus esset, ut reus quidam capitalis criminis in convivio truncaretur, à Censoribus Curiâ pulsum, vel ex eo quòd epulas sanguini miscuisset, & mortem, noxii licet hominis, in alterius delicias præstitisset;

Quod si judice Romana curia, & reus habitus est Flaminius, & exilio damnatus, quòd libidinem pariter, & homicidium miscuisset hominis cæteroquin rei; quantò magis terra, cœloque judice, damnandus Herodes, quòd IOANNEM Præcursores Domini, virumque innocentissimum, & libidinis simul, & crudelitatis victimam fecisset? *Quid enim (ut D. Ambrosii verbis utar) crudelitati cum deliciis? quid cum funeribus voluptati?* Enimverò nihil, nisi apud animam multo vino madidam, & malè sana libidine captam, atque obcæcatam: hanc fuge, ac detestare, & D. IOANNEM imitari

imitari in hoc stude: sed & in illo, si forte sacer sis Ecclesiastes, liberâ semper voce, liberâ & mente in peccatores declama, nec hominem aspice, externasque phaleras, sit ille in sacco sordidus, sit nitens in purpura, nihil interest, ad id enim muneris te vocavit Deus. *Habacuc* Propheta emissus à cœlo fuerat, ut & populi scelera carperet, & impendentia supplicia denuntiaret, & hinc ita de seipso.

*Plasmavit me* (scilicet Deus) *ut arguam disciplinam ejus.* Cap. 1. Alia versio habet. *Finxit me Deus, ut arguam populum, & annuntiem ei supplicia.* Et ita te quoque plasmavit, ita finxit supremum Numen: vide respondeas plasmatori tuo, figulo tuo, cujus es, & esse debes vas in honorem; & ne time ab illis concuti, ac diffringi, ut solent vasa testea: ad hoc enim te, vas quasi testium, & fragile Deus esse voluit. Illum audi *Osee* voce, sic de Prophetis suis, sic de te ipso. *Dolavi* Cap. 6. v. 5. *in Prophetis, & occidi eos in verbis oris mei.*

*Dolavi*, inquit, *corda populi, corda Regum lapidea*, ut lapidem solent lapidari; non tamen sine periculo, sine vulnere, sine sanguine: solet enim ex percussione lapidis frustum illius aliquod in dolantis faciem, caputque sæpius profilire: sic & peccatores, dum ab Ecclesiaste redarguuntur, subinde & resiliunt ipsi, & in arguentem insurgunt. Et ita D. IOANNI BAPTISTÆ evenit; ita & tibi eveniet. Sed ne dubita, ne time, ne à proposito tibi scopo recede; gloriosum tibi erit ita cædendo cadere. Vobis autem, ô quicumque, vel BAPTISTÆ alicujus, vel alterius ejusdem genii estis auditores, vobis, inquam, id denuntiaturum velim, id dictum. *Hi sunt, qui sanctissimè cadunt, & saluberrimè*

Mm 2

*vulnerant:* Philo Carpathius in Cant. c. 5.



*vulnerant: ab his vobis melius vulnus salutis infligi, ab his curari, ab his ad tempus occidi, quàm ab adulantibus ad gehennam exosculari.*

Descendo ad ultimum, quem ex hoc discursu panegyrico, fructum, colligi velim: erit ille hujus Divi cultus, ac veneratio. In hanc venit olim Ecclesia, & quidem impensius, quàm in ullum unquam Sanctorum.

Sub *Ottone II.* Romanorum Imperatore soliti erant Sacerdotes ipso DIVI IOANNIS Natali die sacra duo celebrare, ut refert Surius tomo 4. in vita *S. Vdalrici Episcopi.* Et hæc illius ævi pietas fuit; ea in Divum illum veneratio; majorem refert *Amalaricus Fortunatus* libro 3. de officiis Ecclesiasticis, in quibus testatur in die Nativitatis D. IOANNIS BAPTISTÆ, tria olim à Sacerdotibus sacra dici solita, Deoque immortalis offerri: quod etsi modò inolitum sit, ostendit tamen singularem Sancti illius Præcursoris apud Majores nostros fuisse venerationem; eamque tacitâ quadam, ac mutâ voce commendat; ut in eam venias, author tibi sum, *Amice Lector*, imò tibi author sis oportet, si modò teipse, tuumqum bonum ames. Aderit ille tibi ut tutor, ut patronus. Si fortè in virtutis tramite molestias pateris. Ita adfuit *Cononi* Monacho & Sacerdoti, cui id demandatum erat officii, ut baptismo alios elueret: eluebat enimvero, sed quoties eo initiandæ erant mulieres id muneris detrectabat; imò eò etiam venerat ut Cœnobium deferere cogitaret, fecissetque nisi D. IOANNES BAPTISTA visus esset ei adesse, atque in hæc verba dehortatus: *Tolera, & persevera, ego te de hoc bello liberabo.*

Cum

Cùm autem nihilominus aliquanto pòst recusasset adolecentulam speciosissimam ex Perfide adductam fonte sacro abluere; veritus ne se interim animo & corpore inquinaret: rursus à fugâ eum S. IOANNES reduxit ad Cœnobii septa, ter ei cruce umbilicum obsignans, addensque interim illud. *Crede mihi volebam te pro hac pugnâ mercede donari: sed quia non vis, ecce abstuli à te hoc bellum, mercede autem hujus operis carebis.*

Silvester  
Petra Sancta  
Thanasia  
tom. 2. c. 2.

Haftenus Domini Præcursor, qui non tantùm illi Monacho animos facit: sed & omnibus Ecclesiæ Ministris, si fortè in sacris officii sui ministeriis tentationem patiantur: his enim aderit, uti & illi, & si subinde interiores illas animi molestias, aut scrupulos non omnino tollat: at faciet ut in illis saltem non succumbas. Quod si ab illis propè victus nutare, aut deficere inceperis, aderit ipse, confirmabitque in benè cœptis. Ita adfuit S. Ivano Regis Dalmatiæ filio, cui eremum deferere cogitanti, animos ad perseverandum fecit, oblata etiam illi Cruce lignea.

Fastorum  
Marian.  
24. Junii.

Si in via sis virtutis, & in illa tibi comes erit: ita D. Bernardino comes fuit, cui & Monachos in Hispaniam mittere persuasit, & Hispaniam jam ingressis sese adjunxit, vel ut laboris socius, vel ut tutor, ac defensor.

Menologium  
Eccles.  
23. Dec.

Si denique es in extrema brevis ævi meta, & in illa tibi patronus aderit, ac ductor in Divorum atria, beatamque æternitatem; ut suprâ ostendi in S. Hilgedunde, cui comes, imò dux fuit in cœli regiam: eritque etiam tibi, si modò sis, D. IOANNI, quod illa fuit, hoc est cliens, atque in Domino servus.



# IN FESTO SS. APOSTOLORVM PETRI ET PAULI.



N porta Civitatis Mantuanæ visebatur olim Angelus, altior utique Poëticæ genius, opere statuario bellè expressus, qui dextrâ coronam prætendebat. Visebatur etiam hinc *Virgilius*, inde *Baptista Mantuanus*, Poëtæ laureati: subiecta erat hæc epigraphæ. *Cui dabo?*

Adeo pares à calamo, doctisq̃ue ingenii monumentis videbantur, ut nescires cui danda esset palma, cui & corona.

Si sacra profanis componere mihi liceat, aut certè ex his, ad illa aliquid in rem meam traducere. Dicam in Ecclesiæ fronte, portâve, videri mihi cœlestem genium, qui coronam exhibet, ostentatq̃ue; coronam utique gratiæ, coronam virtutum, coronam gloriæ, quam dum jactat, legendum objicit & illud lemma, *Cui dabo?* PETRÓNE, an PAULO? Et huic, & illi dabis, ô bone Angele; nam & huic, & illi terra dedit, dedit & cœlum, dum Roma, uno, eodemq̃ue die & Apostolos dedit, & Martyres, meritis utique pares, pares & gratiâ, pares & gloriâ. Et hanc, & illam oculis, animoq̃ue dum lego, tam huic, quàm illi brevem discursum panegyricum apparo, in eoq̃ue uberem gratiarum, id est magnarum virtutum, coronam; pro quâ texendâ sit

QUÆSTIO

# QUÆSTIO UNICA

## MORALIS.

Ad illa verba: *Illi Viri misericordia sunt, quorum pietates non defuerunt.* Eccl. cap. 44. v. 10.

Qui sint illi Viri misericordiæ? & quæ eorum pietates?

**E**RIT fortasse unus aliquis, qui mirabitur me hac luce, Divis Apostolis PETRO & PAULO, sacra ac solemni, hoc mihi signasse thema, hoc argumentum panegyricæ dictionis elegisse, ecquid enim, inquiet, an defunt alia & plurima, & fortassis magis apta, consonaque Apostolicæ gloriæ, laudique, cui volumus velificari? Enimverò non defunt.

Si enim Ecclesia *Hortus* est, hi in eo sunt *due Olive*, quæ Apoc. c. 12. oleum effundunt cœlestis in mortales omnes beneficentiæ.

Si *Aula* quædam, regiaque supremi Principis, & hi in ea sunt *duo Candelabra in conspectu Domini.* Apoc. c. 12.

Si *Templum* alterius, id est novi Salomonis, & hi in eo sunt *dux ac principes columna*, quæ illud fulciunt ac sustinent. 3. Rex c. 7.

Si *Castrorum acies ordinata.* Ecce *duo gladii, duo tubæ* Cant. c. 6. veri Moyſis, id est Christi: hæc quidem ut in arma, aciemque evocent :



evocent : illi verò ut hostem feriant, sternantque.

Gen. c. i.

Si *Cælum* est, ecce in eo Apostolos, veluti duo *Luminaria magna*. Unum quidem ut cæcæ gentilitati luceat : alterum ut Iudaicæ perfidiæ, atque obstinationi.

Si denique Ecclesia *Propitiatorium* est. Ecce in eo duo *Cherubini*, duo Apostoli, qui & Cherubinos scientiâ vincant, & Seraphinos caritate : hæc nimirum sunt electiora, & sacratiora encomia, quæ producere possem hac ipsa die Apostolorum gloriæ, laudibusque enarrandis dedicata. Non abnuo ejusmodi illa esse. Cur igitur ab iis discedo ? cur ab eo in illud, in speciem, ut videtur, minus conspicuum, atque illustre ? Cur in mediam concionem afferro illud. *Hi sunt Viri misericordiæ* ? Angelos, Cherubinos ; imò & Seraphinos appellare potui, quod & fatebor non invitus ; sed & fatebor etiam illud, eò me duci ab Ecclesia, ceu matre quàm optima, ceu Magistra sapientissima : quæ luce Apostolicæ solemnitati octavâ, hoc ipsum, veluti thema nobile, velut argumentum sacre dictionis mihi sub oculos posuit ; ut & illud ipse Auditorum meorum oculis, animisque objicerem, quod illa prius inter Missarum solemnia objecisset. Pareo igitur, ceu matris amantior filius, ceu Magistræ obloquentissimus discipulus ; iterumque repeto illud. *Illi Viri misericordiæ sunt*. At quinam ? & cur illi ?

### *Antiqui Patriarchæ Viri misericordiæ.*

**H**OC capite Ecclesiasticus extollit, prædicatque primorum sæculorum Patriarchas, Virosque scientiâ, ac pietate illustriores, quales *Enoch, Noëmus, Abraham, Isaac*

U Iacob: Cui ideo Codices Græci præfixerunt titulum: *Hymnus Patrum. Tigurina, Majorum laudes.* Hos porro appellat specioso sanè nomine *Viros misericordiæ*, quod duplici modo accipi potest.

Primò passivè, ut dicantur, & sint *Viri misericordiæ*, hoc est, à Deo misericordiam consecuti, ut opinatur Rabanus.

Secundò activè, ut *Viri misericordiæ*, idem sint ac *Viri misericordes*, ex misericordiâ, quasi ex matre geniti, totique ex eâ conflati; ut alii Interpretes communius. Ego tam huic, quàm illi explicationi inherebo, ostendamque Apostolorum Principes PETRUM & PAULUM, ex vero fuisse *Viros misericordiæ*, & hoc quidem utroque sensu à me in præsentia producto.

DD. *Apostoli PETRVS & PAVLVS Viri misericordiæ. hoc est misericordiam consecuti.*

D Iuvus Bernardus piè ut assolet, & ingeniosè tractans hunc Ecclesiastici locum, eos asserit esse *Viros misericordiæ* ex triplici capite. *Sive quia misericordiam consecuti, sive quia misericordia pleni, sive quia misericorditer à Deo nobis donati;* quod paucis expono, & quidem

Serm. 3. de  
Ss. Petro &  
Paulo.

Primò *Viri sunt misericordiæ*, hoc est misericordiam à Deo consecuti tam PETRUS quàm PAULUS.

Ille quò retia evasit sæculi, iste quò ex prædone confessor factus est Christi. Ecce enim duos elegit Christus, unum piscatorem, alterum grassatorem. Illum vocat ex littore, istum

D. Aug.  
serm. 4. de  
Ss. Petro &  
Paulo.

N n

clamat



evocent : illi verò ut hostem feriant, sternantque.

Gen. c. i.

Si *Cælum* est, ecce in eo Apostolos, veluti duo *Luminaria magna*. Unum quidem ut cœcæ gentilitati luceat : alterum ut Iudaicæ perfidiæ, atque obstinationi.

Si denique Ecclesia *Propitiatorium* est. Ecce in eo duo *Cherubini*, duo Apostoli, qui & Cherubinos scientiâ vincant, & Seraphinos caritate : hæc nimirum sunt electiora, & sacratiora encomia, quæ producere possem hac ipsa die Apostolorum gloriæ, laudibusque enarrandis dedicata. Non abnuo ejusmodi illa esse. Cur igitur ab iis discedo ? cur ab eo in illud, in speciem, ut videtur, minus conspicuum, atque illustre ? Cur in mediam concionem affero illud. *Hi sunt Viri misericordiæ* ? Angelos, Cherubinos ; imò & Seraphinos appellare potui, quod & fatebor non invitus ; sed & fatebor etiam illud, eò me duci ab Ecclesia, ceu matre quàm optima, ceu Magistra sapientissima : quæ luce Apostolicæ solemnitati octavâ, hoc ipsum, veluti thema nobile, velut argumentum sacre dictionis mihi sub oculos posuit ; ut & illud ipse Auditorum meorum oculis, animisque objicerem, quod illa prius inter Missarum solemnia objecisset. Pareo igitur, ceu matris amantior filius, ceu Magistræ obloquentissimus discipulus ; iterumque repeto illud. *Illi Viri misericordiæ sunt*. At quinam ? & cur illi ?

### *Antiqui Patriarchæ Viri misericordiæ.*

**H**OC capite Ecclesiasticus extollit, prædicatque primorum sæculorum Patriarchas, Virosque sapientiâ, ac pietate illustriores, quales *Enoch*, *Noëmus*, *Abraham*, *Isaac*

U Jacob: Cui ideo Codices Græci præfixerunt titulum: *Hymnus Patrum*. Tigurina, *Majorum laudes*. Hos porro appellat specioso sanè nomine *Viros misericordiae*, quod duplici modo accipi potest.

Primò passivè, ut dicantur, & sint *Viri misericordiae*, hoc est, à Deo misericordiam consecuti, ut opinatur Rabanus.

Secundò activè, ut *Viri misericordiae*, idem sint ac *Viri misericordes*, ex misericordiâ, quasi ex matre geniti, totique ex eâ conflati; ut alii Interpretes communius. Ego tam huic, quàm illi explicationi inherebo, ostendamque Apostolorum Principes PETRUM & PAULUM, ex vero fuisse *Viros misericordiae*, & hoc quidem utroque sensu à me in præsentia producto.

DD. Apostoli PETRVS & PAVLVS Viri  
misericordiae. hoc est misericordiam  
consecuti.

DIVUS Bernardus piè ut assolet, & ingeniosè tractans hunc Ecclesiastici locum, eos asserit esse *Viros misericordiae* ex triplici capite. Sive quia misericordiam consecuti, Serm. 3. de Ss. Petro & Paulo. sive quia misericordia pleni, sive quia misericorditer à Deo nobis donati; quod paucis expono, & quidem

Primò *Viri sunt misericordiae*, hoc est misericordiam à Deo consecuti tam PETRUS quàm PAULUS.

Ille quò retia evasit seculi, iste quò ex prædone confessor factus est Christi. Ecce enim duos elegit Christus, unum piscatorem, alterum grassatorem. Illum vocat ex littore, illum D. Aug. serm. 4. de Ss. Petro & Paulo.

Nn

clamat



*clamat ex itinere. Illum accersit ex ponto, istum terret de calo. Ecce ut Viri misericordiae, ut misericordiam à Deo consecuti, & quidem ut ad singulos speciatim descendam.*

Primò PETRUS, sed quis ille? piscator, hoc est artificio vilis, genere abjectus, & pauperculus, mundoque despiciabilis: si à sanguine nobilem, si à scientiâ illustrem, si à rebus in togâ, lagoque præclare gestis conspicuum elegisset Christus; æquitatis illud, ac justitiæ videri poterat: datum enim fuisset illud aut sanguini, aut sapientiæ, aut meritis seu in Lycæo, seu in martio pulvere. At piscatorem adlegisse, hoc enimverò solius misericordiae opus fuit, & quidem prægrande. Audi quid de illo D. Augustinus.

Suprà.

*Cum PETRUS linea castra laxaret in freto, Christus retia misit in verbo. Cepit Christus, cepit & PETRUS. Christus Discipulum, PETRUS pisciculum; dum circumdat gentem squameam, ipse venit in retia: sed amoris, sed misericordiae retia: Dum enim insidiatur gregibus aequoreis in mari, ipse in rete incidit Salvatoris. Fit de prædone prædatio, de piscatore piscatio, de pirata captivitas. An non illud misericordiae? an non amoris divini prodigium? omnino prodigium, vocatum esse de mari, de navicula, de piscatione: quod etiam inde augetur, quod vocatus sit ut esset deinde piscator hominum. Ita de pisce ad hominem, de rete ad Ecclesiam, de mari ad fontem, de captura factus est factura; ut qui ante capturam latebat in salo, verbi nunc retia spargat in mundo; & qui prius pisces induxit, nunc homines sagenis spiritualibus irretiat.*

Suprà.

Vidimus PETRUM ex vocatione sua, primoque melioris  
vitæ

vitæ limine Virum fuisse misericordiæ; attendamus quomodo ex illa etiam PAULUS. Ecquis enim ille? audi ex eodem Augustino. *Ibat, inquit, Saulus furiis invehctus, duri pectoris efflabat incendium, Sanctorumque sanguinem sitiens per totam Iudeam alienus ferebatur insania, ut Christi membra laniaret in terris, utque Iudæa, quæ pridem se viderat in capite, crudelitatem exerceret in corpore. Et hoc auctore Saulo, persecutore Saulo. Spectasti in illo crudelitatem, specta in Christo misericordiam.* Saule, inquit, Saule quid me <sup>AA. c. 9.</sup> persequeris? Ecce caput pro membris clamat, inquietatur in terris corpus, & insonat Christus in cælis, & contra sevitiâ PAULI, provincia conqueritur cæli, quod profectò eximie cujusdam, ac singularis misericordiæ fuit, à quâ prosternitur <sup>Suprà.</sup> audacia, ut sanctitas erigatur, & cadit miles diaboli, ut surgat signifer Christi. Et ita surrexit PAULUS, qui hæc aliquando ingenuè de seipso. *Qui fui blasphemus, & persecutor, & iniquus: sed misericordiam consecutus sum:* ut verè de illo dici posset, uti & de PETRO. *Illi sunt Viri misericordiæ, hoc est misericordiam à Deo consecuti.*

*SS. Apostoli PETRVS & PAVLVS*  
*Viri misericordiæ, hoc est miseri-*  
*cordiâ pleni.*

**V**T in homine duplex miseria; una corporis, altera animi: sic & in sanctis duplex quoque misericordia, una in corpus effunditur, ut illius mala aut levet, aut tollat: altera evadit ad animum, ut illius salutem omni ratione



procuret. Et hæc, & illa in D. PETRO fuit copiosissimè: & quidem primùm ea quæ ad animam evadit, illiusque miseriam, hoc est pusillanimitatem, aliosque mentis morbos aut sublevar, aut curat.

Et ita curavit in *Rabando*, Viro Principe in Gallia, qui cum religiosæ vitæ asperitatem, utpote lautiori vitæ assuetus, graviter ferre cœpisset, & separatos cibos paulò commodiores Abbatis indulgentiâ admisisset, sic eum sanavit D. PETRUS Vir omnino misericordiæ, hoc est misericordiâ plenus.

Die quodam dum Fratres reliqui communi mensâ, arido scilicet pane, & fabis vescerentur, *Rabandus* videre sibi visus est duos senes, alterum calvum, cui binæ claves è collo pendebant, alterum habitu Monachum, qui crySTALLINAM pixidem manu gestabat. Hi toto cœnaculo circumeuntes, unicuique Monacho, nescio quid edulii è vase illo imperiebant; *Rabandum* solum ita prætereuntes, ut etiam severo, ac subirato vultu eum intuerentur. Quid hic ille? primùm hære, dein mirari, denique ex ejus, qui proximè affidebat, portiuncula aliquid suffurari, quod ut gustavit, visa est illi ejus suavitas omnium ciborum, quos unquam in vita sua, etiam sæculari, comedisset, suavitatem longè antecellere.

Platus de  
bono status  
Rel 13. c. 16.  
sub me-  
dium.

Quod visum cum ter contigisset, ad Abbatem accessit, ac diligenter inquisivit, quinam essent hi duo senes. Intellexit Abbas faciliè, unum eorum esse PETRUM Apostolum, in cujus tutela erat Monasterium, alterum verò *Honoratum* Cœnobii illius authorem: causam autem cur ipsi uni communis

communis illa esca negaretur, eam esse, quod communem aliorum severitatem non sequeretur: quod audiens *Rabandus*, animo confirmato ad omnem ejus vitæ disciplinam perferendam, multò eam faciliorem, ac leviolem reperit, quàm antea putasset.

Et hoc Apostolorum Principis beneficium fuit, hæc erga illum, aliosque misericordia; quæ ut dixi ad animos immortales transit: demus aliam, quæ corpora malè affecta respicit vel à morbo, vel à paupertate, quæ sæpiùs morbis est gravior. Ibat aliquando in templum PETRUS, cùm ad portam illius speciosam occurrit mendicus, claudus jam inde ex matris utero, oculos intendit ille, & simul vocem explicat, ut eleëmofynam accipiat. Cui PETRUS. *Argentum* Act. 3.  
*& aurum non habeo, quod autem habeo hoc tibi do. In nomine IESU Christi Nazareni, surge, & ambula. Et apprehensa manu ejus dextera allelavit eum, & protinus consolidatæ sunt bases ejus, & plantæ.*

Et hæc insignis D. PETRI miseratio, hæc eleëmolyne in pauperculum, & mendicum, & quidem benè larga.

*Beata planè largitas, exclamat D. Augustinus, quæ petenti argentum non contulit: sed contulit sanitatem. Beata largitas, quæ de thesauris suis aurum non protulit: sed protulit medicinam: imò & beatus ille claudus, qui dum stipem querit pecunie, divitias accepit incolumitatis. Hoc enim ab Apostolis donum meruit, quod nullus thesauris à medicis redimere potuisset. Et hæc est ea largitas. hoc donum quod etiam posteros docuit sic esse liberales.*

*S. Vinualgo occurrit aliquando cæcus, qui (ut afolet*

*Nn 3.*

*simile*

Serius in  
ejus vitæ  
tom. 2.



simile genus hominum) importunè eleëmofynam efflagitabat : cui ille idem dixit quod olim PETRUS claudio, dixit, inquam, & visum pro eleëmofyna restituit. Dedit nimirum quod habebat optimum, sanitatem. Et ita dandum docuit aliquando Christus S. *Lutgardem*, aliosque, qui pecuniis ut sint destituti, non sint tamen misericordiâ.

Surius  
tom. 3.

*Ores*, inquiebat, *pro paupere, & dedisti quod tuum est.* Sed redeo unde paululum abii, ad insignem D. PETRI in afflictos miserationem, ea patuit vel maximè cum vel aurâ solâ transeuntis, vel etiam umbrâ infirmis omnibus afferret sanitatem, cujus probè conscii, in plateas ejiciebant infirmos, & ponebant in lectulus, ac grabatis, ut veniente PETRO salutem umbra illius obumbraret quempiam illorum, & liberarentur ab infirmitatibus suis. Et hæc in illo fuit prodigiosa misratio, ex qua id conficit D. Augustinus. Si tunc opem ferre poterat umbra corporis, quanto magis nunc plenitudo virtutis? Si tunc supplicantibus proderat aura quædam pertranseuntis, quanto magis gratia nunc permanentis? Si tam medicabilis fuit obumbratio visitantis, quanto magis catena vincientis? Et si ad præsidium supplicantium tam potens fuit PETRUS ante martyrium, quanto magis efficax post triumphum? Certè ita efficax, ut quidquid illum solummodo vel leviter attigerit, eandem efficaciam, virtutemque medicam videatur imbibisse.

Serm. 1. de  
SS. Petro &  
Paulo.

Silvester  
Petra San-  
cta Thau-  
masie  
tom. 2. c. 16.

S. Hugo Abbas Cluniacensis, Casulam S. PETRI, Antiochiâ in Gallias perlatam, habens præ manibus in basilica S. Genovesæ, ubi jam ad aras litaverat.

*Vtinam*, inquit, *aliquis ager adesset, in quo virtutis Apostolicæ*

*Apostolica caperemus experimentum.* Cùm ecce vir adducitur omni membrorum usu destitutus, & repentè contactu sacri illius indumenti convaluit. Ea nimirum D. PETRI etiamnum in cœlis erga infirmos miserationio.

Eadem & D. PAULI; nam & Athenis cœcum à nativitate illuminavit dicens. *Christus Dominus, & Magister noster, qui oculis lutum imposuit cæci nati, & lumen restituit ei, ipse te potentiâ suâ illuminet, cui mox videnti. Vade, inquit, ad Dionysium, & dic ei, quia PAULUS servus IESU Christi ad te me misit, ut memor sponsonis tuæ, ad eum venire non differas, quo baptismum salutis accipiens, ab omnibus possis absolvi nexibus delictorum.*

Thaumasia  
tom. 1.  
c. 66.

Interrogatus autem, num cœcus natus esset? Ego, inquit, sum ille, cui hætenus sol non luxit.

Quare *Dionysius* cum uxore *Damari*, totaque familiâ nomen Christo dederunt, & à Sancto PAULO lustrali fonte sunt initiati: in quo habes duplicem D. PAULI in afflictos miserationem, corporum unam, alteram animorum. Illa certè adeo familiaris erat, & propè quotidiana, ut *super languidos deferrentur à corpore ejus sudaria, & semicinctia, & recedebant ab eis languores, & spiritus nequam egrediebantur*, ita nimirum pervicaces illi spiritus, & morbi quantumvis pertinaces, Apostoli caritati, ac miserationi cedebant. Sed hoc, inquires, datum est PAULO adhuc apud mortales spiranti ac vivo; demus aliud, quod etiam mortuo, ut etiam in hoc vivere noveris illius miserationem.

Act. c. 19.  
v. 12.

Constantia Augusta pro ea qua erat in D. PAULUM religione, à D. Gregorio, nomine, & re etiam ipsa Magno, petierat

Thaumasia  
tom. 2. c. 14.



petierat caput, & sudarium S. PAULI, ut hoc sacro pignore tam esset gloriosa Ecclesia Constantinopolitana, quam erat corpore S. PETRI Ecclesia Romana. Imperatricis pietati dandum aliquid censuit S. Pontifex, & aliquid de limatura catenarum illius Divi transmittendum; & sic ad illam.

*De catenis, quas ipse S. PAVLVS Apostolus in collo, & in manibus gestavit, & quibus multa miracula in populo demonstrantur, partem aliquam vobis transmittere festinabo; si tamen hanc tollere limando valuerō. Quia dum frequenter ex catenis iisdem multi venientes benedictionem petunt, ut parum quid de limatura accipiant; assistit Sacerdos cum lima, & aliquibus petentibus ita concitè aliquid de catenis ipsis excutitur ut mora nulla sit. Quibusdam verò petentibus diu per catenas ipsas ducitur lima, & tamen ut aliquid inde exeat, non obtinetur. Hactenus ad Augustam Magnus Pontifex. ex quo duo in rem meam stylo notabo.*

Primum è sacratoribus illis catenis aliqua decerpi ramenta urgente, ac mordente lima, iis scilicet quibus id indulgeri vult Apostolus; aliis autem, quibus id beneficii negat, minimè.

Alterum iis catenis, ac ramentis multa miracula demonstrari in populo, miracula utique sanicatum, quibus vincuntur, & cedunt morbi omnes, & certè quidni cederent *misericiadi Viro*, cui omnis cedere debet miseria; quod si fortè eorum culpa non cederet, tum verò vel maximè affligebatur Apostolus, & alienis malis illacrymabatur, non

Hom. 2. de  
laudibus  
Pauli.

suis. Ut enim de illo D. Chrysostomus. *Nullus tanto affectu mala propria, quanto PAULUS deflebat aliena, indeque etiam*

etiam factum ut PAULUS crebrò fleviſſe legatur, viſiſſe nunquam aquè, ac Chriſtus. Et ſanè quomodo rideret qui hoc de ſe ipſo, & verè, & piè ?

*Quis infirmatur, & ego non infirmor ? quis ſcandalizatur, & ego, non uror ?* quali diceret, infirmatur nemo, quin & ipſe infirmus ; nemo ſcandalizatur, & à ſcandalo velut uritur, quin eodem & urar ipſe, quod ſummæ proſectò miſerationis eſt indicium ; uti & illud, quod ſubjicio, ad eſſe aque opitulari in morte, quæ ſummum eſt naturæ malum, & prima, ac potiffima, nobis à peccato relictâ miſeria. Adeſſe autem tum temporis Viros illos miſericordiæ, duobus exemplis, probaturus venio ; major enim factis eſt fides quàm verbis.

Morbo graviore oppreſſa ad extremâ venerat B. Maria Surius tom. 3. p. 776 *Ogniacenſis*, animamque jam agebat : cùm ei ſeſe ſpectandum obtulit D. PETRUS, clavesque, quas gerebat oſtendens. His, inquit, clavibus tibi cœli januaſeſerabo. Dixit, & abiturientem animam excepit, cœloque induxit, cœli claviger. Quod illi D. PETRUS : hoc alteri S. PAULUS. Puella erat, & formæ gratiâ nobilis, & genere illuſtris, quæ mundo, ejusque pompis valere juſſis monaſticæ vitæ ſeſe addixerat : ea exactis in religioſâ profeſſione annis quàm plurimis, ad extremam vitæ periodum deductâ, in quâ dum ſtat, quaſi in confinio temporis, atque æternitatis, ad ſe venientem aſpexit Apoſtolum, collectisque ut potuit viribus aſſurgens, ac deinde in genua prolabens, benedictionem petiit, adjiciensque ſolemne illud *Benedicite*, expiravit, probè munita Apoſtolica benedictione adverſus omnes

Surius tom. 6. p. 422.



tartarei hostis insidias. Quod illis : hoc & aliis, atque in-

S. Gregor.  
Turon l. de  
vita Patrum  
c. 17.

S. Gregor.  
Papa Hom.  
17. in Evāg.

primis S. *Niceto* Episcopo Trevirensi, cui apparens PAULUS ad requiem vocavit, duxitque sempiternam : uti & B. *Cassium* Episcopum Narniensem, qui ipso die SS. Apostolorum PETRI ac PAULI, & moriturum se Deo revelante didicit, & ab illis in cœli Regiam induci meruit. Ita nimirum cum miseris mortalibus agunt *Viri illi misericordie* ; adsunt paratissimi, atque in iis angustiis veniunt ; in quibus non de vitâ agitur mortali ; sed de immortalî, non de temporis usurâ breviorē ; sed de ipsâ quantâ quantâ est æternitate ; in quâ opem ferre, manumque dare, est summæ miserationis.

Vidisti *mi Lector*, quomodo adsint in morte *Viri illi misericordie*, attende quî etiam post mortem, ad sepulchri gratiam ac honorem, in quo etiam elucet insignis eorum misratio.

Surius in  
Octobri.

S. *Oftha* Virgo & Martyr ex prosapia Regum Angliæ, cùm nupsisset Regi *Sibero*, ab illo impetravit, ut Cœnobium talami expers intraret. Bonum omnino factum, cui deinde sua de cœlo merces, martyrii scilicet palma, quæ virginitati decorem addidit ; cùm enim Cymbri Insulam illam longè, lateque popularentur, atque in Christianos sævirent, capite plexa est ; & quod miraculo datum, recto gradu, firmisque vestigiis ad tria ferè stadia cervicem abscissam tulit : ac deinde ad templum Sanctorum Apostolorum PETRI & PAULI subsistens, manu cruenta fores pulsavit, aditum utique efflagitans ; quem etiam mox obtinuit, inventura ibidem & sepulchri gratiam, & ad ipsas Aras debitos Virgini & Martyri honores : & hoc à SS. Apostolis, *Virus* utique *misericordie*,

*miseri cordiæ*, quam etiam testatam voluit D. PETRUS, pia in Ecclesiam sollicitudine ac providentia.

S. Leo Romanus Pontifex Synodo Ephesinæ per Legatos suos symbolum fidei missurus, contra emergentes Eutyche-  
tis, ac Nestorii hæreses, illud prius collocavit in tumulo Principis Apostolorum, ita deprecans.

Baron. An-  
no Christi  
449.

*Si quid, ut homo minus cautè posui, tu, cui à Domino Salva-  
tore nostro IESU Christo, & hæc sedes, & Ecclesia commissa  
est, emenda.*

Quid hîc Apostolus? apparuit S. Leoni, & hæc illi: *Legi  
& emendavi.* Et re etiam ipsa de sepulchro receptum est  
symbolum cum emendationum notis. Ecce *Virum miseri-  
cordiæ*, qui & corporibus prospicit & animis; & fidei or-  
thodoxæ in quo profectò summa est miseratio.

*SS. Apostoli PETRVS & PAVLVS  
Viri misericordiæ, id est misericorditer  
à Deo nobis donati.*

**D**Ivus Augustinus more suo ingeniosè & doctè osten-  
dit Apostolorum Principes Ecclesiæ à Deo donatos  
aliis atque aliis nominibus ac titulis.

Primum ut *fundatores Christiani nominis.* Secundò ut  
alios à Christo *Salvatores.*

*Hi duo, inquit, electi sunt ad duorum populorum salutem,*  
*PETRVS ad Iudeorum, PAVLVS ad Gentium.*

Serm. 5. de  
SS. Petro &  
Paulo.

Tertiò ut *cultores Ecclesiæ, leu Domini Vineæ.* *Petrus,*  
*inquit, Vineam ubi jam fuerat reparat, PAVLVS plantat,*



ubi non erat. PETRVS in Iudæis arborem ab antiqui generis nobilitate degenerem in radice sua excolit; PAVLVS verò in alieno fomite peregrinos ponit Gentium ramos. PETRVS in Iudæis terram malè fecundam excolit. PAVLVS in Gentibus nondum cultam fecundat.

Quartò, ut medicos, & animarum curatores. PETRVS, inquit, in Iudæis mollit duritiam; PAVLVS in Gentibus illuminat ignorantiam. PETRVS tenebras, & vitia pellit ex oculis. PAVLVS reddit oculos à nativitate cæcatis.

Quintò, ut Duces, atque Antesignanos. Vario, inquit, ac diverso genere innumeri populi ad unius Regis militiam congregantur, ac si duo potentissimi Duces, PETRUS Antiquum de Veteribus reducit; PAULUS novum de tyronibus Christi conducit exercitum.

Sextò, ut Negotiatores. Discurrunt, ait, per universum mundum, duo splendidissimi negotiatores, portantes coram Gentibus, Regibus, & filiis Israël pretiosa fidei mercimonia. Circumferunt aromata justitiæ, thura divina venerationis, incensum compunctionis; balsamum castitatis.

Septimò, ut fideles in Christo dispensatores. Erogant, inquit, per omnem terram, spirituales dispensatores pretia salutis, thesauros sanctitatis.

Octavò, ut optimos, ac pientissimos Parentes, de quibus sic ille ipse Divus Augustinus: Querunt, quos secum ad cælos attrahant piissimi animarum parentes, dispares partium studiis, operum meritis pares.

Et hæc speciosa nomina, hi pretiosi sunt tituli, quibus à Christo nobis dati sunt Apostoli, cælesti profectò misericordiâ.

misericiordiâ, & eximiâ quadam divini amoris inclinatione.

*Ipsa*, inquit Augustinus, *genuit PETRUM, ipsa parturivit*  
& *PAVLUM, ut ex lupo fieret agnus.*

Serm. 1. in  
Festo SS. Pe-  
tri & Pauli.

Genuit enim verò PETRUM. At quomodo genuit? utique  
baptismo, ceu spiritali quadam regeneratione: & quidem  
PETRUM ipsemet Christus, de quo sic Nicephorus.

Baptismum Christus consecravit in Jordane, à S. Ioanne  
Baptista eodem irroratus. Ipse deinde ex viris quidem  
S. PETRUM, ex mulieribus verò MARIAM Virginem, & san-  
ctissimam suam Genitricem hoc sacro fonte initiavit: rum  
eodem S. PETRUS lustravit *Andream, Iacobum, & Ioannem*;  
& hi denique cæteros Apostolos, ac Discipulos Domini;  
qui hac ratione in Christo geniti, & Ecclesiæ ab illis donati:  
at PETRUS, isque inter Apostolos unicus à Christo sic geni-  
tus, & nobis donatus. PAULUS autem tanquam & ipse  
*natus, baptisatus est à Matre*, scilicet Ecclesiæ, & *illuminatus*  
*à Deo Patre*, ut notat Augustinus. Ecce ut tam hîc, quàm  
ille *Viri misericordiæ*, hoc est à Deo nobis misericorditer  
donati; *quorum pietates non defuerunt.* Ut porro intelliga-  
mus ecquænam illæ, sit

L. 2. Histor.  
c. 3.

Serm. 1. de  
SS. Petro &  
Paulo.

(.)

003

QUESTIO



# QUÆSTIO SECUNDA

## MORALIS.

Ecl. c. 44. Ad illa verba: *Quorum pietates non defuerunt.*

Quæ sint illæ pietates?

**P**IETAS apud Theologos, & Scripturæ sacre Interpretes est duplex. Una Deum respicit, estque ejus cultus, invocatio, oratio, debitaque illi submissio, atque obedientia.

Altera delabitur ad proximum, & aliud nihil est, quàm prona, ac facilis in eum beneficentia, ac misericordia.

Pro vocula illa *Pietates*, græcè legitur *Iustitiæ*, cui favet Syrus, qui vertit. *Isti Viri gratiæ & iustitiæ*; quasi ex hac, & illâ essent compositi, imò tam hæc, quàm illa.

D. Gregorius Nazianzenus, facundus sanè, & simul pius orator, ut D. Athanasii speciem aliquam oculis objiceret, aut auribus, animisque affunderet: sic exorsus. *Athanasium laudans, virtutem laudabo*, quasi idem esset Virtus, & Athanasius; idemque Athanasium laudare, ac laudare Virtutem: Quod de hoc extulit ille: hoc D. Chrysostomus de Divo PAULO: cuius istud ab illo elogium est instar omnium: *PAVLVS fuit statua virtutis*, vel quia virtutem exprimebat, referebatque; vel quia PAULUS ipse, Virtus erat. Quod

de

Hom. 6. de  
laudibus  
Pauli.

de D. PAULO, hoc & de S. PETRO Apostolorum Principe;  
ut patebit ex iis, quæ subjiciemus

*SS. Apostolorum PETRI & PAULI Pietas  
erga Deum in humili submissione &  
obedientia.*

**I**saïas prælago spiritu, calamoque hæc de Ecclesia. *Non* Cap. 62.  
v. 3.  
*vocaberis ultra derelicta: sed vocaberis voluntas mea*  
*in eâ.* Hoc nimirum illi nomen inditum ab humili sub-  
missione, lebitaque Deo immortalis obedientia; à quâ quid  
gloriæ, quid honoris in eam emanarit, audiamus ejusdem  
Vatis ore. *Et eris, inquit, corona gloriæ in manu Domini,*  
*& diadema regni in manu Dei tui.* At unde corona gloriæ?  
unde & diadema regni? Utique ab hoc uno, quod Dei  
*voluntas in eâ:* Ubi enim Domini voluntas fuerit: ibi &  
erit corona gloriæ, & diadema regni cœlestis, quo scilicet  
ornatur, quo ditatur, quo & beatur obediens anima.

D. Chrysostomus *incorporeas virtutes* vel ex eo *beatas* Homil. 64.  
*existimat, quia Deo in omnibus parent.* Et hinc primò beatos  
prædicabo Apostolorum Principes, quia jam inde, ab ipso  
limine suæ ad Christum conversionis ei paruerunt; &  
quidem

Primò PETRUS. Piscator erat PETRUS, Piscator &  
Andreas, cum sic ad illos Dominus. *Venite post me, faciam* Matth. c. 4.  
*vos fieri pisces hominum.*

Quid deinde illi? non verbo respondent, non linguâ, sed  
opere. *Relictis enim retibus secuti sunt eum.* Ita cum vellet

PETRUS



Serm. 4. de  
SS. Petro &  
Paulo.

PETRUS concludere piscem, hamo verbi Christus, & ipsum tenuit piscatorem. Rectè hamo verbi, quia scilicet, vel unicum verbum pro hamo fuit, & illud satis, ut qui exercebat in aquore violentiam, pateretur in mente capturam, inquit Augustinus.

Vidimus obedientiam; attendamus & enatam ex eâ coronam gloriæ, primùm in hoc orbe, mortaliq̃ue vita; dein in altera immortali ac beata. Illam ex eo metitur Augustinus. Quod volens Christus superborum cervices frangere, non quaesivit per oratorem piscatorem: sed de piscatore lucratuſ est Imperatorem. Magnus orator Cyprianus, sed prius PETRUS piscator. Ita nimirum per piscatorem, & oratores convertit Deus, & Imperatores, verticesq̃ue coronatos; sed per piscatorem, qui Simon esset, hoc est obediens: tantum in obedientia est momenti, tantum gloriæ, tantum & utilitatis. Prorsus totum mundum dimisit PETRVS, & totum mundum PETRVS accepit, & hoc quia ad vocem obaudiens omnia dimisit. Et hæc obedientiæ merces, etiam in hac aurâ mortali: sed major in immortali alterâ. Intulerat aliquando illud PETRUS. Ecce nos reliquimus omnia, & secuti sumus te, quid ergo erit nobis? Cui illico Christus. Amen dico vobis, quod Vos, qui secuti estis me, in regeneratione cùm sederit Filius hominis, in sede Majestatis suæ sedebitis & Vos super sedes duodecim, judicantes Duodecim tribus Israël.

Matth. c. 19.  
v. 27.

Verf. 28.

In hunc locum.

Laboriosa paupertas, humilis, & à mortalibus contempta obedientia; sed pro laboribus sessio, pro contemptu tantæ redditur celsitudo potestatis, inquit D. Bernardus. Felix profectò,

perfecto, imo & beata obedientia, quæ tam securos, imò gloriosos faciat in illo singulari fragore elementorum, in illo tremendo examine meritorum, in illo tanto discrimine judiciorum, inquebat ille ipse Bernardus, à quo discedo ut veniam ad singularem D. PAULI obedientiam, ac submissionem ad omnem nutum divinæ voluntatis. Dum portat PAULUS funerem contra milites Christi gladium, fulmineum de cælo accipit testimonium, & dum grassatur, percutitur; dum Christi sanctos persequitur, violento radio cælestis luminis cæcatur, & qui adversus Deum erigebatur, divinâ voce terribiliter prosternitur. Audit enim illud. Saule, Saule, quid me persequeris? & subito ad istam divinam vocem increpationis infixus in terram, & sevitiâ perdit, & semitam; ait enim, ecquus es Domine? cui ille. Ego sum IESVS, quem tu persequeris. Cui mox totus alius à seipso. Domine quid me vis facere? Hac perfectæ conversionis est forma. Paratum, inquit, cor meum Deus, paratum cor meum. Paratus sum, & non sum turbatus, ut custodiam mandata tua. Domine, quid me vis facere? O verbum breve, exclamat Bernardus, sed plenum, sed vivum, sed efficax, sed dignum omni acceptione. Quàm pauci inveniuntur in hac perfectæ obedientiæ formâ. Illam audisti, audi & inde secutum gloriæ decus, spectâ coronam, spectâ diadema cælestis aliquando regni, simulque audi illud. Vas electionis est mihi iste. Vas enim verò electionis, inquit D. Hieronymus, tuba Evangelii, rugitus leonis, tonitru gentium, fluvius eloquentiæ Christianæ. Vas auri solidum, ornatum omni lapide pretioso. Vas auri ob sapientiam, solidum ob caritatem, ornatum cæteris omnibus virtutibus,

Serm. 8. in  
Psal. Qui  
habitat.

August.  
Serm. 4. de  
SS. Petro &  
Paulo.

Serm. 1. in  
convers.  
S. Pauli.

Ep. 6 ad  
Thymotheum.

P p

inquit



Præfat. in  
ep. Pauli.

inquit D. Thōmas. At unde omnis ille ornatus? unde aurum? unde gemmæ? unde sapientia? unde caritas? & reliqua virtutum omnium gratia, atque collectio? Utrique ab unâ in Deum submissione, atque obedientiâ. Tantum interest ut in Deum hac ratione sis pius.

## SS. Apostolorum PETRI & PAVLI

*Pietas erga Deum. Fide in eum*

*stabili ac firma.*

Cant. c. 4.  
v. 9.

**S** I c olim Sponsus ad sponsam, hoc est Deus ad animam fidelem. *Vulnerasti cor meum soror mea sponsa, vulnerasti cor meum in uno oculorum tuorum:* Ecquis ille oculus? ecquod ab illo vulnus? Sponsæ, seu animæ duo sunt oculi, rationis unus, quo naturales res omnes aspicit; alter fidei, quo supernaturalia objecta contemplatur, ac suspicit. Vulnus ab hoc cordi sponsi inflictum, est amoris vulnus, vulnus pietatis: hoc petitur, ut ita loquar cor Dei, hoc ipsius amor capitur, hoc cor quodammodo aufertur, unde septuaginta scitè verterunt. *Abstulisti cor meum.* D. Ambrosius. *Cepisti cor meum:* itaque fides, ceu oculus animæ, Deum vulnerat, Deum capit, Deum quodammodo aufert, dum illius capit aufertque amores.

Et ita abstulit D. PETRUS, cæteris à fide præeminens: Hanc porro fidem testantur multa.

Primum, mutatio nominis, cùm enim prius diceretur SIMON, postea ipso primæ Veritatis oraculo PETRUS audiit, dam audiit & illud. Tu es PETRUS, & super hanc  
petram

*petram ædificabo Ecclesiam meam. Petra erat Christus, petra & PETRUS: Petra pro virtute Dominus, petra pro devotione PETRUS. Rectè consortium meretur nominis, qui consortium meretur & operis, in eadem enim domo PETRUS fundamentum posuit, inquitbat S. Maximus Taurinensis Episcopus.*

Homil. 4.  
de Petro.

Et hanc PETRI fidem confirmat illud, quod viso Domino in mare exilierit; *Non cogitat, inquit ille ipse S. Maximus, labentes aquas, non fluentia currentia, & dum Christum respicit, non respicit elementum: quoniam enim respiceret is, cui unicus erat fidei oculus, ad hanc apertus, ad alia clausus, quod si sentiens subsidere sub pedibus aquas, exclamarit quasi timentis illud. Domine, salva nos, perimus, & ille clamor fidei clamor fuit, credidit enim à Domino, ( utique furentis elementi Domino ) salvari se posse.*

Eandem PETRI fidem ostendit & illud, quod deinde ad Christum. *In verbo tuo laxabo rete.* Laborarat, sudaratque nocte tota, & nihil piscium ceperat, jubetur mittere retia in mare, nec mora mittit, quod fidei fuit, & ingentem capit vim piscium, quod fidei ejusdem proventus fuit.

Denique eandem PETRI fidem, & quidem firmam, statamque probat illud Christi ad PETRUM. *Oravi pro te, ut non deficiat fides tua.*

Luc. c. 22.

Quod uni PETRO dixit, minimè cæteris. Nimirum in aliis deficere fides potuit, in PETRO autem, & successoribus nec debuit, nec etiam potuit, ex vero, Christi scilicet oraculo, ac promisso; quod quia stat; stabitque in ævum omne, stabit & D. PETRI ab illa fide erga Deum pietas; cui suppar stabit & D. PAULI, nam & huic firma, atque inconcussa in Deum fides. D. Chrysostomo



In illud  
symboli,  
Credo in  
Deum.

*Fides est lumen animæ, ostium vitæ, fundamentum salutis æternæ.*

In c. 20.  
Matth.

Et hoc altè jecit, jecisseque debuit PAULUS. Primùm quia à Deo ascitus ut esset gentium, imò & orbis universi Doctor, ac fidei Christianæ prædicator adversus Iudæos, Philosophos, Oratores, Magos, Reges, & Tyrannos: à quibus quò magis impetebatur fides, cò magis in PAULO augebatur: ut enim advertit D. Chrysostomus. *Talis est natura fidei, quantò magis vetatur, tantò magis accenditur.* Et quod mirere magis, *Virtus fidei in periculis secunda est, in securitate periclitatur.* Ita secunda fuit in PAULO quàm maximè, ut videre est in periculis, ac præliis, quæ pro illa vel retinenda, vel propaganda subiit.

Eandem in D. PAULO fidem confirmavit, auxitque raptus illius in tertium cælum, in quo vidit ea mysteria, quæ fide credimus.

Serm. 24. in  
Cant.

Probant eandem opera heroica, quæ orbi conspicienda dedit: hæc quippe sunt, quæ fidem testantur, & hominum oculis, imò & ipsius Dei, conspicuam faciunt: ideoque ritè monet D. Bernardus. *Credis in Christum, fac Christi opera, ut vivat fides tua. Fidem tuam dilectio animet, actio probet. Non incurvet terrenum opus, quem fides cælestium erigit.*

Serm. 120.  
de Tempore.

Ad Gal.

Denique PAULI fidem ostendunt, atque explicant. suscepti pro ea labores, itinera, pericula, verbera, carceres, ac tandem ferro illata mors, quæ fidei testis est luculenta. Ut enim in simili de bono Latrone dixit Augustinus. *Solus testis est majestatis, qui socius probatur doloris, & ita probatus est D. PAULUS, qui & stigmata Christi IESU in suo corpore portavisse.*

portavisse se & ingenuè, & verè gloriatur : stigmata, inquam, id est plagas, ac cicatrices Christi causâ corpori impressas, quas ostentat vel ut trophæa quædam militiæ Christianæ, vel ut luculenta fidei suæ in Christum testimonia. Et hæc sunt, quæ in oculis universi exhibuit PAULUS, & quæ etiam nos ipsi exhibere debemus, si modò ii sumus re, qui nomine, fideles. Et hoc ipsum est ad quod nos exhortatur D. Cyprianus, altiore ut solet voce, styloque.

*Ad omnia, inquit, te paratum facere timor Dei, & fides* Tract. de mortalitate.  
*debet. Sit licet rei familiaris amissio, sit de infestantibus mor-*  
*bis assidua membrorum, & cruenta vexatio, sit de uxore, &*  
*liberis avulso; non sint tibi scandala ista, sed prælia. Nec de-*  
*bilitent, aut frangant Christiani fidem: sed potius ostendant*  
*in colluctatione virtutem; cum contemnenda sit omnis injuria*  
*malorum presentium, fiducia bonorum futurorum. Certè nisi*  
*præcesserit pugna, non potest esse victoria. Quis enim esset?*  
*Gubernator in tempestate dignoscitur, in acie miles probatur.*  
*Et arbor, quæ alta radice fundata est, ventis incumbentibus*  
*non movetur. Sic & Apostolus PAVLVS post naufragia, post*  
*flagella, post carnis, & corporis multa, & gravia tormenta,*  
*non vexari se, sed emendari dicit adversis, ut dum gravius*  
*affligitur, verius probaretur. Et sic reipsa probatus est, &*  
*sic ut proberis ipse necessum est.*



*SS. Apostolorum PETRI & PAULI  
Pietas erga Deum. Ab incenso  
in eum amore.*

**M**Emerunt Authores profani cujusdam lapidis, cui nomen *Avestos*, is vel semel tantum injectus in ignem, eum ita concipit, ita tenaciter retinet, ut extingui in eo non possit. Hinc illud Poëtæ:

*Qui semel accensus susceptos detinet ignes  
Extinguique nequit.*

Quod illi lapidi natura interuit: hoc D. PETRO Salvatoris gratia: cui enim potius? Petra erat PETRUS, qui semel admissos à Domino ignes, admissosque amores non dimitteret.

A morte ad vitam, à sepulchri nocte ad lucem, solemque redierat Christus cum SIMONI PETRO dixit. *Simon Ioannis diligis me plus his?* cui PETRUS. *Etiam Domine tu scis, quia amo te.* Cui secundò Christus. *Simon Ioannis diligis me?* Cui rursus PETRUS. *Etiam Domine tu scis, quia amo te.* Cui denique tertio Christus. *Simon Ioannis amas me?* Quid hinc PETRUS? *Contristatus est, quia dixit ei tertio, amas me, & simul addidit illud amantis, & mirum quantum amantis. Tu scis, quia amo te.* Non vacat mysterio trina illa Christi interrogatio, uti nec trina PETRI confessio. Illud aperit D. Augustinus. *Ter negaverat timor, ter confessus est amor Trinitas negationis, desertio veritatis: trinitas confessionis, testimonium dilectionis.* Et hoc quidem primum, quod

In vigilia  
SS. Petri &  
Pauli.

exiit à PETRI voce, in oculis Domini.

Alterum ejusdem dilectionis testimonium est ab ipso Christo, Primaque, atque infallibili veritate; quæ illi committit, quod sibi unicè carum erat, ait enim primò. *Pasce agnos meos*, deinde & illud ipsum. *Pasce agnos meos*. Denique & istud. *Pasce oves meas*, quasi diceret (ut explicat D. Augustinus) *fit amoris officium pascere dominicum gregem: sicut fuit timoris indicium negare pastorem*. Sicque eodem interprete D. Augustino; *interrogatur amor, & imperatur labor*. At quis ille labor? in agnorum, oviumque cura, id est animarum, quæ Christo, ceu supremo Pastori erant in amoribus atque deliciis, & quæ ideo non creduntur nisi amanti, & mirum quantum amanti.

Vidimus hætenus D. PETRI in Deum pietatem, id est amorem; spectemus & S. PAULUM. Hunc spectavit, amavitque D. Chrysostomus, qui cum eum oculis, animisque subicere non possit, sicuti est in se, utitur opportuna similitudine, ut per illam supponat & sensibus. *Sicut ferrum*, Homil. de laud. Pauli. *inquit, missum in ignem, totus ignis efficitur; sic PAVLVS caritate succensus, totus factus est charitas*. Ea certè tanta fuit, ut ex hæreticis nonnulli (uti advertit Origenes) crediderint, licèt falsò, S. PAULUM esse ipsummet Spiritum sanctum, qui totus in divinis amor est. Habet nimirum illud amor ut amantem quasi mutet in amatum, nec vivat amans, nisi vel ipsa amati vita: & ita vixit D. PAULUS, cujus eæ voces liberæ: sed & veræ. *Vivo ego, jam non ego, vivit* Ad Philip. c. i. *verò in me Christus*, & cum ita viveret, nihil pœnè loquebatur nisi IESUM, nisi Christum, nempe ex abundantia cordis,



cordis, id est amoris, os loquitur; illud quâ voce, quâ calamum exprimit, quod amat. Ita qui illius Divi Epistolas accuratius decurrerunt, annotavere augustum, & amabile IESU nomen in iis expressum ducentis decies novies. Christi verò quadringenties, & semel. Ita scilicet è corde PAULI in os illius, calamumque effluebat, quod amabat ardentius.

Ex hoc porrò amore, duo etiam manabant illustra ejusdem argumenta. Primum ut impensè cuperet dissolvi, & esse cum Christo.

Alterum, ut quasi in certamen vocaret hostes omnes, ærumnas omnes, pericula omnia, & quidquid seu terra habet, seu inferi tegunt, seu cœlum etiam celat, futurus de illis victor, non aliis armis, quàm amoris. Illum audiamus.

Ad Rom.  
c. 8.

*Quis, inquit, nos separabit à caritate Christi? tribulatio? an angustia? an fames? an nuditas? an periculum? an persecutio? an gladius? Ubi hæc omnia in arenam vocavit, quasi jam victor, ac triumphans, Certus sum, ait, quia neque mors, neque vita, neque Angeli, neque Principatus, neque Virtutes, neque instantia, neque futura, neque sortitudo, neque altitudo, neque profundum, neque creatura alia poterit nos separare à charitate Dei, quæ est in Christo IESU Domino nostro. Quid ea charitate illustrius dici, aut cogitari potuit? beatus qui ea charitate cum PAULO vulneratus est. De seipsa dicebat olim Sponsa Sponsi sui amantior. Vulnerata caritate ego sum. Quàm pulchrum est, quàm decorum à charitate vulnus accipere? Alius jaculum carnei amoris excipit, alius terrena cupidine vulneratus est: tu nuda membra tua, & præbe te jaculo*

*jaculo electo; jaculo formoso. Beatum est hoc jaculo vulne-* Hom. 2. in  
*rari; inquitbat Origenes.* Cantic.

*SS. Apostolorum PETRI & PAULI Pietas  
erga Deum. A singulari reverentia,  
& in eum religione.*

**R**everentiam, quæ supremo Numini debetur, testan-  
tur potissimum duo. Primum demissio sui ipsius,  
& abjectus de se sensus. Talis olim fuit in *Abrahamo*, qui  
cum Deo suo acturus, hæc prius de seipso & piè, & verè.  
*Loquar ad Dominum, cum sim pulvis & cinis.*

Alterum, est enatus ex sui-ipsius cognitione timor qui-  
dam, & sacer horror. Is fuit in *Davide* Regum maximo;  
qui templi adyta subiturus, hæc sibi. *Introibo in domum* Palm. 5.  
*tuam, & adorabo ad templum sanctum tuum in timore tuo.*  
Timor ille fuit in eo primus ac potissimus reverentiæ ac  
religionis partus. Et hic fuit in D. *PETRO* Apostolorum  
principe; patuitque vel maximè, ubi abjectum ad pedes  
suos Christum vidit, sic enim ad illum. *Domine tu mihi* Joan. c. 13.  
*lavas pedes?*

Magna in singulis verbis est emphasis, quam dum expen-  
dit D. Augustinus. *Quid est, inquit, tu? Quid est mihi?*  
*Cogitanda sunt potius, quàm dicenda, ne forte, quod ex his*  
*verbis aliquatenus quidem concipit anima, non explicet lingua.*  
Quis enim explicaret etiam illas dumtaxat vuculas. *Tu, &*  
*mihi? Quis & has. Lavas pedes, qui abjectissima corporis*  
*humani pars. Has certè dum apud se expendit PETRUS,*



seu timore, seu horrore victus erumpit in illud. *Non lavabis mihi pedes in aeternum*: quasi diceret, interprete D. Cypriano, *Ego, si oportuerit me mori tecum, paratus sum: hoc enim debeo, hoc amplector. Pro te libenter cervicem porrigo percussori. Sed Deum meum, & Dominum meum ad pedes meos prostratum, non patior, non audeo sustinere.* Nec sustinuisset unquam, nisi victus fuisset illa Christi comminatione. *Si non laveris te, non habebis partem mecum*: tum enim cessit. Et hoc primum fuit in PETRO reverentiæ Christo debitæ argumentum.

Vers. 8.

Alterum fuit cùm ex Domini jussu, ac præcepto misit in mare retia sua, & præter spem omnem, atque expectationem, ingentem cepit piscium multitudinem; sic ut propè diffringeretur rete: tum enim & ad Christi pedes accidit, & in illud exclamavit. *Exi à me, quia homo peccator sum, Domine*: quasi indignum se crederet & Christi consortio, & præsentia.

Luc. c. 8.  
v. 8.

Quæ in PETRO fuit profunda corporis animique demissio ac reverentia; eadem & in PAULO. Testes illæ ad Hebræos voces. *Habemus gratiam, per quam serviamus placentes Deo, cum metu & reverentia*; Græcè est *αἰδοῦν*, id est pudorè, seu verecundia, quam gignit religiosus, sacerque metus: is fuit in Davide; qui dum orator ad Deum venit. *Confusio*, inquit, *faciei meae cooperuit me.* Et is etiam in PAULO qui & hanc illius seu timoris, seu pudoris causam adjicit. *Etenim Deus noster ignis consumens est*, quia eos urit, consumitque, qui hoc metu, ac reverentia destituti, ad eum accesserint.

Cap. 12.  
v. 28.

Psalm. 41.

Ne porrò sic accedas, *mi Lector*, age, *PAULUM* imitare. *Is semetipsum Deo per singulos dies immolabat*, inquit Chrysostomus, *quam hostiam dupliciter offerebat*. Primò *quotidie moriens sibi per carnis mortificationem*. Secundò *ad pericula jugiter paratus, consummans voluntate martyrium*. Et hæc fuit religiosa hostia, quam Deo, ceu auctori suo obtulit, cum metu, pudore, ac reverentia. Eandem & ipse offeras est necesse.

Homil. 1. de  
laud. Pauli.

*SS. Apostolorum PETRI & PAULI*

*Pietas erga proximum. A singulari  
pro animabus zelo.*

**H**UNC induit PETRUS si ullus Apostolorum: nec mirum, quia illi, & quidem uni, dictum illud à Christo. *Pasce agnos meos, pasce oves meas*. Et certè pavit, non unius Provinciæ aut Regni pastor, sed Orbis universi, quem per se, perque suos etiam vivens pavit, insigni animarum zelo. Hunc explicuit, cum Discipulos suos, atque Episcopos per omnes propè mundi partes longè lateque sparsit.

Joan. c. 22.

Sic institutos à PETRO Episcopos habuit Sicilia Pancratium, Marcianum, Berillum. Capua Priscum, Neapolis Asprem, Tarracina Epaphroditum. *Æquicolæ* populi Marcum & Ptolomæum. Romulum Fesuli. Paulinum Luca. Ravenna Apollinarem. Verona Eutrepium. Patavium Prodocimum. Ticinum Syrum. Aquilena Hermagoram. Et hos à PETRO accepit Italia. In Galliis Lemovicenses,



*Burdigalenses, & Tholosani Martialem. Tungrenses, Colonienses & Trevirenses Maternum. Rhemenses Sixtum. Arelatenses Trophimum. Senonenses Sabinianum. Cenomanenses Iulianum. Vienna & Moguntia Crescentem. Catalaunia Nenimium. Bituricenses Ursinum. Arvernenses Austremonium. Sanctonenses Eutropium. Germania Eucharium, Egistum, & Marcianum. Hispania Torquatum, Ctesiphonem, Secundum, Indalesium, Cecilius, Heli-chium. Anglia Iosephum ab Arimathia. Carthago Crescentem, Petri discipulum. Alexandria Marcum. Thebe Rufum. Ecce quot Orbis partes complexa D. PETRI pietas, zelusque. Italiam, Germaniam, Galliam, Hispaniam, Angliam, Africam, & in iis longè, lateque dispersos populos, & Nationes ingenio, moribusque diversissimas, quas tamen omnes, & inter se, & secum etiam conjunxit, copulavitque uno Christianæ caritatis vinculo: Tantum potuit, tantum valuit insita illi in proximum pietas, quâ incensus Piscator pauperculus id effecit, quod & stupuit terra, & inferi gemuere, & cælum ipsum, superique omnes probavere; non sine illustri caritatis miraculo, cui ideo sese inclinât Orbis, & se quoque inclinant coronati vertices. Ita nimirum, ut elatè D. Augustinus. Nunc ad memoriam Piscatoris flectuntur genua Imperatoris, ibique radiant gemma diadematis, ubi fulgent beneficia Piscatoris. Propter hæc, uti advertit D. Chrysostomus. Relictis omnibus ad sepulchra piscatoris, & Pellionis ( id est PAULI, qui è pellibus faciebat tabernacula ) currunt & Reges, & Præsides, & milites, & Constantinopoli Reges nostri magnam gratiam putant,*

Serm. 28. de  
Sanctis.

Hom. quod  
Christus sit  
Deus.

*si non propè Apostolos ; sed si vel extra eorum vestibula, corpora sua sepeliantur, fiantque Piscatorum ostiarii Reges.*

Et hæc DD. PETRI, PAULIQUE gloria, veluti fructus aliquis, proventusque pietatis tum in Deum, tum in proximum; hanc legimus in illâ fidei per universum propè Orbem propagatione, eaque à D. PETRI, illustri sanè animarum zelo, cui parem in D. PAULO legemus, & quidem in tribus impressum, expressumque.

Primum in corde, dein in lingua, & scriptis; denique in opere, exemploque vitæ sanctioris, de his ita D. Bernardus Serm. 2. de Resurr.  
in illud Christi ad PETRUM, *Pasce oves meas*, quod quia tertio repetit, tripliciter docet esse pascendas.

*Pasce, inquit, mente, pasce ore, pasce opere. Pasce animi oratione, Verbi exhortatione, exempli exhibitione.*

• Et ita pavit D. PAULUS. Primò mente & corde, quod quale, quantumque fuerit, exponit D. Chrysostomus. sic enim de illo.

*Cor Christi erat cor PAVLI, tabulaque Spiritus Sancti, & volumen caritatis.* Hom. 32. in ep. ad Rom.  
Ecce quale cor PAULI. Scire vis quantum, & quàm vastum? Audi ex eodem Præsule. Si quis, inquit, totius Orbis cor dixerit, & elementum primum salutis nostræ, non erraverit.

Quod si tale cor, quod est divini amoris officina, & prima ac potissima zeli sedes, qualis ab illo lingua, qualis & oratio? Utique ignea tota: imò & ignis, sed sacer ille, ac cœlestis.

De Eliâ dicunt sacræ Paginæ. *Surrexit Elias Propheta* Ecc. c. 48.  
*quasi ignis, & verbum ipsius quasi facula ardebat.*



Et Jeremias de seipso. *Erat ignis flammigerans in ossibus meis.* Et talis erat in corde, talis in ossibus PAULI, & inde *ignitum eloquium* ejus; quod ureret peccatores, non perderet.

In Pl. 118.

Ut enim D. Ambrosius. *Vrit sermo divinus ut corrigat conscientiam peccatoris, non exurit ut perdat.* Quod si is sermo PAULI, & ea quoque illius scripta, illiusque epistolæ, quas dum aspicit, suspicitque D. Chrysostomus, PAULUM appellat *Christi Rhetorem, mundi piscatorem, qui per quatuordecim epistolas, veluti spiritualia retia, ad salutem captat.* Captat igitur verbo, captat scripto, captat & facto. Retia sunt verba. His captus est Felix, licet incæstus, atque injustus Præses; PAULO quippe de justitia, de castitate, deque futuro judicio acriter disputante, totus contremuit, totus cohorruit.

Hom. 6. de  
Poenitentia.

His captus est Festus, qui sic olim ad PAULUM. *Insanis PAULE, multe te litteræ ad insaniam convertunt.* Cui PAULUS. *Non insanio, optime Feste: sed veritatis, & sobrietatis verba loquor:* sed quia, & malis sunt retia, ab iis expedire se dum non possunt, insana putant esse deliria: cum ex vero sanis sint retia.

His etiam captus est Rex Agrippa, qui sic ad PAULUM. *In modico suades me Christianum fieri:* adeo fortis, & efficax suada PAULI.

His capti quoque Lycaonii, qui ad PAULI vocem, sacramque eloquentiam attoniti, sic ad se invicem. *Dii similes facti hominibus descenderunt ad nos, & vocabant PAVLUM Mercurium, quoniam ipse dux erat verbi, & altioris eloquentiæ princeps;* cui etiam tanquam Deo Sacerdos  
Lycaonius

Lycaonius hostiam parabat, eidem utique immolandam, nisi PAULUS ipse acri objurgatione prohibuisset. His denique capti populi propè innumerabiles, quod dum amat, ac suspicit D. Chrysostomus, pro miraculo habet, *Quod* Homil. 4. de laudibus Pauli, (ut ait) homo ignobilis, abjectus, & circumforaneus, qui artem exercebat in pellibus, in tantum virtute progressus sit, ut vix triginta annorum spatio, Romanos, & Persas, & Parthos, & Medos, & Indos, & Scythas, & Æthiopes, & Sauromatas, & Saracenos, & omne prorsus humanum genus sub jugum mitteret veritatis.

Quod si PAULI verba retia fuerint, & retia quoque fuerunt ejus *Epistolæ*. His religioni, cœloque captus olim Augustinus. Hærebat ille dubius, & quasi fluctuans ab æstu suarum cogitationum, affectuumque: cum hinc in sua hæresi, ac libidine retineretur vinculis molitæ consuetudinis, ac voluptatis: inde conscientiae stimulis, metu cœlestique gratiæ ac inspiratione retraheretur, inter quæ & audiret vocem illam: *Tolle lege, Tolle lege*. Sustulit porrò, librum aperuit (Deoque sic regente) incidit in illud D. PAULI. *Non in commensationibus, & ebrietatibus, non in cubilibus, & impudiciis, non in contentione, & emulatione: sed induimini* Ad Roman. c. 13. *IESVM Christum*. Et ecce mox eo, leu rete captus est; & fluctuantis animi æstum composuit, litem diremit, & ab hæresi ad fidem, à scortatione ad castitatem translatus est; quam & reliqua vita illibatam conservavit. Adeo verum illud, *Epistolas PAULI* esse spiritualia quædam retia. Quod si retia *Epistolæ*, & facta quoque PAULI retia fuere, retia virtutes, exempla que vitæ sanctioris. De his ita D. Chrysostomus.

PAULVS



*PAVLVS* omnium virtutum arca fuit, adeo ut si quis totum contra eum iustorum chorum figillatim appendat, inueniat trutinam virtutum ponderibus à *PAVLI* parte depressam. Quid amplius, quid illustrius dici potuit? Quid cogitari efficacius ad illam, qua de agimus, prædam animarum? & hæc de singulari Apostolorum zelo dicta sint; descendendo ad ultimum eorum actum, videlicet mortem, ac martyrium, qui totius vitæ, virtutumque est veluti coronis:

Orat. de fi.  
de Resurr.

imò & præmium. ut enim D. Ambrosius. *Ipsa mors Martyrum præmium vite est.*

*SS. Apostolorum PETRI & PAVLI  
Martyrium. Sive coronis illorum  
erga Deum Pietatis.*

**H**Actenus Apostolos in arduo virtutum cursu, studioque currentes sumus contemplati, non sine magno voluptatis sensu, & rerum præclarè ab iis gestarum admiratione: modò propiùs accedimus ad metas, adeoque ad bravium, & palmas; palmas dico, quas à morte pro Religione, proque Deo fortiter obitâ & legent ipsi, & in ævum omne ostentabunt; quid enim aliud nisi palmas?

Ambrosius  
serm. 24.

*Est palma Martyribus suavis ad cibum, umbrosa ad requiem, honorabilis ad triumphum, semper virens, semper vestita foliis, semper parata victoriæ, atque ideo non marcescit palma, quia Martyrum victoriæ non marcescit.*

Et ea *PETRO & PAULO* palma fuit, & suavis illis ad animæ cibum, spiritalemque refectionem, & umbrosa ad  
*felicem,*

felicem ; æternamque requiem, & honorabilis ad triumphum, non tam Capitolio, Romanisque tectis inferendum, quàm ad cœli regiam, sinumque beatitatis educendum ; Ad hunc priusquam animi convertamus oculos ; etiam si vacat corporis oculis & eorum certamina spectemus, & victoriam ab iis partam suspiciamus.

D. Augustinus non sine Numine, singularique providentia factum proclamat, ut Apostoli *Æquales meritis*, *æquales essent etiam passione*, *æquales & fidei devotione*, *æquales & Martyrii gloria.* *Nec sine causâ factum putat quod una die, uno in loco tyranni unius tolerare sententiam.* Serm. 3. de  
SS. Petro &  
Paulo.

*Vna, inquit, die passi sunt, ut ad Christum pariter pervenirent : uno in loco, ne alteri Roma deesset ; sub uno persecutore, ut æqualis crudelitas utrumque constringeret. Dies ergo pro merito, locus pro gloria, persecutor decretus est pro virtute.* Hæc ubi dixit Augustinus, tum rursus infert hanc questionem. *Et in quo tandem loco Martyrium pertulerunt Sancti Apostoli ? & illico respondet. In urbe Roma, quæ principatum tenebat, & caput obtinet nationum ; scilicet ut ubi caput superstitionis erat, illic caput quiesceret sanctitatis, & ubi gentilium principes habitabant, illic Ecclesiarum principes morerentur.*

Hæc S. Præsul, à quo discedo, ut Beatos Apostolos mentis oculo lequar in arenâ, in quâ de sanguine, deque vitâ certamen est, & quidem primò B PETRUM, deinde & Beatum PAULUM, nascentis Ecclesiæ prima lumina.

Iam in cœlos præmiserat PETRUS, & conjugem, matronam longè sanctissimam, & Beatam Petronillam, quam ex



Clemens  
Alexandrin.  
l. 7 Stromat.  
um.

câ sulceperat filiam : illam quidem glorioso martyrio laureatam ; hanc verò repentinâ, non tamen inexpectatâ morte sublatam : cùm enim ob singularem vultus orisque gratiam à *Flacco* in matrimonium expeteretur, mortem à Deo precibus impetravit, vitam perdere malens, & lucis hujus usuram, quàm virginitatis aliquod pati detrimentum. Ubi peracta est hæc amabilis scena : una cum uxore, & quidem cruentâ ; altera cum filiâ à virginitate candida : cœlo spectante, probanteque, ventum est ad ultimum actum : in quo **PETRUS**, quasi ultima illius sanctæ familiæ victima cecidit.

Exegerat in Pontificatu annos viginti quatuor, menses quinque, dies uudecim, cùm Anno Domini sexagesimo nono, Neronis autem decimo tertio, Iunii verò nono & vigesimo ad legendam gloriosi martyrii palmam est evocatus.

Tyrannus *Nero*, causa mortis, odium fidei ; occasio communis **PETRO** & **PAULO**, relata scilicet de Simone Mago insignis victoria, spectante, plaudenteque Româ, & bonis omnibus.

Neroni erat in deliciis *Simon Magus*, qui suis præstigiis, arteque magicâ plurimos dementabat, & eò quidem ut in aëra sublimis, cœlumque evolare, iturus, ut aiebat, quasi Christus alter, quasi Dei Filius ad Patrem.

Cornelius  
Proöm. in  
ep Pauli  
c. 6.

Dum sic volat, sic se in æthere librat magicâ levitate : ingenua provolvitur **PETRUS**, provolvitur & **PAULUS**, & illicò *precatione sanctâ magicam vincit levitatem*. Ut enim **D. Maximus**. *Prior ascendis ad Dominum. oratio quàm volatus,*

*volatus, & ante pervenit iusta petitio, quàm magica præsump-  
ptio. Ante, inquam, PETRUS, ante & PAULUS, in terris* Hom. 3. de  
SS. Petro &  
Paulo.  
*obtinet quod rogavit; quàm Simon perveniret in cœlestia quo-  
tetendit. Tunc igitur PETRUS, tunc & PAULUS velut  
vincitum illum de sublimi aëre deposuit, & quodam præcipitio  
in saxo elidens ejus crura confregit. Et hoc in opprobrio fa-  
ctum illius est, ut qui paulo ante volare tentaverat, subito  
ambulare non posset, & qui pennas assumpserat, plantas amit-  
teret. Hacenus Præsul Hipponensis, quæ subjicio addit  
Suctonius in Nerone.*

Cap. 12.

In theatro exhibitum spectaculum, quo Icarus hic ex-  
hiberetur volatus, qui adeo infelix illi fuit, ut Icarus primo  
statim conatu juxta Neronis cubiculum deciderit, ipsumque  
cruore resperferit. Et hinc iræ truces, hinc minæ, hinc  
vincula injecta tam PETRO, quàm PAULO, & utrique  
decreta mors, utpote Simoni suo antagonists & quasi  
conjuratis hostibus.

Decreta dico PETRO mors, eaque exigenda in cruce, in  
monte Vaticano, ubi nunc & Augusta PETRI Sedes, &  
Summorum Pontificum fida statio, & Basilica prorsus ma-  
gnifica à Constantino Magno primùm erecta, dein à funda-  
mentis de novo extracta, & per annos centum, eoquæ am-  
plius ab aliis, atque aliis Pontificibus exædificata, eo sum-  
ptu, qui summos in Ecclesia decet Antistites, eâ mole,  
eaque magnificentia, ac majestate, quæ Apostolos non  
dedeceat; eo honore, cultuque, qui Ecclesiæ principibus  
debeatur.

Urbis profectò, imò & Orbis miraculum, quod non

RE 2

credar,



credat, nisi qui viderit : sed redeo ad D. PETRI vincula, crucemque. *Felicia vincula*, exclamat Augustinus, *quæ reum suum usque ad crucem, non tam conder natura, quam consecratura miserunt. In illa itaque cruce imitari metuens sacrificium redemptoris, capite in terra demergi elegit. O virtus huius castitatis ingenita; honorari etiam supplicii genere pertimescit, & qui non recusat Dominici tormenta patibuli, similitudinem expavescit triumphi.*

Lib. 1. ad  
versus vitu-  
perat. vitæ  
Monasticæ.

Dum hæc in Vaticano, ceu Urbis, Orbisque sublimi theatro exhibetur feralis scena; alia tertio circiter ab urbe lapide apparatur PAULO, cui occasionem mortis dedit eam quam subijcio causa; & quidem uni illi propria, ac singularis; de qua sic D. Chrysostomus. *PAVLVS pellicem Neronis, quam ille deperibat, cum induxisset fidei ac religionis Sacramenta suscipere, persuaserat unâ etiam incestum illum, impurumque congressum declinare; hæc ille crimina objectans, corruptoremque nequam, flagitiosum, ac nebulonem PAVLVM vocitans, primum coniecit in vincula; cum verò ut puellæ ejusmodi monita, atque consilia dare defineret, persuadere non posset, eundem necavit.*

Serm. 68.

Hactenus Orator aureus, ex quo habes PAULUM caput ferro dedisse; quòd continentiae monita daret, quòd pro eâ tuendâ fortiter staret: uti prius steterat Ioannes Baptista, & pro eâ pariter retinendâ caput ferro obtulerat amputandum: sicque tam hic, quàm ille castitatis victima cecidit; & quia sic cecidit PAULUS, & resecta cervice pro sanguine lac profudit; de quo sic D. Ambrosius. *De PAVLI cervice, cum eam persecutor gladio percussisset, dicitur fluxisse lactis*

*lactis magis unda, quàm sanguinis, & mirum in modum sanctum Apostolum baptisimi gratia, in ipsa cæde extitisse splendidum potius, quàm cruentum. Hæc ubi extulit S. Præsul: rationem hanc adjicit. Quid enim mirum si abundat lacte nutritor Ecclesie?*

Dixerat aliquando Corinthiis. *Lac vobis potum dedi.* 1. Cor. 3.  
 Lac utique doctrinæ candidæ, & sanæ: à qua Corinthiis & vita fluxit, & salus, & eadem à lacte, quod moriens è venis effudit: cum enim in ipsa percussoris veste lacteus apparuisset humor, non sanguis; barbaricum illius animum reddidit melle dulciorem, & candidiorem lacte, atque cum locis ad fidem traduxit, ut testatur D. Chrysostomus. Orat. in Princip. Apost.  
 Et hoc primum à lactea PAULI morte prodigium, cui mox accessit alterum; quod scilicet resectum illius caput, res in terra quasi saltus dederit, & quolibet saltu, è terrâ fontem elicuerit, unum lactei, alios alterius saporis, cujus ea redditur causa, quòd caput recisum primò lac fuderit, deinde sanguinem. Visitur hîc locus trium fontium, & maximopere peregrinorum concursu celebratur; Et hæc est coronis Apostolicæ in Deum pietatis, mors scilicet pro illo fortiter obita; in qua, ut D. Ambrosii verbis utar, Serm. 91.  
*Immensa Dei nostri pietas multiplex ad bonitatem, & artifex ad salutem, proponens arduam virtutum palmam, raro appetitore pretiosam, in paucorum triumphis, plurimorum commodis prospicit. Illorum siquidem merita, nostra vult esse suffragia; simulque dum nobis fidem veram duro martyrii agone commendat, afflictionem precedentium, instructionem efficit posterorum.*



Hæc ubi dixit mellifluus Doctor ; æstu quodam seu amoris, seu stuporis evictus, exclamat. *Quanta est erga nos Dei nostri sollicitudo ! Illos examinat, ut nos erudiat, illos con-terit, ut nos acquirat, eorumq; cruciatus, nostros vult esse pro-fectus. Merito ergo eos colimus, qui periculis suis pugnant, & nostris utilitatibus militant, qui per lucis, vitæq; contemptum, edocent nos, quantum Deo nostro debeamus affectum.* Hæc ubi ad instructionem nostram extulit pius Præsul, tum conver-sa ad nos oratione sic hortatur, sic monet, sic urget. *Hono-remus Beatos Martyres, dicam in præsentia, Beatos Aposto-los, principes fidei, intercessores mundi, præcones regni, coha-redes Dei.* At quomodo, inquires, honoremus ? demus illud paucis, quasi pro coronide hujus discursus panegyrici.

*SS. Apostolorum PETRI & PAULI  
cultus. Esse hic potest alius, atque alius.*

**V**Nus, tributum annuum, quod Divis illis severè pen-datur. Et ita pendere quondam voluit S. Ina Rex Occidentalis Saxonæ ; qui regnum suum Romano Ponti-fici vectigale fecit, singulis argenteis nummis ( quos deinde *Denarios* S. PETRI appellare visum est ) in singulas domos impositis.

Sollandus  
6. Febr. in  
ejus vita  
§. 6.

Cujus etiam exemplum secutus Offa Merciorum Rex ; idem in regno suo statuit imposito annuè simili vectigali, quod deinde auxit Athulfus Rex, qui totius Insulæ impe-rium tenuit.

Ita Anglia, florentissimum Regnum D. PETRO vectigale fuit,

fuit, quod in illum pietatis fuit, ac summæ religionis, à qua mirum quantum degeneravere illorum in eodem regno successores, non jam D. PETRO, ejusque in terris Vicario Tributarii, sed potius hostes infensissimi.

Alter, qui Divis illis exhiberi potest cultus, est Aras illis erigendo, & Basilicas. Ita PETRUM Apostolorum Principem sibi honorandum censuit *Seberthus* Rex Orientalis Britannia; qui Londini extra mœnia templum illi extruxit sumptu planè regio; quod etiam miraculo probatum voluit Apostolus; cùm enim dies esset constituta pro solemnii illius inauguratione; nocte quæ illam antecedebar piscatori cuidam apparuit S. PETRUS ad Thamesim amnem, & Beda Histor. Anglic. l. 2. c. 3. nauli sponcione ( uti erat schemate peregrini amictus ) impetravit ut in ripam ulteriorem ad eam Basilicam transvereretur.

Intravit igitur nauta comite, & ecce mox de cœlo lux altior affulsit, quasi dies esset æternitatis; adfuit deinde multitudo Cœlitum modulatè canentium, & ab ipso Apostolorum Principe sidereis administris peracta ritè ea omnia, quæ pro sacra templorum inauguratione in Ecclesia orthodoxa præscribuntur. Tum ille ipse, qui spectaculo interfuerat quasi alienatus à sensibus, ad piscationem redire jussus est, atque ad prædam retia explicare, quam uberem quidem pro naulo accepit: sed ea lege ut piscem, quem præ aliis eximium cœpisset, Episcopo Londinensi ferret, nuntiaretque ab ipso Apostolorum Principe cum Cœlitum choro Basilicam jam fuisse initiatam, quod signa consuetæ parietibus impressa testari poterant: Paruit ille, & *Mellitum* Londini Episcopum,



Episcopum adiit, qui (propterea Romam profectus ad *Bonifacium* hujus nominis quartum (inter alia, illud inprimis in Synodo Romana discuti voluit, num rata haberi deberet ea templi Londinensis inauguratio? quam omnino ratam voluere Patres.

Sed non omnium, inquires, est templa Divis illis erigere; Principum, Regum, & Cæsarum sit oportet, non abnuo, ideoque alium tibi Apostolorum cultum propono: est ille ad sacra illorum limina peregrinatio: hæc primis Ecclesiæ seculis in usu ac frequentia, & eò quidem ut ad illa peragrè proficilcentibus etiam liceret Eucharistiam secum deferre, futuram utique pro sacratiore Viatico, si necessitas exhiberet: sed rursus objicies, nec omnium esse eam peregrinationem & illud ultro tibi concedo, paucorum sit illa, at hæc, quam subjicio, est omnium, sacratæ illis diei veneratio; quam qui, uti decet, exhibet, Apostolos sibi propitios facit, patronos ac tutelares: secus autem vindices, atque inimicos. Ita sibi fecere homines pagani, qui cum ipso die Anniversario Divi PETRI, ludis & choreis vacarent, moniti sunt à S. *Eligio* Episcopo, ut à prava illa consuetudine cessarent illico: sed illi monitis primò reluctari, dein etiam ridere, atque insultare S. Antistiti; denique eidem ferocius minari.

Non tulit inultum id scelus vindex Deus, neque etiam tulere vindices Apostoli, mox enim ex iis longè plurimi aliis petulantiores à malo dæmone correpti sunt, nec nisi anno evoluta, hoc est, ipso die quo peccaverant, supplice pro illis S. *Eligio*, à malo hospite liberati: ut & cœli Iustitia pateret

Kranf. l. 4.  
Hisor. Sa-  
xonice c. 33.

pateret in pœna, & in venia *Viri misericordiae*, id est Apostoli, quorum cultus, isque gratissimus, est virtutum, quas in vita expresserunt, imitatio : ad hanc quippe nos provocat illa ipsa, de qua agimus festiva dies, eo quippe fine ab Ecclesia est instituta, ut dum in ea præclare ab illis festa audimus, ad piam eorundem æmulationem excitemur.

*Scriptura sacra*, inquit D. Gregorius, addam ego & Ec-  
clesia; *narrat gesta Sanctorum, & ad imitationem corda pro-*  
*vocat infirmorum: dumque eorum victricia facta commemo-*  
*rat, contra vitiorum praelia debilia nostra confirmat, fitque*  
*ut eo minus mens inter certamina trepidet, quò ante se viro-*  
*rum fortium triumphos videt.* Ita dum Apostolorum trium-  
phos, & victrices spectamus lauros, ad paria cum illis certa-  
mina animamur, atque à desidia, torporeque, cui indormi-  
vimus, excitamur.

*Ferunt Themistoclem ( principem scilicet Atheniensem ) ob*  
*id noctes inquietas exigentem, & quærentibus cur ita? respon-*  
*disse; quia me trophæa Melchiadis de somno excitant.* Quod  
si illum Melchiadis unius à somno excitarint trophæa, quid  
nos Apostolorum victoriæ, crectaque ab illis, non dico in  
terris, brevi peritura trophæa; sed in cœlis bravia, coronæ,  
triumphi, cœlestisque ac beatæ æternitatis monumenta?  
Hæc dum è vita, velut è via, suspicimus, ad eorum aras  
supplices provoluti, iisdem studeamus insistere virtutum,  
magnarum vestigiis, ut aliquando iisdem insistamus semi-  
tis gloriæ ac beatitatis.

2. Moral.  
c. 1.

Valer. Max.  
l. 8. c. 13.



# IN FESTO S A N C T Æ MARIÆ MAGDALENÆ.



ANCTA Mater Ecclesia, ipso die D. MAGDALENÆ festivo ac solemni, sub oculos ponit hinc paratum à Pharisæo Christo Servatori convivium; inde in illud quasi derepentè irruisse mulierem, & quidem, *quæ erat in civitate peccatrix*: nec sine Numine, cœlestique consilio, ut videlicet & Christi pietas in eo eluceret, & MAGDALENÆ virtus ac pœnitentia, cujus scilicet unius causâ ad Pharisei prandium venerat Christus. ut enim D. Chrysologus.

Serm. 93.

*Pharisei domum Christus intravit, non accepturus Iudaïcos cibos, sed divinam misericordiam largiturus; neque accubuit pocula saporata melle, floribus odorata sumpturus: sed pœnitentis lacrymas ex ipsis oculorum fontibus potaturus. Cujus rationem si voles, hanc subjicit; ex cœlesti, divinaque bonitate petitam; quia Deus delinquentium gemitus esurit, sicut lacrymas peccatorum. Et cùm illos sic esuriant, & has ita sitiât; tam has, quàm illos dabimus, vel potius dabit ipsa pœnitens MAGDALENA, de qua sit.*

QUÆSTIO

# QUÆSTIO UNICA

## MORALIS.

Ad illa verba: *Ecce mulier, quæ erat in civitate peccatrix.* Luc. cap. 7.

Quæ fuerit illa mulier? & quo fine ingressa domum Pharisei?

**H**IC moveri potest duplex quæstio. Una, quæ fuerit illa mulier, cujus nomen reticet Evangelista? Altera, quo fine & domum Pharisei subintravit, & ipsum convivii locum? Ut enim D. Chrysologus: *Phariseus ad manducandum vocat Christum, quid ibi querit mulier non vocata?* <sup>Supra.</sup> *certè claustra domus non prorumpit extraneus, convivii secretum non præsumit non invitatus intrare.* Et tamen præsumit ea mulier: quæ causa?

Ad primam quæstionem quod attinet, inter Authores satis constat fuisse MAGDALENAM. Sed unane, an plures? hoc est in controverso. D. Chrysostomus duas fuisse censet. Origenes, Theophylactus, & Euthymius tres. Unam, quæ hîc pœnitentia ducta Christi pedes & lavit, & unxit. Alteram, quæ biduo ante Christi passionem, & mortem eundem piè & religiosè unxit. Postremam, quæ sex diebus ante Pascha, & Passionem alabastrum unguenti in Christi caput effudit.



Alii unicam volunt, eamque *Martha & Lazari* sororem: ita D. Augustinus, D. Cyprianus, D. Gregorius, quibus in præsentia subscribo; & descendo ad secundam questionem, quam solvet ille ipse D. Chrysologus, qui, ut alias semper ingeniosè, & piè, ait in Pharisei domo duplex Servatori quam optimo exhibitum fuisse prandium. Unum ab ipso Phariseo: in quo oblata fercula quæ corpori servirent, & ventri. Alterum à *MAGDALENA*, à qua quidquid appositum est, animæ impendi debuit, ac virtuti.

In priore convivio escæ omnes, potus omnis carnalis fuit; in posteriore spiritualia omnia. De his ita Sanctus Præsul Ravennas.

Serm. 95.

Venit mulier in domum Pharisei, *Mulier*, inquit, *ignota*, imò *malè nota*, *onusta luctibus*, *plena lacrymis*, *clamosa planctu*, ipsumque convivii pervolat ad secretum, & facit domum *letitiæ*, domum *lamentationis*, & *planctus*. Venit *satisfactoria Deo*, non *homini placitura*. Venit *pietatis illa*, non *voluptatis exhibitura convivium*, utque exhibeat *pœnitentiæ ponitensam*, *fercula compunctionis* apponit.

Quæris, quæ sint ea fercula? Tria omnino sunt, non plura, videlicet lacrymæ, oscula, unguentum.

Luc. c. 7.

De his ita sacer historicus. Ecce *mulier*, quæ erat in civitate *peccatrix*, ut cognovit quod accubisset in domo *Pharisei*; attulit *alabastrum unguenti*, & stans retro secus *pedes ejus*, *lacrymis cepit rigare pedes ejus*. Ecce primum ferculum, quod intulit in *pœnitentiæ mensam*.

Videlicet *dolentis*, ac *mœrentis animæ lacrymas*. Et *osculabatur pedes ejus*. Ecce alterum *compunctionis ferculum*,

ferculum, oscula Dominicis pedibus infixa, & unguento ungebat. En postremum ferculum, ipsum scilicet unguentum, quod etiam facit ad *delicias Deitatis totas*, ut advertit ille ipse S. Præsul.

Pretiosa sanè fercula; pretiosi profectò cibi, quos *dum taliter apportat divinis oculis*, totas misericordie copias sic reportat.

## Convivii spiritualis à MAGDALENA Christo exhibiti

### FERCULUM PRIMUM.

#### *Pœnitentie lacrymæ.*

**D**E hoc incurrit prima quæstio: quid sint illæ, & quales lacrymæ?

Tertulliano. *Lacrymæ doloris in animo concepti testes sunt incorrupti, & manifesti indices latentis in corde pœnitentie.* Lib. 1. contra Marcionem.

D. Gregorio Nysseno. *Lacrymæ sunt veluti sanguis vultus nerum animi.* In orat. funebri de Placilla.

D. Ambrosio. *Lacrymæ tacitæ quodammodo preces sunt, quæ veniam non postulant, & merentur, causam non dicunt, & misericordiam consequuntur.* Serm. 46.

D. Chrysostomo. *Lacrymæ sunt animi voces, omni bucina clariores, quas etiam cœlum audit, & Deus ipse. Hinc illud Davidis ad Dominum: Auribus percipe lacrymas meas.* Hom. 6. in Matth. Psal. 38.

Non ait, oculis vide: sed auribus percipe: & hoc, quia sua lacrymis est vox, & suus clamor.



Lib. 2. de  
offic. Eccl.

Serm. 9. de  
Passione.

Cant. c. 1.  
v. 9.

Chryfolog.  
supra.

Serm. 93.

S. Isidoro. *Lacrymæ animi baptisma sunt: & quidem laboriosum. Inde istud D. Leonis de S. Petri lacrymis. Felices S. Apostole lacrymæ tuæ, quæ ad diluendam culpam negationis, virtutem sacri habuere baptismatis.*

Cœlesti Sponso Lacrymæ sunt veluti *margaritæ*. Sic enim de sponsa in amoris divini Cantico. *Pulchræ sunt genæ tuæ. Tigurina lectio habet, propter margaritas; hoc est propter lacrymas, quæ molli lapsu per genas effluunt, densantur in globulos, & cœli calculo vertuntur in margaritas.*

Ecce quæ, qualésve lacrymæ, *margaritæ* sunt, & uniones sanè pretiosi; quos Christo, seu hospiti suo, seu convivæ apponit MAGDALENA. Quid enim potius in *convivio pietatis, in pœnitentiæ mensa* apponere potuisset? Cleopatra Ægypti Regina, ut in amores suos, sic & in convivia, luxumque prodiga; unionem æstimatum ducentis quinquaginta aureorum millibus, aceto prius maceratum, *Marco Antonio*, cui pro uxore erat, absorbendum dedit, insanâ omnino profusione.

Meliùs & salubriùs Pœnitens MAGDALENA: lacrymas, ceu oculorum gemmas, ceu amantis ac dolentis uniones, Christo Servatori suo, veluti nobile ferculum obtulit, gratius utique gemmis, atque unionibus omnibus, seu quas terra genuit unquam, seu quas effudêre maria: gratius dico, quia pretiosius. Vis nosce quod illis pretium, quisve valor? Chryfologum audi: exclamavit ille aliquando de pulpito, exclamat etiam modò de cœlo.

*O quanta vis in lacrymis peccatorum! rigant calum: & hoc primum, & quidem prodigio simile, mutatur enim ordo*

ordo rerum, pluviam terræ cælum dat semper, & ecce nunc rigat terra cælum, dum Christum irrigat cœli Dominum. Deinde terram diluunt; hoc est animum quantumvis terrestrem, ac luteum, diluunt tamen illæ ipsæ pœnitentiæ lacrymæ; & ita diluerunt in MAGDALENA.

Denique gehennam extinguunt, & parata jam apud inferos incendia. Dicitur olim B. Gelhebes, S. Fursei mater, illo adhuc gravida ignem luculentum, cui à tyranno erat adjudicata, sic extinxisse: lacrymas in subjacentem terram paululas effudit, atque ex iis fons adeo copiosus erupit, ut ro-  
Bollandus  
in vita  
S. Fursei  
c. 2.

gum, cui erat injicienda, penitus extinxerit. Quod illius lacrymæ huic igni, rogoque: hoc pœnitentis fletus est inferis, æternisque incendiis, illa certè, velut affusâ aquâ, & copioso fonte salutis, extinguit; & ita sibi extinxit MAGDALENA.

Tanta vis in pœnitentis animæ lacrymis, ut meritò de illis exclamet B. Laurentius Iustinianus. *O lacryma humilis, tua est potentia, tuum est regnum, tribunal judicis non*  
Lib. 6. de li-  
gno vitæ  
c. 9.  
*vereris, non est, qui te ad Deum accedere vetet, si sola intraveris, vacua non redibis. Quid plura? Vincis invincibilem, ligas omnipotentem, aperis cælum, diabolum fugas, extinguis & ipsa inferorum incendia.*

Hic paucis te volo, mi Lector, & primùm ut mentis oculo species illud, atque expendas, quod lacryma vincat invincibilem: ita certè victum se proclamavit etiam ipse cœlestis Sponsus, dum sic ad sponsam. *Vulnerasti cor meum*  
Cant. c. 4.  
v. 9.  
*soror mea sponsa, vulnerasti cor meum.*

Alii legunt, excordasti me, alij vindicasti tibi cor meum,

in



*in uno oculorum tuorum, hoc est in uno oculorum officio : est quippe oculis duplex veluti munus. Videre, & flere : & in hoc uno, sponsa, id est pœnitens anima, vulnerat cor Sponsi, amoris vulnere, amoris plaga, aufert cor Sponsi, & quodammodo excordat, vindicat cor Sponsi, & suum quasi facit : & hoc primum advertas velim, Amice Lector, tum etiam alterum, ut sic tibi vindicare studeas ; sic etiam peccata diluere, vel ipso Pœnitentis MAGDALENÆ exemplo ; in cujus caput purgandis criminibus restuebat lacrymarum unda, & suo fonte mulier in novum baptisma suorum dilueret eluviam peccatorum. Et certè quidni dilueret, imò mergeret, absorberetque immenso veluti lacrymarum oceano.*

D. Chrysol.  
serm. 53.

Orat. de  
S. Ephrem.

D. Gregorius Nazianzenus, S. Ephremi lacrymas pelagus appellabat, quod vix liceret absque lacrymis transfretare.

Et D. MAGDALENÆ lacrymæ pelagus fuere, quo detergi maculæ omnes, quo natate, quo mergi omnia antea vitæ scelera ; & quod vix ulli liceat sine lacrymis transfretare.

Bollandus  
1. Febr. in  
ejus vitæ c. 8.

Fuit illud in Christo amoris miraculum, amoris dico in S. Brigidam Virginem longè sanctissimam, cujus lacrymas ex oculis fluentes non semel suis ipse manibus deterfit.

Dicam ego, atque ex vero dicam, prodigium fuisse divini in MAGDALENAM amoris, non quod oculos illi detulerit, sed animum, sed conscientiam à peccatis fœdè maculatam : ut & sic in te aliquando detergat, Amice Lector, age MAGDALENAM imitare : effunde rorem, effunde pluviam, effunde flumina, imò & pelagus lacrymarum,

&

& peccatis tuis superinfunde, & sic tibi, non oculos dico, sed animam deterget ipse Christus, piarum amator lacrymarum.

## SECUNDUM FERCULUM.

### *Amoris, ac venerationis oscula.*

**I**N convivio illo spiritali, quod Salvatori suo instruxit MAGDALENA (ut annotat D. Chrysologus) *Præcesserant intervenientes lacryma, ut oscula devota sequerentur, quia lacryma satisfactionis sunt documentum, oscula sunt reconciliationis indicia.* Et hinc prima petitur hujus ferculi dignitas, quòd scilicet oscula sint reconciliati Numinis indicia. Altera, quòd sint etiam venerationis.

Ita S. *Julianus* Medicus, & ipse deinde Emessæ in Phœ- Bollandus  
vi. Febr. nicia Martyr si fortè Christianis, qui ad bestias erant damnati, occurreret, eos venerari solebat dato osculo, quod illi, aliisque symbolum erat sacri cultus, ac venerationis: & hinc altera osculi gratia; cui accedit & tertia, quæ est amoris, nihil enim magis hunc prodit quàm osculum.

*Osculum*, inquit Cyrillus Alexandrinus, *est symbolum perspicuum, eminensque nota benevolentia, & caritatis.* Unde Lib. 5. glaphyr p. 169. apud Græcos vox eadem & *amare*, & *osculari* significat, ut videre est apud Xenophontem, & hinc, ut dixi, tertia osculi dignitas, cui additur quarta; bonorum scilicet communicatio ac profusio, exprimi solita etiam osculo.

Quod videre fuit in facto *Isaaci*, in theatro illo innocentia, & humanitatis, in quo & naturæ vis, & gratiæ virtus



Gen. c. 7.  
v. 26.

se se magnificè explicavit. Qui propè cæcus erat, in beatissima senectute; clarissimè divina contuens, dum mysterium grande meditatur, sic ad filium. *Accede ad me*, inquit, *& da mihi osculum fili mi*. Accessit, & osculatus est eum: tum secuta illa benedictio, quæ *Iacobum* filium inexplicabilibus donis cumulavit: sed quid ad illam opus osculo? *Tostatus* vir magnus, & in divinis oraculis interpretandis iudicio excellenti, vidit, & explicuit hoc arcanum, aitque fuisse primogenituræ communicationem, & signum delati principatus. Ita nimirum Patriarcha sanctissimus filium quodammodo evocavit in os, ut quam vim, & dominatum in populo Dei habuisset, eum per osculum in filium suum *Iacob* transfunderet.

Ita etiam in conferenda laurea magistrali, & Doctorum inauguratione osculum tribui consuevit, ut per illud principes Academiæ magistri, quam habent in docendo auctoritatem in alios quoque transmittant, & hoc per osculum, velut apertum animi introitum, exitumque.

De Hier.  
Eccl. p. 126.

Ita denique in solemnî Sacerdotum consecratione mystica fiebat osculatio, quam *Dionysius Areopagita* appellare solebat *consecrantem salutationem*. Crederes Pontificem totum quasi animum in os educere, ad tribuendam illam sacræ potestatis communicationem.

Maneat ergo fixum illud, statumque, osculo transfundi quandam & bonorum, & principatus, & auctoritatis communicationem; etiam in osculo, quod ei infigitur, qui illis pollet. Ut videre est in *Iacobo*, qui *Isacco* Parenti dedit osculum. Quod si ita est, quæ transmissio, quæ transfusio, quæ

quæ communicatio cœlestis gratiæ, divinorumque charismatum, fieri debuit ab osculis, quæ lacris Christi pedibus infixit MAGDALENA? ea certè quæ à cœli, terræque Principe, quæ à cœlestium Intelligentiarum magistro & fieri potuit, & expectari.

Terris vivere desierat, & cœlis jam cœperat S. *Euphrosyna* Virgo; jacebat corpus exanime, cùm ad illud supplex, ac venerabundus advolvitur è fratribus unus aliquis, isque monocus; qui ubi vîrgineo corpori osculum dedit, alterum oculum illico recepit.

Bollandus  
xi. Febr. in  
ejus vita

Quod illi in corpore datum est ab osculo; hoc D. MAGDALENÆ in animo: fuerat illi hætenus unus intelligentiæ, ac mentis oculus, quo terram aspiceret: osculatur Christi pedes, & ecce mox illi redditur alter bonæ mentis oculus, quo cœlum suspiciat: & hæc prima ab osculo illo gratia: cœlestium videlicet intelligentia, ad quam deinde addita est altera: cœli nimirum & Christi amor quàm ardentissimus, atque ab amore veneratio, & à veneratione etiam bonorum omnium, quæ in Christo erant, communicatio, & quasi per osculum transfusio.

Et hæc sacratoris illius ferculi vis fuit, hic valor & pretium. Quod enim aliud haurias in convivio pietatis, in penitentia mensa, quam Christo instravit MAGDALENA? Ut & ipse haurias, *Amice Lector*, author tibi sum, ut illius exemplo te ipse prosternas ad Christi pedes; quos si non adeas in Pharisei domo, adeas certè in aliquo Christi è cruce pendentis simulacro: & quod non potes in persona, præstes in imagine; sic enim Christo, Servatori tuo



prandium instrues, & grata dabis illi fercula, oscula dico reconciliati Domini signa, amoris, venerationis beneficentiae symbola, quæ dum dabis, dabit ille tibi cum osculis meliora cœli charismata.

Lib. 3. Præ-  
dag. c. 11.

Et hoc primum à MAGDALENÆ osculis tibi sit monitum. Alterum erit, ut illius exemplo alia declines, fugias, & horreas oscula, & quidem primò impudica, quæ *Clemens Alexandrinus* appellat *veneni plena*, eò quòd certum in animum virus immittant.

Bollandus  
2. Febr. in  
ejus vita  
cap. 1.

Deinde etiam alterius sexus quocumque demum & quacumque ex causa inferantur. A Maximiano Cæsare venerat *Claudius*, Vir clarissimus, ut *Susannam* Virginem, ut genere, ita virtute nobilem, ei in uxorem deposceret; cumque constanter renuisset illa, admiratione tantæ virtutis ei osculum dare voluit: cui Virgo. *Noli contaminare os meum, quia Dominus meus IESVS Christus novit, quia nunquam os ancillæ suæ tetigit Vir.* Ecce ut *Claudii*, etiam Patru osculum refugit *Susanna*, etiam amoris ergo, etiam venerationis, & hoc quidem quia osculo contaminari sibi os credebat, multoque magis & animum. Et hoc ut ipse credas oportet, adeoque ut oscula fugias. Certè si danda sunt oscula. *Illum osculemur, quem osculari castitas est; illi copulemur, cui nupuisse virginitas est*, ut piè, & eleganter *S. Paulinus*.

Ep. 4. ad  
Seyer.

TERTIUM

## TERTIUM FERCULUM.

*Unguenta virtutum.*

**C**onficietur olim unguentum, *S. Antonini* Abbatis Bollandus 16. Febr. in ejus vita c. 4. *Surrentini*, & in pixide eburnea probe clauderetur, ac deinde in ipsa altaris arca reponeretur, ac denique post exactos tres dies in jejunio & orationibus inde educebatur. Et si quidem in extima superficie cœlesti manu notatum fuisset signo Crucis, vim habebat medicam; sin minus, omnino nullam. Ut inde nosces virtutem illam non ab unguenti natura, ac compositione fluxisse, sed ab ipsa Cruce, Deoque dimanasse.

De *Ioanna*, Franciæ Regina longè sanctissima referebat In processu beatificationis. aliquando illud *Stephanus Mathè*, Ludovici XI. chirurgus: si ægris, aut læsis unguentum applicuisset suis ipsa manibus, virtutem obtinuisse medicam, & supra vim naturæ; secus si aliena manu & opera. Credidisses aliquid affundi à regiis manibus aut virtutis, aut etiam sanctitatis.

Quod de hoc, illôve unguento dictum est deinde: hoc jure potiori de illo, quod sacris Christi pedibus superinfundit *MAGDALENA*. Si illius naturam spectasses, nulla illi vis erat, virtus omnino nulla supra naturæ leges, ac terminos: at si impressam vel ab ipsis Christi pedibus vel à *MAGDALENÆ* manibus vim attendisses, erat illa & corpori, & animo medica, & naturâ, imò & seipsâ superior. Hinc de illa elatè, & magnificè SS. Patres, piè & eleganter *S. Chrysologus*, qui unguentum appellat *humanitatis* Serm. 93.



*sacramentum*, dum enim expendit illud MAGDALENÆ Domini pedibus oleum infundentis. *Quod facit hæc mulier*, inquit, *non est mollis, & carnalis obsequii: sed plena humanitatis est sacramentum.*

Serm. 94. Appellat deinde *Pietatis oleum*, dum sic ad suos olim Auditores, *fratres*, si nos esse peccatores novimus, & esse nolumus peccatores, *pedibus Christi demus lacrymas*, spargamus *capillos*, figamus *oscula*, *pietatis oleum tota devotione fundamus.*

Serm. 95. Denique appellat *unguentum misericordie*, quam scilicet à Christo est consecuta. *Sedes Domini*, inquit, *lavat lacrymis caritatis*, *confessionis labiis osculatur*, & *totum misericordie profundit unguentum.*

Ecce D. Chrysologo iudice, quæ dignitas, quæ gratia illius unguenti, hoc est ferculi Christo à MAGDALENA oblato. Unguentum quidem est si naturam spectes: at si mysterium in eo reconditum, *sacramentum est humanitatis, pietatis oleum, unguentum misericordie.* Sed paululum ab eo à D. Chrysologo, (quo hæctenus authore sum usus) atque ad D. Bernardum venio.

Distinguit hic unguentum triplex, quod MAGDALENA pœnitens lacris Domini pedibus affudit.

In festo  
B. Mariæ  
Magdalens.  
Primum, inquit, est, *unguentum contritionis.* Emanavit illud è duplici fonte, ex perenni, vivaque recordatione peccatorum, & ex spiritu contrito, & contribulato. Recurrebant animo antea actæ vitæ delicta omnia, vestium immanis luxus, atque in venerem, libidinem, prohibitosque amores nimium prona, præcepsque voluntas; & hinc velut

velut è prima scaturigine funditur *unguentum contritionis*, ac deinde è secunda, dum enim oculo mentis occurrunt ea scelera, conteritur, ac contribulatur spiritus ingenti doloris, ac pœnitentiæ sensu: & inde etiam effluit *contritionis unguentum*, hoc irrigat, hoc lavat Domini pedes; pedes, inquam, illius, qui ambulat super pennas ventorum.

Qui sint isti si quæris, audies ex D. Bernardo & amandum illud, & timendum. *Pedes isti, sunt misericordia, & judicium; quorum alterum sine altero osculari, atque ungere; vel temeraria securitas est, vel desperatio fugienda.* Ne in hanc, aut illam incurreret MAGDALENA, utrumque Domini pedem & osculari cœpit, & ungere. Sic enim Domini misericordiam attendit, amavitque, ut & Judicium, expectaret, horreretque.

*Vide Mariam*, inquit Bernardus, *judicii pedem fortiter attendentem, dum nobilis & lasciva mulier convivantium faciem non attendit, sed extenso corpore provolvitur pedibus majestatis, doloris plena, timoris impatiens, compunctionis jaculo vulnerata. Sed & misericordia pedem labiis impressio-ribus osculatur, in cujus spe firmiter inhaeret, donec audiat, Remittuntur tibi peccata tua, Vade in pace.* Et hæc Domini indulgentis verba, hæc oracula misereantis, quæ dum audit D. Bernardus, exclamat in illud & amantis, & stupentis. *Magnam prorsus miseriam magna misericordia diluit, & abstergit; & hoc quidem festinanter, quia sine ullo intervallo conjunguntur & lacrymæ peccatricis, & misericordia Salvatoris.*

Hæc ubi pro MAGDALENA dixit D. Bernardus, tum  
scitè



scitè monet, urgetque ut & ipsi Domini pedes sic osculemur, sic & ungamus : sed pedes, inquit, non pedem. *Fallitur enim qui sic osculatur misericordie pedem, ut pedem iudicii non attendat, qui totum de misericordie pede præsumat, hoc solum ad salutem sufficere credens, quod credit : fallitur & ille, qui iudicii pedi sic morosius incumbit, ut pietatis intuitum ferocia judicantis excludat. Vtrumque igitur inungat pedem animæ pœnitens affectus, & nunc misericordiam amplectens, nunc iudicium deosculans, contribulati spiritus offerat holocaustum.* Et hoc de primo D. MAGDALENÆ unguento.

Secundum est unguentum devotionis, emanat illud à recordatione beneficiorum Dei. *Dignissima est, inquit Bernardus, hujus unguenti compositio : ea fit ex aliqua magnarum virtutum inter se mixtione, è quibus prima est diligens, & accurata meditatio beneficiorum Dei : altera est gratiarum actio, quam appellat sacrificium laudis.*

Supra.

Tertia est animi demissio, & humilis de se sensus, à quo id nanciscitur anima, ut divinis beneficiis indignam se reputet. Et hoc unguento ungitur Domini caput, inquit Bernardus. Sic enim ille. *Pedes ungimus Salvatoris, cum de peccatis compungimur ; caput, cum de collatis virtutibus, virtutum largitori gratias cumulamur.* Et pedes, & caput Domini unxit MAGDALENA, hos primò cum adhuc esset peccatrix ; sed peccati tamen, suique pœnitens. Caput autem cum alia fuit à seipsa ; cum jam electa, jam familiaris effecta, longèque à peccatricis illius obvoluta vestigiis. Hujus porro unctionis meminit Evangelista Marcus, cum ait. *Et cum esset Bethaniæ in domo Simonis leprosi, & recumberet,*

Venit

*venit mulier habens alabastrum unguenti nardi spicati pretiosi, & fracto alabaistro effudit super caput ejus. Et hæc de secundo unguento dicta paucis ex mente D. Bernardi, superest*

Tertium unguentum, & illud est pietatis, hoc instructæ piæ mulieres, MARIA MAGDALENA, & Maria Jacobi, & Salome venerunt ut ungerent IESVM. Hoc unguentum non in pedes, aut caput dumtaxat; sed & in totum Christi corpus effuderunt illustri sanè pietate. Marc. c. 16.

Et hæc sunt unguenta, quæ tum pedibus, tum capiti, tum ipsi Servatoris corpori profudit MAGDALENA; *Felix*, Supra. inquit Bernardus, *quæ unxit pedes IESV, felicior eadem, quæ unxit caput authoris, felicissima, quæ rorem unguentarium toti corpori Christi preparavit.*

Quod si ex hoc, iudice Bernardo, felicissima, at magis ex illo, quòd prerosarum virtutum unguento, & ipsum quodammodo Christi animum imbuerit; majus enim animo Servatoris unguentum affundere, quàm corpori. At quænam illæ virtutes? hoc nobis superest explicandum.

## Mystica hujus unguenti compositio ex virtutibus.

### P R I M A.

*Ex ardenti desiderio gratiæ, & salutis recuperanda.*

**V**irtutes illius aliquas jam attigi ex DD. Chrysologo & Bernardo, jam ex aliis alias. Semiramis Assiriorum Regina, cum ei circa cultum corporis occupatæ nuntiatum

Vu

esset



Valerius  
Maximus  
l. 9. c. 3.

esset Babylonem defecisse, altera parte crinium adhuc soluta, protinus ad eam expugnandam cucurrit, nec prius decorem capillorum in ordinem, quàm tantam urbem in suam potestatem redegit. Quocirca statua ejus Babylone posita est illo habitu, quo ad ultionem exigendam celeritate præcipiti terendit. Quid si MAGDALENAM in cultu corporis, & componendis crinibus fingamus fuisse occupatam, cùm ei renuntiatum est Christum in Pharisei domo accumbere; sicque incompositis crinibus istuc advolasse, ea certè fictio nec videbitur aliena ab æstu quo tum agitabatur MAGDALENA, nec ab animi sanitate, quam quærebat impensius, nec à tantæ rei, quam agitabat momento: majoris enim res est momenti recipere amissam Dei gratiam, quàm Babylonem recuperare. Et quia id probè norat MAGDALENA: hinc præcipiti gradu, pronaque mente ad Christum, ceu medicum, currit, impulsæ ingenti recuperandæ gratiæ desiderio; quod ex variis patet, ac proditur argumentis.

Primum est quod illico advolarit, ubi intellexit Christum esse in domo Pharisei, quod indicant illa Evangelistæ verba. *Vt cognovit*, cognovisse fuit satis, cognovit, venit, vidit, vicitque Christum. Non sic mortalium plerique, qui ut peccatores sint, & quidem longè gravissimi, ad ponendam peccati sarcinam non festinant, non properant ad medicum animæ remedium petitori; sed differunt de die in diem, & nihil intonant, nisi corvinum illud. *Cras, cras*. Si dicatur illis. Restitue aliena, redde malè parta. *Cras* respondent, aliud nihil. Peccata confitere, rursus ingerunt  
lentum

lentum illud *Cras*. Concubinam dimitte: iterum & procax illud *Cras*. Et quid deinde? Ut vivunt diu, sic & citissimè in peccatis moriuntur, ac pereunt. De illo certè, qui sic procrastinat, pronuntiavit aliquando Augustinus. *Re-* Serm. 93.  
*manfit foris in voce corvina, quia non habuit gemitum columbinum. Cras, cras corvi est; geme ut columbus, tunde petus.* Ita genuit MAGDALENA, nec *cras* illud ingessit, sed hodie, hac hora, hoc momento: & hoc in illa primùm, ingens salutis desiderium.

Alterum est quod mulier, ut erat primæ nobilitatis, licet malæ famæ: mulier; ut ait D. Chrysologus, *Malè nota,* Serm. 93.  
*nescio janitore, nullo conscio, ipso ignorante pastore, domus aditus percurrit omnes, transit totas ministeriorum catervas, ipsumque convivii pervolat ad secretum; nec illud satis; sed etiam ad Domini pedes sese abjicit, eos lacrymis lavat, capillis tergit, unguento illinit: nec hæc inter erubescit; nec Pharisei supercilium timet, nec à Domino repulsam pati reformidat. Unum dumtaxat attendit, unum amat, unum sequitur gratiæ recuperandæ desiderium. Consideravit,* inquit D. Gregorius, *quid fecit, & noluit moderari quid faceret.* Hom. 13. in Evang.  
*Super convivantes ingressa est, non jussa venit, inter epulas lacrymas obtulit. Discite quo dolore ardet, quæ flere inter epulas non erubescit. Quæ causa? hanc subjicit sanctus Pontifex. Quia turpitudinis suæ maculas aspexit, hinc lavanda ad fontem misericordiæ cucurrit; convivantes non erubuit, cujus rationem etiam adjicit. Nam quia semetipsam graviter erubescibat intus, nihil esse credidit, quod verecundaretur foris.*



Et hæc prima ab unguento illo mystico ac spiritali virtus emanavit, quam utinam spectarent, exhiberentque ii omnes, qui cum MAGDALENÀ in vanos, impudicosque implicuerunt amores, iisque fœdum in modum sese de-formarunt: non erubescerent illi turpitudinẽ suam, nec subterfugerent eam confiteri: Et certè cur subterfugerent? dic enim amabo te, quisquis es, ô Iuvencula, ô Iuvencule, decoris amans, ac pulchritudinis. Si tibi fortè facies maculata, si plena esset sordibus; nõne ut primùm illud advertisses, ad abluendam, ad probè detergendam faciem procurreres? Enimverò procurreres, nec quisquam tibi vel ruborem, vel remoram injiceret: quia unus tibi à maculâ illa rubor, unus & à sordibus dolor, pudorque. Et non erit ab anima peccati labe, lueque fœdata? Erit certè, vel ex eo quòd anima potior corpore, & animæ sordes, graviores sordibus corporis.

Ita fuit in latrone de quo Climacus gradu quarto de obedientia. Hic ad meliora conversus, atque ad monasticam vitam aspirans, non erubuit in templo etiam publicè audientibus faciliè ducentis, antea actæ vitæ scelera omnia quantumvis pudenda, atque enormia recensere, videlicet furta, latrocinia, veneficia, homicidia, adulteria, aliaque, quæ & audire horror est, & eloqui pudor; non erubuit, inquam, publicè, palamque confiteri; non sine lacrymis, & gemitu; quos inter è fratribus unus, qui aderat, vidit procerum quemdam, aspectuque terribilem virum, qui unâ manu calamum, alterâ prælongam chartam typis tartareis exaratam tenebat, & cùm pœnitens humi prostratus

peccatum

peccatum aliquod olim à se admissum propalaret, illud calamo illico delentem. Vidit, inquam, & astupuit, posterisque memorandum illud tradidit, ne & ipsi pudore aliquando victi peccata confiteri erubescerent: sed potius, ut hîc MAGDALENA, ut istic bonus ille latro, fateri ingenuè discerent.

## SECUNDA.

*Ex vita, ac morum in melius mutatione.*

**H**ÆC in eo posita est, ut quæ fuerunt instrumenta peccati, fiant deinde instrumenta virtutis. Et ita in MAGDALENA factum fuisse & videmus, & amamus. Peccarat hæc membris propè omnibus, quæ scilicet aliis, atque aliis vitiis servierant; effecit ut eadem servirent virtutibus. Peccarat tactu, cum virum incautè tangeret, atque impudicè: quid enim aliud faceret mulier peccatrix? at Pœnitens etiam tactu resarcivit quæ fecerat quàm pessimè, Christum quippe tetigit, & mox peccatrix fit bona, fit sancta, fit innocens, cum tetigerit *venia largitorem*, ut inquit D. Chrysologus. nec mirum, *stercora contingunt; sed non inquinant solem: medicum cum tangit vulnera, putredo non polluit: judicem quamvis tangat reus, non potest maculare cum supplicat; sic peccator cum Dominum tangit, non Dominum sordidat; sed ipse & peccato caret omni, & rapit subito sanctitatem.* Serm. 94.

Sic rapuit MAGDALENA vel ab uno Christi contactu; & ita contactus Viri, qui prius vitio datus est; jam datur virtuti: quod tactui, hoc & aliis sensibus; quod manibus, hoc & aliis corporis membris. Peccarat unguento, quod sibi pro



Supra.

odore sue carnis adhibuerat, ut annotat D. Gregorius. Quod ergo sibi turpiter exhibuerat hoc jam Deo laudabiliter offerebat. Peccarat oculis, quibus terrena concupierat, sed hos jam per pœnitentiam conterens, flebat. Peccarat capillis, quos ad compositionem vultus exhibuerat; sed jam capillis lacrymas tergebat. Peccarat ore, quo superba dixerat: sed pedes Domini osculans, hos jam in Redemptoris sui vestigia figebat. Hæc ubi de MAGDALENA pronuntiavit magnus Pontifex, tum conficit illud. Quot ergo de se habuit oblectamenta, tot de se invenit holocausta; convertit ad virtutum numerum, numerum criminum, ut totum serviret Deo in pœnitentia, quod ex se Deum contempserat in culpa.

Supra.

2. Cor. 2.

Ecce quæ vitæ morumque in meliora mutatio, eam ut inaitemur ipsi, necessum est. Quî porro imitabimur ostendit D. Gregorius. Unguentum illa effudit in Christi pedes. Quid unguento nisi bonæ opinionis odor exprimitur. Et nos Christi bonus odor simus in omni loco: erimus si per recta opera, quæ agimus, opinionibus boni odoris Ecclesiam respergamus. Stetit illa secus Domini pedes. Contra pedes Domini nos stetimus, cum in peccatis positi ejus itineribus renitebamur: sed si ad veram pœnitentiam post peccata convertimur, jam retro secus pedes stamus, quia ejus vestigia sequimur, quem impugnabamus. Lacrymis pedes ejus rigavit. Quod nos quoque veraciter agimus, si quibuscumque ultimis membris Domini per compassionis affectum inclinamur, si eorum tristitiam nostram putamus.

Capillis, quos rigavit pedes, terlit. Capilli superfluum corpori. Capillis ergo pedes Domini tergimus, quando sanctis  
ejus,

*ejus, quibus ex charitate compatimur, etiam ex his, quæ nobis superfluunt, miseremur, quatenus sic per compassionem doleat, ut etiam larga manus affectum doloris ostendat. Rigat namque lacrymis Redemptoris pedes, sed capillis non tergit, qui verba quidem doloris tribuit; sed non ministrando, quæ desunt, vim doloris minimè abscindit. Osculatur mulier pedes, quos tergit, quod nos quoque planè agimus, si studiosè diligamus eos, quos ex largitate continemus, nec animus unquam à dilectione torpescat.*

Certè si torpescat aliquando, dicet nobis quod Phariseo Christus. *Aquam pedibus meis non dedistis, hæc autem dum meorum pedes lavat, pedes ungit, pedes osculatur; fecit servis, quod vos Domino non fecistis; fecit pedibus, quod capiti vos negastis; impendit minimis, quod vos vestro denegastis auctori.* Sed quando dicet illud Servator optimus? Utique in extremo die judicii, quando & dicet istud. *Quod uni ex minimis meis non fecistis, mihi non fecistis.* Ne porro id obtrudat aliquando, rubore nostro, malo nostro, id Christi servis, Christi pedibus, Christi minimis (hoc est pauperibus) impendamus, quod MAGDALENA Domino, quod capiti, quod auctori suo, id est Christo, olim impendit.

D. Chrysol.  
serm. 95.

### TERTIA.

#### *Ex dolore de peccatis.*

**F**UIT hic enatus, non ex gehennæ metu, non etiam ex spe gloriæ, ac beatitatis: sed ex pura, putaque Dei bonitate, puro, putoque Domini amore; adeoque contritio longè perfectissima.



Serm. 10. in  
Cant.

perfectissima, quam D. Bernardus designari vult ipso etiam unguento. Sic enim, inquit, *Ecce hoc est unum unguentum, quo anima peccatoris, suæ conversionis primordia condire debet. Primum namque sacrificium spiritus contribulatus.* Et hoc MAGDALENÆ sacrificium fuit, hoc unguentum, quo conversionis suæ primordia condivit, & quod incendit igne divini amoris, unde & manavit odor suavitatis & in Ecclesiam, & in cælos, ipsumque Numen evasit.

Ubi ab aquis diluvii terris redditus est Noëmus, obtulit immortalī Deo sacrificium, & *odoratus est Dominus odorem suavitatis*, vel, ut in Hebræo, *odorem quietis*. Adeo quippe ex illius sacrificio suavis ad Deum appulit odor, ut dici posset ipsa suavis; adeo placidus, ut dici posset ipsamet quies. Quod Noëmo: hoc MAGDALENÆ. Sibi illa, Deoque reddita erat ab immensa illa aquarum, id est peccatorum, cluvie. Quid inde? Sacrificium obtulit, unguentum contritionis incendit, & *odoratus est Dominus odorem suavitatis, odorem quietis*, à quo mox ab illo audiit. *Vade in pace.* Ecce quies bonæ mentis, ecce suavis odoris, id est virtutis, quo non MAGDALENA tantum: sed & Ecclesia tota est repleta; de quo Bernardum audi; examinat hic, expenditque accuratè illud Evangelistæ de hoc ipso unguento, quod ad Christi pedes effudit MAGDALENA; videlicet. *Et domus impleta est ex odore unguenti.* Stupendum illud simul, & amabile. *Peccatricis manibus distillabatur, & extremis membris corporis, id est pedibus fundebatur, & tamen totam domum vis aromatum, & suavis replet odoris.* Mirabile illud, ô Bernarde: sed mirabilius quod subijcis.

Vnius

*Unius peccatricis conversione fragrantia respergitur Ecclesia, & multis fit odor vite ad vitam. Multi enim MAGDALENÆ exemplo à peccati morte ad vitam gratiæ redeunt, atque ad veræ pœnitentiæ lamenta descendunt: & hic est odor suavitatis, odor & quietis. Hoc gaudete pœnitentes, pusillanimes confortamini, & securè manus vestræ distillent myrrhæ amaritudinem, in salubrem hanc unctionem, quia cor contritum, & humiliatum Deus non despicit.*

## QUARTA.

*Ex ardentissimo in Christum amore.*

**N**ON est quod huic probando laboremus, probatus ille satis ipso Primæ veritatis, id est Verbi Incarnati, oraculo, dum sic de illa ad Pharisæum, & convivas alios. *Dimittuntur ei peccata multa, quoniam dilexit multum. Probatum est, inquit D. Chrysologus, quia dilectio delet &* Serm. 94. *abluit universa peccata.*

Probatus idem amor & lacrymis, de quibus sic ille ipse S. Præsul. *Lacrymas ad pedes Domini profluo amore profundit, quasi cum lacrymis proflueret ipse amor, illæ quidem ex oculis, hic autem ex corde, cujus æstus, & ardor per lacrymas effunditur, ideoque eas appellat lacrymas caritatis, lavat, inquit, Domini pedes lacrymis caritatis.* Probatus deinde & osculis, quæ diximus esse amoris indicia.

Probatus etiam ad Crucem, ad quam diffugientibus Discipulis stetit ipsa, nec timori cessit, nec periculo: quod certè est amantis, ut enim Tullius, vel sola ratione duce.



Lib. 9. Epist. *Vt aurum igne, sic benevolentia fidelis, periculo aliquo perspicui solet. Et ita perspecta MAGDALENÆ in Christum benevolentia & caritas.*

Hom. de  
Magdalena.

Probatum denique vel maximè à morte Christi, ad illius sepulchrum, ubi alia, atque alia dedit certi amoris argumenta, è quibus hoc primum. Quid IESUM quæreretur, & quidem unicum, ceteros nec quæreretur, imò necmitteretur. Adsunt illi Angeli, futuri utique consolatores, & ideo injiciunt illud. *Mulier quid ploras? Quibus illa. Tulerunt Dominum meum, & nescio ubi posuerunt eum. Sed, ô MARIA; sunt enimvero Angeli, sunt cœli cives, & cœlestes genii, eos intueri, eos audi, erunt tibi solatio. Quid illa? audi Origenis ore. Onerosi mihi sunt omnes consolatores, gravant me, & non consolantur. Quæ causa? Quæro, inquit, creatorem, & ideo mihi gravis ad videndum omnis creatura. Non quero Angelos, sed eum qui me fecit & Angelos. Non quero Angelos, sed meum & Angelorum Dominum. Tulerunt Dominum meum, ipsum solum queram, ipse solus me potest consolari. Hæc ubi dixit, exclamat excita amoris & doloris æstu. Heu me miseram, quid agam? quò ibo? quò enim abiit dilectus meus? quæsi eum in monumento, & non inveni; vocavi eum, & non respondit mihi. Heu me, ubi eum queram? ubi eum inveniam? Ubi ista apud se dixit, tum pergit, & seipsam amando magis, ac magis incendit. Surgam certè, & circuibo omnia loca que potero, non dabo somnum oculis meis, non dabo requiem pedibus meis, donec inveniam illum, quem diligit anima mea. Hæc ubi dixit ingenti amoris impetu, tum sic ad oculos, sic ad pedes. Effundite lacrymas*

*lacrymas oculi mei, plorate, & nolite deficere. Ambulate pedes mei discurrite, & nolite quiescere. Ubi hæc ad oculos, pedesque, tum altum suspirans, atque ingemiscens. Heu, inquit, heu quo abiit gaudium meum? ubi latet amor meus? Ubi est dulcedo mea? O dolores! ô angustie! Ecce amoris ignes, ecce ardores. Vis & alios? accipe ex alio amantium argumento. hoc est, quod qui amat, nescit timere; & ita timere nescit MAGDALENA.*

*Petrus & Ioannes venerant & ipsi ad monumentum, sed non invento corpore abierunt ad semetipsos quia timuerunt, & ideo non steterunt. Maria autem non timebat, quia nihil suspicabatur sibi superesse quod timere deberet: perdiderat enim magistrum suum, quem ita singulariter diligebat, ut præter ipsum nihil posset diligere, nihil posset sperare, nihil & timere. Perdiderat vitam animæ suæ, & jam sibi melius arbitrabatur fore mori, quàm vivere, quia forsitan inveniret moriens, quem invenire non poterat vivens, sine quo tamen vivere non valebat. Nimirum fortis est ut mors dilectio: quid enim aliud faceret mors in Maria? facta erat exanimis, facta insensibilis, sentiens non sentiebat, videns non videbat, audiens non audiebat; sed neque ibi erat, ubi erat, quia tota ibi erat, ubi Magister erat. Et hoc erat indicium summi in ea erga Christum amoris, cum magis esset in Christo, quàm in seipsa: imò non in seipsa: sed tota in Christo: ubi enim potius, cum amaret? amans certè est in amato; & anima magis est ubi amat, quàm ubi animat, ut scitè D. Augustinus.*



## QUINTA.

*Ex raptu, excessuq, in Deum.*

**G**Randes animas, & cœlo natas, non terris, subinde Deus extra se rapit, subinde etiam cœlesti concentu recreat, emissis etiam è cœli choro cantoribus.

Bollandus  
4. Jan.

Ita B. *Angelam de Fulginio* quandoque triduo toto in mentis excessu tenuit, ac recreavit.

Ita S. *Ignatium* Societatis IESU Parentem octiduo integro alienatum à sensibus sic habuit, ut mortuum credidisses, nisi levis arteriæ pulsus, ac micatio vitam indicasset.

17. Jan.

Ita S. *Macarium* Ægyptium, Abbatem longè sanctissimum, in perpetua quasi extasi sic retinuit, ut non jam terris spirare videretur, sed cœlis. Amat nimirum Deus, etiam ex hac mortali vita, ad se sapere felices animas, ut in eo raptu cœli gaudia prægustent. Nec hoc tantum: sed quandoque etiam cœlesti musica recreare.

2. Jan.

Ita S. *Iulianum*, invictum Ecclesiæ Martyrem, etiam in ipsis ergastuli angustiis, squalloreque carceris, altiore concentu, id est angelico, recreavit.

25. Jan.

Ita B. *Henricum Susonem*, Dominicanæ familiæ sidus illustre, post oblatam Beatæ Virgini, seu matri, corollam, etiam cœlesti cantu detinere voluit, non sine amabili aurium, animique sensu, ac voluptate.

Quod illis deinde, hoc diu ante B. MARIE MAGDALENÆ. Ut Deo, cœloque propior esset, quo ab hominum consortio remotior, secesserat in aviam solitudinem, in qua & manserat

manferat totis triginta annis, herbis & radicibus victitans; nisi quod illi cibus oratio, & altissima divinarum rerum contemplatio; à quâ ubi abierat, ab illo quasi labore, conatuque recreanda, septies in die ab Angelis in sublime ferebatur, ut cœlestem auribus, animoque musicam exciperet, quid enim aliud insonaret illi animæ, nisi cœli concentus, & gaudia, cui jam desipuerant terrena, & caduca omnia? Ubi porrò cœlestibus illis deliciis dati sunt anni omninò triginta, eoque amplius, imminente jam felici è terris excessu, Præsbyterum monuit, ut ad se Dominica proximè sequenti S. *Maximum* accerferet; qui adfuit statâ die, & horâ, & B. MAGDALENAM à terra sublimem reperit; brachiis, manibusque in cœlum porrectis, quo scilicet aspirabat, tendebatque animus: quem & sacra Eucharistia refecit, & mox expirantem vidit, non tam morte, quàm raptu, altioreque excessu. Eo nimirum, è terra, corporisque hujus ergastulo, eo, inquam, exitu abire debuit, quæ affectu, amoreque jam pridem & à terra, & à se exierat.

Ferunt Annales B. *Henricum Susonem*, in extasi, raptuque mortuum. Ita nimirum rapiuntur altissimæ illæ, non dico cœli; sed soli hujus Intelligentiæ. Et ita rapi debuit MAGDALENA, & in sponsi sui, id est Christi, amplexus venire. Ut & sic rapiaris ipse, *mi Lector*, age MAGDALENAM imitari stude. Animo ægra, peccati rea, & medicum, & Salvatorem quæsit, & ipse quare: abjecit illa sese ad Christi pedes, quod humilitatis fuit, & te quoque ad illos abjice; eos lacrymis lavit, quod pœnitentiæ fuit, & illos etiam tu lava; oscula illis infixit, quod amoris fuit, & tu

Bollandus  
supra.



Scim. 94.

oscula iis infige, infiges autem amando. Capillis suis terfit. Sunt capilli superflua naturæ, de illis capiti suo, id est Christo, servivit: & de superfluis Domini pedibus, id est pauperibus, subvenire stude; & sic MAGDALENAM imitaberis, audiesque etiam cum illa. *Dimittuntur tibi peccata tua, quia dilexisti multum*, & tunc (ut aureè D. Chrysologus) *erit remissio peccatorum, quando tolletur materia tota peccandi, quando corruptio induet incorruptionem, quando mortalitas immortalitatem consequetur, quando peccati caro, caro totius efficietur sanctitatis, quando terrena servitus cœlesti dominatione mutabitur, quando militia humana dirinum promovebitur ad regnum, quod nobis concedat Æternus Pater auctore ipso Christo, cui est honor & gloria.*

## SEXTA.

*Ex gratia etiam miraculo concessa illius capiti, & capillis, & sacro Christi cruori ab illa Massiliam delato.*

Tom. 3.  
c. 12. pag 99

**A**D unguenta gratiarum, quas Theologi gratum facientes appellant, accedet & altera, quæ gratis data dicitur, estque gratia quædam miraculorum, seu gratia concessa supra omnes naturæ leges, miraculo scilicet, ac cœlesti prodigio; quod etiamnum visitur in sacrationibus S. MAGDALENÆ exuviis, & quarum meminit Silvester Petrus Sancta testis oculatus in sua Thaumasia veræ religionis, estque huiusmodi.

In S. Maximini Cœnobio juxta Treviros religiosè asservatur,

asservatur, coliturque caput S. MARIE MAGDALENÆ, in cuius fronte adhuc est cutis particula, quantum scilicet duo digiti tegere possunt, capite cæteroquin exuto undique pelle omni.

Narrant ibi ex revelatione ipsius constare modicam eam in fronte cutem ideo non diffluere, sed inhærescere, quia manu ibi eam tetigit Christus, quando à resurrectione visus est illi adesse in Calvariæ horro, pronæque, atque ad genua præcipiti dixit. *Noli me tangere*; Et hoc primum annuente cælo prodigium in ipso capite: en aliud in capillis. Ibidem cristallo probè inclusi spectantur crines ejusdem Divæ, qui nunquam canitie, seniove decolorari potuerunt, & hoc (ut creditur) in præmium obsequii, quo domini pedes iis extersit, postquam abundè eos proluerat. Et hoc ipsa perinde atque aliud revelavit, ut animulæ peccatrici stimulos adderet ad similia in Christum Servatorem obsequia; à quibus & paria in terris sibi polliceretur præmia, atque in cælis longè ampliora.

Descendo ad postremum miraculum, quod vel sacro Christi cruori datum est, vel insigni D. MAGDALENÆ in eum religioni. E Palestinæ littoribus à Judæis expulsa, extorris, & exul, Deo navigium regente Massiliam cum venisset MAGDALENA, secumque extulisset ampullam sanctissimi cruoris Christi Domini, eam dono dedit Provinciæ de se quàm optimè merenti, quippe hospitali suæ.

Hic porro sanguis religiosè servatur in oppido S. Maximi, quod urbi Massiliensi finitimum est, claretque perenni miraculo, quippe anno toto concertus, tribus diebus resolvi, liquecere,



liquescere, rubescere, fervereque videtur: scilicet feria sexta majoris hebdomadae, Kalendis Ianuarii, hoc est ipso die Circumcisionis, ac denique in festo Inventionis sanctae Crucis ineunte Maio: diceres illi inesse quodammodo sensum istorum dierum, quibus olim effusus ad humani generis bonum; adeo in illis solvitur, aestuatque totus. Et hoc (ut dixi) caeli annuentis prodigium, cui accedit & alterum; quod mutato, & correcto Kalendario ex pontificia Gregorii XIII. sanctione, ii ipsi terni dies eodem miraculo insigniri videantur juxta mutationem, & correctionem ejusdem Kalendarii. Usque adeo non errat Ecclesia Romana in iis, quae subinde decernit ad Orbis Christiani regimen, ac gubernationem. Hujus porro miraculi mentionem facit Silvester Petra Sancta in Thaumasia verae Religionis; cui fidem astruxit ex testimonio Viri Religiosi. Is est R. Pater Frater *Ioannes Richeome* Prior Conventus S. Sixti Ordinis Praedicatorum, qui ut illius miraculi aliquando fuit testis oculatus, sic & praeco religiosus, ac sacer; ut legere est in litteris ab illo datis 20. Maii Anno 1645. Quae videri possunt loco à me citato; ego ne longior sim, illis in praesentia supersedeo, ut redeam ad D. MAGDALENAM, cujus in Christum pietatem & suspicimus, & amamus etiam in hoc, quod Christi sanguinem, seu terram sanguineam, ejus scilicet cruore imbutam & amanter collegerit, & religiosè servavit, & in posteros transmiserit, ut esset simul & monumentum perenne christianae pietatis, & incitamentum divini amoris, quo ut ardebat ipsa: sic & alios ardere peroptabat quàm maximè.

Tom. 3.  
c. 12. p. 105.

IN FESTO  
SANCTI JACOBI  
APOSTOLI.



ISAACO parenti & captam in venatione, uti aiebat, prædam, & se ipsum stiterat *Iacob*, opportuno *Rebecce* matris consilio, ut paternam inde derivaret in se benedictionem. Et certè derivavit, quod cùm audisset *Esau* irrugit clamore magno, & con-

sternatus, primò de fratre queri cœpit, dein & debitam primo genito benedictionem postulare: sed frustrà, eam jam tulerat *Iacob*. Audiit itaque à parente quàm optimo. *Gen. c. 27.*  
*Benedixi ei, & erit benedictus.*

Quod olim *Isaacus* filiolo suo *Iacob*: hoc D. IACOBO Deus, hōc Christus, generis nostri Servator, *Benedixi ei, & erit benedictus*; quod ut magis in aperto sit, & clara luce, unam more meo movebo quæstionem ex ipsis Ecclesiastici verbis petitam.



# QUÆSTIO UNICA

## MORALIS.

Ad illa verba: *Dilectus Deo & hominibus, cujus memoria in benedictione est.* Eccl. c. 45.

Quis ille dilectus? & quæ ei benedictio?

**S**I Litteram attendas, & sensum Scripturæ; ut aiunt, litteralem, *dilectus* ille est *Moyſes*, hanc enim illa exprimit: at si sensum tropologicum, alius esse potest, atque alius pro alio, atque alio divini amoris, & cœlestium benedictionum appulsu.

Serm. de  
D. Benedi-  
cto.

D. *Bernardus* hæc Scripturæ verba accommodat D. *Benedicto*, ut nomine, sic etiam re *benedicto*: *dilectus* sancto Deo, inquit, & hominibus, cujus non sola præsentia in benedictione fuit; sed & memoria ejus etiam nunc in benedictione est. Nam & usque hodie in triplicem amoris Dominici confessionem, triplici ex fructu pascit Domini gregem. pascit vitâ, pascit doctrinâ; pascit intercessionem.

Quod de D. *Benedicto* S. *Bernardus*, hoc ego in præsentia de D. *IACOBO*, qui etiamnum mortales omnes pascit vitâ, & rarioribus virtutum magnarum exemplis. Pascit & doctrinâ, quam in varias orbis partes Evangelica sua prædicatione sparsit. Pascit denique & intercessionem, suisque apud

apud Deum precibus, quibus & impendentia mala à capitibus nostris avertit, & bona omnia nobis accumulat, ut proinde meritò dicatur, & sit illius *memoria in benedictione*, ut ex dicendis magis patebit.

## PRIMA D. IACOBI BENEDICTIONIO.

*Ex ipso nomine, ejusq; etymologia, ac mutatione petita.*

**D**E Iacob, fratre suo sic olim questus Esau. *Iustè vo-* Gen. 27.  
*catum est nomen ejus Iacob: supplantavit enim me en* v. 36.  
*altera vice. Primogenita mea ante tulit, & nunc secundò*  
*surripuit benedictionem meam.*

Quod Esau de fratre suo Iacob, hoc de Sancto IACOBO mundus, hoc caro, hoc dæmon jurati illi hostes, quos supplantavit, & quidem primò mundum, cùm relictis omnibus, spretis omnibus mundi bonis, secutus est Christum, pauper pauperem: secundò etiam carnem, cùm vocatus à Domino abiit à domo, à patria, à patre, imò & à seipso, abnegando seipsum, & suam ipte voluntatem, ut ea quæ Christi erant indueret.

Denique & dæmonem, dum illius simulacra & in Hispania, & in aliis orbis partibus evertit, atque diruit, ut meritò audiat IACOBUS, id est *supplantator*, mundi scilicet, carnis & dæmonis. Et hinc prima illi à nomine benedictio. Altera ducitur à transpositione litterarum, Hebraicarum ejusdem nominis, quæ si per modum anagrammatis



transponantur, ex *Iacob*, legitur *Galeatus*, ut annotavit Georgius Venetus. Ut sic in tanto viro, nihil invenias, nisi quod arma, bellumque spiret adversus Christiani nominis hostes, ut infra videbimus. Tertia denique benedictio ducitur à mutatione factâ nominis, in qua duo mirari possumus, & amare. Primum quod ea mutatio facta sit vivæ vocis oraculo, oraculo, inquam, primæ Veritatis, id est Christi.

Rollandus  
vi. Febr. in  
hjus vita  
c. 2.

Ordo D. Augustini in Ecclesia longè celeberrimus, suspirat, & commendat nomen B. *Angeli de Furcio*, vel ob hoc unum, quod à D. Michaële Archangelo illud acceperit, eo quippe momento, quo ex utero materno prodiit, nomen habuit ab illo ipso cœli Principe: quod sanè magnum est, atque illustre: at quid illud, quantumque si cum D. IACOBO componatur, qui à Christo, mundi Servatore, Deo homine, nomen est sortitus, & hoc quidem mutatione in melius facta.

v Febr. in  
vita S. Adel-  
heidis c. 3.

Vivere desierat S. *Megengor* D. *Adelheidis* Virginis pater, cum uni è sororibus visendum se dedit. Rogavit illa num esset Dominus *Megengor* suos inter olim clarus, clarus à natalibus, clarior à virtute. Cui Vir Dei jam beatis additus. Hoc mihi, inquit, nomen fuit in terris, sed aliud in cœlis, in his enim dicor *Megengaudus*, quia corporis vinculis absolutus, gaudiis Sanctorum perfruor in Dei mei regia. Dixit, & evanuit: posterisque id documenti reliquit, superum gratiâ, Dei que favore magnarum mentium mutari nomina: at semper in melius. Et ita factum videmus, in duobus fratribus, *Ioanne* & IACOBO, quos ipse Christus appellavit *Boanerges*, id est *filios tonitru*, non sine Numine,

&

& magna illorum commendatione, quibus datum est à Christo, quod nulli Apostolorum nisi *Petro*, cujus nomen etiam mutavit, ut ex *Simone* diceretur *Cephas*, id est *Petra*, qui futurus erat Ecclesiæ *Petra*, & quasi *lapis fundamentalis*: & *Divi Ioannes* & *IACOBUS*, quia futuri erant *filii tonitru*, dicti à Christo *Boanerges*, ut de illis quoque dici posset, quod de *D. Basilio* magnificè extulit *D. Gregorius Nazianzenus*. *Tonitruum erat oratio, quia vita fulgur*. Sic quia *Divorum Ioannis* & *IACOBI* vita futura erat instar fulguris, ab exemplis illustrioribus virtutum omnium; eorum quoque oratio erat adinstar tonitru, quod altum insonaret, quod terreret, quod frangeret etiam indomita cœlo capita, animosque pervicaces.

Sub *Marco Aurelio* Romanorum Imperatore nominata fuit Christianorum militum *Legio*, vulgo dicta *Fulminatrix*, ex eo nomen sortita quòd in summa aquæ penuria, quâ laborabat Romanus exercitus, oratione ad Deum fusa pluviam impetrasset: mox enim ab illa & cœlum in nubem cogi, & insonare tonitrua, & micare fulgura cœperunt; quibus & recreati Christiani, & Infideles longè plurimi interfecti. Ita tonabat, fulgurabat, atque in impios fulminabat illa *Legio*. Quod illi: hoc *Divis Ioanni* & *IACOBO*, qui fidelibus uberem è cœlo gratiæ pluviam impetrare soliti, & infidelibus tonitrua, pœnarumque fulmina, ceu totidem irati cœli fulmina.

Tertullian.  
Apolog. c. 5.



## SECUNDA D. IACOBI BENEDICTION.

*Ab eximio Christi in eum amore.*

**D**ilectus Deo, inquit Ecclesiasticus. Dilectus & Christo, hoc est Deo homini. Ea porro dilectio fundamentum aliquod habuit in natura, ipsoque sanguine, cui sine vitio dari potuit singularis aliqua dilectio; erat enim D. JACOBUS ex provincia Galilææ, filius *Zebedæi, & Mariæ Salomæ*, adeoque consobrinus Christi secundum carnem; verum ut hinc concedi potuit amor aliquis etiam sine nævo, præcipuè tamen is gratiæ est concessus, & aliis, atque aliis argumentis proditur, maximè vero familiaritate; quæ amoris index esse solet. Reges ac Principes composuerunt Antiqui cum sole, qui planetis, ac stellis lucem suam communicat: sic illi suas quodammodo cogitationes, & consilia, seu lucem; suos ardores, & æstus, seu amores, communicant; & testes adhibent ad præcipua quædam, & heroïca facinora; & ita adhibiti sunt Apostoli *Ioannes & IACOBUS*.

A morte ad vitam revocare parabat Principis Synagogæ filiam: facinus erat invisum terris, & cœlo dignum: ad illud testes educit secum duos fratres *Ioannem & IACOBUM*, veluti sibi in paucis familiares.

Ascendere voluit sublimis in montem *Thabor*; atque abire in alium quasi à seipso, ibi ( ut loquitur Scriptura ) *transfigurari*, splendere facies ejus sicut sol; imò solem vincere, & luce, & ardore, & testes admittit illius lucis, illiusque

illiusque gloriæ *Petrum, Ioannem, & Iacobum*, veluti præcipua Apostolici Collegii capita, & quæ erant in primis amoribus. Orandum, flendum, sudandum fuit in horto *Getsemani*, & veniendum veluti ad ipsa mortis confinia; in ipsa quasi cum vita; mortisque lucta (quam agoniam vulgo dicimus) & hujus quoque testes esse vult eisdem, *Petrum, Ioannem, & Iacobum*, veluti sibi amicissimos. Hac porro amicitia, ac familiaritate innixa *Maria Salome* eorum mater, etiam aulam Christum interpellare, rogareque ut filiorum suorum unus ad dexteram, alter ad sinistram consideret in ejus regno. Ardua sanè, audaxque petitio, quæ filios Christo Iudici postulavit velut assessores in cœli curia.

Magnificum illud, & planè singulare quod de *S. Fintano* Bollandus 17. Febr. in ejus vita c. 4. Abbate in Hibernia referre solebat Sanctus Pater *Columba*. Videbat nimirum illum omnibus noctibus Dominicis Christo Iudici astare inter Angelos: ut esset istic commissi sibi gregis, ac populi, vel advocatus, atque intercessor, vel secundus à Christo Iudex. Magnum profectò illud, & *S. Fintano* perhonorificum: sed audeo dicere, par illud; imò & majus, quod petit Zebedæorum mater, dum filiorum unum optat à dextris Christi considerare, & alterum à sinistris. At unde id optat, id sperat, id exigit à Salvatore: quàm optimo. Dicamne credidisse dandum illud cognitioni, & sanguini? fortè non aberrabo ab ejus mente. Dicamne amorì, & ferè amicitia Christi cum filiis? propius accedam & ad mentem parentis, & ad rei (qua de agitur) veritatem. Magna nimirum illis cum Christo intercedebat



intercedebat familiaritas, atque (ut ita loquar) amicitia. De amicitia etiam eâ, quæ homini est cum homine, ita loquuti veteres, quasi ea esset summum in terris bonum. De illa sic Cassiodorus, & eleganter, & verè.

Prologo de  
Amiciua.

*Amicitia est divitibus pro gloria, pauperibus pro censu, exulibus pro patria, imbecillibus pro virtute, pro medicina agrotis, mortuis pro vita.* Ecce quantum bonum amicitia etiam hominis cum homine; etiam paris cum pari; quod si cum superiore, majus certè bonum.

Machab.  
l. 2. c. 7.

Cùm vidisset *Antiochus* Machabæos, fortia illa pectora, & grandes animas, etiam irâ, tormentisque suis superiores extitisse, ut ex iis Iuniorum vel moveret, vel flecteret in suas partes, non solum verbis hortari cœpit: *Sed & juramento affirmare se beatum illum, & divitem facturum, & translatum à patriis legibus amicum habiturum.*

Hom. 2. in  
2. ad Thef.  
salon.

Non invenit potentius telum, quo impeteret, quo feriret, quo læderet, quo frangeret invictum Adolescentis animum, quàm amicitiam sui: non divitias, non honores, non ipsam beatitatem posuit pro ultimo, adeoque potentiore telo; sed amicitiam: at quænam, inquires, illa? *Antiochi*, Regis quidem: sed tyranni, attamen quia erat amicitia, in summis bonis repositam putavit. Quod si ea est, etiam sapientum calculo, quæ erit amicitia Dei, amorque Dei: certè id bonum, quo nec in terra, nec in cœlis majus, quo nec in tempore, nec in æternitate optabilius. In humanis, amicus sit permagni, & hoc quia, ut scitè D. Chrysostomus, *alium pro se ipso habet, qui amicum habet.*

Quod si hoc magnum, hoc optabile, quid erit illud,  
non

non alium pro se ipso habere, id est similem pro simili, parem pro pari, hominem pro homine: sed Deum habere pro seipso, hoc est infinitis parasangis se ipso meliorem. Et ita Deum, ita Christum habuit D. IACOBUS, amicum sibi, amantem sui, quod summum illi bonum, summaque benedictio, cui suppar alia.

### TERTIA D. IACOBI BENEDICTIO.

#### *A singulari Deipara in eum amore.*

**A** Morem Veteres composuere cum igne, lumine qui semper proditur ipse suo, lumen porro amoris sunt opera, quæ si adsint amor est; si desint non est amor, sed amoris umbra, & velut inane simulacrum. Ut enim Divus Gregorius. *Amor operatur magna si est; quod si operari renuit, amor non est;* & ita qui Divæ Matris in IACOBUM fuit amor, & magna, & prodigiola operari visus est.

Erat in Iudæa magna Mater, & Virgo MARIA, erat in Hispania IACOBUS, longo terrarum, & oceani tractu diffusi, atque disjuncti, sed amor propinquos fecit, etiam invisio hætenus amoris miraculo.

Cùm *Cæsar auguste* Dei verbum unà cum discipulis suis disseminaret D. IACOBUS, fortè cum illis urbe exiit, atque ad Iberi fluminis littora venit, venturus de more ad Deum orator procul à turba, & hominum tumultu; sic enim orare à Magistro suo, id est Christo, didicerat, & ecce illi novum, & mirabile amoris prodigium; adest Virgo, Dei Mater, cum insigni ac numeroso Angelorum comitatu,



concurrentium utique Dei laudes ; adest, inquam, & sese visendam exhibet insistens columna ex jaspide, quæ fortè ad Iberi fluminis ripam fuerat erecta : notos sibi vultus, & amores agnovit D. IACOBUS, & illico in terram concidit, eam supplex veneraturus, cum hæc ei Virgo. Hoc in loco mihi basilicam extrue ; futurum enim est, ut hæc regio mihi, meoque cultui sit in paucis addicta : & ego quoque illi & favores meos, & patrocinium addico, uti & in primis tibi, qui primus meo honori, cultuique velificari studueris ; dixit, & simul videri, simul & loqui desuit : Ecce miraculum, ecce prodigium amoris ; quod nulli Apostolorum datum est. Ut illi quæ posset responderet, simulque Virgineo, seu amori, seu mandato, Deiparæ adhuc viventi, ac spiranti magnificum templum erexit, & columnam cui insederat, eidem inclusit, à qua & nomen accepit, retinuitque, in hunc usque diem, vulgo dicta Ecclesia *Del Pilar*, sive *De columna*. & hinc prima, seu Christianæ Religionis, seu virginæ cultus jacta sunt fundamenta, quæ & Virgini Matri debet Hispania, & virgineo in D. IACOBUM amori.

Bollandus  
22. Febr. in  
epist. vita  
c. 4.

Fuit illud in Christo miraculum amoris erga B. *Margaritam de Cortona* : cui & matrem suam ostendit, & addidit illud amantis. *Filia mea, ecce tibi ostendo, & dono electam meam*. At audeo dicere majus aliquid à Virgine in D. IACOBUM, cui & seipsam adhuc vivens ostendit non sine amoris ac cœlestis potentia miraculo : quia abiens absenti ; & insuper illi sese quodammodo donavit, futuram electam illi ex millibus.

QUARTA

## QUARTA D. IACOBI BENEDICTIO.

*Ab insigni, & numerosa animarum conversione.*

**E**A Benedictio è duobus peti potest, primò ex animarum pretio. Secundò ex earum numero, ac multitudine.

Pretium hinc colliges, quod nihil illi in hoc orbe aspectabili dari possit æquale; *Quam enim commutationem dabit homo pro anima suâ?* hoc est effatum, hoc oraculum Incarnatæ Sapientiæ, quæ ex te hoc quærit, ô quisquis es homo; *quam commutationem dabis pro anima tua?*

Dabis aurum, argentum, omnesque Principum, ac Regum gazas? non est æqua commutatio.

Dabis gemmas, & uniones, seu quas videt Oriens, seu quas efferunt maria? nec ab illis æqua commutatio.

Dabis urbes, provincias, regna, imperia, sceptrâ, coronas, ac diademata; neque ab illis æqua commutatio.

Dabis universum terræ ambitum, dabis effusa maria, dabis cœlum ipsum, & cœli oculos, cœli gemmas, solem, lunam, ac sidera? sed neque ab illis omnibus æqua commutatio.

Igitur, ô homo, (ut te ipse cum Augustino compellem) *Homo, inquam, qui miraris siderum altitudinem, & maris profunditatem, animi tui abyssum intra, & mirare si potes.* Lib. 10.  
Conf. c. 4. Quod si satis mirari non potes; certè nec satis æstimare potes; quod si nec satis æstimare, profectò nec satis cum æstimare, qui animum illum lucrifecerit, qui Deo, &



Religioni addiderit, uti addidit D. IACOBUS, nec animum dumtaxat unum: sed propè innumerabiles; & hinc mihi duplex D. IACOBI benedictio. Unâ ab animarum pretio, alterâ à numero.

Sed erit hic unus aliquis, qui mirabitur à me de numero moveri quæstionem: quis nescit exiguum illum fuisse. Dei verbum, seu semen, jecit Apostolus in *Judea* primùm, & *Samaria*, deinde & in *Hispania*; sed quam paucos animarum manipulos collegit? Velagius Episcopus, cæteroquin Apostoli magnus Præco; septem dumtaxat illius Discipulos memorat, & his nominibus notat. *Calocerus, Basilus, Pius, Chrysogonus, Theodorus, Athanasius, & Maximus*. Ecce quos illi fructus dedit cœleste semen, quos cœlo parvus *Hispania*, & multos mihi interim jactitabis, enimverò multos, evenit enim illis quod semini, quod subinde centesimum, subinde & millesimum reddit; & in hoc cœlesti semine audeo dicere miriadas etiam ab uno D. IACOBO.

Plutarcho visus est celebris dux quidam cui nomen *Thimotheus*, quorum facinora ut notarent alii, pinxere hominem dormientem, atque ab ejus manu dependens rete, in quod properabant ingredi oppida, provinciæ, regna; hac ipse evigilans delectatus pictura, ait, *Si tanta vel dormiens conficio, quid excitatum me facturum putatus?*

Habes, *Amice Lector*, emblemata nobile, quod & Apostolum refert, ceu invictum militantis Ecclesiæ ducem, dormit ille altum à morte sopitus, molliter cubat in sua *Hispania*, quæ sacris ejus exuviis gaudet, exultat, triumphat, & interim unâ manu tenet rete, quid enim aliud teneat

teneat piscator, & piscator hominum? In illud porro veniunt; imò properant urbes, provinciæ, regna, imperia, seu quæ aspicit sol Oriens, seu quæ videt Occidens; nec enim in illius etiam dormientis retia venit Hispania sola, quæ tredecim censet Regna; sed utraque India, & in iis vastissima Regna, tot scilicet, quot armis jam occupavit Hispania; quot fide ac religione debellavit, Deoque adjunxit D. IACOBUS, etiam à morte dormiens, ac requiescens. Tantum valuit apud Superos, Deumque invictissimi Ducis potentia, ac felicitas. Fatebor enim ea omnia animarum spolia deberi vel uni D. IACOBO Hispaniæ Patrono, ac Divo Tutelari; adeoque & omnem, quæ ab illis est benedictionem.

De Sampsonè pulchrè notat Historicus sacer quod Judic. c. 16.  
*multò plures interfecit moriens, quàm ante vivus occiderat.* Apprehendens ille ambas columnas, quibus tota innitebatur domus, ita fortiter concussit, excussitque, ut domus ruina, & Philistinorum Principes opprèsserit, & spectatores omnes ad tria millia: sed & ipse eadem ruina oppressus occubuit. Fortior Sampsonè D. IACOBUS, inferni columnas, hoc est Iudaicam perfidiam, & idololatriæ cœcitatē, ac pertinaciam ita concussit, ut excusserit; non uti Sampson ad cædem ac mortem: sed meliore fato ad vitam, ac beatitatem: sicque multo plura vitiorum monstra interfecit mortuus, quàm vivus occiderat, à quo profectò magna illi terra, cœloque data benedictio.



## QUINTA DIVI IACOBI BENEDICTIO.

*A felici morte, ac martyrio.*

**D**E vita, deque morte, multi multa, hoc ad præsens institutum.

*Vita est scala*, per quam scilicet in cœlos fit ascensus per alios, atque alios excellarum virtutum gradus, Ita *Pittacus* inter Græciæ sapientes, & factis, & dictis illustris.

*Mors autem est porta ad Deum*, per hanc enim animus è corpore, velut ergastulo, exiens, ad cœli regiam intrat, atque ad Deum ipsum evadit. Ita *Clemens Alexandrinus*.

Et talis D. IACOBO vita, morsque fuit. *Vita* quidem *scala*, virtutes veluti gradus, è quibus primus fuit ab expedita, promptaque obedientia, quâ ad paucas Christi invitantis voces, cum illico secutus relictis retibus, & Patre.

Secundus ab ardenti zelo, & divinæ gloriæ curâ, studioque: hoc inprimis patuit, ubi à Samaritanis summa inhospitalitate rejectus est Christus, tum enim ira cum *Ioanne* fratre, sic exarsit IACOBUS, ut à Domino petierit, liceret ignem cœlo devocare, qui incenderet, perderetque rebellia Christo capita, & inhospitales animas; quem zelum, etsi represserit Christus, quod non esset illius temporis; amavit tamen, & nos amare, ac suspicere voluit.

Tertius ab incenso animarum salvandarum zelo, à quo & *Iudæa*, & *Samaria* fines omnes excolendos suscepit, ac deinde per vastos oceani tractus, & periculosa maria in *Hispaniam* enavigavit.

Quartus

Quartus ab invicta in malis, ac persecutionibus patientia, morteq̃ue fortiter obitâ Christi, ac Religionis causâ, morte dico, quæ illi etiam ad *Deum porta* fuit, quæ tamen ei non est aperta; nisi per immane Iudæorum odium, per vincula, per carceres, ipsumq̃ue ferrum, quo illi aperta est porta ad Deum, ac beatitatem. Iuvat illius meminisse temporis.

Ex Hispaniâ Hierosolymam vix redierat Apostolus, cùm in Iudæorum invidiam, odiumq̃ue mox incurrit. Excitarunt illi Magum eò loci, ac temporis nominatum, *Hermogenem*, & magistro illi supparem discipulum *Philetum*, ut cum D. IACOBO congregarentur, primò verbis, acriq̃ue disputatione, deinde (si ea non succederet) magicis artibus, incantationibus, præstigiis agerent; imò & minis, ac verberibus, inflictis etiam à malo dæmone plagis, ac vulneribus. Verùm nihil horum successit; adfuit enim *Philetus*, qui statim Apostoli verbis, ac rationibus convictus manus dedit, & colla subjecit fidei jugo, pro quo suscepto, ne ab *Hermogene* magistro, aut potius à dæmone malè tractaretur, sudarium illi dedit veluti potens amuletum adversus hostis insidias, ipsamq̃ue inferni rabiem, vimq̃ue tyrannorum.

*Phileto* sic devicto successit *Hermogenes*, qui & ipse ab Apostolo victus, & Religioni Christianæ, Deoque additus, qui ne ipse aliquid à malo dæmone pateretur, veluti illius, stygisq̃ue defensor, baculum ei dedit, quo diabolos omnes, tanquam canes à se procul abigeret. In quo mireris, & ames, *mi Lector*, sanctorum vim, atque potentiam, à quâ & sudario, & baculo fugantur, ac franguntur omnes inferorum



inferorum potestates. Et ita fugatæ, fractæque à D. IACOBO, quod dum non sustinet insana Iudæorum invidia, rabiesque; novas ei moliuntur insidias, vimque parant insolentiorē.

Conveniunt enim Centuriones duos, *Lyfiam* & *Theocritum*, & pecuniâ corrumpunt, ut Apostolo manus injiciant, in vincula raptent excitatâ prius ab ipsis seditione, ac tumultu. Res ex eorum voto successit, sic dissimulante cælo, Deoque ad servi sui gloriam, ac beatitatem. De more ad confertam Iudæorum multitudinem dicebat IACOBUS, & quâ erat sacratoris eloquentiæ vi, omnium commovebat animos, seu pœnitentiæ studio, seu desiderio vitæ melioris.

Quod ubi advertit *Abiatsar*, Iudæorum Princeps, & anni illius Pontifex, illico signum dedit; nec mora, mali corvi malum ovum erupit, malus, inquam, mali Pontificis scribe, *Iofias* nomine, qui in Apostoli collum funem immisit; simulque manum violentam: quo, veluti classico, exciti Centuriones illi duo, cum validâ militum, ac sicariorum turbâ in eundem incurrunt, involantque, vincuntque, ut erat, deducunt ad *Herodem* Archelai filium, qui ut Iudæis placere, moremque gerere videretur, & alios Apostolos Hierosolymis comprehendi jussit, & D. IACOBUM capite plecti. Quid non audes livor? quid non potes furor? quid non moliris malè sanum populo placendi studium? ad supplicium, ad mortem rapis innocentem cæli victimam, & caput illud, vel ipsis Angelis verendum, petis ac detruncas. Verùm nihil agis, ô invidia, ô furor, ô rabies, manet,

manet, manebitque Apostolo sua laus, sua gloria; imò & sua vita: sed melior illa, atque altior: laus quidem à paralytico, cui etiam vinctus, atque ad eadem raptatus sanitatem reddet, atque incolumitatem: gloria verò vel ab ipso Iofa, quem ad meliora convertet, ac deinde fidei ascriptum, ac religioni, etiam sibi, cæloque martyrem addet. Manebit denique & vita, quia illi mors licet violenta, licet truculenta, atque in speciem infamis; erit illi *ad Deum porta*, erit aditus ad beatam æternitatem, à quâ illi summa benedictio.

*Pretiosa enim in conspectu Domini mors Sanctorum ejus.* Psal. 115.

*Pretiosa*, inquit D. Bernardus, *mors Sanctorum*, *pretiosa* plane *tanquam finis laborum*: *tanquam victoriæ consummatio*, *tanquam vitæ janua*, & *perfectæ securitatis ingressus*.

Hunc oculis, hunc animo dum spectas, expectasque, *mi Lector*, simul etiam specta, atque expende quid sit mors iustorum, ut eam ambias ipse, atque dum licet, etiam assequaris.

Primò est *finis laborum*, uti è contra mors impiorum laborum est inchoatio. *Laborum* dico *finis*, quia cum morte, iustis moriuntur, & finem inveniunt labores omnes, ægritudo, dolor, luctus, lacrymæ, paupertas, frigus, æstus, fames, sitis, persecutio, ferrum, ignis, cædes, & si quis alius in vita labor est, aut si quod malum.

Deinde *victoriæ consummatio*. Vita quippe iusti est militia, in hac pugna, in hac certamina adversus carnem, mundum, dæmonem, quibus dum resistitur, cedit resistenti nobilis victoria. Est militia, in quâ congressus cum persecutoribus, cum tyrannis, cum igne, aqua, ferro, ipsaque



ab illis illatâ morte. Sed mors illa, ut mors videri possit malè sanis hominum oculis; at cœli, Deiçue calculo est *victoria consummatio*.

Quid deinde. Est *vita janua*: nec enim possumus ad vitam immortalem ingredi, nisi per mortem, per hanc justus cœlum intrat, ac beatitatem.

Denique est *perfecta securitatis ingressus*. at cujus securitatis? perfectæ utique, ac beatæ: securitatis nunquam amplius peccandi, nunquam excidendi à gratiâ, nunquam excidendi à gloriâ: ô perfecta, ô beata securitas! ad hanc aspira, *mi Lector*: sed prius ad labores, ad dolores, ad vincula, ad carceres, ad ferrum, & ignes Christi, ac Religionis causâ, si opus sit tolerandos; idçue D. IACOBI vel hortatu, vel exemplo, qui scilicet inter Apostolos primus sanguinem fudit, vitamçue profudit pro Dei cultu; atque amore.

Lib. 2. de  
Jacob c. 10.

De magno illo *Eleazaro*, qui pro patris legibus primus inter Machabæos occubuit, extulit magnificum illud D. Ambrosius. *In moriendo, tormentis factus est cæteris magisterium perseverantia*. Quod ipsum D. IACOBO ascribere possumus, ceu nobile lemma, quod moriendo pro fide, pro religione, proçue Deo, factus sit omnibus mortalibus *magisterium perseverantia*; longè aliter quàm in scholis, aut lycæo soleret: in hoc enim, & illis magisterium finitur cum vita, desinitçue in morte: at in D. IACOBO cœpit cum ipla morte, ab hac enim non tantum magister factus est Christianæ perseverantiæ: sed ipsimet *magisterium perseverantia*, in quo etiam summa illi, cœlo propitio, & annuentibus superis, collata benedictio.

SEXTA

## SEXTA D. IACOBI BENEDICTIO.

*A sepulchri luce, ac gloria.*

CUM *Emmanuel*, id est Christum, amores utique suos, describeret *Isaias*, ubi de vita, deque morte multa, hoc etiam de illius sepulchro. *Et erit sepulchrum ejus* Cap. III  
v. 19. *gloriosum*. Gloriosum sanè à sacris illius corporis exuviis; gloriosum à miraculis, ac prodigiis, gloriosum à cœlesti luce, quâ subinde inclaruit, gloriosum à concursu peregrinorum, cultuque ac reverentia, quæ illi exhibetur.

Quod *Isaias* de Christi sepulchro: hoc ipsum de D. IACOBI sepulchro extulit Seraphicus Doctor, D. *Bonaventura*: cui etiam illud inscribi voluit lemma. *Et erit sepulchrum* Serm. 2. *ejus gloriosum*: tum quia in principio miraculis plurimis fabricatum, tum quia in medio magnis virtutibus adornatum, tum denique quia magnis privilegiis est dotatum. Hactenus S. Doctor; cujus mentem, stylumque dum sequor, pauca dicam de sepulchri illius luce ac gloria.

Annus, quo terris occidit, & cœlis ortus est D. IACOBUS fuit Domini quadragesimus quartus: dies autem Martii vigesimus quintus Annuntiatae Virgini sacer: placuit tamen festum illi solemne transferre in vigesimum quintum Iulii, quo scilicet in *Hispaniam* elatum est sacrum illius corpus.

Cùm ferro cecidisset; *Calocerus*, aliique digni tanto magistro discipuli, corpus primùm extulerunt in *Ioppen*: dein oblato miraculosè navigio in *Hispaniam*, per longos, & difficiles oceani tractus, quibus superatis tandem appulerunt



in *Galliciam*, & primò exscenderunt in civitate *Iria Flavia*; deinde *Compostellam* venerunt, ibique sacras Apostoli exuvias in sepulchro marmoreo deposuerunt: tum auspice Deo, Christi fidem longè lateque disseminare cœperunt, non sine magno animarum proventu: Verum, ut humana ferè omnia in pejus concidunt, etiam in Hispaniâ pessum ire Religio, pietasque: hinc veriti Discipuli, ne qua sacro corpori fieret injuria, illud terræ altè defossū occultarunt; & sanè occultatum sic fuit, per annos quingentos, eoque amplius, cùm tandem post multa sæcula, mœstosque soles, placuit superis illud iterum oculis hominum, & pristino cultui reddere, sub *Alfonso* Hispaniæ rege, cui cognomen *Castus*: sub quo enim potiùs Castitatis cultor, ac vindex efferretur, quàm sub Casto Principe? Castos nonnisi casta decent. Et verò decuisse probavit Deus etiam miraculo.

Eò loci, ubi depositum olim Apostoli corpus, per longa illa sæcula, excreverat ingens sylva, & opaca, quæ sacratiores illas exuvias ita tegebat, ut nulla amplius illarum apud mortales esset memoria: sed erat apud immortales, apud quos nulla Sanctorum oblivio; ne porro diuturnior esset etiam apud illos, nocte concubiâ visa lux magna illi loco & sylvæ imminere, idque sæpiùs, ac sæpiùs à vicinis omnibus, remotisque notatum cùm esset, placuit *Theodemiro* Iriæ Episcopo id ipsum prodigii genus deferre, qui & ipse deinde eandem lucem, splendoremque nocte intempestâ: cùm spectasset, curavit humum altè effodi; & ecce jucundum oculis, animisque spectaculum: sacellum visitur pulchrè

pulchrè fabricatum, & in eo arca marmorea, quâ conditum erat D. IACOBI corpus.

Hic omnes invasit stupor, amorque, & restaurata statim Apostoli veneratio: quam & auxit Rex *Alfonsus*, extructa ibidem basilica, sumptu planè regio, & multis deinde ejusdem Regis munificentia, ornata donis, dotataque privilegiis. Et meritò, hæc enim quasi jure suo exigebat Apostolus, futurus deinde Hispaniæ Patronus, Tutelaris, ac propugnator acerrimus, & hæc ipsa deferebat Hispanica, id est Catholica, in sanctos veneratio, atque in superos pietas; quam etiam miraculo probatam Deus voluit, ut sciret Hispania, sciret Orbis universus, eò loci latere Divum Hispaniæ Tutelarem, qui etiam è sepulchrali urna & pericula illi impendentia denuntiaret, & ex eadem, quasi in arma, aciemque prodiens averteret.

Refert Ioannes Eusebius Nierembergius, & ex illo Silvester Petra Sancta, Pericula Hispaniæ imminencia indicari per bellica murmura, per tubarum veluti clangores, & sonitus armorum, qui prodeunt, audiunturque ex ipso D. IACOBI sepulchro; quæ murmura, qui clangores, qui sonitus non semel sunt auditi; ac nominatim priusquam vulgaretur immanis illa conjuratio Neophytorum Maurorum, quos *Morizos* appellant.

Vigilat nimirum etiam in mortis somno, etiam in sepulchri nocte Divus ille Hispaniæ Tutelaris, & pericula denuntiat, ut avertat. Nec illud apud Sanctos novum est, & insolens: notum quippe illud, sepulchra quædam Divorum, strepitu suo significare mortalibus, Clientibus utique



suis, aut imminens lethum, aut triste aliquid, ac funestum.

Bollandus

5. Febr. in  
ejus vita §. 2

Ita ad sepulchrum *S. Bertulphi* Abbatis, cum publica impendit calamitas, auditur è sepulchro veluti quædam manuum complosio, atque inter se collisio; ut constanti fama Gandavi traditur.

Ita è tumulto magni illius *Cid Ruit*, altè insonat armorum fragor, belli imminenti præsagium. Sic publicis malis veluti præludunt ingentes illæ animæ; nec publicis tantum, sed & privatis.

Silvester

Thaumasie  
tom 3. c. 20.

*Messana* in Sicilia, arcula, intra quam exuvix *B. Eustachie*, quieverunt, suo pulsu indicat, è monialibus unam aliquam brevi morituram, nec unquam sine funere fuit ea religiosa domus, post auditam ejus tumuli admonitionem.

Nec funesta tantum nuntiant ea heroum sepulchra: sed quandoque etiam læta, & fortunata, quo in genere ut jucundum; sic mirabile illud, quod de *Ferdinando Gonzale*, Castellæ comite, narrat idem *Nerembergus*. Memoria, inquit, dignum est, ossa Comitissæ Castellæ, fortissimi *Ferdinandi Gonzalis*, quæ jacent in Sancto Petro Arlæveæ, suo strepitu, & concussione significare victorias Catholicorum contra infideles. Et observatum insonuisse vehementer in oppugnatione Granatensis Regni, cum tandem Hispania mauricum jugum excussit. Nec tantum nostratum victorias sonitus hic prædicat, sed etiam externorum. Nam anno millesimo quadringentesimo quinquagesimo sexto, pridie ante victoriam *Ioannis Hanniadis* cum profligavit Turcas, insonuere pariter. Aliquando etiam alius prodigiisstrarum felicitatem promittit idem Comes: quippe ante illam victoriam, miraculosam quidem,

quidem, quam vocamus De Las Navas, cum Rex Alfonsus Octavus, innumeras Maurorum catervas prostravit, auditus est in tota civitate Legionensi bellicus strepitus, usque ad templum S. Isidori, cujus foribus pulsatis, vigilantī Sacerdoti nunciatum fuit, Comitem Ferdinandum Gonzalem adesse cum Cide Rex Diaz, atque adventasse illuc, ut evocaret Regem Ferdinandum Primum, qui eo in templo jacebat. Postero die secuta victoria. Magnis utique illis heroibus, Ferdinando Comite, & Ferdinando Rege pro sua Hispania pugnantibus, atque ē sepulchri nocte (ut ita dicam) in lucem, solemque armorum prodeuntibus; quod etiam non semel fecisse visus est D. IACOBUS, ut ostendet ea, quam subijciam, illius à Deo benedictio.

## SEPTIMA D. IACOBI BENEDICTIO.

*Ab armorum fulgore, ac prasidio.*

**E** Recta quondam Iulio Cæsari honoris ergo statua virenti redimita lauro, quæ dextrâ rotabat ensem, sinistrâ calammum regebat. Subjecta erat hæc epigraphæ.

*Ex utroque Cæsar.*

Denotabat illa utroque excelluisse Cæsarem, mente scilicet, & manu; calamo peræquè, ac ferro.

Et hoc Cæsaris, hoc Principis, hoc magni est Ducis; quod etiam notavit Historicus sacer, qui dum recenset nomina fortium David: hoc effert de Duce quodam imprimis forti, cujus nomen reticet; sic interim de illo. *Sedens in cathedra*

*sapientissimus*

2 Reg. c. 25.



*sapientissimus princeps, inter tres ipse est tanquam tenerrimus ligni vermiculus, qui octingentos interfecit impetu uno.* Ecquis ille sapientissimus Princeps, qui & in cathedra sedet, quod Doctoris officium, & simul arma rotat, hostesque sternit; quod bellici Ducis est munus?

Veniam dabis, *Amice Lector*, si abeam à litterâ, descendamque ad sensum tropologicum, dicamque ex illo, D. IACOBUM esse Principem illum sapientissimum inter tres, quos scilicet sibi Christus adlegit veluti præcipuos exercitus sacri Duces. *Petrum, Ioannem, & Iacobum.* Est ille, si natalia spectes, abjectus imprimis, & quasi vermiculus, ex aquis scilicet evocatus ad sidera. Sedet tamen in cathedra, dum Apostolicum munus obit, dicit è pulpito, docetque subiectam turbam; intereatamen, quod strenui Ducis est, facit, juratos fidei hostes sternit impetu uno, non octingentos, ut ille; sed totos exercitus.

Iuvat illius meminisse temporis. gemebat Hispania sub infami Saracenorum iugo, & quotannis iis pendere debebat luctuosum sanè, & miserabile tributum, centum scilicet Virginum, quæ abducebantur, ut infelices victimæ; si non ad eadem corporis, at profectò ad certam animæ perniciem. Hoc tributo se, suosque liberare dum studet *Ramirus* Rex, ejus nominis primus, Saracenorum in se odium, armaque concitavit. Advolant illi, in Hispaniam irrumpunt totis copiis, & eas longè, lateque fundunt. Venitur ad arma, & pes pedi, manus manui jungitur: sed, ô malum! vincitur, fugatur, ceditur Hispanicus exercitus, & paucae illius reliquiae evadunt in montes, ibique se tuentur, non jam armis; sed

sed natura loci, per avia scilicet, & invia sparsi. Quid hîc Rex *Ramirius*? noctem exigit insomnem, & supplices in cœlum manus extendit: nec in vanum. Eadem quippe nocte sese Regi visendum exhibet D. IACOBUS, mandatque ut luce proximè sequenti, ubi primum miles omnis & sacra exomologesi purgatus fuerit, & Eucharistiâ refectus, eat confidenter in hostem: invocato & Dei, & simul etiam suo nomine, affuturum se veluti Hispaniæ Patronum, ac Tutelarem, cui scilicet protegendam Deus commisisset. Et certè adfuit armis conspicuus, albo vectus equo, vexillumque niveum manu præferens, stetit in prima acie. Ita Duce, atque Antesignano D. IACOBO, Mauros vicit, stravit, profligavitque *Ramirius*, cæsis ad sexaginta, eoque amplius eorum millibus, capta etiam urbe *Calabora*, aliisque minoribus oppidis, excussioque penitus duro illo, atque infami Maurorum iugo.

Contigit ea victoria Anno Christi octingentesimo quadregesimo sexto ad Clavigium, qui locus etiam hodie variis ejus victoriæ monumentis ornatur. Saxei bacilli ibi innascuntur, & conchæ petreæ. Alii lapides aut ense, aut lancea, aut vestigio equorum inscruuntur. Et quod mirabilius est excisæ ibi rupes effigiem S. IACOBI, naturâ, Deoque artifice ostendunt: ut eat in posteros omnes & tanti beneficii memoria, & Sancti illius Tutelaris cultus ac Religio. Et verò jam ivit, ibique, uti speramus, in ævum omne, Reges enim, & Præsules, & Regni magnates ex eo die Ecclesiæ D. IACOBI attribuerunt privilegium, ac veluti tributum, quod *Vota* appellant, & ipse Hispanus miles jam cum

Nierem-  
berg. supra  
l. 1. c. 6.



hoste congressurus, hoc veluti classicum insonat. S. IACOBUS Hispania pugnat. Nec in cassum ea jactantur voces, visus certè iis de cœlo devocari Apostolus, & pro Hispanis suis non semel & pugnare, & vincere etiam visibili specie in omnium oculis, tum contra Mauros in Hispania, tum in Indiis contra Infideles. Ut proinde mirum non sit, si Hispani Reges, defensoris sui vel amore, vel beneficiis illecti Ordinem instituerint Equitum D. IACOBI, cui & magnates, & nobilissimi quique inscripti, & ipse Rex ejus Ordinis supremus sit Magister. Et hæc tua in terris gloria, hæc erecta tibi trophæa, hæc monumenta sunt Catholicæ, id est Hispanicæ, pietatis, quam è cœlo dum despicias, confirma, & auge in ævum omne, ut sub signis tuis vivat, vincat, triumphet Hispania.

#### OCTAVA DIVI IACOBI BENEDICTIO.

*A presenti, ac prodigioso in clientes suos  
ac peregrinos auxilio.*

**E**A Dei ter Opt. ter Max. benedictio non minima, quâ gaudent in cœlis Sancti, & quâ imprimis D. IACOBUS, ut suis adesse possit, atque opitulari clientibus ac peregrinis ubi exegerit extrema necessitas, & fatalis infelicitis ævi meta, hoc est ipsa mors etiam per vim, atque injuriam illata; quo in genere mirabile illud, ac prodigiosum quod subijcio.

In prisca Hispaniæ urbe (quam S. Dominici Calciatensis  
vulgo

vulgo appellant ) adolescens fuit , in quo rarâ sanè concordia , pulchritudo simul inerat , & pudicitia. Ibat ille Compollatellam ad D. IACOBI , unâ cum parentibus pietatis ergo , ac peregrinationis ; cùm ecce de via ad hospitium deflexit , ibique ab hospitis filia tentatus , atque ad complexum illectus , tantumque non adactus. Sed ut erat in paucis amans castitatis , virgineique pudoris , impudoratam illam à se repulit , illius , imò & sui victor sanè gloriosus. Quid hîc puella ? Ut repulsæ impatiens est oblæcenus amor , sic & impatiens puella , nec impatiens tantum ; sed & in odium præceps. Ita nimirum fieri solet ubi sibi illulum viderit amor , in odium vertitur ; imò & ad calumniam , & malos dolos convertitur , & ita hîc conversus ; adolescens enim à puella constitutus quasi furti reus , atque ut is ab illâ accusatus , quasi surripuisset clanculum domi argenteum craterem , qui etiam à Iudice repertus apud ipsum est in penulæ viatoriæ cucullo , in quo scilicet eum per fraudem puella occultaverat.

Nierem-  
berg. de mi-  
rac. nar.  
Europæ l. 1.  
c. 1.

Igitur ad restem damnatus Iuvenis , innocens licèt , ac pudicus , sicque illo orbatî parentes mœstissimi , prosecuti tamen suam illam ad D. IACOBI limina peregrinationem , quæ nec inanis fuit , nec boni vacua : in reditu quippe à filio appellati , monitique ut Iudici significarent , & à Virgine Deiparâ , & à D. IACOBO vivum adhuc eum in patibulo servari , quia & criminis expers fuerat , & tanti Patroni pius cliens ac peregrinus : veniret proinde Iudex & juberet incolumem demitti ac dimitti.

Benè monenti filio obsequuntur Parentes , atque ad

Bbb 2

Iudicem



Iudicem veniant, erat ille fortè in mensâ, gallulum ac gallinam jam cultro secturus, cum ad ea, quæ jaëtabantur, subridens. Ita, inquit, vivit filius vester: uti & vivunt hæ aves; & ecce momento tam gallus, quàm gallina revixit, imò & ille etiam more suo, genioquæ cantillavit.

Hic omnes invasit stupor, amorquæ tanti prodigii, à quo probè moniti, statim ex ipso triclinio ad locum patibuli properarunt, inveneruntquæ innoxium Iuvenem, ac verè adhuc superstitem, quem & Parentibus restituerunt. Porro eas aves ambas in templum asportarunt, ubi & septennium exegere, atque in fine pullos duos sinillimos genuere, qui stirpem illam propagarent.

Hoc ferè semper fit in ea Ecclesia quolibet septennio, magnæquæ semper admirationi est, quod etsi illac innumeri fermè commeent peregrini, omnesquæ à pullis illis plumam excerpere soleant, nunquam tamen illi implumes inveniuntur. Ita perenni miraculo probatur, quod probatum est prius.

Hic te volo, te compello, *mi Lector*, atque ad D. IACOBI limina, si minus corpore; at saltem animo deduco, ut, postquam ea lustraris priùs, dein ediscas, quæ D. IACOBI apud Superos gratia, quæ apud Deum benedictio, quis favor, quæ vis ac potentia etiam in ipsam mortem, quæ Clientem ac peregrinum reverita, nec ausa è medio tollere, quia tollere vetabat Apostolus. Ubi porro hoc didiceris, simul & disces illud, hunc amare, colere, ac revereri, certus etiam de illius ope, ac præsidio.

# IN FESTO SANCTI LAURENTII MARTYRIS.



IVUS CHRYSOLOGUS invi- Serm. 135.  
ctissimi Martyris LAURENTII, felicem  
è vitâ discessum multis ex capitibus  
commendat.

*Primò quia passus est in ipso capite  
gentium, id est in ipsa urbe Romana.*

*Secundò quia in ipso Inventutus flore,  
decorem Inventutis suæ sanguine purpuravit.*

*Tertiò ex ardenti desiderio pro Christo moriendi. Hinc  
Episcopum suum Sixtum pergentem ad martyrium sequebatur  
fide sultus, tristis affectu; non quia ille patiebatur; sed quia  
ab illo ipse deferebatur.*

*Quartò ex eo quòd opes Ecclesiæ sibi creditas in tutò  
posuerit, eas desiderabat persecutor non tam avarus, quàm  
furiosus: oderat nimirum quem occidebat; sed amabat apud  
eum, quod ille contemnebat: & certè quidni contemneret  
S. LAURENTIUS pauper opibus, dives moribus.*

*Quintò ex immani quod illi decretum est supplicio, quo  
in craticula torreretur; imò & assari debuit.*

*Sextò ex invicta illius patientia, à qua craticulam suppli-  
cii, lectum quietis putabat.*

*Septimò denique ex igne, quo magis aestuabat intus*



quàm foris; *plus ardebat quam urebat, urebat in carne, ardebat in corde*, inquit ille ipse D. Chrysologus. Quo iudice duplici LAURENTIUS exarsit igne, uno in carne, altero in corde, quod ut in aperto ponatur, sit

## QUÆSTIO UNICA

### MORALIS.

Ad illa verba: *Probarit me quasi aurum quod per ignem transsit.* Iob. c. 23. v. 10.

Quis ille qui probat? quem probat?  
& quomodo?

Deus probat.

Cap. 13.  
v. 8. 9.

Quem?

Et quomodo?

**Q**UI probat, Deus est, Supremus Iudex & arbiter; probat ille iustos, probat & impios: quod Zachariæ vati indicatum voluit, ubi populum dispersum divisit ipse in tres partes. *Erunt, inquit, in omni terra, partes due, in ea dispergentur & deficient: ecce iniusti & impii, qui à Domino probati deficiunt, & tertia pars relinquetur in ea. & ducam tertiam partem per ignem, & uram eos, sicut uritur argentum, & probabo eos sicut probatur aurum.* Ecce iusti & pii, qui & ipsi à Deo probantur & subsistunt. Hinc de illis Dominus; *Ipse vocabit nomen meum, & ego exaudiam eum: Dicam populus meus es & ipse dicet: Dominus Deus meus.*

Ex his intelligis, Amice Lector, quis probeat, & quos; paucis

paucis accipe, quomodo? Duplici modo Deus suos probat, uno per felicitatem, altero per adversitatem.

Et hoc & illo modo probavit *Iobum*. Primò quidem cùm ei ex voto cessere omnia, cùm domi & foris abundaret, cùm ei pulchra, & numerosa esset soboles, deinde cùm hæc à malo dæmone crepta, everlaque omnia. Ecce ut probatus in prosperis, ut probatus etiam in adversis.

Ita probatus & *David*, felicitate quidem cùm ad regnum evectus; adversitate cùm & à Saùle, & ab Absalone persecutionem passus. De hac, & illa ait ad Dominum. *Probasti me, & cognovisti me.* Psal. 136.

Ita probatus & Gentium Apostolus *Paulus*, dum *per arma Iustitiæ* adversus hostes feliciter depugnavit, & quidem *à dextris & à sinistris*, hoc est prosperis & adversis. 2. Cor. c. 6. Ita nimirum ut annotat Theodoretus, *sicut in rebus tristibus probamur, eodem quoque pacto in secundis rebus exercemur.*

Verùm multò verior, multò acrior & diligentior, probatio, per labores & ærumnas, quàm per gloriam & honorem; quamvis utrumque examen virum ostendat & probet, an sciat abundare, & penuriam pati, atque adversus hostem pugnare *per arma Iustitiæ, tam à dextris quàm à sinistris.* Philipp. c. 4. v. 12.

Ita denique probatus D. LAURENTIUS, uti fusiùs explicabimus.

*Quomodo*



*Quomodo à Deo probatus S. Laurentius?*

Psal. 65.

V. 12.

In Psal. 65.

V. 12.

**I**usti omnes hæc aliquando ore, calamoque Davidis: *Transivimus per ignem & aquam*: hoc est per adversa & prospera. Ita D. Augustinus, quem juvat audire etiamnum in scriptis spirantem ac loquentem. Sic inquit. *Quando res angustæ & aliquæ infelicitates sunt in hoc mundo, quasi ignis est, quando sunt res prosperæ & abundantia sæculi circumfluit, quasi aqua est.*

Hæc ubi extulit S. Præsul, tum adjicit illud oportunitum perficiendis moribus documentum. *Vide ne te ignis exurat, ne aqua corrumpat, firmus eslo adversus ignem, coqui te oportet, tanquam vas fictum, mittêris in caminum ignis, ut firmetur quod formatum est: vas ergo quod in igne formatum est aquam non timet: vas autem si solidatum igne non fuerit, tanquam lutum aqua solvetur: noli festinare ad aquam, per ignem transi ad aquam, ut transeas & aquam.*

Hoc est (ut clariùs eloquar) ab adversis ad prospera transi: sic enim per hæc securus transibis, nec dissolveris, ut solet in aqua lutum. Sed ne longiùs, maneat illud Augustino interprete, quod aqua symbolum sit abundantiae ac felicitatis; quia summè ferax est, ex se enim & in se gignit omne piscium genus; imò & margaritas, atque uniones, qui apud pusillos mortales summo sunt in pretio. Ignis autem ex se, & in se nihil generat, maximè si purus sit, atque elementaris, obstat enim generationi puritas illa, & vehemens vis illius elementi.

Quod

Quod si vaporibus, & halitu crassiore sit permixtus, uti est in inferiore nostra regione, extra suam sphaeram, fortè in se aliquid generat.

Dico fortè, quia res apud Authores adhuc est sub lite. Affirmat Aristoteles, qui fornaces aërias Cypriæ insulæ asserit incolì à bestiolis pennatis muscâ majoribus. Asserit, & Seneca, & Plinius, quia animalia, quæ vocat *Pyraustas*, ait esse vivacia per ignes, quod & alii de *Salamandris* astruunt.

Verùm ut dixi, licèt demus ea animalia in igne vivere, velut in nativo elemento, negamus tamen ex eo nasci; ignis enim iis patria esse potest, non pater; quia nullius genituræ est capax, ut facilè est conjicere ex Moysis historia, quæ igni nullam tribuit genituram, neque Deus ullum ei gignendi præceptum dedit, uti aliis elementis; Et hoc, ut dixi, maximè verum de igne puro, atque elementari, qui proinde symbolum est sterilitatis, adeoque & adversitatis.

His ita ex veriore Authorum opinione constitutis, videamus quì probatus à Deo fuerit D. LAURENTIUS?

Primò prosperis; tum quia electus à *Sixto*, Pontifice sanctissimo, Ecclesiæ Archidiaconus, ipsique familiaris & carus in paucis, atque in sacris ministeriis assiduus; tum quia ei commissæ & concredita omnes Ecclesiæ facultates, quæ & multæ erant & magnæ, licèt ab illis dives esse noller, qui ut antè dixit D. *Chrysologus*, etiam inter divitias universosque Ecclesiæ thesauros *pauper erat opibus, sed dives moribus*; tum denique quia ei commissæ divini Sanguinis dispensatio, quam dum in primis honoribus reponit, sic ad *Sixtum* *Experire utrum Ministrum idoneum elegeris, cui commisisti*



In festo  
S. Lauren.  
serm. 3.

*Dominici sanguinis dispensationem.* Et hæc, ut ita dicam, summa fuit D. LAURENTII in terra felicitas, qua probatus est à Deo; sed probatus magis in adversis, immanique corporis cruciatu, à quo factum ut qui transiverat per aquam, hoc est per abundantiam & felicitatem; transiret deinde per ignem, hoc est, per adversitatem; in quâ Deo probatus quàm maximè. de hac porro probatione ita D. Augustinus. *Verè beatum corpus quod non ad pœnam funestus ignis à fide Christi immutavit: sed ad requiem Dominicam sancta religio coronavit; sed & ipsa flamma ideo suscepit martyrem, non ut eum à fide sua ignis mutaret: sed ut probatum Domino suo redderet: tali enim incendio beata consecrata sunt viscera, non condemnata.* Et hinc mihi alia injicitur quæstio.

*Quo igne probatus sit D. Laurentius?*

**V** Idebitur fortasse cuipiam hæc quæstio supervacanea, cum in aperto sit quo igne, utique materiali, atque elementari; non est tamen ita hic in aperto; quin alius ignis sit in occulto. Ideoque alium, atque alium distinguit Seraphicus Doctor.

## PRIMUS IGNIS.

*Illuminans & inflammans.*

De S. Lauren.  
serm. 1.

Luc. c. 12.

**E**T hic est ignis divinae gratiae cujus officium est animam illuminare ad verum, & inflammare ad bonum.

Et hic est ignis, de quo Christus ipse. *Ignem veni mittere*

in

*in terram ; & quid volo nisi ut ardeat , & de quo olim Dominus. Ignis in altari meo semper ardebit , quem nutriet Sacerdos subjiciens ei ligna per singulos dies.* Altare cor huma- Levit. c. 6.  
num , ignis gratia , ignis & caritas ; ligna , bona opera , quæ subjecit Sacerdos , Christianus omnis , qui unctus est Domini.

Hoc igne arsit D. LAURENTIUS. Primo gratiæ. De hoc D. Chrysologus invicti hujus Martyris gloriosus prædicator , qui sic de illo. *Itaque beatissimus Martyr ostendens , quàm quietè jaceret in illo ignito ferro , ait circumstantibus , Iam me versate , & si una pars cocta est , vorate : liberæ sanè voces , liberior animus. Miramur patientiam , donum Dei miremur. Ibi fides non solum non arsit ; sed & consolabatur ardentem , quia fidelem tenebat promittentem. Ut fides non deficeret , ut spes non averteretur , ut caritas inter pœnas igneas corporales plus accenderetur Dei dona erant.*

Ecce gratia , ecce primus ignis , quo exarsit magna illa D. LAURENTII mens & anima : vis alterum , qui est à caritate ? audi D. Augustinum.

Exponit primùm illud Christi ; *Ignem veni mittere in* Luc. 12.  
*terram : tum etiam istud Discipulorum euntium in Emaüs , & cum Christo colloquentium. Nonne cor nostrum ardens* Luc. 24.  
*erat in nobis dum loqueretur in via , & aperiret Scripturas.*  
Exponit , inquam , & ait. Hoc igne B. LAURENTIUS accensus Scrm. 1.  
*flammarum non sentit incendium , & dum Christi ardet desiderio persecutoris pœnam non sentit. In quantum enim in illo fidei ardor fuerit , in tantum supplicii flamma frigescit. Corporali enim B. LAURENTIUS laborat incendio ; sed divinus*



*Salvatoris ardor materialem Tyranni restinxit ardorem.*

*Quamvis enim in favilla membra solvantur, fidei tamen fortitudo non solvitur. corporis quidem detrimenta sustinet, sed lucrum salutis acquirit.*

Pal. 25.

Ecce duplicem ignem, quo ardet LAURENTIUS. Unus est corporis, alter est animi; ut tam hoc, quàm illo ardeat magis; sic ad Deum Davidis ore. *Proba me Domine, & tenta me, ure renes meos & cor meum.* duplici se postulat igne comburi: *Nam si de solo mundi igne loqueretur, sufficeret renes tantùm exurendos incendiis obtulisse. Cor autem nisi flamma Christi non urit, atque ideo ad comprobandam devotionem suam, geminum sibi ignem postulat, ut luctamine habito, ostendat nobis plus posse amorem Christi quàm pœnam Tyranni: hæc ubi de LAURENTII igne magnificè extulit D. Augustinus, tum ad auditores suos, tum etiam ad nos stylum convertit. Quis nolit, inquit, ad horam uri LAURENTII igne, ut æternum gehennæ non patiatur incendium? Nemo certè, nemo unus id nolit, si modò sapit: utque sapiat, utque sapiamus & ipsi; Beati LAURENTII exemplo provocamur ad martyrium, accendimur ad fidem, incalescimus ad devotionem, & si nobis persecutoris flamma deest, fidei tamen flamma non deest. Non ardemus quidem corpore pro Christo; sed ardemus affectu.*

Histor. Do-  
minicarum.

Ita arsit Lucia Narniensis, Virgo sanctissima, quæ etiam ab amore, cutem gestabat subnigram, & velut ab igne tostam; & hinc identidem tanquam amens exclamabat: *Ignem, ignem sorores meæ, amore IESU torreo, & vivere nequeo.*

Ita

Ita arsit B. *Angela de Fulginio*, quæ cum audiret de Deo quemquam vel verbulum tantum eloqui, tota commovebatur, & stridebat horrendè, nec stridorem illum cohibere poterat. Quæ enim cohiberet, quæ ardorem cohibere non poterat? ardorem dico divini amoris.

In ejus vita  
c. 18.

Ita denique ( ne omnes conlecter ) arsit soror *Maria de Incarnatione Carmelitana Discalceata*, quæ quindecim annorum spatio, ob insolentem, ut ita dicam, caritatis impetum, tantis etiam in corpore doloribus fuit agitata, ut ferè semper inter duas culcitræ lineas contineri cogeretur, quo tremores cohiberet, quibus tota concutiebatur, admirabili divini amoris violentiâ. Ea nimirum est, ut etiam in corpus ipsum evadat; hinc subinde ustulari videtur illud, hinc contremiscere, ac stridere, hinc etiam resolvi, ac colliquescere, quo in genere prodigiosum illud, quod de Sancto LAURENTIO subjiciam.

In ejus vita  
fol. 535.

In Latio oppidum est Principum Columnensium quod S. LAURENTII nomine simul, & sanguine gloriatur. Hic verò sanguis ab ejus die festo deinceps oetiduum effervescebat, mox autem eo exacto sensim indurescere de integro videtur. Crederes eum sanguinem, uti olim; sic & nunc ebullire, atque effervescebat æstu quodam divini amoris, uti & qui ex ejusdem sancti corpore quondam effluxit adeps, quem in ejus festo aiunt liquefieri Neapoli in templo S. LAURENTII Religiosorum Ordinis S. Francisci, & in templo etiam S. Mariæ de Alvina, Sanctimonialium Ordinis D. Benedicti, atque etiam Romæ continuato festi ejusdem oetiduo in ædibus Principum Columnensium ex

Sylvestre  
Petra Sancta  
Thaumaturgicæ tom.  
c. 12.

Sylvestre  
supra. p. 113.



dono Philippi Hispaniarum Regis. Ita nimirum ille ipse, qui ab igne expressus est adeps, & qui etiam ab igne divini amoris emanavit, liquefcere, ac resolvi ab eodem videtur etiam post fata, etiam post sæcula, ut in posteros omnes abeat tam prodigiosæ caritatis memoria ex relicto monumento liquefcientis etiamnum ejusdem sacri corporis adipis.

Huic caritatis Christianæ miraculo aliud subji-  
 cio, quod vidit, amavitque Roma, etiam in exanimi LAURENTII corpore, etiam in tumulto, in quem cum inferretur corpus S. Stephani, recessit ipse ad lævam, & Prothomartyri, ac primo Levitæ digniorem locum cessit: quod non solum humilitatis fuit indicium; sed & caritatis, qua etiam tum ardebat, evidens argumentum.

## SECUNDUS IGNIS.

### *Probans & examinans.*

D Bona-  
 ventura su-  
 pia.

**I**gnis ille elementaris quem oculis, quem & tactu subji-  
 cimus, probare solet quod, qualève sit vas omne quod  
 illi superponitur. Si vas luteum sit & vacuum, mox ab  
 igne crepat, rumpitur, & solvitur. Contrà verò si plenum  
 sit, ignem sustinet, ac durat: sic & metallum omne pro-  
 batur, atque examinatur igne, verumne sit, an adulterinum,  
 Quod vasi, quod metallo; hoc & mortalibus usu venit.  
 Probantur illi ærumnis, tribulationibus, tormentis, ipsaque  
 morte, tanquam igne, & qui sint ostenduntur, sintne vasa  
 in gloriam & honorem; an contrà vasa in contumeliam,  
 atque interitum, sintne aurum, an aurichalcum, probatum,  
 verumque metallum, an adulterinum.

Ita

Ita probati quondam Israëlita, quorum duæ partes à Deo tribulationibus, exilio, aliisque æumnis examinati, à se, Deoque suo defecerunt, & illis, ceu igne, disrupti sunt, atque consumpti: ut solent vasa vacua, ut adulterinum aurum; Unâ dumtaxat tertia iisdem afflictationibus, ceu igne probata, illas omnes invicto robore sustinuit, ut ignem assolet vas plenum, ut argentum, ut aurum verum ac solidum.

Ita probati deinde in Ecclesia quadraginta Martyres, è quibus triginta novem tormentis omnibus, ipsaque morte superiores extitere; & hoc quia gratia pleni, quia à caritate toti aurei: unus dumtaxat iisdem cruciatibus examinatus, qui esset prodidit, defecit enim, & in illo supplicio quasi in igne crepuit, atque à se, Deoque defecit, ab aquis enim, geluque rigidiore ad tepens balneum transiit, & inde etiam ad inferos, æternaque incendia. Ita ex veritate tam justus, quàm impius dicere potest illud Davidis. *Domine probasti me.* Psal. 138.

Ita enim verò probasti me tribulatione, ceu igne, & cognovisti me quis essem, vas plenum, an vacuum, vas solidum, an futile, aurum verum, an auricalchum.

Ita (ne ab argumento mihi proposito discedam) probatus est D. LAURENTIUS. sub Decio & Valeriano Tyrannis sistitur invictus Christi pugil, jubeturque nudari, tum scorpionibus fœdè laniari, tum proferri, & sub oculos poni omnia tormentorum instrumenta, si fortè terrerent: at non terruerunt; sed probarunt: ad eorum enim conspectum hæc libera voce ad Decium.

*Et hæc, inquit, omnia mihi pro epulis sunt, ac deliciis: obstupuit,*



obstupuit, infremuitque Tyrannus, tum in carcerem retrudi iussit, interim alia atque alia suppliciorum genera excogitaturus. Ubi nox, diesque sic abiit, producitur LAURENTIUS, & primò verberatur crudeliter, tum ex equleo suspenditur, tum etiam cremantur, urunturque latera. Quid hæc inter LAURENTIUS? oculos, qui ferè soli liberi erant in Cælum extollit, & hæc ad Deum.

*Te Dominum meum accusatus, non negavi, & interrogatus, confessus sum; non tam voce, quàm patientia, non tam ore quàm sanguine, sua nimirum sanguini vox est, & sua in illâ amoris probatio, & testimonium luculentum, quod dum non sustinet Decius, in alia descendit supplicia. Iubet plumbatis cædi, adcò crudelem in modum ut ferè exhalaret animam, quæ dum paululum respirat, hæc in Cælum. Tolle Domine animam meam, cui mox de luperis ea vox insonuit. Majora tibi, ô LAURENTI, debentur certamina, tormenta & majora. Ecce ut probandus, ut examinandus Athleta Christi.*

Et certè probatus illicò ab immani carnificina; corpus enim universum ferreis pectinibus, & unguibus excarnificatum; sic nimirum & sibi, & aliis probari debuit Christi miles, sibi quidem ad meritum & gloriæ decus, aliis autem ad emolumentum & salutem. & ita probatus militi qui fortè aderat, is erat *Romanus* nomine, qui in ea ferali, & cruenta scena, Angelum vidit, amabili juvenis specie, qui LAURENTII vulnera, immania quidem illa, linteo tergebat, abstergebatque, & hoc spectaculo & ipse religioni, Christoque additus, atque à LAURENTIO baptismi aquis, deinde

deinde tinctus, mox etiam & proprio sanguine, ceu nobili purpurâ: Iugulum enim Tyranno dedit Christi ac Religionis causâ. Ita LAURENTIUM & *Romanum probavit Deus*, Sap. c. 3.

*Et invenit illos dignos se*: hunc quidem ferro; sed illum etiam igne; prius tamen tenebris, altaque carceris nocte, ut ad supplicia quoque accederet noctis horror, ac tenebrarum. In his rogatur à Decio cujas esset? Respondit genere quidem Hispanum esse se, religione verò Christianum, tum idolis immolare iussus, quod dum renuit, lapidibus, saxoque duriore osilli tunditur ac contunditur: sed & hæc inter tormenta libera illi vox, liberior animus, qui Christum confiteatur & laudet, dumque id sedulus facit, ad ultima ventum est supplicia, expeditur enim craticula ferrea, in eaque distenditur LAURENTIUS, & subjectis carbonibus lento igne torretur, lentaque morte absumitur, inaudito à sæculis supplicii genere, quod more suo & piè & doctè expendit D. Augustinus, non sine amabili stupore illius, Serm. 1. de S. Laurentio. quæ fuit in martyre, fortitudinis. *Non enim*, inquit, B. LAURENTIUS *brevi vel simplici passione premitur; nam qui gladio percutitur semel moritur, qui in flammarum camino mergitur, uno impetu liberatur: hic autem longâ & multiplici pœnâ cruciatur, ut mors ei adsit ad supplicium, & desit ad finem: dum enim illum super ferrea crate distentum lenta flamma consumit, non tam inflammando citò interimit, quàm diu excruciendo torquet.*

Ubi sic immane illud tormenti genus explicuit; tum B. LAURENTIUM cum beatissimis illis adolescentibus *Anania, Azaria, & Misacèle* componit. Hos, inquit, *legimus in*

D d d

camino



*camino ignis inclusos in pœnarum suarum deambulasse flammis, & igneos globos pedibus conculcasse. Sed majus aliquid S. LAURENTIUM, siquidem illi in pœnarum suarum flammis ambulabant, hic & in ipso supplicii igne discumbit: illi vestigiis pedum conculcarunt incendia, iste laterum suorum diffusionem extinguit: illi stantes in pœnâ elevatis manibus orabant ad Dominum, hic autem prostratus in sua pœna toto corpore Dominum deprecatur. Sic non sola oris precatio fuit: sed totius corporis, in quo etiam tot linguæ quot sanguinis, quot adipis stillæ. Et hæc amoris probatio fuit: hoc caritatis incensæ testimonium, quo dum extinguitur, qui foris urebat ignis, accenditur quæ intus ardebat divini amoris flamma, quam etiam in immensum augebit ignis ille quem subjicio.*

### TERTIUS IGNIS:

*Glorificans & beatificans.*

D. Bonaventura supra.

Cap. 31.

**I**gnis, de quo mihi prius injecta quæstio, nec visitur, nec ardet nisi in terris, quem postea monstrabo, & visitur, & ardet etiam in cœlis. Quis ille ignis quæris? *Amor est, charitas est, ea duplex. Una viæ, quæ in terra hac, vitæque mortali, accenditur; Altera patriæ, quæ non lucet, non ardet nisi in cœlo, vitæque immortalis. De hoc, & illo igne, seu amore, ita quondam Isaias. Vivit Dominus cujus ignis est in Sion, & caminus in Hierusalem.*

*Sion idem quod specula, quæ militantem designat Ecclesiam, in eâ Ignis est, amor est; sed qui in viâ esse solet, modicus. At in Hierusalem, quæ visio pacis est, & cœlestis*

*Curia,*

Curia, ac triumphantis Ecclesiæ typus; *caminus* est, & propè incendium, hoc est ardentissimus Dei amor, & suis numeris absoluta charitas. Et hæc in B. LAURENTIO fuit, eritque in omnem retrò æternitatem.

Et certè quidni esset in cœlis, quidni esset in patria is amor & charitas? quæ jam inde in terris, inque via cœpit, ut in immensum augetur in patria. Nimirum hunc amorem, & *Glorificantem* & *beatificantem* exegit ea fidei probatio, id examen quod fuit in terris: Itaque D. LAURENTIO evenit quod deinde extulit Apostolorum Princeps. *Vt probatio vestra fidei multò pretiosior auro, quod per ignem probatur, inveniatur in laudem, gloriam & honorem in revelatione IESU Christi.* 1. Pet. 2.

Invenitur enimverò ejus fidei, quæ in D. LAURENTIO fuit, probatio; invenitur, inquam, etiam in ipsius Dei laudem & gloriam: Ut enim elatè D. Hieronymus. *Triumphus Dei est passio Martyrum, pro Christi nomine cruoris effusio, & inter tormenta latitatio.* Ep. 150. ad Hedibiam q. 11.

Ita nimirum triumphat in Cœlo Deus cùm in terris patitur Martyr, triumphat & Christus ubi ipsius nomine, & cruor effunditur, & inter ipsa tormenta gestit, atque exultat Martyris animus. Et hinc illæ Apostoli voces, & prona in Deum gratiarum actio, quod ea Christi Athletis, ac pugilibus detur gratia, ut inter extrema supplicia latentur, & gaudeant.

*Deo gratias, inquit, qui semper nos triumphat in Christo* 2. Cor. 2.  
IESU.

Ut enim hic D. Hieronymus. *Cùm quis viderit tanta perseverantia*



*perseverantia stare Martyres, atque torqueri, & in suis cruciatibus gloriari, ardor notitiæ Dei diffeminatur in Gentes & subit tacita cogitatio, quod nisi verum esset Evangelium nunquam sanguine defenderetur: at quia sic defenditur. Triumphat nos Deus, vel quia de nobis triumphat, vel quia per nos triumphat de carne, mundo, dæmone, juratis suis hostibus. Et ita triumphavit in D. LAURENTIO, quia in eo fides vicit infidelitatem, veritas mendacium, charitas Christi malevolorum odia, patientia ferrum & ignes. Ut proinde meritò ignis ille dicatur & sit *Glorificans ac beatificans*: tum quia ab illo gloria, ac beatitudo acquisita est sempiterna: tum quia ille ipse ignis, hoc est ille ipse amor patriæ, amor est *beatificus*; imò ipsa beatitas, vel pars illius saltem non minima.*

Serm. 1. de  
S. Laurentio.

Supra.

Et hæc paucis dicta sint de D. LAURENTII igne, de quo pro coronide lubet adjicere illud quod olim D. Augustinus. *Quis nolit uri LAURENTII igne?* Certè nemo est qui nolit, nisi qui alio ardere, urique velit. At quis inquires ille? D. Bonaventuram audi, exponet ille, & sub oculos ponet. Est ille alius, atque alius.

Cap. 31.

Primus est *maculans, & animam deformans*. Et hic est ignis culpæ. *Ignis*, ut Iobus ait, *usque ad consummationem devorans*. Hoc si hætenus arsisisti malè, age, aquam affunde, & extingue; aquam dico è salutaris pœnitentiæ lavacro petitam. Hanc infer sine mora antequam totus ardeas, & consumaris. Certè nemo est qui si tectum, si domum suam incendi viderit, aquam illicò non hauriat, non affundat; & erit qui animam ardere viderit, nec aquam inferet? non

crit

erit profectò, non erit nisi malè sanus, & amens.

Sed & alius ignis est, isque purgans & lavans; *Quis stabit ad videndum eum?* D. Bonaven. supra. ipse enim quasi ignis constans: ut enim hic metallum purgat à rubigine: sic & ille animam à peccati nævo, atque macula: *Quis stabit ad videndum eum?* Malach. c. 7. inquit Malachias: quo Iudice si vix quispiam stare potest ad videndum, quis stabit ad sustinendum?

O quàm satius igne LAURENTII hîc uri, quàm istic igne Purgatorii: sed etiam alius ignis est, isque crucians & exterminans. Et hic inferi ignis est: de hoc quærit Isaias. Cap. 33. *Quis ex vobis poterit habitare cum igne devorante?* Nemo certè nemo unus omnium; is enim est de quo Deus ipse, justus scelerum vindex. *Ignis succensus est in furore meo & ardebit usque ad inferni novissima.* Deuter. c. 32. Et hinc timendus quàm maximè, quod & succensus in furore Dei, & æternum arsurus. Finge tibi, non dico tot annos, tot annorum miriades quot cælo stellæ, quot arborum folia, quot littorum arenæ, quot Oceani guttæ, nihil finxeris ad æternitatem: quia illa omnia, ut propè innumerabilia, finita tamen sunt; at æternitas infinita, adeoque ad illam nulla finiti proportio: & hac tamen quanta, quanta erit æternitate, ardebit ignis ille, & reos ita devorabit, ut tamen devoret nunquam: ut enim D. Gregorius Pont. Max.

*In inferno est vita semper moriens, & mors semper vivens.* Moral. l. 9. in Job. c. 39. I modò quisquis es peccator, eo igne urere si voles, non voles certè; sed potius cum Augustino, cum bonis omnibus dices. *Quis nolit ad horam uri LAURENTII igne ut æternum gehennæ non patiatur incendium.*



IN FESTO  
S. BARTHOLOMÆI  
APOSTOLI.



DE SANCTO BARTHOLOMÆO multæ moveri possunt quæstiones. Prima, quid nominis? Secunda, quid hominis? Tertia, quæ ab illo gesta? Quarta, quod illi mortis genus?

Ad primam quod attinet, sunt qui & nomine, & re etiam ipsa velint fuisse *Nathanaëlem* & BARTHOLOMÆI appellationem non aliud indicare, quàm filium *Tolmai*: quæ appellatio proprium nomen non continet; sed tantum quo parente natus sit, exprimit, & notat. Alii tamen aliter sentiunt, & distinctos volunt.

Ad secundam, sunt qui natione Syrum fuisse credant, & quidem è sanguine regio: quod minus est verosimile. Alii genere Galilæum fuisse contendunt, & arte piscatorem: & illud verosimilius, ut astringit *Iosephus* & ex illo *Metaphrastes*.

Ad tertiam, quæ videlicet ab illo gesta, qui datus vitæ cursus, & Apostolici officii cura? ea ferè sunt in occulto, saltem pleraque vel temporum injuria, vel illius ætatis incuria, & vitio, quod arguit, deploratque D. Chrysostomus, & tota posteritas, quæ illa historiæ luce destituta, jacet, jacebitque

jacebitque in densioribus ignorantiae suae tenebris, damnandaque nocte. Quid facias? ea posteris invidit prima illa nascentis Ecclesiae infantia, vel potius, quae in illa fuit vis Tyrannorum, quae & Apostolorum, & Martyrum acta suppressit, unà cum eorundem vitâ.

Ad quartam, quod nimirum illi mortis genus, quae ratio? Et hæc etiam sub lite est; & ferè in occulto.

*Hippolitus*, & ex illo *Surius* opinatur affixum cruci, & quidem capite deorsum pedibus sursum, eo ferè modo, quo *Petrus*, Apostolorum Princeps, & hoc quidem ex voto suo, quo ita voluit cum Magistro suo Christo consentire in genere mortis, ut tamen dissentiret in modo, quod reverentiae fuit, ac demissionis.

*Metaphrastes* & *Nicephorus* existimant affixum cruci, eo modo, quo alii eâ ætate communius.

*Abdias Babylonius*, Apostolorum discipulus ad extremum capite plexum fuisse scribit: ita tamen ut prius scædum in modum virgis cæsus, deinde excoriatus, denique cum illi tormento quasi superior adhuc viveret, capite minutus.

*D. Ambrosius*, *D. Isidorus*, aliique Patres, volunt pelle omni exutum, & in crudeli illa laniena mortuum: & hic videtur communis Ecclesiae sensus, qui majorum traditione ad posteros transit. Et illud in præsentia mihi magis arripet. Sed his omissis, quae ad historiae fidem faciunt, veniam ad ea, quae magis ad formandos mores. pro quibus



## QUÆSTIO UNICA

## MORALIS.

Ad illa verba: *Posuit vineam meam in desertum.  
ficum meam decorticavit nudans spoliavit eam,  
& projecit, albi facti sunt rami ejus.*

Ioël. c. i. v. 7.

**V**T Israël excidium, ac Synagogæ populationem oculis, ac sensibus subjiciat Propheta, sic de illis tristi-  
 Cap. i. v. 7. nænia; *Posuit vineam meam in desertum, & ficum meam decorticavit*; At quæ illa vinea? quæ ficus? ne crede eam esse quæ terris innascitur, quæ visitur in montibus, & quæ erucæ, locustæ ac bruchi pabulum fit: hujus certè, Vati aut nulla, aut exigua est cura: parum enim interest, si aut exedatur vinea, aut decorticetur ficus: vineæ unius, aut ficus, arboris non magnæ, jactura, atque excidium est in minimis reponendum. Alia Prophetæ est vinea, alia etiam ficus, cujus vastitatem luget, ac deplorat. Ecquæ ergo est illa? audi ex probatis authoribus.

Ribera Cornelius.

*Vinea* est Synagoga; *ficus* autem illius Sacerdotes ac Principes, qui in populo Judaïco eminebant ut *ficus* in vinea: quique populum universum vel sacræ Scripturæ sapore, vel sanctarum legum dulcedine adinstar dulcissimæ, ac lapidissimæ

sapidissimæ ficus & pascebant, & recreabant, quos tamen, ô dolor! ô malum! Chaldæi, jurati illorum hostes, vel opibus exuebant, vel libertate, vitæque privabant, nudabantque omnibus, ut ficus solet decorticata. Vel si mavelis, dic quod *vineæ* sit Ecclesia: *ficus* verò, illius Principes, ac Principulos, quos inter eminet D. BARTHOLOMÆUS, ut in vinea ficus solet.

Ac ne credas illud ex meo sensu, calamoque duci, ejus authorem tibi produco Doctorem Angelicum D. *Thomam Aquinatem*, qui in ea concione, quam olim ad suos habuit, ac deinde posteris reliquit, usus est eo ipso themate die D. BARTHOLOMÆO sacra, ac solemnî. *Ficum meam decorticavit, albi facti sunt rami ejus.* Joël. c. i. v. 2.

In hoc primo per *ficum* D. BARTHOLOMÆUM intelligit, & hoc quidem propter tria, videlicet *lignum, folia, fructus*. In *ligno* designatur *cordis sanctitas*, quæ petitur è tribus, quæ sunt in ligno. Primò è *medulla*, in qua est candor, & hæc notat candorem fidei. Secundò è *ligno*, in quo est robur, & hoc significat fortitudinem spei. Tertiò è *cortice*, à quo utriusque conservatio: Et hoc indicatur charitas; sicque in ligno expressam habes veram, atque absolutam sanctitatem, quæ residet in fide, spe, charitate, quæ omnia virtutum decora quia fuerunt in D. BARTHOLOMÆO, in eo quoque perfecta, & suis numeris absoluta fuit sanctitas.

Transit deinde ad secundum quod visitur in *ficu*, nempe ad *folia*, & in his auditur *locutionis utilitas*, quæ similiter ducitur è tribus quæ pariter sunt in foliis *ficus*: In his enim primò est *lacteus* quidam humor, & hic index est illius

Ecc

puritatis,



puritatis, quæ esse debet in locutione. Secundò est *viriditas* in colore, utque hæc oculos rapit ac delectat, sic etiam delectat locutio *ex honestate*. Tertiò est *asperitas quadam in palpatione*, sic & subinde aspera est, & acris locutio: utilis tamen, quia corrigit: & ea D. BARTHOLOMÆO locutio fuit pura, delectabilis, aspera: bonis quidem delectabilis: aspera verò malis, quos scilicet pungebat acrius, & hoc ad vitæ, morumque emendationem, ac salutem.

Ab his descendit ad *fructus*, in quibus habetur *actionum suavitas*, *Utilitas*, & hæc quoque notatur in *figura*, in qua primò *intus est rubicunditas*, & hæc est nota charitatis, quæ rubore signari solet. Secundò *extra est viriditas*: & viridis color colores inter quasi medius, & virtus in medio posita, & in medio tutissimus ibis. Tertiò in *gusto suavitas*, & hæc index est hilaritatis, à qua in Dei obsequio, læta omnia, omnia suavia. Et hæc omnia conveniunt D. BARTHOLOMÆO, ut consideranti patebit.

Ab his venit ad mortis genus, quod simile ficui decorticatæ, decorticatur enim Apostolus, excoriatur, quod enim ficui cortex; id homini pellis.

Excoriatur autem propter tria: Primò ut ad instar innocentis agnelli, cui detrahitur pellis, Deo offeratur in holocaustum. Secundò, ut omni terreno humore, hoc est affectu exoneretur. Tertiò, ut instar serpentis, qui veterem pellem deponit, & abjicit, renovaretur. Et hæc illi beneficia ab ipso mortis genere, à quo & illud, *albi facti sunt rami ejus*.

Ut enim excoriatæ ficus rami redduntur albi; sic & rami

rami animæ, id est ejus potentiz, & rami corporis, id est sensus, facti sunt albi, id est gloriosi: albus enim color index est gloriæ. Et hæc ex D. Thoma, à quo sumpto the-  
mati sua vis erat, sua gratia, atque autoritas, ex quâ quid-  
quid à me diceretur, suum quoque habebit pondus, cui &  
dabitur ex dictis illa conclusio.

*Vinea est Ecclesia; in ea D. Bartholomæus quasi  
ficus decorticata, nudata, projecta.*

**V**ineâ designari vel Synagogam, vel Ecclesiam nemo  
est qui ignoret; si modò scripturas vel levi oculo  
decurrerit.

Certè de Synagoga extat illud Regii Vatis. *Vineam de* psal. 79. v. 9.  
*Ægypto transtulisti, ejecisti gentes & plantasti eam.* Et hoc  
Isaiæ Prophetæ. *Vinea facta est dilecto meo in cornu filii olei:*  
hoc est in Iudæa, quæ robusta est ut cornu, fertilis & pin-  
guis instar olei.

De Ecclesia verò illud Servatoris optimi expressum in ea  
parabola. *Homo erat Pater-familias qui plantavit vineam.* Matth. c. 21.  
*Homo ille Christus: magnus enim verò Pater-familias:* v. 31.  
*Vinea Ecclesia: in qua (ut ad propositam mihi initio quæ-  
stionem descendam) ficus succrescens, & cæteris emi-  
nens est D. BARTHOLOMÆUS, in quo præclara magnarum  
virtutum decora expressa in Ficu, ceu symbolo.*

Non est res nova, & insolens in sacris Paginis, excelsas  
mentes designare plantis, plantisque componere. Certè  
ipsa Dei Mater, modò cum Cedro & Cypressso comparatur,

Ecc 2

modò



modò cum *palmâ*, *Oliua*, *vite*, modò cum rubente *Rosa*,  
*myrrha*que odorata; sic enim de illâ Ecclesiasticus. *Quasi*  
*Cedrus exaltata sum in Libano & quasi Cypressus in monte*  
*Sion, quasi palma exaltata sum in Cades, quasi oliua speciosa in*  
*campis, quasi plantatio rose in Iericho, & quasi myrrha electa.*  
 Ecce quibus componitur Angelorum Regina, mundi Do-  
 mina, Dei Mater, MARIA. Et hoc ipso Scripturæ sacræ  
 testimonio; verius Cœli oraculo, cui & ipse obaudiens  
 D. BARTHOLOMÆUM hîc comparabo cum *ficu*, planta  
 nobili, succulenta, & in paucis suavi. In eâ D. *Thoma* inter-  
 prete tria potissimum notantur.

*Lignum*, *folia*, *fructus*, ceu symbola magnarum in Divo  
 BARTHOLOMÆO virtutum, quas stylo signare mihi in  
 præsens est animus; & quidem in *Ligno* infractum excellæ  
 mentis robur, invictamque in adversis fortitudinem. Dein-  
 de in *foliis* Apostolicæ prædicationis veluti quandam viri-  
 ditatem. Denique in *fructibus* insignes proventus anima-  
 rum, quas Cœlo intulit. sit igitur primum,

*In ligno ficus designatur illustris D. Bartholomæi*  
*fortitudo & patientia.*

**O**Ratori Romano fortitudo est considerata periculorum  
*susceptio, & laborum perpeßio*; Et hæc illius definitio,  
 in qua duæ partes. Una est *periculorum susceptio*, quæ do-  
 cet agendum esse fortiter; Altera *laborum perpeßio*, quæ  
 sustinendum patienter ostendit. Hinc duo illius quasi  
 officia, aggredi & sustinere, vel quod in idem ferè recidit  
*sustinere*

*sustinere* & *abstinere*, quæ Græci expressere his voculis:  
*ἀνέχου καὶ ἀπέχου*, *sustine* & *abstine*.

Et hæc invictæ fortitudinis munia implevit quàm optimè D. BARTHOLOMÆUS: & quidem primum illud, *Abstine*, hoc est abi à terrenis omnibus, à patria, à parentibus & amicis, à re familiari, ab opibus, à luxu, ab honoribus; imò & à teipso. Et hæc est illa ἀπαγωγή Isidoro Pelusioræ adeo laudata, secessio, inquam, & quasi avulsio sanctorum à materiâ, à terrenis omnibus, ipsoque proprio corpore; imò & à seipso. Et hæc visa in D. BARTHOLOMÆO, qui ad primas Christi voces, abiit à parentibus, à patria, à domo, à retibus, omniq̃ue rerum humanarum cupiditate, ut nudus nudum Christum sequeretur, & hæc fuit à terrenis secessio; cujus alia, atque alia extant argumenta; primò neglectus sui & cultûs corporis, tum etiam pecuniæ, honoris, aulicique favoris & gratiæ.

In Armeniam venerat Apostolus, atque ex eâ in templum suâ mole visendum, in quo colebatur Idolum *Astareth*, quod populum e mentitis oraculis, ac miraculis dementabat. Ad ingressum illius obmutuit Idolum, obmutuit malus Dæmon, aliàs satis loquax, causamq̃ue rogatus, eam edixit, quòd templi limina subiisset BARTHOLOMÆUS, Christi Apostolus, quem è capillitio, ore, oculis, vultu, habituq̃ue corporis descripsit, ut agnosci illicò posset; in quo illud solemne, atque ad meum institutum, quod vestem non mutasset ad annos sex supra viginti, adeo illi neglectus erat cultus corporis, quem etiam miraculo Deus probatum voluit, dum toto illo temporis intervallo, ne

Ribadineira  
 in ejus vita.



vel minimum illi derrita vestis, Cælo sic approbante illam vestium, externique cultus, imò & sui despicientiam, quæ certè arguit vitium hujus ætatis, & quæ in eâ est intolerantem in vestimentis luxum atque luxuriam.

Ut vestis in Apostolo contemptus fuit: sic & pecuniæ, ac thesaurorum, quibus plus æquo inhiare solent eorum avari mortales.

Obsidebatur à malo Dæmone *Polemonis* Regis filia, quæ sæpius oblata idolo *Astaroth*, nec tamen eo liberata: alium fortè ab eodem malo hospite obsessum liberarat Apostolus, & illius fama, jam ad Regem pervenerat, cum ecce quæritur hic, & in aulam adducitur, sistiturque illi filia, à quâ illicò, ceu ab usurpato malè hospitio, pessimum illum spiritum expulit. Eo beneficio captus *Polemon*, mox illi per aulicos ingentem submisit auri argentiqûe vim, vel gratitudinis ergò, vel sublevandæ illius inopiæ gratiâ: sed mirum, ut à cæteris videretur Apostolus, ab aulicis illis videri nunquam potuit: nempè videri non poterat, qui auro capi non poterat, nec ipsa videre munera, qui ea concupiscere nec poterat; uti deinde ipsi *Polemoni* aperuit; cum enim hic concubiâ nocte solus esset in cubiculo, januis probè clausis BARTHOLOMÆUM vidit, ab illo hæc audiit, non sine stupore, & amore tam excelsæ fortitudinis.

Venisse se in Armeniam, ac deinde in Regiam, non pecuniæ, auri, argenti, gemmarumqûe, atque unionum gratiâ; sed dumtaxat animarum Christo lucrandarum cupiditate. Hæc, inquam, ex illò, Rex audit, stupuitque. Ita nimirum primam illam fortitudinis partem implebat  
Apostolus,

Apostolus, quæ posita est in abstinencia illâ, ac secessione à terrenis omnibus, eorumque cupiditate. Videamus quâ implevit secundam, quæ in sustinendo est reposita.

De illâ sic olim D. Paulus ad Corinthios: *Signa Aposto- 2. Cor. 12. latus mei facta sunt super vos in omni patientia, in signis & prodigiis.*

Hic Interpretes hærent, & quærunt cur Gentium Apostolus Apostolici muneris signa, notasque recensens, non reponat primo loco signa & prodigia: hæc enim magis in hominum oculis sunt, & admiratione, quam in adversis patientia: & tamen hanc in fronte ponit ut in eâ legas, ac videas Apostolum. Quæ causa? hanc affert D. Chrysostomus optimus Interpres Pauli, quia *hoc Apostoli specimen, & argumentum est, omnia forti animo ferre.*

Cujus rationem ultra si investigare pergas, hanc audies vel ex ipso Sapientis ore. *Doctrina viri per patientiam* Proverb. 19. *noscitur, quod effatum ut illustre: sic & verum: ita exponit* Lyranus. *Veritas Apostolicæ doctrinæ ex eo apparet quod non recusaverit homo pro ipsâ mori.*

Si nec recusavit Paulus; sic nec recusavit BARTHOLOMÆUS, qui dum insudat disseminandæ Apostolicæ veritatis, atque Doctrinæ, in Paganorum odium incurrit, maxime verò Sacerdotum qui dum non ferunt templa sua destrui, idola, ac simulacra conculcari, Deosque suos præ Christo crucifixo contemni, diram in Apostolum tempestatem excitarunt.

Vicinam provinciam regebat *Astiages* Regis *Polemonis* Germanus frater; hic tum è truci, qua erat indole, tum ex sacrificulorum.



lacrificulorum invidiâ, rabieque concitatus, Apostolum  
comprehendi jubet, & primum virgis cædi, fœdum in  
modum, deinde excoriari, tum etiam (ut volunt, Authores  
nonnulli) capite minui: denique & in mare abjici, ratus  
sublato jam BARTHOLOMÆO, eodem turbine Ecclesiam  
quoque disturbari posse, atque everti: sic eò loci, ac tem-  
poris jactari potuit illud. *Posuit vineam meam in desertum,*  
*ficum meam decorticavit, nudans spoliavit eam, & projecit.*  
Ita enim verò, ita factum est: immitis ille Tyrannus *Asia-*  
*ges* Domini vineam, id est Ecclesiam, quæ tum primum  
in Armenia nascebatur, & crescebat, *posuit in desertum &*  
*BARTHOLOMÆUM*, ceu illius principem, plantam, &  
*ficum decorticavit*, & omni pelle nudans *spoliavit eam ac*  
*projecit*, & quidem hac ratione, modoque.

Quatuor aliorum Martyrum corpora loculis inclusit,  
tum etiam ipsum D. BARTHOLOMÆI corpus altero, atque  
in mare abjecit ut essent vel Oceani, undarumque præda,  
vel ludus, ac ludibrium ventorum. Sed is qui imperat ven-  
tis & mari, servo suo funus adornavit etiam miraculo,  
quippe gloriosi illi Martyres D. BARTHOLOMÆO pom-  
pam funebrem sic instituerunt, ut duo à dextris essent, &  
duo à sinistris; medius autem BARTHOLOMÆUS: trium-  
phalem pompam dixisses, non funebrem apparatus cui  
servierunt & undæ & venti; pontum enim illum sine gravi  
jactatione transmearunt, tum ad Bosporum Thracium in  
Propontidem venerunt, Hellespontique angustias transie-  
runt, deinde transmissis Ægei & Jonio mari ad Siciliam  
applicuerunt, & Siracusas ad sinistram relinquentes, atque in

Occidentem versus tendentes, ad Insulam Liparam pervenerunt, & ab illius incolis excepti perhonorificè, imprimisque ab illis Præside, ac Gubernatore, *Agathone*, qui jam cœlesti revelatione, didicerat appulisse sacras D. BARTHOLOMÆI exuvias, quæ mox eò loci conditæ sunt, tum invicti illi Christi pugiles suis loculis inclusi, quasi perfuncti jam illo pietatis officio, alii aliò atque aliò recesserunt, quò scilicet eos Divina providentia destinabat.

Metaphra-  
ses in vita  
S. Bartholo

Ecce ut Martyrum, ut Apostoli cara cœlo, Deoque corpora, quibus succollant etiam ipsa maria, quibus obediunt venti, & eorum gloriæ ac triumphis, velificantur, quibus enim potius? Vos (ut Cypriani verbis vos alloquar) Vos, inquam, *congressi estis in acie donec acies succumberet victa, nec cessistis suppliciis; sed potius vobis supplicia cesserunt: finem dolorum quem tormenta non dabant, coronæ dederunt: Laniena gravior ad hoc perseveravit, non ut stantem fidem dejiceret; sed ut homines Dei ad Dominum velocius transmitteret.* Et ita gloriosos illos Martyres transmiserit, ita & BARTHOLOMÆUM, aliosque Christi pugiles, quos velim in oculis habeas, & in primis amoribus. Ille *cum igne, & ferro, & belluis, & Tyrannis alacri animo velut in alienis corporibus, imò quasi corporum expertes dimicarunt*, ut & ipse sic dimicare discas, *Amice Lector*: & certè quidni discas tantorum virorum vel exemplis incitatus, vel gloria ac triumphis illectus? Hos (ut alios taceam) adeptus Apostolus, non tamen sine cæde, & sanguine, qui ut olim in venis illius ebullit ardore quodam patientiæ; sic & modò extra venas ebulliet exemplo, atque incitamento ejusdem patientiæ.

Ep. 9. ad  
Martyres.

Gregor Nazianz. orat. 1  
contra Julianum.



Cæsar de  
Eugen. in  
Neapoli.

Silvester  
Petra San-  
cta Thau-  
masie tom.  
3. c. 12.

Orat. 18.

Neapoli in æde sacrâ Parthenici Asceterii S. *Patritiæ* Virginis, intra crySTALLINUM vas, est pars aliqua pellis D. BARTHOLOMÆI Apostoli, & simul phiala sanguinis ejus. Quoties verò hæ reliquiæ sunt in conspectu mutuo: semper momento eodem liquefcit, atque ebullit sanguis. Crederes illi sensum esse, & animam, quæ etiamnum & pellem Christo dare velit, & sanguinem fundere: tantus ardor patiendi etiam post fata, tanta vis, & præcellæ mentis fortitudo, quam in eo dum miraris & amas, etiam imitari stude, memor illius quod aliquando magnificè extulit D. Gregorius Nazianzenus. *Duo nequeunt superari, Deus nempe & animus sapientis, qui quidem in vinculis liber est, & in tribulationibus superior illis.*

*In foliis ficus explicatur quæ in D. Bartholomæo fuit Apostolica prædicationis amæna viriditas, & in fructibus animarum proventus.*

**H**ÆC duo jungi placuit, quia ut in arboribus folia sine fructibus omnis ferè boni vacua; sic & Divini Verbi prædicatio inanis est nisi ad eam accesserit animarum proventus. Ut autem hic accedat, Dei auxilio opus: ut enim Apostolus, *Neque qui plantat, neque qui rigat est aliquid; sed qui incrementum dat Deus.* Nimirum hic primus est, & princeps animarum cultor, à quo cultores ceteri, & à quo fructus omnis. Et hoc est quod sumptâ à piscatione metaphorâ, discipulis suis Christus indicatum voluit, cum Matth. c. 4. *fic ad illos. Venite post me & faciam vos piscatores hominum.*

Et

Et ita fecit D. BARTHOLOMÆUM, quem in Ecclesia, si mare est, fecit piscatorem hominum, & si vinea est, ficum; sed virentem, sed fructuosam illam. Viror porro à cœlestis verbi prædicatione, fructus autem ab animarum lucro, atque proventu: & hunc, & illum mentis, atque intelligentiæ oculo spectemus.

In ea, quæ ab Apostolis facta est universi sortitione, D. BARTHOLOMÆO obtrigit *Licaonia*, pars magna provinciæ *Cappadociæ*, quæ est in *Asia*, hanc ubi apprimè excoluit, transiit in Indiam citeriorem, deinde in Armeniam. Nimirum. una provincia, regnum unum non satis erat illius animo, zeloque, qui complexus erat Orbem universum.

In hoc illi congressus fuit. Primò cum malo Dæmone, cum idolo *Astaroth*, quem suo aspectu, verboque mutum fecit etsi aliàs facundum, & loquax. Deinde cum Dæmonibus, qui miserorum corpora malè occuparant, quos inter fuit filia Regis *Polemonis*, quem etiam verbo expulit, coëgitque etiam invitum, ac reluctantem fateri Deum se non esse: sed inane simulacrum, quod quia Deo quondam rebelle fuit à veri Dei Angelis vinculis ferreis alligatum se dixit, & BARTHOLOMÆUM Christi Apostolum confessus est, tum etiam (verso, dirutoque prius ipsius simulacro,) ut quis illius fuisset hospes appareret, visus est dæmon ex illo elabi nigerrimi Æthiopis specie, scintillantibus oculis, & vinculis igneis undique constrictus: tantum verbo, tantum prædicatione sua potuit Apostolus, tantum deinde in animulas, quas cœlo, Deoque peperit insigni sanè proventu,



qui, quis, quantusve fuerit: ex hoc collige.

Primò Regem *Polemonem*, Reginam, prolesque regias, aulamque totam Christianæ Religioni adjunxit, deinde in uno illius Regno, duodecim urbes, & nominatas & celebres Deo addidit. Mitto propè innumeros alios, quos tum in Licaonia, tum in Cappadocia, tum in India veræ fidei ascripsit.

Et hi sunt fructus, hi proventus fici nostræ fructus omninò suaves, ac sapidi; non hominibus modò, sed & Angelis, sed & ipsi Deo. At unde inquires illi? Utrique à Deo qui incrementum dedit. At rursus unde dedit? audi vel ex ipsis inferis, vel ex ipso Dæmone, qui ut mendax sit, cœli tamen nutu, atque imperio, etiam quæ verissima sunt eloqui, & propalare cogitur.

Idolum *Astaroth* (ut antè dixi) mutum reddiderat Apostolus, quod dum mirantur, ac dolent idolorum sacrificuli, dæmonem alium, qui vicina in urbe colebatur super eo consulunt, fatetur ille vel invitatus à BARTHOLOMÆO mutum effectum; tum eum pulchrè describit: primùm oris lineamenta, tum etiam habitum corporis, denique & præcella animi decora, quæ inter, Oratio, & assidua cum Cælo, Deoque conjunctio; addit enim Apostolum in die centies orare solitum, tum etiam centies nocte.

Et hinc deducta cœlestis gratiæ fluentia, quæ & ficum nostram irrigarent, alerentque; & ornarent illam amœna quadam divini Verbi viriditate, tum etiam ditarent fructibus, hoc est collectis ex tot provinciis, totque regnis, copiosis animarum manipulis; hos cælo, Deoque reddere si paras,

paras, *Amice Lector*, age Apostolum imitare, & quod ille in *Vinea Domini*, esto *ficus* fructifera, esto ut ille inter adversa fortis, atque inconcussus, esto virens à Dei verbo, ceu foliis bonæ mentis, à sacrationibus, divinisque colloquiis; non emarcidus, ac fluens ab inani confabulatione, esto denique frugifer ab animarum lucro, proventuque, ne in te cadat ea maledictio, fulmen illud, quod aliquando ex Incarnati Verbi voce cecidit in ficulneam infructiferam.

*Manè revertens in Civitatem Servator optimus, esuriit, & videns fici arborem unam secus viam venit ad eam & nihil invenit in ea nisi folia tantum.* Et ait illi, *Nunquam ex te fructus nascatur in sempiternum.* Et arefacta est continuo ficulnea. Sed quid amabo te Christe? quid peccarat ficulnea? an suo vitio infructifera? fortè vitio soli, vitio culpaque cultoris, & hortulani, non suo talis erat, & tamen tangitur, feritur eo fulmine maledictionis? quæ causa? ut tibi exemplo sit, ô anima, ne & tu ut illa sis infructifera. Esurit Christus, & quærit unde extinguat famem, sitimque. At quid esurit? utique salutem animarum: hæ enim sunt fructus quos in te, & à te requirit, ceu à ficu plantatâ in *Vinea Domini*, in Ecclesia dico, in Religione, statuque perfectionis: si eos non invenerit, si vacuus à te recesserit, si folia tantum, hoc est speciem externam, & apparentem illam viderit, dicet, quod olim illi ficulneæ, *Nunquam ex te fructus nascatur in sempiternum.* Et quid inde? continuo arefies ut illa, & nulli in posterum eris usui, nisi ut sis ignis præda, & pabulum ignis æterni, quod à te avertat, qui potest Deus.

Matth. c. 21.

v. 19.



IN FESTO  
SANCTI MATTHÆI  
APOSTOLI  
ET EVANGELISTÆ.



IRUM fortasse cuiquam videri poterit, quod Ecclesia, quæ tamen cœli spiritu regitur, die D. MATTHÆO sacro ac solemni, non aliud oculis, animisque fidelium objiciat, quam D. MATTHÆI ad meliora conversionem; nihil enim de vitâ, quæ deinceps illi fuit Apostolica, nihil de Divini Verbi prædicatione, de relatis animarum spoliis, nihil de morte & fortiter & feliciter obita, nihil denique de illius in cœli regiâ beatitate; quæ omnia videbantur reponi posse, ac debere in primâ discursus panegyrici fronte, utpote conspicua magis, ac speciosa. Verum mirari desinet, ubi audierit nihil eâ ejusdem Apostoli conversione mirabilius.

Collat. 12.  
c. 12.

Quæsiuit aliquando Abbas *Cheremon* apud *Cassianum*, ecquæ opera Dei miranda magis? & respondit in hæc ipsa verba. *Quod majus esse potest prodigiū, quam sub momento brevissimo, ex rapacissimis publicanis Apostolos fieri? & ex persecutionibus truculentis, Prædicatores Evangelii potentissimos reddi, ita ut eam quam persequabantur fidem, etiam effusione sui*

*sui sanguinis propagarent.* Hæc pius Præsul, quo iudice si nihil mirabilius objici, nihil certè potius proponi debuit. Et ista quidem pro Evangelio hac luce inter sacra Missarum solennia, legi solito, ubi & pro themate, quod more suo, idest doctè & piè, sumpsit olim D. Bonaventura, & ego Serm. 1. in præsentia mihi tractandum existimavi; pro quo sit

---

## QUÆSTIO UNICA MORALIS.

Ad illa verba: *Conversus sum ut viderem vocem;*  
*qua loquebatur mecum.* Apocal. c. i.

Quis ille conversus? quæ vox?  
& cujus?

**S**I litteram spectes, ille est D. Ioannes, qui in mentis excessu conversus est, ut *videret vocem*, hoc est, authorem vocis, sive vocantem se, & loquentem. *Videret*, inquam, id est, cognosceret: cum enim ea vox esset intellectualis, erat ipsa visio, quia in mente & spiritu, idem sunt videre & audire. Et hæc pro litterali sensu: pro mystico & accommodatio, sit illud. *Conversus* ille est MATTHÆUS, de quo prima mihi injicitur quæstio, quid nominis? quid & hominis.

*Quis*



*Quis D. MATTHÆVS?*

**S**I nomen illi inditum spectes, aliam, atque aliam nobis ingerit seu laudis, seu etiam gratiæ legerem.

Origeni & Isidoro MATTHÆUS Hebraicâ linguâ idem est quod *donatus*, utique à Cælo, Deoque donatus ad magnum universum bonum.

Lib. 7. Ety-  
molog. c. 9.

Pagnino idem est ac *donum*. Mittam enim Hebraicè, Latine *donum* dicitur, donum profecto cæleste, ac pium MATTHÆUS.

Lib. 2.  
Hexam.

Anastasio Antiocheno MATTHÆUS appellatur, & est *mandatum altissimi*, non sine bono omine, & aliquo futurorum prælagio, futurum enim erat, ut illicò pareret, altissimi mandato, cum ad pauculas, id est duas Christi voces, *sequere me*, secutus est, relictis omnibus; imò & seipso; quod obedientiæ genus longè præstantissimum.

Serm. 29.

Et hæc à nomine petita laus & commendatio: at longè major ab homine, de quo primùm videri potest, quis fuerit ante suam illam à Christo vocationem? quis deinde post illam? De hoc, & illo statu sic D. Chrysologus. MATTHÆUS *publicanus generat notis non parvam suis quæstibus quæstionem, & magnum nobis negotium suâ negotiatione proponit.*

At quam, inquires, quæstionem? quòdve negotium? hoc certè, unde? & quò? vocatur: unde? à telonio. quò? ad Apostolatam. De illo sic D. Chrysologus. MATTHÆUM *de telonio divitem, de usuris locupletem, lucris sæculi onustum, quod in Apostolatam elegerit, quid dicemus? Dicemus certè amoris fuisse prodigium, miraculum caritatis; quod patebit magis*

magis consideranti quis, qualisve in Thelonio MATTHÆUS? audi ex ipso ore D. Chrysologi, & simul audies unde, & quò vocatur?

*Quomodo, inquit, infirmitas, non laboret humana, quando videbat apud Christum pecuniam sic valere, ut daret fraudulento fidem, venali gratiam, cupiditatis Magistro officium largitatis, doctori sc̃noris magistrum sanctitatis, publicano seculi cœleste secretum. Et hoc est, quod dum non capit infirmitas humana, in eo laborat; imo & scandalum patitur, ingeritque importunum illud ad Discipulos Christi. Quare* Matth. c. 9.  
*cum publicanis & peccatoribus manducat Magister vester?*  
*sic apud illos erat nefas publicanos Christo participes, vel in cibo esse, quod si hoc erat nefas, divinis sociare, quid erit pu-* Serm. 28.  
*blicanum?* *erit profecto nefas aciei humanæ, quæ caligat in Divinis: at non oculo divinæ mentis, non amoris, non caritati Christi.*

*Miraris Iudæe cur misceatur convivio peccatorum, qui* Ibidem.  
*propter peccatores & nati voluit, & non recusavit occidi?*  
*oblatras cur peccatorum vinum bibat, qui pro peccatoribus sanguinem suum fudit? Et si vis nosce amplius, suscepit ipse peccatum, ne perderet peccatores, in se sententiam suam iudex retorfit, ut amasse se peccatores proderet, magis solvendo debitum, quàm donando. Et hoc ipsum est quod reponit Christus, injustis illis querelis, dum sic ad illas; & earum aucthores: Non veni vocare justos, sed peccatores. Et hinc* Matth. c. 9.  
*mihi injicitur secunda quæstio.*

Ggg

Quomodo



*Quomodo vocatus à Christo ?*

**E**Xponit Evangelista seriem, modumque suæ vocatio-  
 nis cùm sic ait. *Dum transfret IESVS. Hoc pri-*  
*mum transfret, benè transfret, quia transibat Iudeam, ut*  
*veniret ad Gentes. præteribat Synagogam, ut in Ecclesia per-*  
*maneret, prætergredebatur carnis Patriam, ut Deitatis suæ,*  
*remearet ad sedem, doceretque nos eodem remeare; ita ta-*  
*men ut in vitæ hujus transitu etiam aliorum studeamus sa-*  
*luti, uti studuit hic Christus; transiit enim ne MATTHÆUS*  
*remaneret ibi, transiit, ne MATTHÆUS ibi taliter permane-*  
*ret, deinde vidit hominem. En secundum. Vidit plus di-*  
*vinis oculis, quàm humanis. Vidit, inquam, hominem ut pec-*  
*cata hominis non videret. Vidit opus suum, ut despiceret ope-*  
*ra peccatorum. Vidit illum Deus, ut ille videret Deum. Vidit*  
*illum Christus, ut ille pecuniæ latebras amplius non videret.*  
*Et hoc divinæ in eum misericordiæ fuit, miseriæ istud in*  
*MATTHÆO, quod vidit sedentem & hoc tertium est. Sed*  
*cur sedentem? quia stare non poterat pondere cupiditatis op-*  
*pressus, & ipsâ totius conscientiam fraudis incurvus, sed unde*  
*oppressus? unde & incurvus? utique ab avarâ, insanaque*  
*auri cupidine. Aurum quippe naturâ grave, gravius sit*  
*avaritiâ. hinc est, quod plus habentem deprimat quàm feren-*  
*tem, & vehementius aggravat corda, quam corpora. Et ita*  
*aggravarat cor MATTHÆI, qui pressus cupiditatis pondere*  
*surgere non valebat, in hoc deterior paralytico, quem*  
*ante curaverat IESVS, quia ille carnis patiebatur paralyfim,*  
*iste*

D. Chrysol.  
serm. 30.

Serm. 28.

Serm. 29.

Serm. 29.

*iste mentis; ille jacebat captus carne; sedebat corpore, & animo iste captivus. Ne porro diutius sic sederet, ait illi Christus, sequere me, hoc est me sequere, de supernis ad superna tendentem; & non aurum de inferis ad inferna mergentem.*

*Sequere me, hoc est, depone pondera, disrumpe vincula, solve laqueos, & me sequere, perde usuram, ut te valeas invenire, & hæc illi Servator optimus, quid deinde MATTHÆUS? & surgens secutus est eum.* Serm. 28.

*Generosus animus, inquit Chrysologus, qui sic ea, quæ putarat magna, facile & quasi nulla contempsit; apparet illum per ignorantiam lucra ante præsentia conquississe, à quibus ut se sensit, & vidit liberum, sic raptus est ad divina.* Serm. 29.

At unde sic raptus? primum à cœlesti illius prædicatione, quæ sic influebat in aures, ut tamen, magis influeret in animos; Deinde à luce miraculorum, & curatione paralytici, quæ adhuc erat in oculis, & hanc rationem affert D. Chrysologus, orator aureus; qui MATTHÆUM miraculorum jam famâ perdomitum appellat. Denique à cœlesti fulgore, & majestate Divinitatis occulta, quæ etiam in humanâ facie relucebat & primo ad se, videntes trahere poterat aspectu. Et hæc postrema ratio placuit D. Hieronymo, qui etiam eam à simili confirmat. Si enim, inquit, in magnete lapide, & succinis, hæc esse vis dicitur, ut annulos, & stipulam, & festucam sibi copulent, quantò magis Dominus omnium creaturarum ad se trahere poterat, quos volebat? Et hinc etiam Porphyrium & Iulianum, arguit inscitix, quod & MATTHÆUM illi, & alios Apostolos levitatis arguerent ex eo quod, ad primas Christi voces eum essent secuti.



*Ad quid vocatus? & quæ ab ejus vocatione dignitas?*

**B**Eatus Petrus Damianus ad tria potissimum vocatum affirmat, & in iis vocationis illius dignitatem reponit; hisque verbis exprimit. *Evangelista fuit, Æthiopiæ Apostolus, & Virginitatis victima.*

Serm. de  
S. Matthæo.

Hoc igitur primum laudis & gloriæ caput. *Evangelista*, quod notasse vili est Syriaca inscriptio ipsius Evangelii, quæ sic habet. *In virtute Domini, Dei que nostri Iesbua Christi, incipimus scribere librum sacrosancti Evangelii, primumque Evangelium, MATTAI præconium.*

Lib. 1. cap. 5.

Hom. in  
diverf.

In Liturgia.

In Pf. 118.

Præfat. in  
Joan.

Ex. 12.

Hom. 34.  
ex 10.

Merito sanè *MATTAI præconium*. Quod enim potius? Evangelium D. Clementi in Apostolicis Constitutionibus, dicitur, & est *omnium Scripturarum absoluta perfectio.*

D. Basilio *oraculorum omnium cælestium veluti coronis.*

D. Chrylostomo *sapientia recta.*

D. Ambrosio *morum magisterium.*

Origeni *totius Scripturæ primitiæ est Evangelium*, quod si tale est, uti ex vero est; quid adeo mirum si prima Divi MATTHÆI laus, atque commendatio ducatur ab Evangelio, quod & scripsit ipse, & posteris transmisit. Certè Divus Hieronymus eam esse dixit: *Evangelii majestatem, ad cujus fulgura omnis mortalium sensus hebetetur.* Nec mirum si ea sit majestas, cum cælestis sit, ac divina, & talis propè qualis, & Dei, qui per Evangelium nobiscum est, quam in rem extat præclarum illud D. Augustini. *Semper ante te habes quem sequaris, Dominus exemplum in terra posuit, cum Evangelium*

*Evangelium ibi reliquit. In Evangelio tecum est.* Et hinc factum ut sacrorum Antistites, Divique Patres Evangelium omni propè loco, omniq̃ue tempore penes se habere stituerint quam impensissimè, cui curæ, studioq̃ue & cœlum ipsum favere visum est.

Ad S. Virginem *Brigidam* venerat S. *Aidus* Episcopus, Bollandus 1. Febr. in Vita S. Brigidæ. § 14. ab eaq̃ue petierat, ut Evangelium si fortè apud se haberet, commodaret quam citissimè. Cui illa, enimvero non habeo: sed ad superos, Deumq̃ue supplex veniam, ut tibi illico transmittat: venit ergo, oravit, exoravitq̃ue, ecce enim mox à cœlo prodigium: ex eo quippe visum est elabi, Evangelium, immittiq̃ue in *Brigidæ* sinum: excepit illa Dei donum, ac munus, & S. *Aido* in manus dedit, qui deinde reliqua vita Evangelium illud & manu terere, & sinu gestare cœpit, & illi quodammodo convivere. Alii etiam Religiosius, & illi commori; imo & cum eo sepeliri voluerunt; rati in eo quasi Numen esse; & Divinum quiddam.

Ita inde à primis Ecclesiæ temporibus, in consecrationibus Pontificum, eorum capitibus imponebantur à Deo De Eccl. Hierar. data oracula, ut loquitur D. Dionysius: hoc est Evangelia; quibus ut floreis, ut gemmeis redimiri corollis, ac triumphare.

D. Epiphanius cùm inter navigandum jam jam esset In ejus Vita. efflaturus animam, & in beatæ vitæ portum successurus; supra pectus Evangelia posuit; ut eo veluti naulo munitus, in fœlicissimam vivorum regionem transfretaret.

Amplius aliquid D. *Barnabas*, & ipse Apostolorum collegio sociatus, non modo vivus ad collum, atque pectus



Niceph. l. 2.  
c. 37.

Evangelium habuit : verum etiam & mortuus : cū enim MATTHÆI Evangelium exscripsisset, id supra mortui pectus, in eodem esse tumulo voluit, ut animi thecam, ut cordis bullam, ut piæ mentis anathema, ut lemma bonæ conscientiæ, ut religionis honorificum epigramma.

Ita nimirum decebat, ut qui vitam omnem ex Evangelio composuisset, illiusque præco fuisset : illo eodem ut dulci comite in tumulo gauderet, ut esset præsidium quietis, spei ornamentum, testimonium suæ in Deum caritatis nunquam intermorituræ, quale nimirum erat Evangelium MATTHÆI, à quo proinde prima illius laus, primaque gloria, cui accedet altera ab ipso Apostoli nomine, atque dignitate.

Ut eam Antiqui Patres sub oculos ponerent, Apostolos, aliis atque aliis appellationibus insignitos voluerunt, ut vel ipso nomine proderent, quod latebat in homine.

Catech. 6.

D. Cyrillus Hierosolymitanus, Christum esse dixit *Medicum animorum & corporum*, quam appellationem ut plenam utilitatis ac caritatis, ad ipsos Apostolos transtulere Prisci Patres, quos inter Origenes, qui cū Christum nominasset *Archiatrium*, subdidit Apostolos esse *Medicos animarum, quibus curandorum vulnerum disciplina commissæ est*.

Hom. 1. in

Et is fuit D. MATTHÆUS animarum & corporum curator ac medicus, non in vitâ solū, quod in eo ames; sed & à morte, quod mireris magis. In vitâ medicum agnoscit, & clamat Egipius, Regis Ægypti filius, & hæres, quem mortuum vitæ reddidit, & Patri. A morte verò medicum prædicat quod subjicio.

Cæsar

Cæsar Cardinalis Baronius in notis ad Martyrologium ,  
 gravissimam extulit sententiam. *Deus Opt. Max.* inquit,  
*cum multis modis Sanctorum cineres illustravit, eo etiam hono-*  
*nore dignatus est, ut ex aridis ossibus, liquorem medicamenti*  
*vim habentem, ad curandas infirmitates effluere voluerit.* Tom. 3. c. 12.  
 Et ita voluit in Apostolo, cujus honori hæc scribimus, de P. 232.  
 quo ita Silvester Petra Sancta in sua Thaumasia. Salerni  
 ejusmodi liquor effluxit aliquot sæculis ex corpore Sancti  
 MATTHÆI Apostoli & Evangelistæ, ediditque miracula sanè  
 multa, tam ad corporum, quàm animarum sanitatem. Sed  
 deinde ex arcano Dei judicio sensim evanuit cessavitque;  
 non ita tamen quin ex vero audierit, audiatque Apostolus,  
*Animarum, corporumque Medicus.* sed & alia nuncupatione.  
*Cor Hierusalem;* imo cor universi.

Sic eos appellandos esse censuit Isaias Vates, ut mihi au- In Isaiam.  
 thor est Procopius. Rationem promere visus Athenarum  
 lux magna Dionysius; qui è mysticæ Theologiæ arcanis,  
*cor, ait, symbolum esse divine, & (ut ita loquar) Deiformis* De cœl.  
*vita,* quæ vitalem vim suam benignè in omnia corporis Hier. c. 15.  
 membra dispergit. Et ita dispersit D. MATTHÆUS veluti  
 cor magni corporis, Æthyopiæ dico, incultæ illius & va-  
 stissimæ regionis, quam malus dæmon, & magicis artibus  
 inficere, & perdere cogitabat; Erant enim eò loci Magi  
 duo; *Moroës & Arfaxes,* qui suis præstigiis, immissoque  
 in viscera toxico, infelicem popellum in varias trahebant  
 corporis, animique ægritudines; quas tamen depellebat  
 Apostolus, ceu *medicus,* ceu *cor populi,* qui in membra jam  
 vitiata, vitæ spiritualis; imo & corporeæ succum salubrem  
 immittebat,



immittebat ; ut ab illo sua rediret corpori vis, suus & animo vigor, ac sanitas ; quam ubi malis artibus pessundare non potuit dæmon, aperto Marte congressus est, & in campum emisit duos dracones timendæ molis, qui è sylvis, ac nemoribus egressi in oppida, in urbes, in domos irruerent, & stragem immanem facerent, quâ pecorum, quâ etiam hominum. Quid hic Apostolus ? vim vi repellere placuit.

Ad rom. 6. At quæ ? inquires, & unde vis ? unde & arma ? justitiæ, inquit Paulus arma, *Arma lucis, Armatura Dei, Iacula Dei.*

At quæ illa iacula ? D. Cyrillo sunt virtutes, quibus Apostoli pugnant, vincunt, triumphant. Prophetæ *Abacuc, Iacula* sunt ipsi Apostoli, sic enim ille ad Messiam. *Iacula tua ibunt in splendorem coruscationis armorum tuorum.* *Iacula tua*, id est Apostoli tui, ibunt in hostem, eumque sternerent, ac profligabunt ; & ita ivit Beatus MATTHÆUS, ivit, inquam, & obvium pectus tulit, in dracones illos, & solo signo Crucis ad nemora coëgit ; seu imbelles agnos, seu fugaces cervos ; adeo potentia *Iacula tua*, Apostoli tui, ô Christe. Vidimus quomodo Apostoli, in morbis animorum sint *medici*, quomodo etiam *corda populorum*, qui spiritum & vitam inspirent. Quomodo adversus hostes *Iacula* : sed Iacula Dei. Videamus quomodo etiam lumina, orbis oculi, & soles ad lucem animorum.

In cap. 45. Cyrillus certè eos esse dixit *œcumenica lumina.*

Iſai.  
Hom. 12. in  
Cant.

S. Leo esse in Ecclesiæ corpore veluti *geminum lumen oculorum.*

Ep. 10.

S. Dionysius Areopagita *soles* appellavit : sic enim aliquando de S. Ioanne, quem *Evangelii solem* esse voluit. Quod

si D. Ioannes Evangelii sol, utique & MATTHÆUS Evangelii sol erit, & quidem primus, qui Christiano orbi surrexit; qui facem prætulit, & amœnam ac cœlestem Evangelii lucem. Qui porro ab illa luce radii, qui fulgores in alios emanarint, videamus.

Est in luce candor & fulgor, candor argenteus; fulgor aureus & igneus. Et hic, & ille à MATTHÆO, seu luce, seu sole mundi effluxit. Pro eâ quâ erat sacratiore dicendi copîâ, exemplis vitæ sanctioris, & miraculorum patrando- rum gratiâ; Ægypti Regem, Reginam, ejusque filiam unicam *Ifgeniam* nomine, Christianæ Religioni jam addiderat, & simul etiam subjectam illi ditionem propè univer- sam, in quâ, ut genere, formaque Regia; sic & virtute emi- nebat *Ifgenia*, quæ ut audiit Apostolum de Virginitate multa, eaque præclara proferentem, illius amore incensa, eam cœlo, Deoque vovit; utque servaret studiosius ac se- curius, Asceterii septis sese inclusit, unâ cum ducentis Vir- ginibus, quæ ei sese comites adjunxerant; tantæ & tam potentes in Virginitate sunt illecebræ. Nec mirum, ea quippe Virginitatis est gratia, is apud superos favor, ut ho- mines faciat *Assessores Comitesque Dei*: faciat esse Deo quam proximis. *Incorruptio facit esse proximum Deo*, ut rectè Sapiens. Facit esse Dei ter Opt. ter Max. *sedes*. Amplius Cap. 6. dico, facit esse *Altaria Dei*, cujus Assertionis authorem, ac fidejussorem habeo D. Ambrosium qui sic olim ad Virgines.

*Neque dubitaverim vobis patere altaria, quarum mentes fidenter altaria Dei dixerim.* Et paulò post. *Beate Virgi- nes, quæ tam immortalis spiratis gratia, ut horti floribus, ut*

H h h

templa



*templa religione, ut Altaria Sacerdotio.* Ecce quæ à Virginitate gratia, quæ laus & commendatio, quæ & Beatitas; ut nemini proinde mirum videri debeat, si eam à Deo impensè amant, servariturque *Higenia*, illamque & coronis, & sceptro prætulit: certè ab his non colliguntur nisi spinæ; sed ab illa rosæ, & candicantes, & subinde etiam purpureæ: candicantes à niveo Virginitatis candore, purpureæ autem ab effulo illius causâ, etiam sanguine, ut videre est, & amare in Divo MATTHÆO, qui illius tuendæ causâ & vitam, & sanguinem fudit, & quem proinde *S. Hippolitus* appellat *Virginitatis victimam*; quod pro illâ ceciderit, ut ad aras solet oblata cœlo victima: quod ut magis in aperto sit, & clarâ luce juvat illius paulo fufius meminisse.

Ubi vivere desiit Ægypti Rex, *Hirtacus*, ejus frater regnum invasit, occupavitque; potentes enim apud homines hujus sæculi sunt in purpurâ, sceptroque illecebræ; & eò quidem ut sæpius pro eo obtinendo servandoque, nec vitæ parcat, nec sanguini; ita certè nec huic, nec illi pepercit *Hirtacus*, qui ut imperium magis firmaret suum, *Higeniam* Regis defuncti filiam, regni que paterni hæredem in sponsam sibi deposcere voluit; quod ut obtineret, Apostolum rogavit, ut qui illi author fuerat devotæ jam Deo Virginitatis, author etiam esset nuptiarum, quas adeo amabat, deperibatque. Stata igitur die, ac loco adest D. MATTHÆUS, & pro concione multa de matrimonio, illiusque authore Deo, dicit: multa etiam de Virginitate, & præclaris illius encomiis, & quantum Virginum status distaret à nuptiarum conditione, statuque.

Theologiæ

Theologiæ mysticæ Doctoribus triplex, est castitas, *Conjugalis, Vidualis, Virginalis*, atque inter has discrimen illud.

*Virginitas aurum, Castitas argentum; Iugalitas aramentum.*

*Virginitas sol, Castitas lucerna, Iugalitas tenebra.* Denique *Virginitas regina, Castitas domina, Iugalitas ancilla.* Ex quibus id conficis, quantum inter aurum, argentum, atque æs interest, quantumque inter solem, lucernam, & tenebras, quantumque inter Reginam, Dominam, & Ancillam: tantum necesse sit interesse, inter Castitatem, *Conjugalem, Vidualem, & Virginalem*; quod in frequenti concione, audiente etiam Rege *Hirtaco*, aulaque nobiliore, dum exponit Apostolus, in illius iras, odiumque incurrit, ex eoque maximè, quod adjecerit horrendum etiam illud, intentatas cœlo minas, & fulmina iis omnibus, qui in alterius cujusquam nuptias, torumque per nefas involarint, violatis etiam casti connubii legibus, quod ut in humanis timendum esset, violatâ scilicet fide conjugali: sic & maximè in cœlestibus, ac divinis nuptiis, in quibus mens casta, pura, virginea, Christi est sponsa, & sponsa etiam voto firmata, qualis & *Higenia*.

Hæc ut audiit *Hirtacus*, indoluit, infremuitque totus, & in iras, minasque excessit; nec in aëra abiire minæ. Ad arma enim, cædemque mox itum, & Apostolus ad ipsas aras, in quibus Deo immortalis jam litarat, impetitus, cæsusque, ad eas cecidit illustris *Victima Virginitatis*. *Victima* superis, *Numini*que gratissima.



De Cultu  
fœmin.  
c. 2.

Credidit eo casu simul etiam *Ifigenia* animos concidere posse Rex impius: at contrà accidit, invaluerè illi magis. Nec mirum, quia ut dilertè Tertullianus. *Vbi Deus, ibi pudicitia*, & ubi pudicitia, ibi & Deus. Stetit ad illecebras immota, ad minas invicta *Ifigenia*, & quæ Christum, Deumque immortalem admiserat sponsum, mortalem constantissimè recusavit; *Hirtacum*que iterum valere jussit, atque abscedere; & certè abscessit; sed in iras excessit, extremaque *Ifigenia*, lociisque Virginibus supplicia; monasterium enim in quo degebat illa, mox incendi jussit, ut quæ impuro suo amore, igneque non arserat, alio statim arderet igne; iretque in mœstos cineres: sed nec illa arsit, nec sociæ virgines, nec ipsum Asceterium; adfuit enim Apostolus, & medio in aëre conspicuus apparuit, injectasque flammæ aut dissipavit, aut extinxit.

Ita nimirum plerumque fieri solet, quæ à veneris igne non exarsit virgo; ab igne elementari non ardet, flamma scilicet eam reverente.

Ita S. *Prisca*, Virgo & Martyr semper invicta, conjecta in ardentem rogum, in eo stetit illæsa, intactaque, igne scilicet partim pluvîâ ingruente, partim afflante vento, mox disperso, dissipatoque: imo, & in ministros circumstantes converso: Deo flammæ in noxia capita retorquente.

Ita etiam S. *Martina*, Virgo & Martyr inclita, & ipsa in flammæ injecta, iis non arsit, pluvîâ etiam, ac vento cedente flammâ, atque in astantes conversâ.

Ita denique ( ut concludam in D. *Agnetæ* Virgunculâ )

&

& ipsa in copiosum ignem immissa, in eo vicit, ac triumphavit, flammæ enim quasi virginem reveritæ, in duas partes hinc & hinc divisæ, *Agnem* mediam intactam reliquerunt, & seditiosos illos circumstantes invasere, atque exulsere. Quod illis Christi, ceu sponsi, beneficio: hoc *S. Ifigenia* D. MATTHÆI gratiâ, favore, præsidio; eam enim nec attingit flamma, nec socias Virgines, Apostolo eam dissipante, arcenteque à Virgineis tectis, nobilique Asceterio, atque in *Hirtacum* Regem convertente, qui etsi flammâ illâ elementari non arserit; at arsit interiore aliâ, exurente etiam leprâ, infami illâ ac pudendâ, quâ ad extremam desperationem adactus, sibi vim intulit, sibi ipse, & Judex & ultor, & carnifex. Ita de tyranno triumphavit Apostolus, triumphavit *Ifigenia* Virgo, ille *Virginitatis* victima; cælo oblata, sacrificio cruento: Hæc, ejusdem Virginitatis hostia, Deo sacras ad aras dedicata.

Et ita vincere, ita triumphare nos oportet, si ii sumus, qui à Christo dicimur Christiani, qui ab Apostolis Apostolici. Sedabat ad telonium MATTHÆUS sæcularibus curis implicitus, & pecuniâ, ceu retibus malè captus: audiit a Christo. *Sequere me, & statim surgens secutus est eum.*

Audis & ipse, auribus utique condis; & animi; audis illud, & Christi, *sequere me.* Surge, & sequere, pecuniam perde, ne te illa perdat, relinque cum *Andrea*, cum *Petro*, ea retia; retia sunt cupiditates tuæ, & illas abjice; & Deum vocantem audi: dicet ille tibi in aurem, *Ducam te per semitas equitatis*, hoc est justitiæ, ac virtutis, per has te ducet

PROV. c. 4.  
v. 11.



ad ardua montium, invicta scilicet in adversis fortitudine;  
 ac patientiâ; ducet ad semitas spinis confitas, dumetis  
 horridas, nec enim mollis ad superos est via: sed aspera, &  
 spinis, hoc est mortificationibus, horrida, hac te ducet  
 Deus, ducet & viâ lacteâ: viâ dico candidâ, virgineâ, quali  
 & *Higeniam* Virginem duxit; & hanc, & illas, inire stude,  
 si modo aternitati studes, & facili, certæque ad cœlos  
via.



IN FESTO  
SS. APOSTOLORVM  
SIMONIS ET JUDÆ.



**D**IVINA PROVIDENTIA, quæ mortalibus oculis amat objicere arcana sapientiæ suæ, ad ea utitur quibusdam symbolis, ut per sensus veluti canales influant in animos cò fælicius, quò facilius.

Sic olim in Salomonis templo, templo vetustæ religionis diversorio, aureum candelabrum collocavit septem hastilibus, totidemque lucernis distinctum, atque ad imitationem (ut ait Iosephus) septem planetarum perfectum, ut per hoc indicaret sacros immortalis Deo homines in terris esse, quod in templis, candelabra, quod in cœlis planetæ. Lib. 3. c. 10.

Quod Salomon Regum sapientissimus; hoc D. Ioannes Christi scriba, Christi amor & deliciæ: qui viros cœlis acceptos, ac Deo; modò cum Olivis, modò cum Candelabris composuit. Sic enim de illis in Apocalypsi: *Hi sunt* Cap. 11.  
*due Olive, & duo candelabra in conspectu Domini.* Olivas illas diximus esse Beatos Apostolos *Philippum & Iacobum*, hîc autem Candelabra, dicemus esse SIMONEM & IUDAM, & ipsos Apostolos, atque inter prima surgentis Ecclesiæ lumina, de quibus instituetur

QUÆSTIO



# QUÆSTIO UNICA

## MORALIS.

Ad illa verba: *Hi sunt duo candelabra in conspectu Domini. Apocal. cap. ii. v. 4.*

Quæ sint illa duo Candelabra?

**I**N mentis excessu dum jubetur *Ioannes* metiri templum, in eo vidit *duo Candelabra in conspectu Domini*; mirum quantum lucentia. Quæ sint illa? non prodidit ipse qui voluit esse in occulto, arcanoque mysterio; prodidere tamen Interpretes, quos inter etiam sua lis est; & controversia. Ait enim *Ioanni* Deus. *Dabo duobus testibus meis, & prophetabunt diebus mille ducentis sexaginta, amicti saccis.* Hos porro testes statim componit cum duabus Olivis, & duobus Candelabris: Dicit enim. *Hi sunt enim duæ Olive, & duo Candelabra in conspectu Domini.* At qui illi duo testes? qui deinde Olivæ? qui & Candelabra dicuntur?

*Pannonius*, duos illos testes censet esse prædicatores, qui duo testamenta, novum scilicet, & verus edocebunt. *Arias Montanus*, Legem & Prophetam; legem quidem in Moyse, prophetam in Elia. *Alazar* sapientiam & sanctitatem Ecclesiæ primitivæ, quæ Christo dabunt testimonium contra pervicacem Iudæorum ignorantiam, ac cœcitatem.

*Vbertinus*

*Vbertinus* & *Michaël Citfingerus*, censent testes illos esse Christum ipsum, & Ioannem Baptistam.

*Lyranus*, *Aureolus*, & *S. Antoninus* esse Sylverium Papam, & Mennam Patriarcham Constantinopolitanum, qui acriter contra Eutychetis hæresim decertabunt.

*Vbertinus*, aliique pauci, Divos Patriarchas Dominicum & Franciscum.

*Cornelius*, cæteri que communius esse *Eliam* & *Henoch*: & hoc verosimilius; quia, quæ hîc prodit Apostolus, ad extrema perituri mundi tempora pertinere videntur; in quibus contra Antichristi malos dolos, immanemque vim, in aciem descendant *Elias* & *Henoch*, fortissimi Christi pugiles, & Ecclesiæ defensores. In hac Authorum inter se pugnâ pro litterali sensu, deflectam ad sensum accommodatitium, & pronuntiabo esse Beatos Apostolos SIMONEM & IUDAM, qui in Ecclesiâ, ceu Dei templo fuere; quasi duo Candelabra; duæque illis eminentes candelæ; ceu sacra- tiora illustrando orbi lumina.

Et certè nec novum illud, nec insolens viros cælo, terrisque illustres candelabris, & candelis accensis designari.

Huic orbi, & mortalibus oculis vivere, viderique desierat *S. Furseus*, cum eum Dux *Haimo* (cujus filium, eum, que unigenitum à morte excitarat) vidit unâ, cum duobus Diaconis, & tribus cereis, quos super mensam posuerunt, tum quasi peracta scena, cujus ergo venerant, abierunt, vidit, inquam, non sine stupore amabili, intellexitque jam obiisse, extinctumque esse terris ut cælo luceret, ac beatitati.

*Bollandus*  
16. Jan. in  
ejus vita  
c. 13.



Idem 28.  
Jan.

Terris insepultum diu jacuerat corpus *S. Caroli* Imperatoris, cognomento, & re etiam ipsâ, magni, cum è sepulchri nocte, latebrisque educi placuit in lucem, solemque Universi. Et ecce tibi prodigium. Visæ concubiâ nocte, candelæ tres accensæ super pinnaculum templi, luce, fulgoreque mirabili, quæ primò consistere visæ sunt; deinde trina revolutione, & crucem turris, & totius Ecclesiæ molem, quasi in gyrum ambire; attonitis omnibus ad tantam in densâ nocte, tenebrisque claritatem.

Sed unde? & cur eæ candelæ? utique à cœlo, Deoque parente luminis, qui servos suos, à vitæ sanctumoniâ spectabiles, spectari vult, atque terris rursum ostendi eo candelarum accensarum symbolo. Maneat ergo fixum illud, atque indubitatum, mentes cœlo magnas, & candelabris, & candelis, demonstrari mortalibus oculis, ut per has, ad animum evadat ea lux, is ardor, qui in Sanctis fuit, dum huic auræ spirarent, & mortali vitæ. Quod si Sancti alii sic monstrantur; quidni & Apostoli? majora utique cœli lumina, & candelabra principalia in domo Dei; quæ inter, uti lucent, ardentque Sancti SIMON & IUDAS: sic & nobis lucem, ardoremque illum, hac illis festivâ, ac solempni luce exhibebunt: est enim in iis, & cœlestis quædam ac divina prope lux, est & ardor entheus, ut insequentes pagellæ docebunt.

## PRIMA LUX

*Sanctorum Apostolorum SIMONIS & IUDÆ.*

A sanguine &amp; natalibus orta.

**H**ÆC olim Deus Abrahamo in paucis sibi caro. *In* Gen. c. 21. v. 12.  
*Isaac vocabitur tibi semen : sed & filium ancillæ fa-*  
*ciam in gentem magnam, quia semen tuum est.*

Filius ancillæ fuit Ismaël feroci vir ingenio, & moribus truculentus & tamen ut is esset, cum amabilis Dei providentia fecit in gentem magnam : vel ab hoc tantum quod Abrahæ semen, & sanguis esset : tantum interest quo nascaris sanguine, quo Parente gignaris ; ut proinde mihi merito Sanctorum Apostolorum prima lux, primaque laus petendâ videatur à sanguine & natalibus.

Fuit illis Mater *Maria Alphei*, Pater autem *Cleophas*, fælici sorte progenitores, atque in filiis sanè fortunati ; ut qui è duodecim Apostolis, tres habuerint filios, videlicet *Iacobum* cognomento *minorem*, *SIMONEM* & *IUDAM*, quibus accessit *Ioseph*, qui *Mathiæ* competitor fuit, cum sors super *Mathiam* incidit ; digni tantis progenitoribus filii ; Principes Ecclesiæ, & nova, novi cœli lumina ; quæ à Patre, ac Matre generis sui lumen acceperere, reddituri utique magno cum fœnore. At unde generis illius lumen ? utique primùm à virtute, in qua ferè sola nobilitas ; deinde à consanguinitate. Virtutem Matris quam optimæ ex eo duco ; quod Christo Servatori comes individua, quod illius



amans vel maximè. Ut ignis aspirante vento invalescit magis, atque exardescit : sic & amor ( qui & ipse ignis est ) adversâ afflante aurâ augetur magis , atque explicatur. Et ita auctum , explicatumque vidimus , in *Maria Alphæi*, Apostolorum , ( de quibus agimus ) Matre : hæc enim dif-  
 fugientibus Apostolis , & Christo ad crucem eunti comes fuit, atque etiam cruci astitit unâ cum Virgine Matre , quod & eximie fortitudinis fuit, & caritatis summæ, ut quæ nec timori cessit, nec mortis imagini , quæ propè erat in oculis. Et hæc à Matre petita lux magni nominis, nec minor à Patre; cui nomen *Cleophas*, nomen profectò boni ominis, *Cleophas* enim græcâ etymo idem est quod *gloria omnis*, *κλέος*, quippe est *gloria*, & *πᾶς omnis*. Hebraicè autem *Cleophas* idem est quod *concio, cœtus, Ecclesia* : & hæc ab illo, seu progenitore fuit, multos enim filios, ac nepotes Ecclesiæ, Christoque dedit : fuit enim frater, *S. Iosephi* sponsi Divæ Virginis , & Pater Apostolorum *Iacobi Minoris*, *SIMONIS* & *IUDÆ*, Avus autem *Iacobi Majoris*, & *Ioannis*, qui prima nascentis Ecclesiæ lumina, nobilisque cœtus; quem portendebat, explicabatque vel ipsum *Cleopha* nomen; quod mira, à virtute, morteque fœliciter obita, incrementa accepit. De illo sic scribit *Helecas* Episcopus Cæsar-Augustanus, in additionibus ad Cronicon *L. Dextri & M. Maximi*, *Alphæus, qui & Cleophas, unus de septuaginta Discipulis, ut docet Hieronymus, & frater Ioseph sponsi B. Virginis, in castello Emmaunte pro Christo occiditur*. Fuit igitur invictus Ecclesiæ pugil, & Christi Martyr, quod eximie fortitudinis fuit, & caritatis; quam ut in posteros efferret

Martyrologium

Martyrologium Romanum, sic de illo ad diem 25. Septembris, *In castello Emmaus natalis B. Cleophae Christi Discipuli, quem tradunt in eadem domo, in quâ mensam Domino paraverat pro confessione illius à Iudæis occisum, & gloriosâ memoriâ sepultum.*

Ecce quæ à Parentibus, Sanctis Apostolis SIMONI & IUDÆ, affusa lux & claritas; videamus quæ deinde à consanguinitate.

Iam vidimus *Cleopham* Iosephi fratrem fuisse, à quo ut societas, & communio sanguinis; sic & gloriæ ac honoris, imo & virtutis; *frater enim ferè alter*, non sanguine tantum; quod naturæ est; sed & virtutis, quod gratiæ.

*Maria* autem ipsius Divæ Matris, ac Virginis soror appellatur, non quod propriè soror fuerit, & simul *Ioachimi*, *Anne*que filia (ut credidit D. Hieronymus, Theodoretus, Beda, aliique) sed cognata, vel consobrina, Hebraïca scilicet phrasi, qua cognata, & consobrina soror appellatur.

Eadem ratione BB. hi Apostoli dicuntur Christi fratres; Mart. c. 13. v. 15. non quod fuerint filii *Ioseph* sponsi Virginis, ex aliâ videlicet uxore, adeoque privigni B. Virginis, & propriè fratres Christi (uti opinatus est Nyssenus, Origenes, Theophilactus, Euthymius, aliique:) sed quod Christi fuerint consanguinei, vel affines, qui apud Hebræos recepto more, modoque loquendi *fratres* appellantur. Et certè non fuisse propriè fratres, ex eo constat, quod *Ioseph* Virgo fuerit, & Virginem animam cœlis intulerit, (ut docent D. Hieronymus, Beda, Rupertus, D. Thomas, aliique communius & verius.) Et hæc paucis de SS. Apostolorum natalibus ac



sanguine, à quibus non minima laus, maximè cum non sint, majoribus suis inferiora secuti; sed potius ad superiora gradum fecerint, & quam ab illis acceperunt nominis claritatem, mirum quantum suâ virtute auxerint.

## S E C U N D A L U X

*Sanctorum Apostolorum.*

## Ab indito illis nomine.

**V** Ideo Antiquiores, magnum in nomine pondus constituisse; quod crederent in eo bonum inesse omen. Et hinc prima illis cura studiumque fuit præclarum aliquod prolibus recens natis, nomen imponere, futurum utique stimulo ad ardua virtutum, ad honoris gloriæque culmen, & fastigium alicujus fœlicitatis, maximè si mensuram dati sibi nominis implere studuissent; De quo alibi pauca dixisse, me probè memini, his unum adjiciam, quod in eo genere sanè mirum; & quod etiamnum legitur Romæ marmori insculptum in clauastro S. Salvatoris ad Laurum.

Petrus  
Doutreman  
in Amore  
Increato  
l. 4. c. 2.  
sect. 2.

Anno post millesimum quadingentesimum septuagesimo quarto, *Ioannes Mares*, & *Catharina Calagnica* conjuges, ortu Barcinonenses, cum octennio toto sterile illis fuisset matrimonium, sacro Apostolorum collegio votum nuncuparunt, ut prolem eorum apud Deum precibus impetrarent: cujus voti, jam rei, sub solemne Missæ sacrificium; quod in honorem duodecim Apostolorum cantabatur,

cantabatur, duodecim cereos duodecim Apostolorum nominibus insignitos accenderunt. Et concepto voto, & devotioni huic, suus constitit fructus, quippe nono post mente filiam enixa est mulier, & sic deinceps per annos singulos felici partu familiam auxit; ita ut duodecim annorum spatio, etiam duodecim omninò liberos tulerit, octo scilicet masculos, puellas quatuor, quorum singulis cujusque Apostoli nomen inditum, nec plures quantumvis superstitionibus, & adhuc vegetis iis nati sunt; crederes naturæ, partuique limitem datum esse duodenarium numerum. Et verò datus erat, uti & illud etiam miraculo proximum; imo reipsa miraculum, quod unusquisque eodie vivere desiit, qui ei Apostolo sacer erat, cujus nomen vivens, ac vegetus gestaverat.

Ut hujus rei tam novæ, tamque prodigiøsæ memoria deferretur ad posteros; *Petrus Mares* fratribus reliquis, sororibusque superstes, marmori incidi curavit; quod ego omnium animis incidi, imprimique malim, ut agnoscant quantum in bono nomine ponderis, quantum & momenti.

Ne discedam ab argumento mihi proposito, paucis excutiam, quod omen, quæ notio, quæ vis in nominibus SS. Apostolorum SIMONIS & IUDÆ. Fœlix utique omen, fœcunda bonorum notio. & vis ad ardua humanis viribus major, quod patebit primò in S. SIMONIS nomine.

*Lia* (mater omnino pia) ut beneficii à Deo accepti memoria, sæpius animo, sæpius auribus insonaret, filiolum sibi natum *SIMEONEM* vocavit, hoc est *auditio*, vel potius *exauditio*,



Matt. c. 10.  
v. 4.

*exauditio*, quod Deus ejus afflictionem, orationemque exaudisset. Et *Maria Alfei* filium sibi à cœlo concessum, *SIMONEM* vocavit, fœlici ac fortunato omine: *SIMON* enim idem est quod *audiens*; quod *obediens*, quod is esset aliquando re etiam ipsâ futurus, qui erat in nomine Christi audiens, Christo vocanti obediens; ecce quæ vis in ipsâ etymo, quæ virtus in nomine: nec minor in cognomine, à quo audiit *Chananeus*, non quod oriundus esset ex *Canaanais*, ut vult Munsterus; sed quia natus in *Canâ Galilææ*: *Cana* autem *zelum* significat, unde *Cananeus*, idem est quod *zelotes*, quem Nicephorus & Baronius credunt fuisse sponsum in nuptiis ad quas vocatus Christus, aquam in vinum convertit. Ecce quæ in cognomine portenditur virtus, zelus utique divini honoris, zelus & animarum, quem ut cognomine; sic & factis expressit, ut ex dicendis apparebit. A S. *SIMONE* transco ad S. *JUDAM*, nomen utique boni ominis, *JUDA* enim id est *confessio & laus*, quæ Apostolo convenit quam optimè: fuit enim & Dei, & Christi confessor gloriosus, & laudator magnificus: fuit & æmulus illius roboris, ac fortitudinis, cujus olim *Iudas*, in filiis *Iacob* & fortissimus, & celeberrimus. Et hæc à nomine laus & commendatio, suppar illi à cognomine, quod illi duplex fuit.

Primum enim dictus est *Lebbeus*, id est *Leoninus*, vel *cordatus*. *Labi* enim Hebraicè. idem est quod *Leo*, & *Leb* idem est quod *Cor*, symbola utique magnarum virtutum; maximè vero invictæ fortitudinis, cujus hieroglyphicum est *Leo*, animâlium fortissimus; uti & *Cor* fortitudinis sedes,

ut

ut docet Plinius; qui & illud tradit *Aristomenum*, qui totam Lib. II. c. 37.  
 Græciam rapuerat audaciæ miraculo, post mortem disse-  
 ctus, inventum esse habere cor totum pilis hirsutum, &  
 horridum. Ecce quod omen in cognomine, & quæ pro-  
 dita ex illo virtus, infractum animi robur, invictaque forti-  
 tudo in S. IUDA, qui ideo cognominatus est *Lebbeus*, id est  
*Cor* vel *Corculum*; in quo, ut symbolo, leguntur, alia in-  
 gentium virtutum decora, & quidem primò prudentia, &  
 solertia, prudentes enim, & acuti dicebantur *Corculum*, ut  
 annotat Plinius, & Festus. Unde *scipio nasica* ob singula- Lib. 7. c. 31.  
 rem prudentiam bis Consul, appellatus est *Corculum*, ut re-  
 fert Cicero in Thusculanis.

Deinde noratur amor, benevolentia, atque effusa in  
 omnes caritas, cordati enim, benevolique in omnes, appel-  
 lantur *Corculum*. quod sedes est, & officina amoris, ac bene-  
 volentiæ. Et hæc in S. IUDA fuit, quam maximè; co-  
 gnominatus deinde *Thaddeus*, vel ut alii volunt *Saddeus*  
 à Syro *Thad*, vel ab Hebræo *Sad*: Syri quippe, & Chaldæi  
 sæpius S Hebræum vertunt in T. Sicque pro *Sad*, dicunt  
*Thad*, & pro *Saddeus*, *Thaddæus*. Maneat, ergo amabile  
*Saddei* nomen, dicaturque fœlici cognomine S. IUDAS,  
 non *Thaddæus*, verum *Saddeus*, id est *mammeus*, uberalis,  
 dulcis, misericors, benignus, & in omnes beneficus; qualis  
 propè & Deus, qui *Saddai* dicitur, id est *mamma*, quasi  
 fons lactis, & bonorum omnium origo. Ecce quæ in uno  
 S. IUDÆ cognomine gratiarum fluentia, quæve virtutum  
 decora, atque ornamenta: sed majus illud, atque augustius,  
 quod subjicio, utpote quod ad Deum ipsum propius



accedit, & divinum quiddam importare videtur. Est autem illud ejusmodi; quod IUDAS Hebraicè includat omnes litteras nominis tetragrammaton *Jehova*, indeque etiam accedit ad reverentiam quæ debetur ineffabili ipsi nomini, quod ut Iudæ penitus singulare: sic vel maximè honorificum. Sed hæc de nomine, ac cognomine pro instituto satis, sit illis sua lux, suusque splendor; at major virtutibus, quæ ex iis elucere, eminereque videbuntur, implereque mensuram tanti nominis, tanti & cognominis.

## T E R T I A L U X

*Sanctorum Apostolorum.*

Ab altiore, id est cœlesti sapientia.

Serm. 19. de  
Temp.

**V**T verum: sic & magnificum illud pronuntiatum D. Augustini: *Scientia piscatorum, stultam fecit sapientiam Philosophorum.* Ita nimirum scientia Petri, Andree, Ioannis, & Iacobi; uti & aliorum Apostolorum, stultam, & quasi amentem fecit omnem sapientiam Philosophorum; hæc enim ad Apostoli culminis dignitatem eligendos putabat, divites, auro graves & gemmis nitentes, honoribus auctos, & purpuræ, sceptrisque natos: illa verò pauperculos, pannosos, inglorios adsciscendos, & rectiam ipsâ ascitos ostendebat.

Serm. 29.

Hi nempe (ut Chrylologi verbis utar, & sacratiore tanti Præsulis eloquentia) *in Apostolorum Principes eliguntur; pauperes censu, loco humiles, viles arte, obscuri vitâ, labore communes,*

*communes, addicti vigiliis, fluctibus mancipati, negati honoribus, injuriis dati, presidio retis, solo piscium captu, victum, vestitumque conquientes: hi, inquam, eliguntur, & hoc est, quod non videt, non capit sapientia Philosophorum.*

Alterum est, quod ii ipsi terris, & honoribus pusilli: coelo interim, Deoque essent magni, atque excelsi. *Erant* <sup>Supra.</sup> enim *censu pauperis, sed innocentia locupletes: loco humiles, sed sanctitate sublimes, viles arte, sed simplicitate pretiosi, obscuri vita, sed vite merito perlucet, labore communes: sed propositio singulares, addicti vigiliis, sed ad caelestes victorias jam vocati, fluctibus mancipati, sed fluctibus non demersi, negati honoribus, ditati magis honoribus, non negati: injuriis dati, sed injuriis non relictis: captores piscium, sed piscatores hominum, & hoc est, quod non capit sapientia Philosophorum: uti nec illud in cruce, hoc est in opprobriis, in tribulationibus, in angustiis, in carceribus, in tormentis, in ipsa denique morte repositam esse beatitatem. Hinc est (ut aureè D. Chrysologus) quod regna, gentes, carceres, vincula, <sup>Supra.</sup> *tormenta, mortes, servientes homines terris omnibus, sic vicerunt Apostoli, ut aeternum & vincerent, & triumpharent. Utque, sic & vincere, & triumphare doceremur ipsi; docuit & verbo, & exemplo Christus ipse, Magister optimus, & Incarnata Patris Aeterni sapientia, qui è cruce, velut è pulpito docuit: & quam crucem, etiam in scholis, etiam in pulpitis docuere Apostoli, in eaque repositam probare sapientiam. Ita (ut cum Origene loquar) Crux* <sup>Hom. 4. in Exodum.</sup> *Christi, cujus predicatio stultitia videbatur, conversa est in**



*sapientiam, & tantam sapientiam, ut omnium Ægyptiorum sapientiam devoravit.*

Et hæc ipsa Crux est, quæ fuit scientia piscatorum, & quæ stultam fecit sapientiam Philosophorum.

Hanc porrò crucis scientiam docuerunt Apostoli SIMON & IUDAS. SIMON quidem in Ægypto, in quâ propè innumeros Ecclesiæ, Christoquæ adjunxit. IUDAS autem in Mesopotamia. Deinde tam hic, quàm ille, in Perside, in quâ, ut animæ multæ; sic & messis multa in horreum Ecclesiæ venit, collecta primùm à luce Evangelicæ prædicationis, deinde à luce scriptorum, doctisque melioris sapientiæ monumentis, ac monitis, quæ S. IUDAS Epistolæ suæ inseruit, & posteris transmisit ad bonum Ecclesiæ universæ.

Scio hæreticos ( quos inter Lutherus, Brentius, Kemnitius, & Centuriatores, qui se habent ut talpa ad solem ) hanc Epistolam rejicere, damnareque velut apocrypham. At etiam scio SS. Patres, Dionysium Areopagitam, Epiphanium, Nazianzenum, Cyprianum, Hieronymum, Augustinum, Ambrosium, aliosque habere, ac revereri pro Canonica, & pro tali habet, ac reveretur Catholica, & Romana Ecclesia. Et Origenes etiam ipse, inter antiquiores nominatus, & ab ingenii sui monumentis orbi novissimus, eam ait paucorum quidem esse verborum; sed plenam gratiæ cœlestis, ac luminis diceres esse veluti margaritam, quæ ut exigua sit mole: at summi est pretii, ut de eâ dici possit, illud quod pronuntiavit D. Hieronymus: Eam Epistolam brevem esse, & longam; brevem in verbis, longam in sententiis, ut rarus sit, qui non in ejus cœcutiat lectione; quo modo enim

In cap. 19.  
Matth.

Ad Pauli-  
num.

enim non cœcutiret humana, id est debilis mentis acies, ad tantam altioris sapientiæ lucem, ac solem? Cœcutit quidem subinde mens bona, mens sancta: & quod non capit, suspicit, ac reveretur: at non sic hæretica, & Lutherana; quæ non capit; imo quæ non probat, imprudenter, atque impiè damnat. Nec mirum quia suos in eâ Epistolâ damnari scit errores, & suas tenebras amœnâ illâ luce dissipari. Scit in eâ confutari hæreses etiam eò loci ac temporis enatas, videlicet *Simonis Magi*, *Nicolaitarum*, *Cherinthi*, moxque ex iis etiam nascituras *Gnosticorum*, *Ebionis*, *Menandri*, *Basilidis*, *Saturnini*, *Valentini*, *Marcionis*, atque ejusdem farinae homuncionum; quorum hæreses, ut spiritu agnovit Apostolus; sic etiam ex tunc arguit, damnavitque.

In Asiâ minore (in quâ ut docuit Apostolus) florebat schola *Simonis Magi*, in quâ jactabatur impium illud dogma, solam fidem etiam sine bonis operibus ad salutem satis esse. Insuper & hoc *Gnosticorum*, nullum esse peccatum præterquam infidelitatis; sed omnia esse adiaphora, bona, scilicet benè utentibus; mala autem malè utentibus; ac proinde impunè licere vacare commensationibus ac libidinibus.

Et hanc *Simonianorum*, ac *Gnosticorum* effrænatam peccandi licentiam, infandamque libidinem acriter perstringit S. IUDÆS, eisque severum Dei iudicium ab *Enoch* prædictum intentat, in suâ Epistolâ, quam & Gracè conscripsit, & encyclicam esse voluit, ut prodesset universis, maxime verò *Simoniacis*, ac *Gnosticis* à sanâ doctrinâ, fideque deviis, quos appellat *nubes sine aquâ, arbores autumnales*



*fructus feri maris, sidera errantia.* Et hoc, non tam ut pungat acriore stylo: quam ut sanet, & à densis errorum ac hæreseos tenebris, ad amœnum fidei, ac veritatis jubar reducat, eâ quâ pollebat, altioris, id est cœlestis sapientiæ, luce, soleque. Surrexit hic, atque illuxit orbi propè universo, & quidem primò à S. SIMONE in Ægypto, tum à S. IUDÀ in Mesopotamiâ, deinde ab hoc, & illo in Perside; quam vix subierant Apostoli, cum idola, quæ antè plus æquò loquacia & garrula, illicò conticuerunt, atque obmutuerunt. Reddebant illa ( ut Ethnicis, cœcis illis, atque amentibus videbatur ) oracula: verius mendacia, quibus & veritatem involuerent, & densis errorum tenebris, ceu profundâ stygis nocte, tegerent: sed eas mox dissipavit lux evangelica, & gemina illa Ægypti Mesopotamiæ, Persidisque lumina, ceu gemini soles, à quibus &

## Q U A R T A L U X

*Sanctorum Apostolorum.*

### A spiritu prophetiæ & miraculis.

**P**rophetiæ spiritus, & miracula sunt veluti sigilla quædam, quæ veræ religioni fidem dant, atque authoritatem; imo & lucem, & quidem cœlestem ac prope divinam. Hinc illud Dei ad idololatrias Isaïæ voce, calamoque. *Annuntiate, quæ ventura sunt in futurum, & sciemus quia Dii estis vos.* Certè annuntiare ventura, aut Dei solius est, aut à Deo; hominibus Deo proximis, concessum; uti concessum

concessum SS. Apostolis. Venerant hi in Babyloniam cum *Baradach* exercitus Babylonici dux arma parabat, atque expeditionem contrà Indos, juratos sibi, regnoque suo hostes. Placuit super eo consulere sacrificulos, & Sacerdotes; nam Idola, Dæmonesque jam muti conticuerant, dixerunt illi, & anceps, & longum futurum prælium, nec sine multo sanguine transigendum. Contrà Apostoli, ab eodem *Baradach* consulti edixerunt dirimendam esse rem totam sine prælio, sine cæde, sine sanguine; affuturos enim die insequenti, ab Indis Legatos, qui pacem supplices exposcerent: & ita docuit eventus, qui & prophetiæ fidem dedit, & SS. Apostolis auctoritatem conciliavit; uti & edita, deinde miracula; inter quæ & solemne illud, quod facit, & ad testandam Christianorum innocentiam, & ad dissipandam superinfusam illis calumniæ, atque accusationis nubem.

Imprægnata erat nescio quæ puella, viri alias suos inter clarissimi, nec in aperto erat à quo vitium passa; nimirum ejusmodi opera, sunt opera tenebrarum, quæ lucem fugiunt; interea usus iis malus dæmon, usi & infidi illi tenebriones, ut Religionis Christianæ diem, quæ primò surgebat, aut obscurarent, aut inficerent; culparunt enim ex Diaconis recens creatis unum aliquem, quasi illius culpæ, infandique criminis reum: imo ipsamet puella, vel parentum minis, vel pollicitationibus evicta, in Diaconum peccatum omne, quale quale erat, rejecit; ratâ sic, & se maculâ illâ aliquousque liberari posse, & infamari simul religionem cujus affecit in id venissent audaciæ, ac libidinis, ut etiam nolentem, ac reluctantem puellam opprimerent.



Ea accusatio in speciem vera, in re autem ipsâ falsa, eam tamen vim habuit, ut & Diaconus in vincula & ad Regem mox esset raptandus; quod ubi subintellexerunt Apostoli, ne qua inde labe aspergeretur aut Religioni, aut ejus administris, rogarunt ut Regi sisterentur puellæ parentes, & puella etiam ipsa; imo & infans recens natus. Postularis Rex annuit; itaque in ejus conspectum venêre omnes, etiam ipsi Apostoli, qui ab infante adhuc elinqui, & fari nescio petierunt tamen, ut clarâ voce ediceret an Diaconum pro parente haberet, & agnosceret, qui illicò attonitis omnibus respondit Diaconum illum nec esse sibi Patrem, nec reum illius criminis, sed castum & sanctum. Ubi stupor omnes tenuit & parentes, puellamque etiam rubor, petierunt illi ab Apostolis, ut juberent infantulum fari ecquis ergo illius pater? negarunt illi se id facturos, quod eorum tantum esset insontes culpâ eximere, non accusare, non detegere fontes, maximè ubi occultum est scelus, hoc enim aperire plerumque injustitiæ crimen est, non zelus, amorque veritatis. Et ita hinc & inde discessum est, & sua Diacono castitas, bonumque nomen stetit, & Religioni Christianæ sua quoque integritas & sanctitas; imo & authoritas, quam mirum quantum auxit Apostolorum & in dæmones, & in effera animalia imperium, cujus argumento sit illud, quod subjicio.

Ex India fugerant insignes Magi duo *Zaroës & Arphaxad*, à D. Matthæo qui eò Evangelii lucem intulerat, expulsi, venerantque ad Babylonix Regem; sed, ô malum malis! ô bonum bonis! occurrerunt & hic Apostoli duo *SIMON*  
&

& IUDAS, quos ut perderent, illicò serpentes ac dracones è latibulis suis in campum evocarunt, ut Apostolos veneno infuso tollerent, verum secus omninò accidit: ut enim pateret omnibus, etiam animalia rationis expertia, etiam serpentes Dei ter Opt. ter Max. servis subjici, imperarunt illi, ut ipsos Magos, invaderent, morderent, inficerentque citrà tamen mortis periculum, ipsamque mortem: ut & sua sceleratis illis esset pœna, & sua simul Apostolis in eos miserationis & clementia; Christianæ caritatis fœtus nobilissimus; à quo sua illis lux fuit, ut etiam

## Q U I N T A L U X

*Sanctorum Apostolorum.*

### A terrenorum contemptu.

**H**Ebræi sapientes ut ostenderent, quæ vis esset pecuniæ ad sui amorem excitandum, & incendendam hominum voluntatem, sacra lingua argentum appellarunt *Cheseph*, cujus etymon Rabbinum petunt à *Chasaph*, id est amare, concupiscere, desiderare: quod idem propè sit argentum, ipsæque divitiæ, ac concupiscentia; & inde facilis, ac præceps ab illo ad hanc lapsus; cujus probè conscius Apostoli in primâ Apostolicæ vitæ institutione, primisque rudimentis, divitiarum contemptum posuerunt, quasi basim ac fundamentum Christianæ religionis, quod scirent divitias *impedimenta esse, non adjumenta, onera non subsidia*: possessione enim, & usu opum non fulcitur religio, sed evertitur, ut disertè Salvianus.

Lib. 2.



Et hinc illud Christi ad Discipulos ceu fundatores, ceu  
 Math. c. 10. propagatores religionis suæ, *Nolite possidere aurum, neque*  
 v. 9. *argentum, neque pecuniam in zonis vestris*, quod Salvatoris  
 monitum dum expendit D. Ambrosius, Dominus, inquit,  
 Lib. de Pa. pecuniam in zonis portare prohibet, *non enim secularia,*  
 rad. c. 13. *sed aterna debet zona nostra portare.* Et ita portare docuit  
 S. JUDAS, non verbo (quod exiguum foret) sed exemplo,  
 quod summum.

Xuseb. Missus aliquando fuerat ad Abagarum Regem Edessæ,  
 quem & fidei addiderat, & Christo, uti & Edessenos,  
 subjectos illi populos, cujus beneficii, ne ingratus esse  
 videretur, ad Regia dona, regiamque munificentiam ani-  
 mum convertit, ei que ingentem vim auri, tum cœlati, tum  
 rudis illi obtulit, cui Apostolus oblata munera respuens,  
 atque averfans, *Si nostra*, inquit, *prorsus derelinquimus, quo-*  
*modo accipiemus aliena?* enimvero nunquam accipiemus.  
 Qui B. IUDÆ animus fuit, quæve opum despicientia: ead-  
 em & B. SIMONI Apostolo. Tam hic, quàm ille, for-  
 tissimò Babylonix Duci *Beradach*, prædixerat fore, ut  
 Indi supplices advenirent, futuri utique pacis candi-  
 dati, atque oratores, quam prædictionem cum exitus  
 probasset, Apostolis obtulit munera sanè pretiosa, quæ  
 illi omnia respuerunt, ut qui venerant daturi benefi-  
 cium; non accepturi, daturi, inquam, meliores, id est  
 perennes, ac cœlestes divitias, non accepturi terrenas, ac bre-  
 vi perituras. Et hæc prima Apostolicæ vitæ gratia, laus pri-  
 ma: insignis auri, argenti, opumque despicientia, ad quam  
 nos invitat primò ipsius Christi, ceu Magistri, quam optimi  
 exemplum;

exemplum; qui cum esset dives, propter nos egenus factus est; 2. Cor. 8.  
 in quod exemplar dum oculos intendit Tertullianus effert  
 magnificum illud. *Ipse Dominus in nullis divitiis reperitur,* De Pœnit.  
*semper pauperes justificat, divites prædamnat.* c. 7.

Provocat deinde & Apostolorum fors, natalium con-  
 ditio, ipsaque vivendi norma: erant enim ut aureè D. Chry-  
 sologus, *censu pauperes; sed innocentia locupletes, loco humi-* Serm. 28.  
*les; sed sanctitate sublimes.* Provocat etiam primorum  
 Christianorum exemplum, & illustris, in iis rerum terre-  
 narum despicientia; à quâ *Christiani* olim dicti *pauperes*,  
 quidni enim pauperes dicerentur & essent quam maximè,  
 qui rerum suarum pretia etiam ad Apostolorum pedes ab-  
 jecissent? Et certè quidni abjiciamus, & ipsi? quidni &  
 pauperes simus, si modo Christiani, si cœlestium opum  
 amatores, si beatæ æternitatis candidati, si vitæ, quam  
 ducimus, probè conscii; si illius ad quam aspiramus  
 amantes.

Hæc mortalis vita, qualis qualis demum est, *Via* est.  
*In via multa oneri sunt, mediocria usui, & magno viatico* Ambrosii.  
*breve vitæ iter, non instruitur, sed oneratur.* *Via* est, ut <sup>cp. 19.</sup>  
 disertè Minutius, ac veluti cursus, stadiumque virtutis: In Oâvio.  
*sed virtutis via, non capit magna onera portantes,* ut pul-  
 chrè Lactantius. Quod si ea non capit, non est certè, quod L. 7. c. 1.  
 ea ultro nobis accersamus: sed potius, ut etiam oblata,  
 etiam habita, ac possessa, cum Apostolis abjiciamus, si  
 modo ii simus re, qui sumus nomine, *Christiani*, id est  
*pauperes.*

Et hæc paucis dicta sint de fulgore, quem Ecclesiæ,  
 LII 2 mundoque



mundoque universo intulere Apostoli, ceu gemina in domo Dei candelabra; superest modo, ut perlentiamus, quis etiam ab illis ardor? quisve æstus ad animos appellat, incendatque? est enim (ut ante dixi) in luce *fulgor & ardor*: fulgorem oculis hausimus, sentiamus ardorem.

## PRIMUS ARDOR

*SS. Apostolorum SIMONIS & IVDÆ.*

Ab incenso divinæ gloriæ zelo.

Cap. 3. v. 2.

**E** Zechiel in excessu mentis vidit adumbratam aliquam Dei similitudinem, velut hominis effigiem ex electo conflata, cuius pars inferior ignesceret tota, superior splenderet. Illa verò species auri splendentis, & ignis flammantis repræsentabat Deum amatorem & zelotypum: color enim pectoris aureus amorem cordis vehementem significabat; ignis autem circumstans zelum, quo succensus ardebat sponsus, videns dilectam sponsam sibi præposuisse infame idolum Baal.

Quod Deo ter Opt. ter Max. hoc proximis Deo hominibus, hoc Apostolis: habent illi quidem speciem hominis; at in eâ Divinum quiddam, auri quidem fulgorem, symbolum amoris, & caritatis in proximum, ignem verò, ardoremque indicium zeli, quo toti exardent, atque exæstuant.

Hoc igne arsit, æstuavitque David, cuius hæ fuere voces velut illius indices. *Zelus domus tue comedit me.*

Ps. 68. v. 17.

Hoc

Hoc igne arsit, æstuavitque Sponsa, quæ se fuscâ, & decoloratâ à sole confirmat : à sole utique ardoris, & zeli divinæ gloriæ, quo sic exarsit; ut fulca apparuerit, & decolorata, & quasi subnigra, atque exusta, tantus in illâ fuit ardor, æltusque tantus.

Et hic fuit in SS. Apostolis SIMONE & IUDA; cuius hoc primum sit argumentum, obitæ terrâ, marique tot regiones, tam incultæ, tam barbaræ; *Aegyptus, Mesopotamia, Persia, Indiaque*, & hoc quidem incredibili celeritate, *tantum*, inquit Chrysostomus, *valet in Deum zelus & tam leves efficit alas.*

Cant. c. 2.  
v. 6.  
Hom. 1. ad  
popul.

Alterum ejusdem zeli indicium fuit impugnata, expugnataque hæresis, ceu è styge exurgens hydra, sive ea fuerit *Simonis Magi*, sive *Nicolaitarum*, sive *Cerinthi*, sive *Gnosticorum*, & aliorum, quæ ut monstra, in reluctantes auras prodierunt; terrasque fœdâ errorum lue fœdarunt.

Tertium ejusdem etiam zeli signum fuit quod domita longè, lateque fuerit idololatria, everta idola, diruta profana fana, Deorumque cultores, ac sacrificuli Apostolorum, labore, sudore, ac prædicatione, velut fulmine quodam percussi, atque prostrati. D. *Ambrosius*, facundus orator, extollens *Phinees* magnanimi zelum, quo Madianitas olim confodit, perdiditque; eodem incensus zelo, in campum, in aciem evocat, seu Præsulem, seu Apostolum aliquem, seu virum Apostolicum, exclamatque. *Veni & nunc Phinees, arripe gladium verbi, interfice perfidiam, jugulato hæresim, ne propter eam populus universus pereat. Virget ira cælestis.*

In Psal. 112.



Quæ sibi, quæ aliis Ambrosius; hæc ego tibi; *Amice Lector*, tibi, ô quisquis es Ecclesiastes, præcoque divini Verbi; *Veni & nunc* ipse, & cum SS. Apostolis SIMONE & IUDÆ, *arripe gladium* cœlestis Verbi, *interfice perfidiam* idololatrarum, *jugulato hæresim*, seu ea Lutheri, seu Calvinii fuerit, seu aliorum de styge hæreticorum. *Urget enim ira cœlestis*, & impendentia noxiis capitibus fulmina, *urget* & populi periculis miseratio, *urget* & zelus divinæ gloriæ, honorisque amplificandi, *urget* & amor, zelusque animarum, quas sibi, cœloque Christus acquisivit, etiam effuso per immania vulnera sanguine. *Urget* denique & ipse SS. Apostolorum SIMONIS & IUDÆ exemplum, vitæque sanctè actæ, & mors ipsa pro fide, pro Religione, proque Deo fortiter obita: à quâ erit

## SECUNDUS ARDOR

SS. Apostolorum SIMONIS & IUDÆ.

Ab incenso patiendi, ac moriendi desiderio.

**S**anctissimos Apostolos, invictosque Christi Martyres diximus esse in Ecclesia, quod in Dei domo *duo Candelastra*.

Lib. de Virg.  
c. 24.

D. Gregorius Nazianzenus altius assurgens insignes appellat *in polo stellas*, quæ mortalibus oculis sic occidunt, ut surgant immortalibus; sic occidunt, ut tamen occidendo, & lucem spargant, vitæ dico lucem, claraque magnarum virtutum exempla: & simul etiam ignem ostendent, ignem,

ignem, inquam, divini amoris, qui maximè proditur illustri patiendi, ac pro Christo moriendi desiderio, quod in SS. SIMONE & IUDA videre licuit, atque admirari.

E Babylonia post exantlatos illic labores excesserant Apostoli, venerantque in urbem, cui *Suamira* nomen; cum ecce rursus in Magos illos, simulque in eorum odium; atque malevolentiam; ab hac excitati idolorum sacrificuli, violentas in illos manus injiciunt, & SIMONEM quidem adducunt in templum solis, IUDAM autem in fanum Lunæ, ut istis Idolis sacra facerent, thusque incenderent. Quid hic Apostoli, magnæ illæ mentes, & cœli novi, id est Ecclesiæ surgentis, Intelligentiæ? idola venerentur? at impium illud: recusent illi, cultumque respiciant pertinaces? at vita in lubrico, & mors in oculis. Verum stat potius mori, quam noxios vivere, certum occidere terris, & cœlo surgere; imo quod mireris, & ames, & supplicia ipsa in votis sunt, & mors in deliciis, tantus ardor patiendi, tantus & moriendi. Ut huic, & illi apeririatur via; supplices ad cœlum manus extendunt, Deum orant, exorantque; & ecce quæ orationi vis, quisve ab ea fructus: idola ipsa mox concidunt, confringuntur impia simulacra, & ipsi cacodæmones ex illis excedunt horrendâ in speciem Æthyopum figurâ, ingenti que clamore; quo ita concuti omnia, ut concuti, ac convelli videantur ipsa profana fana, ruinamque minari. Quid hic sacrificuli? quid idolorum sacerdotes? quid plebs insana, ac furens? In iras truces, in minas acres itur; imo & in vulnera, ac cædes proruitur, irarumque, ac furoris victimæ sunt Apostoli; cadunt



cadunt illi, atque ab his & illis fœdum in modum discerpuntur ac dilaniantur, spectaculo quidem hominibus lamentabili; at superis grato ac jucundo, noxiis autem capitibus ferali, ac funesto. Mox enim cœlum ipsum quasi tanti sceleris, tantæque immanitatis impatiens turbari cœptum, & quod ante serenum erat, atrâ nube involvi, tegique, indeque mugire tonitrua, exilire fulgura, & quaquaversum in scelerata capita evibrari; ipsaque idolorum fana dirui, soloque æquari, æthere ipso etiam in saxa, templorumque moles, læviente, potissimum autem in magos illos, qui ultrore cœlo, Deoque, unâ, cum aliis è Gentilitate illa quamplurimis, malè perierunt. Et hic cruentæ illius tragœdiæ finis fuit, Apostolis quidem gloriosus; sed impiis illis fatalis; piis autem salubris, atque (ut ita loquar) vitalis.

Ab hoc enim casu, qui labi atque occidere visi sunt Apostoli, ab eodem resurgere, atque resuscitati illis superstites.

Lib. 1. de  
Abraham  
c. 1.

Eleganter Ambrosius, ait Moylen *imitandum* nobis Abrahamum descripsisse, *ut corda hominum, in vitium labentia, huius viri contuitu, velut è quodam terreno busto resuscitaret.* Quod magnus ille Præsul de Abrahamo ad imitandum hominibus propositum, hoc ego, & potiori quidem jure, de SS. Apostolis SIMONE & IUDA. Erant eò loci ac temporis hominum corda in vitium omne labentia, pars enim in hæreses infandas, pars in immanem idololatriam, pars in alia scelerum monstra declinarat, quis illis finem, modumque ponat? quis labentes erigat? quis in mortem pronos, ac præcipites retineat? In certamen, in theatrum eduxit Deus fortissimos illos Christi pugiles, SIMONEM &

IUDAM

IUDAM quorum intuitu, *velut è quodam terreno busto eos resuscitaret.* Et ita factum est, & factum quàm optimè. Arserat orbis: imò & ardebat igne concupiscentiæ, igne libidinis, & eò usque arserat, ut non nisi infame bustum esset. quis evigilabit? quis excitabit à terreno illo, luteoque busto? Nemo unus omnium præter Apostolos, præter SIMONEM & IUDAM. Qui enim potius? si de *Basilio Magno* D. Gregorius Nazianzenus pronuntiavit audax illud, & liberum, verum tamen. *Communem* Orat. 29. *fuisse virtutis tabulam, in quam velut in vivam quandam legem intuentes mortales, vitam omnem suam dirigerent.*

Si Sanctos viros esse *leges animatas* edixit Philo inter antiquiores illustris scriptor, quidni & ego, eadem, imò & meliore de causâ, Beatos Apostolos dixerim esse *communem virtutum omnium tabulam, & legem quandam, non emortuam illam, sed vivam, sed animatam, à quâ pusilli mortales vitæ melius instituendæ, & præcepta peterent, & exempla.* Dicam certè, atque cum Eusebio ex vero dicam. esse *exemplaria quodam splendida, & speciosa religionis nostræ: dicam cum Bernardo esse veluti ligna fructifera in horto sponsi, & paradiso Dei, de quorum bonis actibus ac moribus, quot sumis exempla; tot carpis bona.* At quæ, inquires bona? non ea, quæ mortali vitæ serviunt; sed quæ etiam immortalibus: non ea, quæ terris innascuntur; sed quæ in cælis reponuntur, & hoc quidem in perpetuas æternitates; bona dico virtutum, imprimisque cœlestis sapientiæ, quæ

L. de Abraham.

Lib. 2. Hist. flor. c. 16.

Serm. 23, in Cant.



Gregor.  
Nazienz.  
Orat. 21.

nos edoceat divina sapere, divina votis omnibus concupiscere, terrena verò fastidire, atque averfari; tum etiam incendi zelo divinæ gloriæ, honorisque propagandi, denique pro religione, proque Deo, & agere, & pati fortia, ipsamque (si cœlum exigat) per immania vulnera pulchram obire mortem; & ab illâ beatæ æternitatis atria subire. Ut porro subeas, *Amice Lector*, in Apostolos illos SIMONEM & IUDAM, velut in *virtutum exemplaria*, virtutum simulacra oculos injice, atque ad eos quâ licet etiam in cœlis positos cogitatione, ac piâ meditatione transi. Et certè quidni sic transeas? Transire docent majorum exempla, etiam Gentilium.

Themistocles ad illustria Melchiadis facinora totus animo, totus affectu transibat, & ex illis sibi ad similia faciebat animos.

Achillis facta cogitatione propè perenni spectabat *Alexander*, nomine, & re etiam ipsa *Magnus*, atque ex illis ad paria sese excitabat.

Alexandri gesta perpetuòolvebat, revolvebatque Iulius Cæsar, & inde talis ac tantus evasit Imperator.

Habent nimirum illud exempla Heroum, ad similia vocant, imò & compellunt, etiam infirmorum corda, animosque.

2. Mor. 1.

Hinc ut scitè D. Gregorius, *Scriptura sacra narrat gesta Sanctorum, & ad imitationem provocat corda infirmorum; & dum eorum victricia facta commemorat, contra vitiorum praelia debilia nostra confirmat, fitque ut minus*  
mens

*mens inter certamina trepidet , quò ante se positos , tot  
virorum fortium triumphos , videt.*



Eâ de causâ Lacedæmonii in conviviiis suis præcipua  
majorum suorum facta canere faciebant , quò juniores ad  
eorum imitationem invitarentur : ut cum inter epulas  
caro palceretur , etiam animus præclaris illis suorum faci-  
noribus reficeretur , atque ad eos à mensa transiret , si mi-  
nus mole corporis : saltem votis , ac desideriiis. Quod  
Lacedæmonii filiis suis : hoc Seneca discipulis , quos tran-  
sire docuit , ad illos qui in elisiis campis Divis admixti cre-  
debantur ; sic enim aliquando ad Lucilium. *Ad meliores* Ep. 104.  
*transi , cum Catonibus , vive , cum Lelio , cum Tuberone.*  
*Quod si convivere etiam Græcis juvat , cum Socrate , cum*  
*Xenone versare. Vive cum Chrysippo , cum Pisidonio. Hi*  
*tibi tradunt Divinorum humanorumque notitiam.*

Non habebat Vir ille gravissimus opinione suâ majores ,  
illustriorésve , in omni retrò antiquitate , quorum virtus ,  
& gloria mortuorum , vivos posset ad similium imitatio-  
nem excitare. Nos verò pro sophis illis gloriosis , seu è  
latio , seu è græcia petitis , Apostolos habemus , ad illos  
ergo mente , ac cogitatione transeamus , cum illis vivamus ,  
cum illis versemur , tradent nobis , non profanam aliquam  
humanorum , divinorumque notitiam : sed sacram , sed  
cœlestem , & per eadem magnarum virtutum vestigia , ad  
cœlum , ad coronas , ad beatam ducent æternitatem ; utque  
ducant præter eorum imitationem , etiam cultum , obser-  
vantiamque singularem tibi suaderi velim ; in hac excelle-  
re , visus est D. Bernardus , cui præ cæteris Apostolis



S. IUDAS in amore fuit, ac veneratione: cujus argumentò fit illud, quod sacras illius reliquias ad se Hierosolymis transmissas, & mirâ devotione exceperit, atque apud se vivens retinuerit; imò & moriturus eas jusserit, unâ secum sepeliri, pectorique suo superponi, *eo utique fidei, ac religionis intuitu* (inquit Author vitæ illius) *ut eidem Apostolo in Die communi resurrectionis adhereret.* Vt & tu sic adhareas aliquando, sin minus illius reliquias; at saltem memoriam, cultumque retine etiam ad tumulum, ultimosque cineres, è quibus cum illo à morte ad vitam, à terris in cælos emergas; consors illius gloriæ, in omni retrò æternitate; qui & illius cultor fueris in omni vitæ mortalis tempore.

F I N I S.



INDEX

# I N D E X

## RERUM PRÆCIPUARUM.



### A

**A** D A M A N T I S natura, & vis indomita. *Page* 139  
 A d o l e s c e n t i s depravatio, mira deinde conversio. *173 & seq.*  
 S. Æmilianus martyr cœlesti vocē ad cœlum invitatur. *31*  
 B. Agathæ incumbit nubes symbolum illius beneficentiæ. *80*  
 S. Agnes in igne non ardet. *430*  
 S. Agnes parentibus apparet. *3*  
 Agnus cur ad dextram D. Agnetis? *3*  
 Agnus castus planta nobilis: cum qui gestat sit castus. *230*  
 S. Aldegundis nuptias fugiens ambulat super aquas. *4*  
 Alexandri Magni libido regnandi quantā. *55*  
 Alexandri Olivæ in morte lætitia. *12*  
 P. Alexi Salo morienti adest J E S U S, & MARIA. *233*  
 Alphonso Rodriguez è Societate J E S U in Virginem amor. *168*  
 Ambitio Romana quanta. *58*  
 Amicitia quantum bonum. *362*  
 Amoris constantis symbolum. *304*  
 Amor cur lumini similis? *363*  
 Unde dignoscitur? *ibid.*  
 Amor duplex: Viz, & Patriæ. *396*  
 Amor Dei martyrii genus. *14*  
 Amoris divini tela. *306 & seq.*  
 Amor Dei in Sanctis qualis etiam in hac vita. *390*

Amor Dei, & ejus exempla. *455*  
 Amor in proximum Christi discipulorum est nota. *171*  
 Anaxarchi philosophi in malis fortitudo. *54*  
 B. Angela de Fulginio Christo desponsatur inserto ab eodem in digitum anulo. *6*  
 B. Angela de Fulginio triduo in extasi. *350*  
 B. Angela de Fulginio ut arderet amore Dei. *391*  
 B. Angelus de Furcio à D. Michaelē Archangelo nomen accepit. *358*  
 Anglia D. Petro olim tributaria. *320*  
 D. Andræ vocatio, & Crucis amor. *36*  
 D. Andreas, & D. Petrus ut similes. *33*  
 D. Andræ victoriæ. *38. & seq.*  
 D. Andræ mors gloriosa. *41*  
 D. Andræ corpus Amalfi oleum effundit miraculosum. *45*  
 Anima sancta sponsa Christi. *5*  
 Animæ ascensiones, quæ? *35*  
 Animæ pretium. *365*  
 Apostoli singuli singulis gemmis notantur. *129*  
 Apostoli dicuntur Oecumenica Lumina, Soles, Cœli, Orbis oculi, Lucerna mundi, Candelabra Ecclesiæ. *235 & seq.*  
 Apostoli cor mundi, & unde? *425*  
 Cur dicti jacula? *426*, Mundi lumina, & Soles. *ibid.*  
 Apostoli cur Stellæ cœli? *456*  
 M m m 3 *SS. Apo-*



# INDEX RERUM

SS. Apostoli spiritu prophetiæ donati. 449  
 Apostoli animarum & corporum medici. 424  
 Apostoli ut alieni à divitiis. 452  
 Apostolorum vocatio qualis. 444  
 Apostolorum vocatio ut prodigiosa. 416  
 Apostolorum nomina 12. *cercis* imposita, 12. proles à Deo impetrant, ex ferunt unius Apostoli nomen: cujus die singulæ decesserunt. 440  
 Apostolorum gloria etiam interris. 310  
 Apostolorum gloria & veneratio. 41  
 Apostolatus signa quæ? 409  
 Areopagi judices eliguntur sorte. 203  
 Argentum hebraice Cheseeph, idest amare, & concupisce. 451  
 Aristomeno belli duci cor erat pilis hirsutum, & horridum. 443  
 Asan Sultani in Imperatorem captivum humanitas. 247  
 Assenetta nulli volebat nubere nisi Deo. 221  
 Athanasius ipsa virtus. 296  
 S. Athanasii Commentariensis miraculosa conversio. 184  
 Athulfus Rex rotam insulam Angliæ facit D. Petro tributariam. 320  
 Avaritiæ pondus quale. 420  
 Avaritiæ malum. 451  
 S. Audomarus cæcitatem à Deo petit, impetrat. 191  
 D. Augustini *conversio* unde. 313  
 Auri grana reperiuntur in ossibus D. Floriberti. 172  
 S. Auxentii Abbatis humilitas. 93

B.

D. Bartholomæus componitur cum ficu decorticata. 403  
 D. Bartholomæi fortitudo. 407. Sui contemptus, & auri, opumque. 408  
 D. Bartholomæi mors gloriosa, sepulchrum, pompa funebris. 410  
 D. Bartholomæus sanguis etiamnum liquescit ebullit. 412  
 D. Bartholomæus Lycaoniam, Indiam, Armeniam excolit. 413. Dæmonia ejicit, idola subvertit. *ibid.* Regem Polæmonem conuertit. 414  
 D. Bartholomæus an idem cum Nathanaël. 400. Quæ illi patria? *ibid.*  
 Quæ illi mors? 414  
 D. Bartholomæus centies in die, centies in nocte orat. 414  
 D. Basilii Adamas simul & magnes. 138  
 Beatitudo cur cœna? 19  
 Belli Dux Timothæus urbes rete capit etiam dormiens. 366  
 D. Bernardi in vulneribus Domini fiducia. 115  
 S. Brigida Virgo ne viro nubat, à Deo in vultu maculam impetrat. 4  
 Oculum amittit, & recipit accepto Virginitatis velo. 5  
 S. Brigidæ Virginis lacrymas Christus ipse detergit. 330  
 S. Brigida Virgo ambulat super aquas. 43  
 Byssus symbolum mortificationis. 20

C

**C**alumnia divinitus dissipata. 449  
 Calumniæ cœlitis punita. 40  
 Calumnia divinitus diluta. 94  
 Cana idest zelus: Cananus zelotes. 442  
 S. Caroli Magni sepulchro eminent tres candelæ. 436  
Carolus

# P R Æ C I P U A R U M.

Carolus V. de tribus gloriari solitus:		Christi vulnera quid D. Thomæ? quid	
1. quod die S. Mathiæ natus.		aliis?	<u>107</u>
2. quod eodem adeptus imperium.		Cleopatra unionem æstimatum	<u>250.</u>
3. quod eodem insignem victoriam assecutus.	<u>211</u>	audientium millibus absorbendum Mar-	
D. Catharina Christo desponsatur.	<u>9</u>	co Antonio præbet.	<u>328</u>
D. Catharinæ facellum in Carynthia		Cleophas græcè idè est quod gloria omni,	
sponde semper aperitur.	<u>30</u>	hebraicè quod cæcus; & Ecclesia.	<u>438</u>
D. Catharinæ supplicium quàm imma-		Cleophas, & Maria Alpei parentes	
ne.	<u>17</u>	trium Apostolorum, Jacobi minoris,	
D. Catharinæ in morte oratio.	<u>32</u>	Simonis & Judæ.	<u>437</u>
D. Catharina lac pro sanguine fundit.	<u>18</u>	Cleophas martyr pro Christo.	<u>438</u>
S. Catharina Senensis amore mori-		occisus in castello Emaus.	<u>439</u>
tur.	<u>14</u>	Cæcitas corporis ut animo prodest.	<u>191</u>
B. Cassius Episcopus Narniensis die SS.		Cæcitatem à Deo petit S. Aquilinus, &	
Petri & Pauli in cælum evocatur.	<u>292</u>	impetrat.	<u>191</u>
Castitas ubique pura.	<u>48</u>	S. Coleta à D. Joanne Evangelista annu-	
Lux est. Angelos facit.	<i>ibid.</i>	lum quasi sponsalem accipit.	<u>159</u>
Castitas in loco secreto, in cogitatio-		Columbæ adinstar in cælum evolat ani-	
ne.	<u>50</u>	ma S. Blasii Armentarii martyris.	<u>117</u>
Catenæ D. Petri ut miraculosæ.	<u>290</u>	Columba symbolum Animæ sanctæ.	<u>99</u>
Charalampii Martyris responsio.	<u>18</u>	Columba illabente designatur B. Seve-	
Christiani cur dicti olim Religiosi Cru-		rus Episcopus.	<u>202</u>
cis.	<u>42</u>	Communia in communitate seque-	
Christiani cur dicti <i>Sacerdotes pacis</i> ?	<u>247</u>	re.	<u>286</u>
Christiani membra Christi.	<u>188</u>	Comparationes virorum illustrium in-	
Christus cur Agnus Dei?	<u>2</u>	ter se.	<u>213</u>
Christi de Saulo victoria.	<u>185</u>	Conceptio Cadoci, Regis filii 4. Iam-	
Quibus armis parata?	<i>ibid.</i>	padum prodigio ostensa.	<u>78</u>
Christi corpus lucem affundit Saulo, &		Prodigiosa ejus in Abbate electio.	<i>ib.</i>
convertit.	<u>186</u>	Concionatoris sacra libertas.	<u>277</u>
Christo duo sunt pedes: Misericordia,		Confessionis, & Contritionis vis quan-	
& Judicium.	<u>337</u>	ta.	<u>343</u>
Christi imitatio.	<u>91</u>	Conjux cur adjutorium viri?	<u>220</u>
Christus affixus Cruci jam erectæ.	<u>34</u>	Constantini victoria à Cruce.	<u>38</u>
Christus cur dicatur Leo?	<u>182</u>	Ejus veneratio, & monumenta vi-	
Christus petra, foramina petreæ vulnera,		etorum.	<i>ibid.</i>
caverna maceræ vulnus lateris.	<u>102</u>	Constantia Augusta à D. Gregorio	
Christus pœnitentiæ lacrymas ut sitit.	<u>324</u>	Pont. Max. D. Petri reliquias petit,	
Christi sepulchrum gloriosum.	<u>373</u>	& impetrat.	<u>290</u>
		Contritio de peccatis,	<u>346</u>
		Cor	



# INDEX RERUM

Cor quomodo custodiendum. 20. 21  
 Cor D. Pauli quantum. 310  
 Cor Aristomæno pilis hirsutum. 443  
 S. Cornelius Centurio moriens hanc à  
 Deo vocem audit: *Corneli veni ad me.*  
*Ecco enim est tibi parata corona justi-*  
*tie.* 145  
 Corona Justitiæ datur Sanctis. *ibid.*  
 Corona è floribus in capite B. Meruli. 123  
 Aurea in capite S. Juliani martyris.  
 Gemmea in capite B. Birgittæ. *ibid.*  
 Corona cur datur Martyribus? 121. 122  
 Convivia ut vitanda. 23  
 Crucis amor, & ad eam incitamenta 42  
 Crux cur Palma? 34  
 Crucis dignitas, ac majestas. 41  
 Crucis fructus: 1. Prædestinatio. 2. Vo-  
 catio. 3. Cœlestis sapientia. 4. Victo-  
 ria de mundo, & inferis. 5. Victoria  
 de animabus. 6. Victoria de morte.  
 7. Victoria de ipso cœlo. 37 & seq. *ibid.*  
 Cruce signantur Electi. *ibid.*  
 Crucis virtus ut miraculosa. 43

## D.

**D**eus cur dictus *Saddai*, id est mam-  
 ma. 443  
 Deus cur electio similis? 454  
 Dei oculus peccatori pro freno. 50  
 Detractio, sive revelatio occulti crimi-  
 nis ut vitanda. 450  
 Dionysius Syracusanus littera M. seu  
 sorte Rex portenditur. 203  
 S. Dorotheæ in morte lætitia. 19

## E.

**E**cclēsia cur dicta est oliva? 238  
 S. Eduardus Angliæ Rex vovet ne-  
 mini eleēmosynam negare, qui in  
 nomine D. Joannis eam petisset. 159

Pauperculo seni dat regium annulum.  
 Is erat D. Joannes in habitu peregrini.  
 Illum miraculosè recipit, & diem  
 suæ mortis intelligit. 160  
 Eleazari mors gloriosa. 373  
 Eleēmosyna facienda in abscondito. 81  
 Eleēmosyna, & miseratio erga egenos  
 homines quasi Deos facit. 84  
 Eleēmosyna apparet Virginis specie oli-  
 vis coronata. 123  
 Eleēmosyna spiritualis potior corpora-  
 li. 242  
 Eleēmosyna ut saluti necessaria. 267  
 Eleēmosyna apparet D. Joanni Eleē-  
 mosynario Virginis specie. 83  
 Eleēmosynæ vis aurea. 172  
 Eleēmosynam danti pecunia non defi-  
 cit. 95  
 Eleēmosynæ apud Deum gratia. 89  
 Quæ pauperi fit, fit ipsi Christo. 90  
 Elias oratione pluviam impetrat. 73  
 S. Elzearius Comes ut habitaret in Chri-  
 sti vulneribus. 115  
 S. Ephren lacrymæ cur pelagus. 330  
 Epistolæ D. Pauli quales. 713  
 Evangelii laus, & commendatio. 422  
 E cœlo defertur S. Brigidæ. 425  
 Imponebatur olim capitibus ordi-  
 nandorum. *ibid.* Evangelium pecto-  
 ri superponit jam moriturus S. Epi-  
 phanius. Cum eo sepelitur D. Bar-  
 nabas. *ibid.*  
 Eucharistia à peregrinis ad Apostolorū  
 limina deferrebat olim pro viati-  
 co. 322  
 S. Euphrosinæ Virginis corpus osculans  
 visum recepit. 333  
 D. Eusebiæ corpus ad sepulchrum co-  
 mitatur corona è stellis. 44  
 Exempla Sāctorum quantū prosunt. 358  
 F S. F.

# PRÆCIPUARUM.

## F.

S. **F**Abiantis Pont. eligitur columbæ  
in ejus caput elapsu. 100

Festorum violatio punita divinitus. 322

Fides est oculus. Ejus vis quanta. 300

& 302

Fides operibus probanda. 302 & seq.

Filii in matrem eximia pietas. 40

Filii olei quinam? 237

S. Fintanus omnibus noctibus domini-  
cis Christo judici astare. 36

Fœminarum conversatio vitanda. 37

Fortitudo Christiana qualis esse debeat.

53

Fortitudo quid sit, & quæ ejus par-  
tes. 406

B. Francisci Borgiæ humilitas. 93

S. Franciscus Xaverius Lux Gentium. 47

S. Francisci Xaverii castitas angelica. 48

impuræ cogitationis horror etiam in  
somnia. 49. Corporis ejus integri-  
tas. *ibid.* Cur manu lilium gestat

Xaverius? *ibid.*

S. Franciscus Xaverius in unico oppidu-  
lo Potamienfi 242 miracula edidit 50

S. Francisci Xaverii itinera, & labores, 52

Sagittis impetitur innoxie. *ibid.*

S. Franciscus Xaverius decennio dum-  
taxat confecit centies mille passuum

millia. 55. Inde dici potuit homo

ales. 56

S. Franciscus quot, & quàm dissitas na-  
tiones Christo genuerit. 60

S. Franciscus Xaverius Japoniam, & tres

in ea Reges convertit. *ibid.*

S. Franciscus Xaverius una die decem

millia baptizavit. 63. Plures è paga-  
nis Christo adjunxit, quàm hæretici

suæ hæresi. 64

S. Francisci Xaverii in ægros caritas, 65

In naufragos. *ibid.* & 68

S. Franciscus Xaverius visitur in duobus

locis, 67. Aquam maris salisam dul-  
cem reddit. 68

S. Franciscus Xaverius Christianorum

pravos mores corrigit. 69. Obsti-  
natos in malo convertit. 70

Fratres apud hebræos dicuntur consan-  
guinei. 439

S. Fulgentii in hostem elementia. 143

S. Fursus mortuus ostenditur specie ce-  
rei extincti. 435

## G.

B. **G**elhebes S. Fursei mater lacrymis

fontem è terra elicit. 329

B. Genovesæ nativitas in cœlo celebra-  
tur. 151

S. Guilielmus Abbas Caroli-loci forte

electus Archiepiscopus Bituricensis. 291

B. Guilielmi Zuchi crumena divinitus

semper repletur. 95

## H.

B. **H**enricus Suso mortuus in exta-  
si. 351

B. Henricus Suso recreatur angelico  
concentu. 350

B. Henricus Suso in corde suo Crucem  
auream, & **JESU** nomen conspi-  
cit. 44

Herba in D. Joannis manibus sit au-  
rum. 172

B. Hermamus Canonicus Regularis

B. Virgini desponsatur. 335

Mutatur illi nomen, & vocatur Jo-  
seph. *ibid.*

Nnn

Herodis



# INDEX RERUM

Herodis in D. Joannem Bapt. injustitia, & immanitas. 276  
Homo ales. 56  
S. Hugo Abbas Cluniacensis casula D. Petri paralyticum sanat. 289

## I

D. Iacobus hebraicè galeatus, 358  
D. Iacobus merito supplātor. 357  
D. Iacobus cur Christo in amoribus? 360  
D. Iacobo apparet Dei mater adhuc viva. 363  
D. Jacobi discipuli quinam? 366  
D. Jacobi sepulchrum gloriosum. 373  
Corpus ejus quomodo in Hispaniam devectum. *ibid.* Latuit annis quingentis & amplius. Quomodo inventum. 374. Templum illi ædificatum. 375. Pericula imminentia Hispaniæ indicant è sepulchro bellica murmura tubarum veluti clangores, & sonitus armorum. *ibid.*  
D. Jacobi præsidio Hispania Saracenorum jugum excutit, 378. Apparet in acie albo portatus equo, 379. In pugna loco excisæ rupes D. Jacobi effigiem referunt. *ibid.* Ordo Equitum D. Jacobi, 380. Ejus in peregrinos suos præsidium. *ibid.*  
D. Jacobi certamen cum magis, 369  
Ut eos convertit. *ibid.* Sudario, & baculo dæmones fugat. *ibid.*  
Ejus mors gloriosa. 371  
D. Iacobus Apostolus sanctificatus in utero, 239. Cur antonomasticè dictus sit Justus. Ejus apud Judæos æstimatio. *ibid.*  
D. Iacobus unctus in Episcopum Jero-

solymitanum à Petro, Jacobo majore, & Joanne. 243  
D. Iacobus pro inimicis Deum orat, 246  
D. Jacobi Apostoli mors gloriosa, 251  
Jaspis fidei, & cœlestis sapientiæ symbolum, 130  
Japoniæ Imperium quantum. 60  
Japoniæ Reges quot à S. Xaverio, quot ab ejus filiis conversi? 60 & seq.  
JESU, MARIE, & JOSEPHI nomina sunt omina. 216  
Ifigenia Regis Ægypti filia virginitatem Deo vovet. 427  
Ifigeniam sociasque Virgines ab incendio liberat D. Matthæus. 430  
S. Ignatii extasis per octiduum. 350  
Ignis ex se nihil generat. 387  
Ignis ut probet justos. *ibid.*  
Ignis alius maculans, alius purgans, alius crucians. 398 & seq.  
SS. Imitatio præcipuus cultus. 323  
Infernus qualis. 399  
Inimici quomodo superandi. 245 & seq.  
Injuriæ condonatio arma Christianorum, 141. Ejus exempla illustriora. 142 & seq.  
Injuriarum condonatio, & hujus exempla. 246  
B. Joanna Franciæ regina unguento agros sanat. 335  
B. Joannæ Valesiæ jam mortuæ visa incumbere nubes. 80  
D. Joannes, idem quod Gratia. 256  
Totus gratia: i. A Parentibus, 257  
2. Ab Angelico nuntio, 260  
3. A sanctificatione in utero, 261  
4. Ab exultatione in utero, 262  
5. A reddita patri voce, 263  
6. A vita, rebusque gestis, 264  
7. A prædicatione, & zelo. 265 & seq.  
S. Joan-

# PRÆCIPUARUM.

- S. Joannis Bapt. Nativitas olim 2 sacris, imò & 3 celebrabatur. 278  
 Assistit Cononi Monacho; S. Ivano Regis Dalmatiz filio; 279  
 Item S. Bernardo ejusque filiis. *ibid.*
- D. Joannis Bapt. præclara elogia. 255  
 D. Joannis Bapt. sanguis Neapol. liquescit in Sacro, 271. Item die decollationis. Imò tota octava. 272
- D. Joannis Bapt. mors gloriosa. 268  
 Ejus reliquæ maria placarunt, & tempestates Genæ. 269
- D. Joannes Bapt. apparet D. Birgittæ, ejus filium protegit, 274  
 S. Hildegundi morienti apparet. *ibid.*
- S. Joannis Evangelistæ elogia. 146  
 Cur Aquilæ symbolo designatur? 148
- D. Joannis excellētia: 1. à natalibus. 149  
 Fuit Christo consanguineus. 150
- D. Joannes, id est Gratia. Cur dictus Boanerges? 153
- D. Joannes Evangelista datus à Virgine magister S. Gregorii Taumaturgi, 155  
 Uti & S. Chrysostomi. Imo & Angelorum. *ibid.*
- D. Joannes Evang. etiam Martyr. 161  
 Duplex illi martyrium. 162
- DD. Joannes & Jacobus cur filii tonitruui. 358
- D. Joannis Evangelium non est datum nisi præviis tonitruis, & fulguribus. 153  
 Cur dictus Sol Evangelii, Apostolus, Theologus, Doctor hominum? 154
- D. Joanni data à Christo Maria ut mater. 166
- D. Joanni data gratia singularis. 152
- D. Joannes unde Christo dilectus? 164  
 Ejus dilectionis argumenta. *ibid.*
- D. Joannis in proximum caritas. 172
- D. Joannis concionis thema semper de caritate. 176
- D. Joannes cum D. Philippo assistunt Theodosio contra Eugenium pugnant. 163
- D. Joannes Propheta, 157. Virgo, 158  
 Et tuendæ Virginitatis patronus. 159
- D. Joannes an sit mortuus? 176 & seq.  
 Quomodo mortuus, 178. Ex ejus quasi sepulchro manat pulvis miraculosus. *ibid.*
- S. Joannes Eleëmofynarius sibi vivo sepulchrum extrui curat. 180
- S. Joseph sanctificatus in utero. 218
- Joseph, id est accrescens, & unde accrescens, 216
- Joseph cur dicitur natus homo, sive vir. 217
- S. Joseph Virgini datus sponsus indicio virgæ florentis, & adlabentis columbæ. 221
- S. Joseph quomodo Christi Pater. 225  
 Quæ in eo dignitas. 226
- S. Joseph Christi nutritius, 227  
 Christi familiaris, 229  
 Christum vidit sæpius trāsfiguratum. Vidit & divinam essentiam, & quomodo. *ibid.*
- S. Josephi hæc summa laus quod Mariæ sponsus. 223
- S. Josephi cultus alius, atque alius. 231  
 In ejus honorem die natalis Domini mercator tres pauperes convivio excipit, scēminam, senem, & puerum: Ei morienti adfuit Jesus, Maria, Joseph. *ibid.*
- S. Josephus B. Joannæ de Loudun apparet sinistra liliū, dextra cor flammecum gestans; In cujus medio legebatur MARIÆ nomen. 233 & seq.  
 Nunc 2 S. Josephi



# INDEX RERUM

S. Josephi Barfabæ Episcopi vita & mors.	207	Lacrymarum vis admiranda.	328
Josepho Patriarchæ in dotem dati sex scutorum milliones.	221	Cur dictæ pelagus.	330
Josephi Patriarchæ encomia.	214	D. Laurentius quomodo à Deo probatus.	386
B. Jordani caritas in pauperes.	90	D. Laurentii mors ex quibus capitibus gloriosa.	383
Isaaci osculum mysterosum.	332	D. Laurentii sanguis die ei festo, & toto octiduo effervescit, & ebullit.	391
Juda idem est quod confessio, & laus.	442	Uti & adeps. <i>ibid.</i> Corpus D. Laurentii dextram cedit corpori D. Stephani.	392
S. Judas includit hebraicè literas nominis tetragrammaton.	444	D. Laurentii tormenta quàm varia, quàm immania, 394. Viso Angelo convertitur Romanus, deinde martyr.	395
S. Judas cur cognominatus Lebbæus?	442	D. Laurentius igne probatus 1. elemerrari: dein alio, atque alio, 388 primus fuit illuminans & inflammans, 389. Ecquis ille. <i>ibid.</i> Secundus, probans, & examinans. 392. Tertius, glorificans, & beatificans.	396
S. Judæ Apostoli epistolam rejiciunt hæretici, 446. quare causa? 447	443	Legio fulminatrix quæ? & unde? 359	
Judæ proditoris locus quis.	197	Leonides Origenis pater filii pectus cur osculatus.	230
Ina Rex Angliæ suum regnum D. Petro facit tributarium.	320	Leonis natura, & genius. 182 & seq. Cur Leo olim insculperetur sepulcris heroum?	183
B. Ivetta Reclusa Christo desponsatur.	5	S. Leo confirmationem sui symboli à D. Petro accipit.	293
S. Julianus Martyr in carcere recreatur angelico concentu.	350	Leo quasi humana voce multa de Christo locutus.	184
S. Julianus Medicus Martyres osculabatur.	331	B. Lucia Narniensis ut arderet amore Dei.	390
S. Juliano lux circumfusa carnifices convertit. 186. Uti & odor carceris. <i>ibid.</i>		Lumine Deus quasi pro armis utitur. 185	
Justi, & injusti quomodo à Deo probentur.	384	Lupus ut ovium custos.	192
L.		S. Lutgardæ cœcitas ut profuit.	191
L Ac pro sanguine funditur à S. Secundina Virg. & Mart.	187	S. Lutgardis docetur à Christo eleemosynam facere.	288
Lac capite plexus effundit S. Æmilianus.	31	Lux est purgativa.	69
Lacrymæ pœnitentis quæ sint?	327	Lux est confortativa.	64
Lacrymæ cœlum rigant: margaritæ sunt, uniones sunt. 328. Peccata diluunt. 329		Lux	

# PRÆCIPUARUM.

Lux generativa, & nutritiva.	358	Magdalena unāne an plures?	325
Lycurgus ut injurias dimittit.	246	S. Marcellæ in pauperes caritas.	172
		Mari terminum quomodo posuit Deus.	269
M.			
S. Macarius Abbas ferè in extasi perpetua.	350	B. Margarita de Cortona unde Martyr?	14
S. Macarii vocem è sepulchro audit mortuus, & respondet.	93	B. Margarita de Cortona residet in Christi vulneribus, exsugit ejus latus. 112.	ibid.
D. Maria Magdalena sexties in die ab Angelis rapitur in sublime, & audit concentum angelicum.	351	B. Margaritæ Hungaricæ mortificationes.	26
D. Magdalena S. caput etiamnum exhibet particulam cutis in fronte, ubi eam tetigit Christus.	353	B. Margarita monialis in corde habuit tres veluti gemmas, & in illis inscripta nomina Jesus, Maria, Joseph. 222	
D. Magdalena in Christum amor.	347	B. Mariæ de Cortona Christus ipse matrem ostendit, atque addicit.	364
D. Magdalena Christo spiritale convivium exhibet. In eoque tria fercula. Lacrymæ. Oscula. Unguentum.	326	MARIA Virgo à Christo baptisata.	395
& seq.		Maria, id est Domina.	216
D. Magdalena ut aspirarit ad recuperandam gratiam.	339	Maria cur dicitur desponsata viro?	217
D. Magdalena per omnia cōversio.	343	Mariæ servitus, & filiatio.	167
D. Magdalena cur utrumque Christi pedem inungit, & qui illi pedes?	337	Matris Dei infinita quasi dignitas.	168
D. Magdalena crines cur nunquam canitie infecti.	353	Maria fidelium omnium mater.	ibid.
D. Magdalena Eucharistiam defert S. Maximus.	351	Mariæ, ceu matris protectio, ejusque exempla.	169
Moritur in extasi.	ibid.	B. Maria de Incarnatione quomodo arderet amore Dei.	391
D. Magdalena Massiliam tulit ampullam SS. cruoris Christi, qui quot annis 3. diebus liquefcit: feria 6. majoris hebdomadæ: die Circumcisionis, & Inventionis S. Crucis.	354	S. Martina in igne non ardet.	430
D. Magdalena oscula Christi pedibus data quantæ virtutis.	333	S. Martinæ carnifices cœlesti voce terrentur, & convertuntur.	185
D. Magdalena triplex unguentum Christi pedibus affundit: 1. Contritionis.		S. Martina orante fulmine evertitur idolum.	187
2. Devotionis. 3. Pietatis.	336 & seq.	S. Martynianum Anachoretam Delphines duo excipiunt, & exportant.	43
		Martyres cur Candidati Æternitatis? cur Heroes purpurati?	209
		Martyrum cum antiquis heroibus comparatio.	18
		Martyribus, & Sanctis alia, atque alia in cœlis corona.	123



# INDEX RERUM

Martyrum constantia.	253	Minerva inventrix olivæ.	248
Martyrum elogia.	15	Modestia cultus.	21 & seq.
· Dignum Deo spectaculum.	16	Mortificatio corporis.	26
Martyrum fortitudo.	411	Mors Justorum quæ ?	571
Martyrum palmæ quales.	414	Mors Martyrum qualia.	314
Martyrum in vinculis triumphi.	12	Mors porta ad Deum.	368
· Martyrium triplex : Timoris, Amoris, Sanguinis.	14	S. Moysis Abbatis, & sociorum martyrum capitibus corona è cælo delabatur.	122
D. Mathias cur electus ex millibus.	199	Mulieres fucato vultu carpuntur.	25
· Ejus præceptor S. Simeon.	ibid.	Mulierum consortia vitanda.	273, 275
· Patria Bethleem, Tribus Juda.	ibid.	Mulierum consortium ut vitandum.	43
· Ejus electio sorte facta ; quæ fuerit illa fors.	200 & seq.	Mulier quomodo corona viri.	224
Mathias, id est Dei donum, vel donatus à Deo, & parvus Dei.	206.		
· Aliis quid tu Deus ?	ibid.		
D. Mathiæ mors gloriosa.	210		
D. Mathiæ mortui, & sepulti fons uberimus, 212. & medicus.	ibid.		
· Odor ex ejus sepulchro. Oleum manans è dextra illius, qui ejus reliquias tractarat.	ibid.		
D. Mathiæ reliquiæ produntur indicio stellæ.	103		
D. Matthæi vocatio.	417		
· Nominis Matthæi etymologia varia.	418		
D. Matthæi diguitas quanta, & unde ?	422		
D. Matthæi de corpore liquor effluxit.	425		
D. Marthæus cur virginittis victima.	428		
D. Matthæus Ifigeniam & socias Virgines ab incendio liberat.	430		
Matris amor quis, & quantus in filio.	170		
Maximini in Christianos persecutio.	11		
S. Melitii magni in hostes clementia.	142		
Militis partes quæ sint.	267		
		N.	
		N	
		Ati in Insula Melitensi die Conversionis S. Pauli innoxie tractant serpentes, & sua saliva medentur venenatis moribus.	195
		D. Nicolaus 4. & 5. feria abstinet ab exugendis matris uberibus.	75
		D. Nicolaus in Episcopum Myrensem cœlitus eligitur.	79
		· Ejus humilitas.	ibid.
		D. Nicolaus Constantino apparet, tres Tribunos periculo mortis liberat.	85
		· Naufragio liberat.	86
		· Mortuos resuscitat.	87
		· E sepulchro manat oleum miraculosum.	88
		D. Nicolai in virgines pauperes liberat.	81
		· Nominis cura quæ apud Antiquos.	215
		· Nomina antiquitus proponebantur venalia.	ibid.
		Nominis imponendi apud antiquos ratio.	255
		Nominis mutatio à Deo facta boni est omninis.	358
			Nube

# PRÆCIPUARUM.

Nube, cum curru aëreo, transfertur

S. Cadocus.	78
Nubes symbolum beneficentiae.	74
Nuditas ut fugienda.	22
Nuptias fugiens B. Christiana ambulat super aquas.	4
Nuptiae cum Christo triplices.	5

## O.

<b>O</b> bedientia voluntas Dei.	297
Ejus dignitas quanta.	<i>ibid.</i>
Obedientia vera quàm rara.	194
Oculi Animæ duo: Ratio, & Fides.	300
Oculorum custodia.	77
Offa Merciorum Rex D. Petro regnum suum facit tributarium.	320
Oleum symbolum miserationis.	81
Oleum manat è lampade S. Genovesæ; E sepulchro martyrum Placentinorū; S. Tillonis Monachi; S. Euthymii Abbatis.	88
Oleum tranquillat maria.	244
Olei fluxus perennis è vasculo Elisæi, & S. <u>Wesfredi</u> Abbatis.	241
Oliva symbolum sanctitatis; Misericor- diæ; 240. Pacis; 243. Victo- riæ; 248. Aeternitatis.	252
Oscula amoris indicia: Reconciliatio- nis: Venerationis:	331
Communio.	<i>ibid.</i>
Osculo dabatur olim dominium, & jam magisterium: Sacerdotium.	332
Osculari, & amare apud Græcos idem est.	331
Oscula impudica quomodo vitanda.	334
S. Osiha Virgo & Martyr caput ab- scissum ad tria stadia defert ad DD. Petri & Pauli templum.	292

## P.

<b>P</b> astoris spiritualis officia.	356
Patientiae fructus qui	27 & seq.
S. Paulæ Viduæ mortificationes.	26
D. Paulus apparet puellæ moribundæ, & benedicit.	291. Apparet & S. Ni- ceto Episcopo Trevirensi.
S. Pauli Conversionem cur celebret Ec- clesia.	292
D. Pauli conversio quæ facta sit?	181
D. Pauli conversio cœlesti voce.	185
D. Pauli conversio quàm mirabilis.	187
& seq.	189
D. Pauli stimuli ad conversionem.	189
D. Paulo cœcitas profuit ad conver- sionem.	190
D. Paulus quomodo Vas electionis.	192
Ejus obedientia quàm prompta.	193
D. Pauli in Christum amor.	505
Ejus indicia quæ.	306
D. Pauli fides quanta.	302
D. Pauli in Deum reverentia.	308
D. Pauli in alios misratio.	299
D. Pauli mors pro tuenda castimo- nia.	318
D. Pauli caput rescissum tribus saltibus tres fontes è terra elicit.	209
D. Paulus lac pro sanguine fundit.	319
Illo aspersus carnifex convertitur.	<i>ibid.</i>
Caput abscissum tertio resilit, & tres edit fontes. Varii saporis.	<i>ibid.</i>
S. Paulus cœcò visum restituit.	289
D. Pauli obedientia, & quæ ab illo bo- na.	299
D. Paulus statua virtutis.	296
D. Paulo non nocet viperæ morbus, inde privilegium posteris.	195. Lapilli S. Pauli qui & quàm miraculosi.
D. Pauli	<i>ibid.</i>



# INDEX RERUM

- D. Pauli vocatio opus fuit misericordiz. 285
- D. Pauli zelus animarum. 310
- Paupertas Christianis propria. 453
- Utilis. *ibid.*
- Paupertatis religiosæ merces. 298
- Peccatoris miraculosa conversio. 39
- Peccati macula ut eluenda. 342
- Peccatoris totalis conversio. 344
- Peregrinis ad limina Apostolorum licebat sacram Eucharistiam pro viatico deferre. 322
- D. Petri vocatio opus fuit misericordiz. 284
- D. Petri in Christum amor. 394
- Petrus à Christo baptizatur. 295
- A Petro Apostoli Andreas, Jacobus, & Joannes. Ab his alii. 295
- D. Petri fides quanta. 301
- D. Petri obedientia. 297
- D. Petri in Christum reverentia. 307
- D. Petrus B. Mariæ Ogniacensi moribundæ apparet, & claves quibus cælum ei aperit, ostendit. 291
- D. Petrus claudum sanat. 287
- S. Petri umbra ægros sanat. 288
- D. Petrus Rabaudo apparet, & sanat. 286
- D. Petri zelus animarum. 309
- DD. Petri, & Pauli cultus: 1. Tributum annuum. 2. Ædificatio altarium, & templorum. 3. Peregrinatio ad limina Apostolorum. 4. Cultus festi illorum. 5. Imitatio virtutū. 320 & seq.
- DD. Petri & Pauli vocatio, & finis. 293
1. Ut fundatores Ecclesiæ, 2. Ut Salvatores, 3. Ut Cultores vineæ, 4. Ut Medici, 5. Ut Duces, 6. Ut Negotiatores, 7. Ut Dispensatores, 8. Ut Parentes. 293 & seq.
- DD. Petri & Pauli mors quos edat fructus? Et quo digna honore. 319 & seq.
- DD. Petri & Pauli martyrium cur uno in loco, unaque die? 315
- SS. Petrus & Paulus viri misericordiz. 282
- D. Petri uxor etiam martyr. Filia S. Petronilla Virgo. 316
- S. Petronilla Virgo mortem à Deo impetrat, ne nubere cogatur. 316
- Pœnitentiæ dilatio quàm damnosa. 341
- Pœnites qualiter excipi debent. 97 & seq.
- Pœnitentia carni macerandæ necessaria. 275
- Pœnitentia quàm in terris rara; primum amara; dein suavis. *ibid.*
- Pœnitentia vera quæ. 26
- Philippus & Jacobus Apostoli cur filii olei? 238
- D. Philippi labores Apostolici. 249
- Cruciatu, & mors in cruce. 250
- Prodigia in ejus morte. *ibid.*
- D. Philippi eximia sanctitas. 239
- D. Philippus viperam quam Phryges ut Deam colebant, extinguit. 243
- D. Philippus pro inimicis orat Deum, & exorat. 245
- Phocion ut injurias dimittit. 246
- Polycarpus in Episcopum electus columbæ in eum illapsu. 100
- S. Poppo moritur in die conversionis S. Pauli. 196
- S. Prisca in igne manet innoxia. 439
- Prudentes, & solertes dicti olim corymbum. 443
- Publii syllæ dictum infame. 245
- Pulchritudo corporis unde petenda. 205
- Pyraustæ vivunt in igne. 387

R. Rabau-

R.

**R** Abaudi conversio miraculo-  
sa. 286

**S.** Raymundi sepulchrum pulverem eji-  
cit miraculosum. 179

**Regio** in throno confedisse criminale.  
164

**S. Remigii** sepulchrum pulverem eji-  
cit, qui serpentes fugat. 179

S.

**S** Alanandra vivit in igne. 387

**Salaphta** virgo Christi sponsa. 10

**Sampsonis** fortitudo. 367

**Sancti** cur dicantur olivæ? Cur & can-  
delabra? 238

**Sancti** advocati pro nobis in cælo. 31

**Sancti** qui fuere misericordes etiam ex  
ossibus oleum effundunt. 241

**Sancti** quasi candelabra. 433

Quasi planetæ. *ibid.*

**Sanctorum** apud Christum interces-  
sio. 361

**Sanctificati** in utero quoniam? 218

**Sapphyri** natura. 133

Symbolum est cælestis conversatio-  
nis, & aureæ caritatis. *ibid.*

**Sauli** nomen, ejusque etymologiæ va-  
riæ. 184

**S. Secundina** Virg. & Mart. oratione sua  
carnifices servat, & convertit. 187

Lac pro sanguine effundit. *ibid.*

Invitatur ad cælum. *ibid.*

**Sepulchra** SS. indicant impendunt ma-  
la. 376

**S. Severus** electus Episcopus Ravennas  
columbæ in eum illapsus. 202

**S. Severus** Episcopus Ravennas vivus  
descendit in sepulchrum in quo quies-  
cebat uxor ejus & filia, medium se  
collocat, & obdormit. 180

**S. Sifmus** cælesti voce invitatur ad cæ-  
lum. 182

**Simcon** id est exauditio. 442

**Simon** id est audiens, 442

**S. Simon** cur cognominatus Cananæus?  
*ibid.*

**SS. Simonis, & Judæ** parentes. 437

**SS. Simon, & Judas** spiritu prophetiæ do-  
nati. 449

**SS. Simonis, & Judæ** mors gloriosa. 457

**Simonis** magi lapsus. 316

**Smaragdi** natura, color, & pretium. 138

Virginitatis est symbolum. *ibid.*

**Solem** sistit S. Xaverius. 65

Sistit & B. Oringa Christiana. 67

Sistit & S. Fechinus. *ibid.*

**Solitudo** Virgini in amoribus. 21

**S. Solyti** Eremitæ martyrium. 184

**Sponsa** in Scripturis triplex: Ecclesia,  
Anima, & D. Virgo. 198

**D. Stephanus** Virgo. 139

**D. Stephani** in Christum fides. 131

**D. Stephani** frontem cruce lucida signa-  
tam viderunt Judæi. 135

**D. Stephani** pro lapidantibus ora-  
tio. 141

**D. Stephano** oranti Deus quasi pro  
munere Saulum dedit. 137

Saulo & in vita, & in martyrio adfuit,  
ejusque animam excepit. *ibid.*

**D. Stephani** in lapidatores suos cari-  
tas. 135

**D. Stephanus** Adamas simul & mag-  
nes. 140

**D. Stephanus** an Dei essentiam vide-  
rit? 134

O o o

D. Ste-



# INDEX RERUM

- D. Stephanus unde Protomartyr? Unde & Stephanus? [119](#)  
 D. Stephano quæ danda corona? [124](#)  
 Cur ex lapide pretioso? [126](#)  
 Lapides quomodo illi pro corona? [ib.](#)  
 D. Stephani lapides clarent miraculis. [126](#)  
 Ut & illius sanguis, qui ebullire non semel visus: imò quot annis anniversario ejus die liquecit. [127](#)  
 Inò & in ejus inventione. [ibid.](#)  
 D. Stephani corona 1. ex Jaspide. [130](#)  
 D. Stephano datur corona è Sapphyro. [135](#)  
 D. Stephani reliquiis in majorica Judæi quingenti & quadraginta repente ad fidem conversi. [137](#)  
 Susanna Virgo omnia recusat oscula. [334](#)

## T.

- T**eresia apparet Maria & Joseph, ab hoc, & illa accipit vestem albam, torquem aureum cum Cruce gemmis divite. [334](#)  
 Templum D. Petro dicatum Londini, miraculosè ab ipso Apostolo consecratur. [321](#)  
 Testamentum affectum aperit. [166](#)  
 Theatrales ludi ut vitandi. [24](#)  
 Themistoclem à somno excitant Melchiadis trophæa. [323](#)  
 S. Theodorus Martyr idola confringit, & dat pauperibus. [94](#)  
 DD. Thomas Aquinas, & Bonaventura dux olivæ, duo candelabra. [238](#)  
 D. Thomæ Apostoli domus infideles non admittit. [106](#)  
 D. Thomas cur vulnerum cicatrices in Christo resurgente requirit? Utrum in hoc incredulus, & infidelis. [104](#)

- D. Thomas symbolo Apostolico hunc articulum inseruit: *Surrexit à mortuis.* [109.](#) Tres Reges baptizavit. [ibid.](#)  
 Tadeum ad Abagarum Regem tranmisit: Parthos, Medos, Persas, Hircanos, Indos, Ethiopas convertit. [109](#)  
 D. Thomæ Crux anniversario die illius martyrii & colorem mutat, & liquorem effundit. [116](#)  
 P. Marcello Francisco Maltrilli ad illam crucem adventanti visa est sudore madere per horas viginti quatuor. [ibid.](#)  
 Ad D. Thomæ caput apparent cœlestia lumina. [117](#)  
 D. Thomæ, & martyrum fortitudo à Christi vulneribus. [111](#)  
 D. Thomæ sepulchro pridie illius festi vitis palmes aridus illico revirescit. [101](#)  
 Timor Dei martyrrium. [13](#)  
 Timor lapsus in peccatum. [198](#)  
 Animi est speculum. [ibid.](#)  
 Tribulatio ut justos probat, probat & injustos [392](#)  
 Tribulationis fructus qui? [17 & seq.](#)  
 Via ad cœlum. [39 & seq.](#)  
 Tribulationibus suæ coronæ. [123](#)  
 Tribulationibus crucifigi debet anima sancta. [95](#)  
 Tributa ut exigenda. [267](#)

## V.

- V**erbi divini prædicatio qualis esse debeat. [310](#)  
 Verbum Dei est animæ cibus. [62](#)  
 Lux etiam animæ. [63](#)  
 Vindicta Christianis indigna. [144](#)  
 Vineæ cur dicatur Synagoga? [409](#)  
 Cur etiam Ecclesia? [403](#)  
 Vir

# PRÆCIPUARUM.

Vir quomodo corona mulieris.	<u>224</u>	Unguentum quo Magdalena Christi pē-	
Virginitatis amor.	<u>4. 5</u>	des inungit, humanitatis fuit Sacra-	
Virginitatis encomia.	<u>71</u>	mentum; Pietatis oleum; Unguen-	
Virginitas ut fecunda.	<u>13</u>	tum misericordiæ.	<u>236</u>
Virginitatis laus, & commendatio.	<u>427</u>	S. Viualgus cæcum sanat.	<u>287</u>
Virgines sūt amantes solitudinis.	<u>21</u>		
Virgo ubique pura.	<u>71</u>		
Vitæ pretium nulli rei æquandum.	<u>276</u>		
Vita cur similis lucernæ, aut faci?	<u>166</u>	<b>Z</b> elus divinæ gloriæ, & anima-	
Vita scala est.	<u>368</u>	rum.	<u>57</u>
Unguentum S. Antonini Abbatis mira-		Zelus animarum. 309. & seq. 408.	<u>455</u>
culosum.	<u>335</u>		

FINIS.



















